



456



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4648/A/1





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4648/A/1



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4648/A/1



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4648/A/1


On studio medicorum. T. A. 2. 13. 14

A. XIX. b.

4648/A/1



LXXV




30681


B. III. 1A.

30681

Wan
148/12



ORIBASII SARDIANI
SYNOPSEOS AD EVSTATHIVM
FILIVM LIBRI NOVM:
QVIBVS TOTA MEDICINA
IN COMPENDIVM REDA=
CTA CONTINETVR:
IOANNE BAPTISTA RASARIO
NOVARIENSI MEDICO
INTERPRETE.



VENETIIS, CVM PRIVILEGIIS
Pontificis max. Regis Galliae, Senatus Veneti,
et Ducis Florentiae, in annos X.

COSMO MEDICI ILLV=

striss. & excellentiss. Duci Florentiæ,

Ioannes Baptista Rasarius Noua=

riensis medicus S. P. D.

V M mihi ab ineunte ætate persua=
sissem Cosme Medice Dux maxime,
c nihil ingenij exercitatione, studijsq; li=
terarum esse præstantius, nihilq; esse
homini magis proprium, quam pro
uirili parte omnibus prodesse: ita semper in literis
sum uersatus, ut quoad eius fieri à me posset, publi=
cæ omnium utilitati consulerem. itaq; et libellos ali=
quot admodum adolescens de græcis latinos feci, &
græcas literas multos annos in academia Ticinensi
publice docui: quo etiam munere in hac urbe claris=
sima nunc fungor. cumq; arderem incredibili desi=
derio, ut aliquod mearum uigiliarum munus in tuo
nomine appareret, ut quoniam tuo, maiorumq; tuo=
rum beneficio literæ, scientiæq; omnes, quæ iandiu
exules in tenebris iacebant, restitutæ, atque in Ita=
liæ luce collocatæ, & ad summum gradum euectæ
fuerunt, aliquam tibi ego quoque grati animi mei
significationem darem: ut id possem efficere, mihi
suppeditauit Nicolaus Sammichelius Nouocomensis
uir præstantissimus, & singulari medicinæ, mul=
tarumq; artium, ac scientiarum cognitione ornatiss=
simus: is enim cum sciret ea, quæ fusa latius anti=
quiores medici persequuti essent, omnia ab Oribasio
unum in uolumen erudite, diligenterq; fuisse reda=

A ij

Etā, ut uno quasi aspectu quilibet totam medicinam
intueatur, mihi persuasit, ut eum librum latinitate
donarem. quod ut maturius facerem, codicem suum
peruetustum, quem olim ex Græcia deportauerat,
mihi accommodauit. cumq; is liber ad eundem, qui
auctor ipsius confectionis fuisset, quasi iure quodam
esset deferendus, ipse princeps admonere me cœpit,
atque hortari, ne tibi id, quod sciret me iandiu ani=
mo exoptauisse, deberem diutius: quin etiam mihi
urgendam esse hanc occasionem, neque ullam repe=
riri meliorem posse confirmauit. quod cum uir sum=
ma uirtute, & humanitate Petrus Carneseccus tui
obseruantissimus ex me cognouisset, ita approbauit,
& consilium hoc commendauit, & ut in eo omnino
perstarem, amplissimis uerbis admonuit, ut licet ego
non esse mihi properandum statuissem, quanquam
hoc ualde cupiebam, tamen eruditissimorum homi=
num, & quibus me charissimum esse sentirem hor=
tatu, ac suasu factus sim promptior. nam præter
rationes, quas ipsi afferebant, uidebam ego multas
causas esse, quam ob rem Oribasius medicus tibi es=
set dedicandus. etenim præterquam quod tanta sit
nominis tui celebritas, atque fama, tantaq; fuerit
usque à puero de te concepta opinio, re postea con=
firmata, & facta in dies maior, ut non modo tua
felicissima Rep. te uehementer diligat, atque obser=
uet, sed etiam, ut omnes mortales te maximopere
admirentur, cum omnes uno ore summam pruden=
tiam tuam, & in ista Rep. administranda æquita=
tem commendent, mores tuos optimos celebrent, tem=

perantiam in te ita suspiciant, ut licet in urbe pulcherrima, et omni genere deliciarum affluenti summa cum potestate sis, ita tamen semper uixeris, ut non modo crimine, sed etiam suspitione omnino carueris: & te quasi numen quoddam in hac mundi sede ad usus hominum bonorum, & præsertim eorum qui in literis tempus operamq; suam ponunt, diuinitus collocatum uenerentur: quædam etiam non mediocris inter medicum & Medicem intercedit similitudo. nam ut medicus corporis morbos profligat, ut animi sedes, ac domicilium conseruetur: ita Medices animos sanauit, ut se una cum corporibus tueri & conseruare diutius possint. atque (ut de te Dux maxime, tuisq; maioribus simul uerba faciam) id cognominis Dei optimi maximi uoluntate uobis fuisse impositum uidetur. Cum enim totam fere Italiam barbaries quædam occupasset, ut literæ omnes iacerent, artes sordescerent, scientiæ contemptui ducerentur, & uix ullum esset earum uestigium, militaris denique disciplina ita esset despecta, ut Itali omnium ignauissimi haberentur; ita uos omnia restitulistis, omnia instaurastis, omnia denique à morte ad uitam reuocastis, ut quemadmodum resolutos, attonitos, & eos, quorum mens caligine quadam oppressa munere suo non fungitur, medici curant, & hominum salutem custodiunt: ita uos languidos & prope iacentes erexistis; enerues, robustos reddidistis; stupidos excitastis; tenebras ex animis hominum expulistis; et à barbarie, quæ erat rerum omnium perniciēs, liberastis; ut uestra uirtute, uestroq;

A iij

beneficio omnia pristino nitore, et decori fuerint restituta. quas in res tu nunc etiam sic incumbis, ut non modo ab optimis, summisque principibus originem ducere, et à Ioanne Medice clarissimo fortissimoque imperatore genitus esse uidearis, sed sicut uirtutem, ita etiam gloriam eorum omnium longe superes: quod quidem res quamplurimæ à te præclarissime gestæ, innumera, sanctissimaque instituta tua, et ingenium omni liberali doctrina politissimum, et perpetuum studium in homines eruditos perspicue declarant. quæ omnia propter singularem meam erga te obseruantiam nunc libentissime explicarem, nisi imparem factis orationem meam futuram plane scirem: Et Oribasius me admoneret, se ideo compendium hoc conscripsisse, ne liber in ingens uolumen excresceret: Et tu denique maximarum rerum, Et istius optimæ Reip. administratione, et rei militaris negotiis sis impeditus, ut multa huiusmodi legere non possis. quam ob rem te maiorem in modum rogo, ut Oribasium in fidem, amicitiamque tuam sic recipias, ut quamuis Iulianum eruditissimum imperatorem, cui charus fuit, amiserit, nunc tamen hac multo meliore patroni commutatione gratuletur: Et quæso; ut hanc animi in te mei propensionem ita accipias, ut ab homine qui te plurimum colit, Et obseruat, profectam putes: nec huius opusculi exiguitatem, sed animum, quo nomini tuo consecratur, æstimes, atque perpendas. Cura, ut ualeas.

Venetijs Calen. Decemb. M. D. LIII.

PRIMI LIBRI ARGUMENTVM.

Primo libro continentur ea, quæ ad bonam ualitudinem tuendam pertinent: deq; exercitationibus & euacuationibus, quæ uiris, mulieribusq; conueniunt, & de aere, sudoribus, balneis naturalibus, & arte paratis, cataplasmatibus, dropacibus, sinapismis, & ijs, quæ ruborem inducunt: agitur. Eius uero capita sunt hæc.

Præfatio ad filium.	
De frictione preparante	Caput I.
De exercitationibus	Cap. II.
De generibus exercitationum	Cap. III.
De frictione	Cap. IIII.
De uociferatione	Cap. V.
De rebus uenereis	Cap. VI.
De uenæ sectione	Cap. VII.
De iterata sanguinis missione	Cap. VIII.
Quantum sanguinis mittendum sit	Cap. IX.
Quæ uena sit secanda	Cap. X.
De tempore uenæ secandæ	Cap. XI.
De arteriarum sectione	Cap. XII.
De cucurbitulis	Cap. XIII.
De scarificatione	Cap. XIIII.
De hirudinibus	Cap. XV.
De purgatione	Cap. XVI.
Quæ per inferiores partes purgant	Cap. XVII.
De uomitibus	Cap. XVIII.
De clysteribus	Cap. XIX.
	A iiij

De glandibus	Cap. XX.
De ijs, quibus caput purgatur	Cap. XXI.
Quæ menstruas purgationes ducunt	Cap. XXII.
Sudores mouentia	Cap. XXIII.
De aere	Cap. XXIIII.
De fomentis	Cap. XXV.
De cataplasmate	Cap. XXVI.
De lotionibus	Cap. XXVII.
De balneis industria paratis	Cap. XXVIII.
De balneis per se nascentibus	Cap. XXIX.
De dropacibus	Cap. XXX.
De sinapismo	Cap. XXXI.
De infessu in solio ex oleo	Cap. XXXII.
De ingressu in hydrelæum	Cap. XXXIII.
De remedijs metasyncriticis	Cap. XXXIIII.
Quæ ruborem inducunt	Cap. XXXV.

5

ORIBASII SARDIANI COMPENDII

ad Eustathium filium, Liber Primus.

Ioanne Baptista Rasario Nouariensi
medico interprete.

V M Diuus Iulianus Imperator nobis olim iniunxisset, ut quaecunque medici praestantissimi conscripissent, quae ad tuendam ualeitudinem pertinerent, unum in uolumen redigeremus: nos ea septuaginta libris prompto animo comprehendimus. nunc uero cum tu Eustathi fili suauissime, ea etiam in compendium redigi cuperes, id quoque impigre confeci: siquidem uidebam hoc non solum tibi, cum iter faceres, sed alijs etiam, qui non oscitanter medicinae operam dant, maxime accommodatum fore. quicumque enim in latis medicinae spatijs uagati studiose & diligenter se in ea exercuerunt, hoc compendium habebunt, quod facile eis suppeditabit ea, quae fuerint agenda: quandoquidem qui haec, quae à me breuiter, summatimq; dicuntur, perlegent, ad memoriam reuocabunt omnia, quae ad cuiusque rei cognitionem pertinent: & fiet, ut eorum quae in usu medicinae uersantur, satis magna eis suppetat copia, neque onus pergrauae secum ferant. Ea autem morborum remedia solum describentur, quae in promptu sunt, & parari facile possunt: & quaecunque medicamentis & uictus ratione quod facto opus est, praestare consueuerunt. De parte uero medicinae, quae manu medetur, quod

ORIBASII SYNOPSEOS

ea in itineribus tractari difficiliter possit, mentionem nullam faciam. ad eam enim plerunque opus est machinis atque instrumentis, quæ neutiquam facile suppetunt, quemadmodum in fracturis persæpe, & articularum luxationibus contingit. ex quibus, quæ solum manu curari queunt, ab ijs, qui pueros corporis exercitationem docent, quiq; athletarum curam gerunt, optime restituuntur. Hæc igitur, & alia omnia, quæ manuum opera curantur, melius ab exercitoribus obeuntur. quo circa hæc demandantes eiusmodi hominibus, eorum, quæ nos urgent, quæque diutius consultandi tempus non concedunt, curationes, quæ medicamentis & ratione victus absoluuntur, percensebimus.

De frictione preparante. Cap. I.

ANTE exercitationes corpus mediocriter calefacere frictione ex linteis oportet: mox oleo manibus nudis fricare donec corpus probe calefiat, & molliatur: & rubor floridus appareat, & in molem extollatur.

De exercitationibus. Cap. II.

EXERCITATIO est uehemens motus. terminus uehementiæ est anhelitus ad frequentiore alteratio. Porro laboriosæ exercitationes membra organica præparant, & robustiora ad actiones, & ad ualidissimam alimēti attractionem promptissimamq;

alterationem, & meliorem appetitum propter calorem excitatum reddunt. Meatus purgant, & vehementi spiritus impetu excrementa expellunt. Cum igitur digestionem in corpus adiuuent, neque crudorum, neque incoëtorum ciborum, aut succorum in uentriculo, atque intestinis multitudo sit, oportet. Periculum enim esset, ne antequam per concoctionem utiles facti essent, in omnes animantis partes raperentur. ex quo perspicuum est, exercitationes debere cibum præcedere. Opportuni temporis nota, urinæ color est. quæ enim aquæ speciem præfert, crudum adhuc esse eum succum indicat, qui à uentriculo submittitur: quæ uero rufa, biliosaq; est, iandudum concoctum esse: quæ mediocriter pallet, nuper factæ concoctionis signum est. ac tunc quidem adeunda est exercitatio, eiectis tamen prius excrementis, quæ in uesica, & uentre continentur.

De generibus exercitationis. Cap. III.

OMNIVM exercitationum commune illud est, ut animanti caloris incrementum ex ipsis exciteatur. Ex singulis porro exercitationibus alia ualens est, in qua respiratio est uiolenta sine uelocitate, quæ musculis, & neruis robur parat. eiusmodi sunt, fodere, & onere maximo sublato, aut manere eodem in loco, aut paululum procedere. declines etiam inambulationes huius generis sunt: & si quis per funem manibus apprehensum scandat: & alia quamplurima his similia. aliæ uero citra robur, &

ORIBASII SYNOPSEOS

violentiam peraguntur, cuiusmodi sunt cursus, & umbratilis armorum exercitatio, & cum duo summis manibus concertant inter se. quæ uero per follem & paruam pilam fit exercitatio, est composita ex robusta & citata. Quæcunque autem exercitationes robustæ sunt, ijs omnibus ut uehementibus uti possumus, motus celeritate adiecta. Præterea ex ipsis exercitationibus aliæ magis lumbos, quàm manus, uel crura exercent: aliæ spinam, aut thoracem solum, aut pulmonem. Usque eo exercendum est, dum corpus intumescat, & floridum fiat: motusq; & prompti & æquabiles, & concinni edantur: inter quæ sudorem calidum commistum intueberis. ac tum primum inhibenda exercitatio est, cum aliquod horum fuerit immutatum. ueluti si contractior corporis moles uidebitur, illico desistendum est. eodemq; modo si floridus color euanescat, est cessandum. in motibus quoque si quid remitti uideatur, statim est desinendum. itemq; in sudoribus si qua mutatio aut in copia, aut in qualitate contingat, ut si uel minor, uel frigidior edatur, erit itidem quiescendum. tum corpus oleo perfundendum, & deinde utendum apothera. postremo autem apothera fricione utendum, ut exercitores facere consueuerunt.

De propria fricione. Cap. IIII.

EX frictionibus uehemens densandi, lenis rarefaciendi uim habet. quocirca corpora, quæ supra modum laxata sunt, uehementer sunt fricanda.

quæ constricta sunt, leniter. quæ mediocriter se habent, in ijs nec uehementi, nec leni frictione, sed quoad eius fieri potest, utroque extremo declinato, utendum esse, perspicuum est. nimia frictio extenuat, quæ uero quantitate media est, nutrit. Atque hæ tres differentiæ frictionum, quæ à qualitate ducuntur, tribus quæ ex quantitate existunt, coniunctæ, coniugationes nouem conficiunt.

De uociferatione. Cap. V.

IN uociferationibus suavis et lenis uox nihil ad bonam ualetudinem confert. at sonus uocum grauiorum utilis est. quocirca in eo exerceri conuenit. ita enim plurimus aer per inspirationem attractus in corpus, thoracem, atque uentriculum extendit. & totius corporis meatus dilatat, atque diducit. quam ob rem in lectionibus humores exuberantes excernuntur. ac in elatioribus quidem lectionibus per sudores, in submissioribus uero, per occultum totius corporis perspiratum. illa enim attenuatione efficitur, ut multa excrementa, sreatus, sputa, mucus, & pituita expellantur, & consumantur. nam quibus calore opus est propter frigiditatem, quodnam asferri accommodatius auxilium potest, quam id quod actio respirationis præstat? Ergo sæpe legendum est, ut toto corpore laxato, carneq; raritate perfusa, arteriam, cæterosq; spiritus transitus studiose raros efficiantes per grauiiores uocis terminationes modulemur. Vocis actione neque temere, neque inconsulto

ORIBASII SYNOPSEOS

utendum est . neque etiam cum prauorum , corru-
ptorumq; humorum adfuerit copia . quin etiam uox
exercenda non est , cum magnæ , & euidentes sto-
machi cruditates apparent : ne corrupti uapores lar-
gius per corpus distribuantur .

De ueneris ex Rufo.

Cap. VI.

EX rebus ueneris hæc commoda sunt : quod
superuacaneum est , inaniunt , corpus agile reddunt ,
ad incrementum promouent , & magis uirile effici-
unt . animo uero id præstatur , à uenere , ut impedi-
tam rationis uim explicet , iramq; uehementem se-
det . ideo fit , ut uenus melancholicis , si quid aliud ,
accommodatissimum sit remedium . eadem integros
sensus reddit eorum , quicunque alio insanix genere
laborant . summe facit etiam ad morbos , qui ex pi-
tuita nascuntur . alij ab inedia ad cibum facile su-
mendum redierunt . alij à continuis pollutionibus ,
quæ in somnis fiebant , sunt liberati . Naturæ autem
ueneris idoneæ , sunt calidæ , & humidæ . præ cæte-
ris uero , quæ prouiores ad uenerem sunt . minime
omnium ad uenerem facit uictus exsiccans , & re-
frigerans , atque ætas senilis , tempus autumnale .
ergo uictus ratio humida & calida instituenda est .
labores , & cibi moderati sint . quemadmodum labo-
res moderati , ita etiam concubitus moderati conueni-
unt . nam & ad rem ipsam incitant , & consuetu-
dine facilitatem quandam præbent . Libido , si quid
aliud , alimenti exuberantiam exigit . ex quo fit , ut

qui cibi ualde nutriunt, ij sint accommodati. atque ex piscibus, Polypodes apti sunt. excitare enim uenerem mirum in modum existimantur. quicunque etiam molles carnes habent, huius sunt generis. Ex oleribus orminū, erysimum, eruca, & rapa: hæcque ut medicamenta apta sunt. Ex leguminibus profunt fabæ, cicer, eruilia, phaseli, & pisi: à quibus corpus cum flatu impletur, tum uero etiam copiose alitur. Ruta autem quia flatu discutit, ac propellit, ideo commiscendi corporis libidinem obtundit. Vnas ego magnopere commendo. nam & humectant, & spiritu replent sanguinem, qui impetu fertur in uenerem. Qui ad uenerem est accessurus, recentes satietates, cruditates, ebrietates, & famem caueat. coire enim cum excrementis, malum est. Qui ueneris uti uoluerit, optime utetur à cibo, qui ad satietatem non sit ingestus. nam hoc & ad uires confert, & refrigerationes quæ subsequi solent, minus contingunt. noxium est post labores concumbere. Cauendus etiam concubitus est à lassitudine, & post uomitus, qui præcesserint, itemque purgationes, & alui fluxus recentes, siquidem diuturnos quandoque uenus exsiccat, Ita uehementes quoque cupiditates non laudo. immo uero tum continendum magis censeo, ac præsertim ijs, quos morbus aliquis infestat.

De uenæ sectione ex Galeni sententia. Cap. VII.

VENAE sectio non solum cum plenitudo est, eaque siue ad robur, siue ad uasorum, quibus succi

ORIBASII SYNOPSIS

continentur, amplitudinem, pertineat, sed etiam si plenitudo nulla sit, magnopere prodest initio inflammationis, quæ uel ex dolore, uel ex plaga, uel ex partium corporis imbecillitate oriatur. si magnus morbus expectetur, sanguis omnino mittendus erit, etiam si plenitudinis signa non adsint, habita tamen ratione ætatis, anni temporis, & uirium. Vtrum ne ad uenæ sectionem omnino progrediendum est, in utroque plenitudinis genere, cum hæc ipsa appareant in aliquo, qui adhuc consueta munia obeat? An minime necesse est, cum nullus magnus morbus imminere uideatur, an statuendum hoc omnino est, ut in omnibus magnis morbis necesse sit uenæ sectionem confestim adhiberi? Qui uero nihil eiusmodi passi sunt, omniumque corporis partium constructionem uitio carentem sint sortiti, duplici uia euacuantur: sanguinis quidem missione, si in uictu sint intemperantes: sine uenæ sectione autem, si temperate uitam degant. nam & multa frictione, balneisque, & ambulationibus, atque alijs motionibus, & item unctionibus, in quibus digerendi uis inest, statim exhaurire plenitudinem poteris: nisi forte crassi, melancholicique sanguinis abundantia tibi adesse uideatur, quandoquidem tunc uenæ est facienda sectio. Vbi autem crudi succi exuperant, antequam morbus incipiat, euacuabis, sed caute. ubi uero febris iam accedit, non item. Si qui autem facile in morbos incidunt, nec tamen ullum symptoma appareat, eis initio Veris secanda uena est. Omnibus etiam, quos singulis annis morbi, qui ex plenitudine oriuntur, in æstate exercere

exercere solent, ineunte uere mittendus est sanguis. Idem quoque faciendum est in ijs, qui eiusmodi morbis uerno tempore corripuntur. Id uero facere antequam æstas incipiat, & sub finem ueris expediet.

De iterata sanguinis missione. Cap. VIII.

IN quibus multa euacuatione opus est, uires autem infirmæ sunt, in ijs partiri euacuationem præstat, ut cum parum sanguinis detraxerimus, iterum, siq; lubet, etiam tertio eundem mittamus, quemadmodum in ijs fit, in quibus crudiorum humorum inest copia. Cæterum ubi feruescentis sanguinis copia redundat, acutissimam febrim accendens, euacuatio confertim facienda est, conandumq; est inanire, usque ad animi defectionem, uirium robore diligenter inspecto. quemadmodum scio quibusdam sex subinde heminas sanguinis fuisse detractas. quam ob rem etiam de nocte uenam interdum incidere ne uerearis. animum uero diligenter adhibere oportet ad detractiorem, pulsus tangendo dum sanguis adhuc fluit. ne forte pro animi defectione, mortem afferre te, nescias.

Quantum sanguinis mittendum sit. Cap. IX.

MORBI magnitudo & uirium robur primi scopi sunt mittendi sanguinis. hi aucti maiorem euacuationem esse faciendam indicant: non aucti, tantum esse diminuendum de sanguinis missione, quan-

ORIBASII SYNOPSEOS

to illi minores sint redditī . Deinde , expendendum est , qualis sit hominis natura . quibus enim uenæ amplæ sunt , quīq; mediocriter sunt graciles , nec candidi , neque tenera carne , eos copiosius euacuabis . qui uero contra affecti sint , parcius . nam & parum sanguinis habent , & facile exoluuntur . Eadem etiam ratione pueris uena incidenda non est usque ad decimumquartum ætatis annum . Post uero si copiam sanguinis congefferint , tempusq; anni uernum sit , regioq; temperata , ac puer sit natura sanguinea , sanguinem minues . id quod multo etiam magis facies , si grauioris morbi periculum immineat . Primum autem detrahes usque ad heminam , ad summum . quod si uires firmæ esse tibi uidebuntur , dimidium adicies iterata missione . iam septuagenarios quoque , cum uires robustæ sint , euacuabis . Mentem uero adhibere oportet ad sanguinis mutationem tum in colore , tum etiam in consistentia , ac præsertim ubi inflammationis causa uena secetur .

Quæ uena sit secanda . Cap. X.

REVULSIONIS causa uenam secato è directo partium ad quas sanguis fluit : ut affecto lienæ uena quæ est prope annularem digitum sinistræ manus : uel interna cubiti , secanda est . In lateris dolore eam quæ recta ad locum affectum pertinet , incides . Oculorum præterea dolores uehementes mirum in modum sedantur , si uena humeraria in cubito è directo secetur . sunt hi tres modi sanguinis ex

cubiti uena mittendi, interior, exterior, medius. Interior autem utilis est ijs, quorum partes, quæ infra collum sunt, patiuntur: exterior uero ijs, quibus facies & caput laborant: medius denique ad inferiores & superiores partes est accommodatus. Si in uenæ sectione error committatur, in media uena nervus subiectus incidetur: eamq; nisi magna necessitas urgeat, secare cauendum est. humerariam uenam omnino sine periculo secabis. Et tamen ex hac quoque nonnulli diuturnos dolores acceperunt: sed nemini eorum, qui ita fuerunt affecti, semel uena fuit percussa, sed bis & ter ab ijs, qui eam secabant, posteaquam aberrauissent. maxima uero incisione semel facta nemo inflammationem, nec dolorem sensit. idcirco citra timorem incidenda est. magna uero cura adhibenda est in secanda media. infernam uero ne secemus danda opera est. Porro ut partes memoratæ secta cubiti uena iuuantur, ita quæ his sunt inferiores, hoc est coxa, uesica, et uterus, curantur sectione earum quæ prope malleolos & poplitem sitæ sunt. Renes ab utraque parte uenarum subleuantur. In principijs autem inflammationum uena secanda est ad reuellendum. in inueteratis, præcipue mittendus est sanguis ex ipsis affectis particulis. Si ab ijs non queas, à propinquis mittito. In quibus autem corporibus nulla adhuc particula affecta est, euacuationemq; uere ineunte ante molimur, uena omnis æque est ad incidendum accommodata.

ORIBASII SYNOPSEOS

De tempore uenæ secandæ. Cap. XI.

IN quacunque diei, noctisq; hora animum at-
tendendo ad singularum accessionum in febricitanti-
bus declinationem, uenam secabis. In ijs uero qui fe-
brem non habent, hocq; indigent auxilio, magni-
tudo affectionis, ad quam uenæ sectione opus est,
spectari debet. cum nihil horum aut urgeat, aut
prohiheat, præstat mane uenam secare interiecto
unius horæ spatio, ex quo quispiam est experrectus.
Alios lauare melius est, alios etiam prius deambula-
uisse: alios uero, postquam nonnullas res consuetas
confecissent. Vbi uero simpliciter euacuare uolumus,
eodem etiam die iteranda erit sectio. at in quibus re-
uellere, si duobus deinceps diebus fiat, optime fiet.

De arteriarum sectione. Cap. XII.

ARTERIAS, quæ in temporibus sunt, me-
dici secant, cum humores calidi, & flatuosi in ocu-
los confluunt. eas uero quæ post aures sunt, in uer-
tiginis obnoxiijs, atque ijs præsertim, quos diurni
capitis morbi calidi, & flatuosi exerceant. Iam ue-
ro & in alijs quoque diurnis capitis morbis arte-
rias, quæ post aures sunt, incidunt. alij uero incide-
re arterias uerentur, quia sanguinis fluxus diffici-
ter suppressitur, & quia cum sectio ad cicatricem
uenit, aneurysma efficitur.

De cucurbitulis Cap. XIII.

CUCURBITVLARVM usus neque in principijs morborum adhibetur, neque cum succi omnes æquabiliter exuperant in corpore: Sed cum antea euacuatum totum corpus fuerit; neque quicquam ad partem præterea fluat, opusq; sit mouere, excutere, & ad partes extimas trahere. Ne uero prope mammas affigantur cucurbitulæ, cauendum est. illapsæ enim cucurbitulis nonnunquam mammæ, et inturgescences, magna admodum difficultate auelantur. quo quidem casu cucurbitulas spongijs ex calida aqua circundare oportet: si quidem ita remittentur. sin minus, cucurbitulas perforare consilium est.

De scarificatione ex Apollonij commentarijs.

Cap. XIII.

VENAM in anno sæpe incidere, non esse accommodatum puto: quoniam una cum multo sanguine spiritus quoque uitalis effunditur. quo crebrius exhausto tota corporis compages refrigeratur, & omnes naturales actiones peius obeuntur. quocirca mea sententia est ab ignobilissimis partibus, ut pote à cruribus sanguinem mitti. Præstantissimum hoc auxilium est tum ad tuendam sanitatem, tum ad recuperandam, cum auersa fuerit. Oculis quoque diutina fluxione oppressis, ac cæteris affectionibus capitis, itemq; thoracis, & anginæ prodest scarifica-

B iij

II ORIBASII SYNOPSEOS

tio . Constipationes autem , quæ aliqua in parte sint locali scarificatione sunt dissoluendæ .

De hirudinibus ex Antyllo. Cap. XV.

HIRVDINES captæ unum diem seruandæ , atque exiguo sanguine alendæ sunt . ubi uti uolueris , partem , cui applicandæ sunt , ni tro fricabis , & sanguine illines , aut fouebis . hirudinesq; in aquam puram , & tepidam iniiciendæ sunt , deinde sumendæ , tum spongia excipiendæ , & strigmentis purgandæ , ac denique admouendæ . Intumescentes autem trahere non desinent : donec sale aut cinere ora ipsarum perspergantur . cum exciderint , spongijs fouendus est locus . si sanguinis fluxus perseueret , galam ustam , aut spongiam nouam pice liquida illitam , et chartam ustam aceto madefactam applicato .

De purgatione. Cap. XVI.

SANA corpora difficiliter purgantur . nam et uertigine uexantur , ac torquentur , fitq; molesta purgatio : & celerius præterea exoluuntur . Qui igitur adhuc ualent , casuri tamen in morbum sunt , nisi prius purgentur , euacuandi sunt incunte uere . in comitialibus uero , quiq; ægre spiritum ducunt , pituitosos humores subducendo , in doloribus uero articulorum , si cum multo calore sint , amaram bilim : si cum tumoribus frigidis , pituitam . prius tamen crassi & glutinosi humores attenuandi , secandiq;

sunt, & meatus etiam, per quos humores à purgantibus medicamentis traiciantur, ac ducantur, aperiendi: si optima in rebus omnibus sit successura purgatio. Ergo in principio serosos, tenuesq; humores uacuabis: crassorum atque tenacium quales suapte natura sunt pituita, & atra bilis, concoctionem expectabis. In ijs autem, qui iam ægrotant, si diuturnus morbus est futurus, semper est expectanda concoctio. at in acutis, cum materia turgēt, etiam in initio potes medicamentum præbere, idq; magna cum animaduersione, cum humores in motu sunt, præcipites feruntur, ac fluunt. Quicumque autem in aliquam partem decubuerunt, ij neque ullo alio auxilio mouendi, neque medicamento purgandi sunt prius, quam fuerint concocti. quo etiam tempore crisis efficitur. Cum uero medicamenta purgantia uentriculi os lædant, excogitatum est, odorata eisdem admiscere: ut ne sola, ne ue sincera ipsorum uis uentriculi os attingat.

Quæ per infernas partes purgent, quibus utamur. Cap. XVII.

ELEBORVS niger bilem & pituitam per aluum ducit scamonea admista. si purgare mitius uelis, satis erit elebori radices siccas ad drachmas duas incidere, uinoq; dulci, aut oxymelite perspergere: deinde in lentibus, aut ptissana coquere, uel cum iure gallinæ sorbendum dare: scamoneæ uero tres oboli possunt eleboro admisceri. præstat autem iu-

B iiij

ORIBASII SYNOPSEOS

cunditatis gratia anisi, & petroselini, & dauci parum eleboro adiungere.

Cnidius coccus pituitam, & bilem, & aquosa, & pleraque expurgat. est autem feruens, & acutissimus ad purgandum. dantur eius grana triginta. si lenius purgare uelis, uiginti. cortex auferendus est, internaq; pars cum melle & polenta trita præbetur, aut in melicrato potui datur. Sed cum uino melius bibitur: à potu uero parum olei absorbeo, ne fauces exurat. sumitur etiam ex melle cocto, grana contrita melle illinendo.

Mercurialis si tenera folia decocta comederis, abunde stercus expellent. si uero decoctum uino admistum bibas, ualentius aluus deiciet.

Polypodium pituitam, bilem, & aquosa educit. radices dantur drachmæ duæ affusæ aqua mulsa, uel aqua. non pessime etiam super salsamentum deraditur, & ante prandium comeditur. radix quoque in ptissana, aut gallinaceo iure incocta citra molestiam purgat.

Colocynthis pituitam, & bilem puram educit. datur medullæ interioris drachma una ex aqua mulsa. si mitior purgatio queratur, colocynthidos semen eijcito. in corticem uinum dulce perfundito, sub molli cinere coquito usque dum probe concaluerit: idq; potui dato ijs, quibus non uehementi purgatione opus est, & quibus liuida exanthemata per cutim efflorescunt.

Aloe non acriter purgat, stomacho accommodatissima est. satis est dare drachmas duas cum aqua

mulsa, pituitam, & bilem ducit. Sumi etiam com-
mode potest quotidie à cæna. pertransit enim, ne-
que cibos corrumpit. Præterea neque sitim, neque
famem inducit. Tritam aloen succo brassicæ excipe et
catapotia ad ciceris, aut fabæ magnitudinem confi-
ce: ex ijs duo, & tria sumito, ut euacuandi neces-
sitas sit. Potes etiam cum resina catapotia conficere,
& cum melle cocto. recte quoque scamoneam ad-
miscbis.

Epithymum atram bilim, pituitamq; educit. da-
to eius triti & cribrati drachmas binas cum uino
dulci, aut plus eo, cum melle, salem admiscendo.
confert flatuosis, & hypochondriacis affectionibus,
& cruditatibus, et quibus iecur grauatur, quiq;
difficiliter spirant.

Agaricum pituitam & bilem purgat, & non
acute. dantur drachmæ duæ ex aqua mulsa, uel
oxymelite.

Euphorbium aquosa, et biliosa copiose educit.
estq; eorum, quæ norim, acutissimum, atque arden-
tissimum. Hoc quidem hydropibus, colicisq;, et ijs,
qui uentres frigidiores habent, conuenit, sed cæte-
ros uehementer perturbat, sitimq; affert. odoratum
aliquod semen miscendum ei est. bibendum ex meli-
crato ad tres obolos.

Cnicus pituitam et bilem, sed non uehementer,
purgat. seminis triti succus excolandus est, et iure
gallinaceo admisto sorbendus. Quidam aniso, melli,
amygdalisq; commiscet, et catapotia ad arquatos
conficiunt. huius quatuor drachmæ sufficiunt.

ORIBASII SYNOPSEOS

Scamonea nulla parte superatur ab ijs, quæ agitant & commouent, neque in acrimonia, neque in uiribus. stomachi dolorem affert, graue olens, insuauius, & ualde siticulosa est. ex quo fit, ut aliqui non incommode aloen ei misceant, & ita præbeant: alij uero addant thymi comam, & salem: alij semina odorata. pituitam & bilem uehementer educit. datur eius puræ drachma una ad summum. Si uomitus instent, apium aceto intingendum, ac mandendum est. itemq; oliua alba sale condita, atque etiam salis grumus in ore est tenendus, quæ quidem omnia uomitum prohibent. Præterea confert coriandrum odorari, & pulegium, et calamintham. Sed præstat in lecto paululum in quiete contineri uentrem, & summos pedes fouendo. ueluti etiam confestim deambulare & copiosos uomitus, & uentriculi morsus, et uertigines excitat. Cum uero ad pristinum statum redierint, tum deambulatio imperanda est, ut subinde sensim se submoueant. id quod magis quam celer gressus, iritat. purgatione cessante, utilius erit in lecto recumbere, & ita uigiles quiescere, magis enim confluet: tunc uero etiam paulatim sorbeant modicum aquæ calidæ cum aceto. nam & morsus absterget, & excretiones proritat. Qui uero non purgantur, aquam mulsam sorbeant, aut nitrum aqua liquefactum. Sed melius etiam erit, glandem ex sale & nitro confectam ano indere.

De uomitibus. Cap. XVIII.

QUONIAM eos, qui uiolenter uomunt

multa incommoda sequi consueuerunt, operæ præ-
 tium erit, modos, quibus facile quis uomat, expone-
 re. Vomitus enim pituitam euacuat, caput leuat,
 et quandoque eum, qui auidius cibum ingessit, cru-
 ditatibus uexari, eumq; qui nimio uino se ingurgi-
 tauit, lædi non sinit. Quæ autem ad ciendum uo-
 mitum adhibentur, sunt neque acerba, neque ari-
 da, sed partim dulciora, et liquidiora, partim acrio-
 ra. Inter hæc probantur raphanus, eruca, uetus
 salsamentum, origanum uiride, cæpe parum, &
 porri. conferunt etiam ptissanæ è leguminibus melle
 adiecto, itemq; lomenta fabarum: & pingues car-
 nes. non tamen oportet horum succos tantummodo
 sumere, sed totam molem deuorare. neque etiam diu-
 tius est in ijs manducandis immorandum si quis uelit
 emouere. sint autem omnia coquendo emollita. inter
 uina, dulciora anteferenda sunt. hæc enim magis
 fluitant. potus esto tepidior. amygdalas etiam melle
 intinctas par est edere, tumq; placentam gustare,
 peponis, ac cucumeris semen maceratum, & læui-
 gatum cum melle offerre. ad hoc facit etiam cucume-
 ris radix trita ex melle. Qui uolunt uehementius
 euomere, narcisi bulbum aqua coquunt, eaq; uinum
 miscent. Ciet etiam uomitum irinum unguentum, si
 quis illitis eo digitis iritet. Valet etiam ad uomitum
 excitandum, non cessare, neque quicquam intermit-
 tere. à uomitu tum os abluere, tum uero etiam faciem
 debemus posca diluta abstergere. hoc enim & denti-
 bus prodest, & caput alleuat.

ORIBASII SYNOPSEOS

De clysteribus. Cap. XIX.

CLYSTERES qui iniiciuntur, uel mites, uel acres sunt: educendarum fecum causa in febris continuis, & malignis, & in ijs, qui ob longam imbecillitatem uires rescunt, & excrementa difficulter eijciunt, & in quibus flatu excitantur, calidiorem aquam imponemus, cum tepida ipsa inflet: idq; una expressione clysteris faciendum est. Fœnogræci uero decoctum muliebribus corporibus, & delicatis iniiciemus: maluæ itidem, et ijs præsertim, in quibus siccitas inest. in quibus uero morsus sint, seminis lini decoctum conueniet. Furfuris cremor, tragiq; & item panis, & alicæ afferunt etiam aliquid alimenti. et quandoque usus postulat, ut unâ cum stercoris euacuatione aliquid, quod alendi uim habeat, adiungamus. Intestinorum etiam ulceribus, quæ in superficie sint, hæc prodest iniectio. ad quæ accommodata etiam erit ptissana adipe suillo addito. Betæ succus & decoctum ad uertigines, & palpitationes intestinorum iniecta ualent. stercus etiam dissoluunt. ac continuis morsiunculis occurrunt. Portulacæ succus utilis est in feruoribus: cæterisq; quæ consequuntur. & ijs, quibus propter duri stercoris excretionem extrema recti intestini parte læsa erysipelatis affectio oborta est. sed in eiusmodi & ouum, & oleum in quacunque inflammatione commiscetur. Conuenit hoc etiam ijs, in quibus tormina à flatibus excitantur. magis uero flatu discutit decoctum ruæ

tæ, uel cumini, uel anethi, uel baccarum lauri. ijs quoque in quibus frigus febrim excitauit, prodest. Lac quandoque iniicitur, cum intestina ulcerata, aut inflammata sunt, itemq; renes, & uesica, & uterus. roboris addendi gratia sumendum etiam est mel, & anserinus, uel caprinus adeps. hydræleo utemur in distentionibus, & stercoris retentione, atque etiam bitumine, cum ex refrigeratione obueniunt. Butyrum ijs indimus, in quibus propter inflammationem intestini recti excrementa continentur, & sordida ulcera circa intestinum sunt. Maluæ succus & decoctum usui sunt ad diutina tormina, & inflammationes, quibus intestina uexantur, cum anus quoque morbo simul afflictor. Mulsæ iniicitur, cum partes intestinorum illæse permanent, & stercus difficulter mollescit. Vino autem & oleo, uel ptissanæ succo, aut maluæ utimur in ijs, qui opium sumpserunt. Vinum autem cum rosaceo, & alba ouorum, aut sapam, aut rosaceum incoctum initio adhibemus ijs, qui à tenesmo infestantur: mulsam uero, aut lentis decoctum cum melle, aut pariter erui, aut ptissanæ succum cum rosaceo in abscessibus colum intestinum discindentibus. Mensura eorum, quæ iniiciuntur ad summum, tres heminæ sunt: ad minus, una: mediocris iniectio duabus heminis perficitur. Sæpe autem & bis, & ter iniicimus: ac præcipue in ijs, in quibus exulceratio, & inflammatio in recto intestino adiacens stercus cohibet. Cæterum acribus clysteribus utimur in ischiadicis, & erecta ceruice spirantibus, in quibus spiritus

ORIBASII SYNOPSEOS

a stomacho non efflatur. Clyster qui sanguinis du-
cendi vim habeat, constat ex garo siluri, muria,
& aqua marina. Paratur etiam hoc modo, Mellis
hemina dimidium, aquae heminae duae, muriae olcae
tres, olei quarta heminae pars componantur, nonnul-
li bina oua adiungunt. Iis uero qui fungos mortife-
ros comederunt, nitrum, absinthium, & raphani
succus, & rutae decoctum iniicitur. Ad lumbricos,
qui ascarides dicuntur, faciunt muria, uel centau-
rij decoctum, uel absinthij, uel lupinorum, uel alo-
es, uel cedria cum alicuius decocto. Mihi uero usque
compertum est, auricule muris succum triduo po-
tuit datum saepenumero quod opus erat, confecisse,
datur sextarij quarta pars. In resolutione intestini
recti clyster ex muria imponendus est. Quos helmin-
thae lumbrici infestant, ijs decoctum lupinorum, aut
eorum cremor, aut rhus, aut muria debet imponi.
Cupiditatibus autem nimijs desidendi, quas tinesmus
excitat, parum muriae adhibendum. Si uero sanguis
sincerus propter intestinorum exulcerationem fluat,
herbae sanguinalis, aut plantaginis succum, aut
myrti baccarum nigrarum uino incoctarum dabi-
mus. his postea admiscemus thus, uel acaciam, uel
hypocistidem, uel malicorium, uel alumen. Vlceri-
bus intestini non fluentibus lac caprinum indimus,
aut etiam bubulum: aut lycij drachmas duas, aut
terrae samiae drachmas quatuor. fluentibus autem,
& perhumidis ulceribus, charta combusta, aut len-
tisci cinerem: aut medicamentum ex charta constans
cum aqua, aut decoctum adstringentium.

De glandibus. Cap. XX.

GLANDIBVS sæpe utimur stercoris edu-
cendi gratia, atque etiam in ijs, in quibus quod cly-
steri iniectum est, non excernitur. Conficimus glan-
des ex sale tosto, melle, & nitro. & thymum cocto
melle excipitur. fiunt etiam ex resina terebinthina,
& nitro. quandoque grani cnidij parum addimus.
morsus autem excitat. idcirco partes oleo sunt un-
genda. Pyrethro itidem utimur, oleo perfuso: con-
uenitq; paralyticis, & flatibus ex frigore abortis.
Centaurium uero cum pice & cerato accommodatum
est ad pudendi remissionem. Infantibus grumus sa-
lis inditur. Ficus etiam cum nitro, atque cumino
conficitur.

De ijs, quibus caput purgatur. Cap. XXI.

HVMORES, qui in capite sunt, sputis eua-
cuamus, si parum euacuare uelimus. idq; facimus
piperis, et mastiches admistione. Si uero copiosius eua-
cuare propositum sit, pyrethrum, aut uuam tami-
niam mādere iubemus. præterea anemonæ utriusque
radix mansa pituitam euocat. itemq; cortex radicis
capparidis. Igitur serosum excrementum his remedijs
expellitur. Crassum uero & pituitosum educit si-
napi cum oxymelite gargarizatum, aut sapa, aut
origanum, aut hyssopum coctum. Ego uero saram
sinapi cum oxymelite admisceo. Si uero cerebrum mu-

ORIBASII SYNOPSEOS

co purgandum sit, acribus eum remedijs, quorum nonnulla mouent sternutamentum, euocabimus. Per nares igitur purgat anagallidis utriusque succus, omnisq; anemonæ, & betæ. naribus etiam infunditur foliorum cucumeris syluestris succus uel per se, uel cum betæ succo, aut decocto. Sternutamentum autem crudis humoribus, qui in thoracis, pulmonis, & capitis partibus continentur, minime conuenit. osita illinetur. sinapi cum betæ succo palatum, columellamq; ungito, & proderit: idemq; per nares purgat, & facile suppetit. sæpe etiam melanthio ad nares illiniendas usus sum, quandoque acri aceto pridie macerans, postero uero die aceto iterum læuigans, & naribus infundens. quandoque uero cum oleo ueteri idem melanthium tero, & eodem modo utor. Ita etiam Archigenes eo usus est ad narium obstruenda foramina. id uero, quod aceto paratur, ad arquatos adhibebat Crito.

Quæ menstrua ducant.

Cap. XXII.

QUAECUNQUE urinam cient, eadem menstrua ducunt, brassicæ radicis decoctum epotum, persicæ radix, ruta, chrysanthæmon, dictamnium, & erucæ semen. mouent etiam menstrua, quæ ori uulue admouentur, ut ruta cum melle trita, aut anethi radix excalsa, aut spodium cum melle, aut porri succus, aut allium contusum adhibitum, aut myrrha læuigata, et ex uino, aut leporis coagulum.

Sudores

Sudores mouentia. Cap. XXIII.

EX sudorem prouocantibus est chamæmelum siccum tritum, oleo perfusum cute ualenter perfri-
cata; seseli, pyrethrum, cachry, anisum oleo simi-
liter perfusa, nitrum tostum, & tenuissimum cum
oleo. Salis flos oleo commistus, succus cyrenaicus
aqua resolutus ad corpus confricandum.

De aere. Cap. XXIIII.

OPTIMVS aer est, qui purissimus est. talis
erit, qui neque è stagnorum, neque paludum eua-
poratione, neque ex barathro quopiam perniciosam
auram expirante, turbetur. ita quicumque ex cloaca
magnam ciuitatem expurgante inficitur, malus est.
itemq; is qui nebulosus est, non est bonus: sicut etiam
quicumque in caua regione magnis undique montibus
includitur, neque auram ullam suscipit.

De fomentis. Cap. XXV.

CVTIM rarefacere, eamq; facile perspirabi-
lem reddere, sanguinemq; in inflammationibus atte-
nuare, & digerere fomenta consueuerunt. Sed si
totum corpus excrementis abundet, plus materiæ ad
partem calefactam trahetur, quàm discutiatur.
quam ob rem ante fomentorum usum totum corpus
euacuandum est. Humida igitur fomenta inflam-
mationibus, quas succi biliosiores pepererunt, con-

TORIBASII SYNOPSIS

ueniunt: arida uero ijs, quæ ex tenui, aqueoq; sanguine oriuntur: non mordacia mordacibus succis accommodata sunt: mordacia, quia attenuant, crassis, & glutinosis. Præcordia autem irrigationibus, aut fomentis calefacere, non semper est tutum: sed in illis solum ægrotis est faciendum, in quibus nullum excrementum in toto corpore abundat: cæteris omnibus summum malum est. In principijs igitur, cum adhuc materia ad affectum locum confluit, præstat repellere. Si uero latio materiæ repellentibus remedijs cohibeatur, densitasq; partibus affectis indurata crassiora contineat, tunc iam tempus est laxandi, ut contenta uacuentur. præsertim uero ubi ad iecur, aut uentriculum decubuerint superflua, adstringentibus utendum est. principales enim hæ partes sunt. Immo uero ubi etiam tempus fuerit ea, quæ impacta fuerint, discutiendi, tunc quoque hæ partes adstringendæ sunt: ut absinthium oleo coquentes irrigemus, aut etiam melino, aut lentiscino, aut mastichino. Ad eundem modum cataplasmata compositam ex laxante, & attenuante, & ex amara, atque astringente facultate uim habeant. Si colum, aut alia intestina, aut muscoli præcordiorum, aut abdomen fuerint affecta, adstringentia miscenda non sunt, sicut etiam neque cum uesica, aut nuluæ affectæ sunt, misceri debent: cum, ut dictum est, nihil amplius defluat, neque plenitudo; aut excrementum in toto corpore redundet. Sic etiam cucurbitulis, euacuato prius toto corpore, non in principijs affectionum, utemur.

De cataplasmate ex fermento. Cap. XXVI.

HOC cataplasma ad diffundendum, liquan-
dumq; compacta ualentissimum est. surculos extra-
hit, & durities iuuat, & plantarum pedum con-
tusiones. Fermentum uero est oleo subigendum quan-
tum satis sit, eoq; utendum. si augere uim uolue-
ris, nitri parum adiungito. Si uero aceto fermentum
dissoluas, & coquendo spissaueris, erit ad sple-
nis, hepatisq; tumores duros accommodatissimum. si
thymum, & pulegium, et absinthium ei admiscue-
ris, optimum medicamentum confeceris.

Aliud ex ficibus.

FICVS pingues unâ cum seminibus ita exqui-
site contundito, ut nulla pars non contusa relinqua-
tur, ijsq; unguenti irini parum addito. facit hoc ad
durities neruorum, & ad articulos contractos, aut
plus iusto laxatos, & ad scirrhos, præsertimq; lie-
nis, & iecinoris. Si uero nitri parum addas, absces-
sus rumpet, aculeosq; extrahet. Si uero ficibus ita
paratis miscueris pulegi, aut origani, aut thymi;
aut absinthij comam minutissime tritam, hydropicis
conueniet. Præterea ficus probe coctæ, ut dissolui
queant, & contritæ, iterum ea coquantur aqua,
in qua prius fuerant coctæ, deinde hordeaceam, aut
frumentaceam farinam misce, & iterum coque ad
consistentiam, ualebit hoc ad tubercula, quæ non fa-

ORIBASII SYNOPSEOS

cile maturescunt . si iniicere pinguedinem uelis , butyrum misce . si rutæ folia trita læuigata misceantur , ad dolores intestinorum , quos flatu excitariint , faciet . Cuminum quoque oleo admisto non secus facit .

De lotionibus. Cap. XXVII.

AQVA frigida lauari ita quidem commendo , ut non iis , qui nullo uictus delectu degunt , ex usu esse asseram , sed iis solis , qui eodem accurato laboribusq; , ac cibis , ut conuenit , utuntur . Multis autem quibus maiore interdum refrigeratione opus est , satis est æstiuo tempore , cum iuuenes sunt , carnosi , & frictionibus prius calefacti , in frigida natare . sint autem neque ueneris , neque alia ratione lasi : neque cruditatem sentiant , neque per uomitum , aut per aluum inaniti , neque uigiliis fatigati : periculosum enim est , si aliter quispiam se lauet . Calidum balneum & optimum , & tutissimum est : lasitudines soluit , humorum plenitudinem digerit , & excalfacit , mitigatq; , ac mollit . Flatus , ubicunque decubuerint , diffundit : somnum conciliat , carne replet , & facile omnibus & uiris , & foeminis , & pueris , & senibus , & priuatis administrari potest .

De balneis , quæ industria parantur .

Cap. XXVIII.

BALNEA industria nostra calefacientia paramus , aut refrigerationis sedandæ , aut lasitudinis

soluendæ, aut conuulsionis mitigandæ, aut doloris leniendi, & reficiendi gratia. Calidæ autem aquæ sunt pulegio incocto, aut origano, aut hyssopo, aut thymo, aut satureia, aut folijs lauri, aut pyrethri radice, atque his similibus. oleum etiam inijcimus. balnea quoque digerentia facimus, cum totum corpus attenuare uolumus. Adijcitur autem uis digerendi balneis aut sale imposito, aut ipsa marina iniecta, aut nitro. Mel quoque admistum addit aquæ uim digerendi. itemq; cinis sarmentorum, & baccarum iuniperi decoctum. Molliendi gratia utimur balneis in inflammationibus, ac duritie. ac in iis, quos inflammatio male habet, maluæ decoctum iniicimus, itemq; seminis lini, & fœni græci. In fluidis autem inflammationibus, plantago aut polygonum incoquitur, aut malicorium, aut rosæ, aut rubicima. In iis, quibus imminet conuulsio, utimur iis, quæ inflammationibus non fluidis conueniunt. maxime uero iis prodest oleum cum aqua, in quibus malua, & fœnum græcum cocta sint. Ad duritiem sine inflammatione utimur iis, quæ ad digerendum adhibentur. balnea enim tum refrigerant, tum adstringunt, cum materias habent, in quibus adstringendi & refrigerandi uis inest.

De balneis suapte natura nascentibus.

Cap. XXIX.

BALNEORVM sponte nascentium alia natri, alia salis, alia aluminis, alia sulphuris, alia

C ij

ORIBASII SYNOPSIS

bituminis, alia æris, alia ferri vim obtinent. alia ex iis composita sunt. Atque omnium quidem a quarum sponte scaturientium ea vis est, ut prorsus calefaciant, & exsiccent; humidioribusq; ac frigidioribus maxime conueniant. In primis uero nitrosæ ac falsæ capiti, ac thoraci fluxione infestato, itemq; stomacho perhumido, atque hydropicis adiumento sunt. Aluminosæ autem ad sanguinis reiectionem sistendam, ad stomachum, qui ad uomitum procliuis sit, ad mulieres, quæ inordinate purgantur, et quæ frequenter abortum faciunt, sunt accommodatæ. Sulphureæ uero nervos molliunt, atque resoluunt, ac dolores sedant: uentriculum tamen relaxant, et peruertunt. Bituminosæ caput replent, ac sensuum instrumentis nocent. atque etiam calefaciunt iugiter, & progressu temporis emolliunt. Quæ æris naturam referunt, ori, tonsillis, uuæ, & oculis excellenter prosunt. Ferreæ denique uentriculum, & splenem iuuant. In aquam uero immersio facienda est sensim, ut uirtus corpori laxato occurrens interius penetret.

De dropacibus. Cap. XXX.

DROPAX diuturnis morbis maxime conuenit. Calefaciendi gratia adiicitur piper, pyrethrum, roris marini semen, bitumen. Si opus exsiccandi sit, sal, sulphur uiuum, cinis sarmentorum. Si aperire, limnestis, euphorbium.

SINAPISMVS qui dropace uehementior est, diutinis morbis est accommodatus. eo utendum est in segnioribus affectionibus, & immoderatis circa carnem partibus, & quarum ui etiam adhibita sensus obtusus est. terminus autem actionis medicamento esto, ut egrotus uehementer doleat: caroq; nigrior reddatur, & fiat altior quam ea quæ adiacet, & postquam ablotum fuerit, pustulæ mitius erumpant. Ad morbos autem, & partes facile sentientes, mitius utendum est sinapi, ut eius usus mensura sit, ut caro fiat paulo rubicundior. Conficiendi modus est huiusmodi. Caricas in aqua tepida pridie macerare oportet, postridie uero eius diei uehementer expressas, probe contundere: deinde acre sinapi, quæle est Syriacum & Aegyptium, capere, ac per se contere, aquam in qua carica fuerint infuse paulatim affundendo: tum in massas redigere, alteram ex caricis, ex sinapi alteram, postremo miscere. si uehementi sinapismo uti uelimus, duas sinapi partes unicaricarum addemus, si mediocri, pares portiones adhibebimus: Sin mitius, tertiam partem sinapi & duas caricarum commiscebimus. Post torporem sinapi, & balnei usum, si uehemens sit dolor, & rubor, & pustulæ eruperint, lana rosaceo & aqua intincta adhibenda est: aqua uero sit maluæ decoctum, aut fœni græci succus. postea uero cerato rosaceo cum cerussa utemur. Hoc etiam sciendum est,

ORIBASII SYNOPSIS

¶ in aceto sinapi maceretur, minus efficax cataplasma fieri. Caprarum fimus cum aceto compactus efficacior sinapi est. præcipue autem et mirum in modum ischiadicis conuenit.

De inessu in solium ex oleo. Cap. XXXII.

INSESSVS in solium ex oleo febribus diuturnis ex frigore, itemq; lassatis, & quibus urina suppressa est, conueniunt. Quinta autem olei pars igni calefacienda est, reliquum uero in balnei solio. oleum enim in balneis non satis calidum efficitur.

De ingressu in hydrelæum. Cap. XXXIII.

SI imbecilli sint, qui in hydrelæum se demittunt, endromide amicti ingrediantur. Oleum autem cum aqua diligenter miscendum est, neque minus, quam sexta pars, esse debet.

De remedijs metasyncriticis. Cap. XXXIII.

IN omnibus diuturnis morbis, cum cætera auxilia nihil profecerint, omnes fere ea remedia, quæ methodici nominant metasyncritica, hoc est quæ ex intimis partibus humores euocant, adhibere consueuerunt. Ego uero ubi intemperies quædam humida & frigida in affectis particulis inest, ijs medicamenta ex sinapi, thapsiaq; & his similibus adhibeo. ad siccas uero & calidas, non utor. Cæterum qui as-

fectiones cognoscere non possunt, sepe quod conuenit, perficiunt: quod plerosque homines eiusmodi frigida, atque humida affectiones ob malam, ac uitiatam uictus rationem infestent.

Quæ ruborem inducant. Cap. XXXV.

NASTURTII semen ruborem excitat, & calefacit æque, ac sinapi. helenij radix æque, ac firmus columbarum syluestrium: quo admodum frequenter utimur. eo etiam cum nasturtij semine confuso pro sinapi utor in ischiade, hemicrania, uertigine, diuturnis doloribus capitis, laterum, humerorum, tendinum, & lumborum. Iam uero facit & ad renum uitia, & ad colicas affectiones, itemq; podagram, & articulorum dolores, cum nondum callum obduxerint.

FINIS PRIMI LIBRI.

SECUNDI LIBRI ARGVMENTVM.

IN secundo agitur de materia, quam naturam, uim, actionemq; habeat: & quænam quibusque affectibus conueniat. deinde simplicia medicamenta expenduntur, deq; eorum mensura, mixtione, & coctione, itemq; de ponderibus, & mensuris, deq; emplastris, quæ $\alpha\lambda\alpha\tau\upsilon\sigma\mu\alpha\tau\alpha$ dicuntur, uerba fiunt. Eius uero hæc sunt capita.

Quæ media sint inter calefacientia, & refrigerantia.

Caput I.

Quæ calefaciunt.

Cap. II.

Quæ calefaciunt primo ordine.

Cap. III.

Quæ calefaciunt secundo ordine.

Cap. IIII.

Quæ tertio ordine calefaciunt.

Cap. V.

Quæ calefaciunt quarto ordine.

Cap. VI.

Quæ moderate refrigerent.

Cap. VII.

Quæ primo gradu refrigerent.

Cap. VIII.

Quæ secundi gradus sint.

Cap. IX.

Quæ tertij sint ordinis refrigerantium.

Cap. X.

Quæ sint quarti ordinis.

Cap. XI.

Quæ modice exsiccent.

Cap. XII.

Quæ simpliciter exsiccent.

Cap. XIII.

Quæ primo ordine exsiccent.

Cap. XIII.

Quæ secundo ordine siccent.

Cap. XV.

Quæ tertio ordine exsiccent.

Cap. XVI.

Quæ siccent quarto ordine.

Cap. XVII.

Media inter siccantia, & humectantia.

Cap. XVIII.

Quæ primo ordine humectent.	Cap. XIX.
Quæ secundo ordine humectent.	Cap. XX.
Quæ aquosam frigiditatem habeant.	Cap. XXI.
Quæ tenuium sint partium.	Cap. XXII.
Quæ crassis è partibus constent.	Cap. XXIII.
Corroborantia.	Cap. XXIIII.
Quæ suppurent.	Cap. XXV.
Quæ concoquant.	Cap. XXVI.
Mollientia.	Cap. XXVII.
Quæ indurent.	Cap. XXVIII.
Quæ humiditatem ex ore trahant.	Cap. XXIX.
Quæ per nares ducant.	Cap. XXX.
Quæ ab oculis ducant.	Cap. XXXI.
Quæ per aures purgent.	Cap. XXXII.
Quæ aperiant, & purgent.	Cap. XXXIII.
Quæ abstergant.	Cap. XXXIIII.
Quæ urinam moueant.	Cap. XXXV.
Quæ per urinam è splene educant.	Cap. XXXVI.
Quæ ex hepate educant.	Cap. XXXVII.
Quæ ex renibus ducunt.	Cap. XXXVIII.
Quibus educantur ea, quæ in thorace insunt.	Cap. XXXIX.
Renes purgantia.	Cap. XL.
Cutem rarefacientia.	Cap. XLI.
Ora uasorum aperientia.	Cap. XLII.
Quæ cutim condensent.	Cap. XLIII.
Quæ corrodant.	Cap. XLIIII.
Quæ reprimunt.	Cap. XLV.
Quæ ad cicatricem perducant.	Cap. XLVI.
Superficiem exulcerantia.	Cap. XLVII.

Adurentia.	Cap. XLVIII.
Attrahentia.	Cap. XLIX.
Discutientia.	Cap. L.
Adstringentia.	Cap. LI.
Quæ lac gignant.	Cap. LII.
Ad menstrua suppressa.	Cap. LIII.
Quæ semen generent, ac prouocent.	Cap. LIIII.
Quæ semen cohibeant.	Cap. LV.
De simplicium medicamentorum electione.	
Cap. LVI.	
Quæ cera modus cum oleo sit.	Cap. LVII.
De ponderibus, & mensuris.	Cap. LVIII.
Medicamentum renes à calculo seruans.	Cap. LIX.
De latis emplastris.	Cap. LX.
De coctione medicamentorum.	Cap. LXI.

ORIBASII SYNOPSIS²³

AD EVSTATHIVM FILIVM,

LIBER SECVNDVS.

Quæ media sint inter calefacientia, &
refrigerantia. Cap. Primum.

DIANTVM, asparagus, mya-
canthus, muscus, qui etiam splan-
chnon dicitur, glycyrrhizæ succus,
oleum dulcissimum, cera, faba, ly-
cium, lotus siue trifolium, citrii cor-
tex, filicis radix, pinei nuclei, lentiscus, lens, terra
chia, & samia, cadmia, argenti spuma.

Quæ calefaciant.

Cap. II.

VITICIS folia, & semen moderate, urticæ
fructus, & folia, amygdala dulcia, anagallis
utraque. atrætylis, cnicus agrestis. aphace, rubi
fructus maturus. radix glycyrrhizæ, oleæ fructus
maturus, fermentum, eryngium, resinæ omnes, ci-
cerbita arida, iunci odorati flos, palmæ fructus, co-
chlearum adustarum cinis, brassica canina multum,
ranunculi radix, & tota herba, pulegium, lauri
folia, ac magis etiam bacca, dictamnium, falsodicta-
mnum, salvia, erysimum, lanæ ustæ, zinziber,
thapsia, cardamomum, liquores, capilliusti, bryo-
niæ radix, aristolochia, asphodeli radix, daucus,

ORIBASII SYNOPSEOS

chamedaphne, dracunculi radix, oleum raphani-
num, cicer, uiscum, caucalis, ligusticum, ferulae
semen, sagapenum, satyrium, apium, sium, sinon,
styrax, idnon, piper, hypericon, sal, sulphur, san-
guis, fel, urina, salina, caro uiperarum, adeps,
salsorum piscium muria.

Quæ calefaciant primo ordine. Cap. III.

ALOE, camamelum, arum, absinthium, a-
garicum, ladanum, lini semen, malabathri folium,
spica nardi, nardum celticum, uinum nouum, se-
rum, caseus, ficus sicca.

Quæ calefaciant secundo ordine. Cap. II II.

AMVRCA, anethum, sed uiride minus. ar-
temisia, balsamum, elaphoboscum, calamus aroma-
ticus, crocus, libanotus, chia mastiche, mel, uinū,
pix, melissophyllum, marrubium, propolis, cucu-
meris agrestis succus, scandix, scilla, cardui radix,
myrrha, terebinthi cortex, & folia, & item fru-
ctus, foenum græcum, chamæleontis utriusque ra-
dix, chamæpitys, ocymum.

Quæ tertio ordine calefaciant. Cap. V.

ABROTONVM, ac præsertim ustum, loli-
um, populi nigrae flores, & resina, acorum, amo-
mum, ammi, anethum ustum, anisum, iuniperus,

asariradix, sabina, eleborus uterque, epithymum, menta, satureia, arundinis uallaris cortex ustus. caryophyllorum, casia, cedrus utraque. cnici semen, conyzæ, cuminum, thuris fuligo, fœniculum, melanthium, sulphur, mei radix, moly, ruta, raphanum, rhododaphne, uinum uetus, omne origanum, opopanax, petroselinum, sampsuchus, smyrnium, hyssopum, chamædrys, galbanum.

Quæ calefaciant quarto ordine. Cap. VI.

AD ARCE, ampeloprasum, euphorbium, oleum cedrinum, costus, coepa, lepidium, sinapi, allium, struthij radix, tithymallorum succi, & quæcunque adurendi ui prædita sunt.

Quæ moderate refrigerent. Cap. VII.

GRAMEN mediocriter, auricula muris citræ adstrictionem, pira illita mediocriter, balauustum, rubi folia, germina, acerbus fructus, & flores. auena mediocriter, muscus marinus, glaucium mediocriter, conyon uehementer, lichen petris adnascens, omne papauer, pomi frondes, & fructus, oleæ frondes, & fructus immaturus, oleum myrteum, sesaminum, balaninum, helxine, quæ & perdicium nominatur, moderate, panicum, uiolæ folia, & succi, & cortices. dulcibus exceptis, persici fructus, caro citrii, fungi satis, omphacii succus, amyllum quod ex frumento fit, moderate, rosaceum

ORIBASII SYNOPSEOS

moderate, sordes ex palestra, cicerbita non sicca, tribulus uterque, palmae ramorum succus, samia ter-
ra moderate, terra cimolia, naxiae cotis scobs, plum-
bago, cerussa, sandyx, moderate, caseus recens.

Quae primo gradu refrigerent. Cap. VIII.

ACACIA non lota, atriplex sine adstriptione,
acini uuae, milium, hordeum, platanus, rhamnus,
seris.

Quae secundi gradus sint. Cap. VIII.

ACACIA lota, plantago, beta, galla imma-
tura, cucurbita, rhois, cucumis, pepo, solanum hor-
tense, lens palustris, alga uiridis è mari ewulsa,
psyllii semen.

Quae tertii sint ordinis refrigerantium. Cap. X.

SEMPERVIVA utraque, portulaca, man-
dragora, citrij pars acida, herba sanguinalis, po-
tamogiton, altercum, eiusq; flos, & semen album.

Quae sint quarti ordinis. Cap. XI.

SUCCVS papaueris, & cicuta.

Quae modice exsiccent. Cap. XII.

VERTICAE semen, & folia, amurca, anas-
gallis

gallis utraque, plantago, auena, oleum dulce, insulsum, lotum. erica, fermentum, quod etiam ex alto trahit, ac discutit, lupinus amarus, cauda equina, isatis, uehementer. salicis flos, et folia cum adstrictione quadam. nonnulli ex eis succum exprimunt, habentq; pro siccante medicamento ad multa utili. nullum enim est ad plures usus accommodatius medicamentum, quam quod citra mordacitatem exsiccat, & adstringit, iuglandis putamenustum, quod est etiam tenuium partium, centaurium minus uehementer, cerasi gummi, lilium, faba foris apposita. cupressi omnia, cyperi radix, nuclei pinei in aqua macerati. nymphææ radix. malicorium ualde, quinquifolij radix. polypodium, myrrha, sarcocolla, stæbe, tragacantha, terra omnis, cadmia, asie petreæ flos marcescentes carnes arefacit. pompholyx continenter lota, calx extincta, & lota, stricnue. ouorum candidum, & putamen, & eorundem etiam uitelli.

Quæ simpliciter exsiccant. Cap. XIII.

VITICIS folia, & semen. radix graminis mediocriter, adiantum, semper uiuum utrunque, populi flores, et resina, acete utraque, amaranthus, quæ etiam pota fluxiones sistit. bryoniæ radix, populi nigre folia sicca. pira illita, mediocriter exsiccant, aristolochiæ, asparagus, aspalathus, asphodeli radix, eiusq; potius exustæ cinis. balaustium ualde, ruborum fructus immaturi; bulbos illitus,

D

ORIBASII SYNOPSIS

paoniae radix, lauri folia magnopere, et multo etiam
magis bacca, quercus, et phagi partes omnes. oleum
cyprinum, laurinum, tadinum, panicum illitum,
iringium, cinis corticis salicis uehementer desiccatur.
canabis fructus, cardamomum, caucalis, daucus,
lixiniu[m], & magis etiam ex cinere ficulno. chre-
thmum, lilii folia, & radix, lichen qui in petris
nascitur. fuligo omnis, lotus, omphacium, polypo-
dium, amyllum, sal, nitrum, gypsus, cadmia om-
nes. omniaq; metallica, lapideaq; & terrestria, te-
sta clibanorum, coagulum, & omne stercus. anse-
rum tamen inutile est propter nimiam acrimoniam.
sordes, caro uiperarum, capita menularum salsa-
rum adusta, cornu ceruorum & caprarum ustum,
castoreum, ossa usta uehementer exsiccant. ca-
pilli, sepiae testa, cancrorum cinis, garum abunde.
itemq; muria.

Quae primo ordine exsiccant. Cap. XIII.

CHAMAEMELUM, iuniperi bacca, ca-
rum, hordei polenta, crocus, thus, foeniculum,
rhododaphne, mustum, cucumeris peponis semen,
& radix sicca, foenum graecum.

Quae secundo ordine desiccant. Cap. XV.

LOLIVM, amaracus, bitumen, anethum,
balsamum, acinus uuae, gingidium, elaphoboscum,
calamus aromaticus, thuris cortex, & semen, maz-

stiche, mel, citrii cortex & semen, & arboris ipsius
folia. mei radix, spica nardi, nardum celticum,
uinum, eruum, opopanax, pix, myrrha, lentiscus,
terebinthi fructus & folia, lentes, alga uiridis, ma-
labathri folium, galbanum.

Quæ tertio ordine exsiccent. Cap. XVI.

ABROTONVM, & præcipue ustum. a-
cacia, acorus, aloë, ammy, anethum ustum, anisi
semen, iuniperus, asarum, absinthium, eleborus,
epithymum, thymbra, calamintha, arundinis ual-
laris cortex ustus, casia, cedri, conyza, thuris fu-
ligo, nigella, citrii semen, uinum uetus, ualde,
acetum, origanum, quinquefolii radix, petroseli-
num, smyrnium, ruta hortensis, marrubium,
rhus, sampsuchus, seriphium, hyssopum, chamæ-
drys. chamæleontes utrique, & eorum radix,
chamæpitys.

Quæ quarto ordine siccent. Cap. XVII.

AMPELOPRASVM, cedrinum oleum,
sinapi, ruta agrestis, allium.

Quæ media sint inter succantia & humectantia.

Cap. XVIII.

GRAMINIS radix illita, oleum dul-
cissimum.

D ij

ORIBASII SYNOPSEOS

Quæ primo ordine humectent. Cap. XIX.

AVRICULA muris, buglossum, glycyrrhizæ succus, lactuca modice, violæ folia, modice, mali persicæ fructus, fungi, rosaceum, satyrium, stratiotes fluuiatilis, & qui in stagnis nascitur.

Quæ secundo ordine humectent. Cap. XX.

PORTULACAE fructus, & herba, atriplex, blitum, cucurbita, mali armeniæ fructus, cucumis, pepo, lenticula palustris.

Quæ aquosam frigiditatem habeant. Cap. XXI.

ACACIA, portulaca, plantago, rubi folia, cucurbita, cotyledon, cicuta, picea arbor, malua hortensis, mala præcocia, papauer, cucumis, qui edendo est. sonchus, iuncus odoratus, tribulus, lenticula palustris, psyllij semen, plumbum.

Quæ tenuium sint partium. Cap. XXII.

ABROTONVM ustum, vitex, scandix, populi nigrae flores, urticae fructus, & folia, acorus, amomum, asari radix, brionia, chamæmelum, aparine. aristolochia, plantago sicca, asphodeli radix, eiusq; ustæ cinis potius, balsamum, sabina, sinapi, rubi radix, oleum ætus, glycyrrhizæ

radix, dictamnium, dracunculi radix, cicinum,
 elaphoboscum, euphorbium, fermentum, salicis suc-
 cus, calamintha, calamus aromaticus, cannæ ual-
 laris cortex ustus, casia, carpesium, milium, ce-
 drinum oleum, gummi prunorum, mastiche, ni-
 gellæ, succus cyrenaicus, opobalsamum, ruta, pix,
 pistaciorum fructus, propolis, terebinthina, oleum
 rosaceum, sagapenum, sampsuchus, seselis, cucu-
 meris semen, ficus sicca moderate. iunci odorati flos.
 cinis, calx, hyssopum, sal, salis flos, nitrum, al-
 cyonium milesium, arsenicum ustum, gypsum
 ustum, sulphur, cadmia, pumex ustus, lixi-
 uium, asiæ petræ flos, melanteria, mysi, flos æris,
 chrysocolla, sandix, fucus, adeps leonis, et pardi, et
 hyenæ ualde. castoreum, sæpiæ testa, lanæ combustæ.

Quæ crassius partibus consistunt. Cap. XXIII.

PLANTAGINIS radix, balaustium, aci-
 nus uivæ, zinziber, capæ, cucumis, squamæ om-
 nes, sory, alumen.

Corroborantia. Cap. XXIII.

CASIA, stœchas, galla acerba, palmæ fru-
 ctus, absinthium.

Quæ suppurent. Cap. XXV.

AQVA temperata superfusa. hydrelæum,

D iij

ORIBASII SYNOPSEOS

oleum temperatum, farina triticea, panis triticeus,
alica, adeps suillus, & uitulinus, butyrum, thus,
pix, resina.

Quæ concoquant. Cap. XXVI.

AMOMVM, uua passa, cera, ladanum,
colla, thus, pix ægyptia, mastiche, oleum rosa-
ceum, myrrha, styrax, galbanum, alica, buty-
rum, æsypus, adeps suillus.

Mollientia. Cap. XXVII.

SEVVM caprinum, adeps gallinaceus, anse-
rinus, taurinus, hircinus, medulla cerui, uituli,
ammoniacum, styrax, galbanum, oleum sicyonium,
oleum liliaceum, chamæmelum, radix althææ, cu-
cumeris agrestis radix, folia maluæ syluestris, mal-
uæ caules, mastiche, terebinthina, colophonia, opo-
panax, lutum, butyrum.

Quæ indurent. Cap. XXVIII.

SEMPERVIVVM, portulaca, psyllium,
lenticula palustris, solanum. indurantur autem
partes aut propter siccitatem, & tunc eas humecta-
re oportet: aut propter plenitudinem, & tunc eua-
cuatione opus est, aut propter concretionem, et tunc
concretæ partes calefaciendæ sunt, & concretio mo-
derate dissoluenda, & ijs, quæ dicta sunt, mol-

lienda. nam quæ uehementer siccant, concretionem maiorem faciunt.

Quæ humiditatem ex ore trahant. Cap. XXIX.

PYRETHRVM, lapatium, capparis, ficus pingues, tæda, mel, myrica, apsinthium, origanum, raphanus, uua sine acinis, itemq; uua taminia, canchry, sinapi, eleborus albus, elaterium, thymum, sal, omphacium, anisum, piper, coccus gnidius, lauri bacca, balsamum, anemonæ, amoniacum, fex sicca combusta.

Quæ per nares ducant. Cap. XXX.

ELATERIUM, piper, betæ succus, cortex radices cyclaminis, thlassi, coccus gnidius, anagallis, anemone, ueratrum album, omphacium, marrubium, hederæ tenellæ folium.

Quæ ab oculis ducant. Cap. XXXI.

MEL, hyssopum, oleum uetustum, anagallis, oleum laurinum, nardum, casia, costus, succus papaueris, sagapenum, daucus, fœniculum, malum punicum, amygdala, marrubium, ueratrum album, anemone, ruta, castoreum, lapis æmatites, adeps anseris, fel, myrrha, chalcitis, sulphur, alumen scissile, sepia testa, cortex thuris, scilla, amoniacum, hepatis caprini sanies, uuæ acerbæ succus.

D iiij

ORIBASII SYNOPSEOS

Quæ per aures purgent. Cap. XXXII.

MEL, piper, fel bubulum, aut taurinum, mercurialis, betæ, & radicum capparis succus, granum gnidium, fructuum ficus sylvestris succus, bdelium, casia, ueratrum album, galbanum, omphaciū.

Quæ aperiant & purgent. Cap. XXXIII.

POPULI nigra folia sicca, & radicis cortex. agaricum, urtica semen, amygdala amara, ipsaq; arbor. adiantum, radix ari, pulegium, dracontium, daucus, gentianæ radix, ualde. cicer, eupatorium citra caliditatem. thymum, caricæ pingues, calamintha, casia, pruni arboris gummi, nigella, ruta, pepones, spondylii fructus, & radix, stœchas, chamædrys: et alia omnia, in quibus amara qualitas excellit, & præterea attenuandi facultas inest.

Quæ abstergant. Cap. XXXIII.

STERCVS caprinum ustum, et non ustum: testa omnium testaceorum. sepia testa. herinacei utriusque usti cinis. serum lactis, mel, radix bryoniae, amygdala esculenta, itemq; arbor. anagallides, anemonæ omnes. aristolochia, plantaginis folia, & ex quibus sicca magis faciunt. arum, asparagus, myacanthinus, staphis, asphodeli radix,

atriplicis fructus, absinthij succus, bulbus imposi-
tus, eleborus uterque. parietaria, quæ et perdicium
dicitur, salicis succus, cannæ uallaris radix cum
cortice facit sine acrimonia, centaurium minus, &
eius etiam succus, brassica, eruum, hordeum mo-
derate. lilij folia & radix trita mediocriter, fabæ
caro mediocriter, lamsana in cataplasmate imposi-
ta, lichen in petris nascens, uiolæ albæ partes om-
nes, meum, platani cortex, & radix moderate.
marrubium allitum, propolis mediocriter. ulmi fo-
lia. magis uero faciunt cortex, & radix: ptissana,
terebinthina magis, quam mastiche, sagapennum
moderate, cucumeres, peponis partes omnes, cucu-
meris agrestis radix. myrrha, beta, tithymali, phu,
chamæpitys, alcyonia omnia, terra chia, & samia
moderate, & cretensis, cadmia, pumex ustus, &
non ustus, argenti spuma moderate, smiris abunde
facit. testa clibanorum, cornu ceruinum, & capria-
num ustum.

Quæ urinam moueant.

cap. XXXV.

APIVM, petroselinum, fœniculum, daucus,
Smyrnum, anisi semen, ameum, asarum, acorus,
asparagus, oxymirsinum, bdelium, bryonia, cicer,
thymum, calamus aromaticus, carum, carpesia,
caucalis, costus, cuminus, cyperi radix, ligusticum,
meum, spica nardi, & nardum celticum, ruta, po-
lium, seselis, cucumis qui editur, melopepo, scandix,
allium, pastinaca, iunci odorati flos, terebinthi fru-

ORIBASII SYNOPSEOS

Etus, absinthium, sabina, sanguinem per urinam ducit rubiæ radix. urinas crassas & multas, & quandoque etiam sanguinolentas mouet capnium. biliosas & multas educit orobus. qui sumptus copiosior, sanguinem per urinam educit. cardui radix magnam copiam educit graue olentium urinarum, si quis uino incoquat, & decoctum bibat. foetidos urinae odores absterget aqua mulsa, oxymel, uinum tenue, & dilutum.

Quæ per urinam è splene educant. Cap. XXXVI.

TITHYMALI uallaris semen, cuminum, thymum, radix uitis syluestris, capparis radix, alium, cytisus, dracontium, aristolochiæ radix, origanum, polium, colocynthis agrestis, bryonia, cyclamen, portulaca, potus uini, in quo scorpius marinus suffocatus sit.

Quæ ex hepate educant. Cap. XXXVII.

VITICIS semen, dauci folia, foeniculum, balsamum, capnium, anisum, dactylorum ossa, lauri folia, absinthium, smyrnium, anagallides, menta, ænanthe, silphij succus. eringium, aqua, in qua hordeum maduerit, agaricum, asarum.

Quæ ex renibus ducunt. Cap. XXXVIII.

APII semen, piper, pastinaca, marrubium,

enicus, radicū bryoniæ cortex, gramen, ova sepia,
sulphur, cicer album.

Quibus educantur ea, quæ in thorace sunt.

Cap. XXXIX.

QVÆCUNQUE adaperiendi vim habent,
accommodata ad id sunt; nuclei pinei recentes, nu-
clei piceæ, butyrum, castoreum super carbonibus
suffumigatum, & per inspirationem attractum. id
enim humidam, frigidamq; intemperiem, quæ pul-
monem, ac cerebrum infestet, maxime iuuat. Spica
nardi capitis, & thoracis fluxiones exsiccat. porro
* ex pulmone educunt catapotia attrahentia, quæ dan-
tur. urticæ semen, dauci, et lini. papauer nigrum,
thymum, raphani succus, sinapi, anisum, sifa-
mum, erysimum, scilla, eruum, cucumeris semen,
piper, ruta, polium, arum, dracontium, costus,
nardum, sulphur, myrrha, baccarum lauri interna
pars. cortex radicū capparis, amygdala amara,
glycyrrhiza, castoreum, abrotonum. styrax, bdeli-
um, silphium, hyssopum, uua sine acinis, ompha-
cium, aristolochia, galbanum, marrubium, erin-
gij radix.

Renes purgantia.

Cap. XL.

INCIDENTIA omnia renes expurgant, ut
plantaginis sicæ radices, & fructus, asparagus,
myacanthinus, glycyrrhiza, cicer, amygdala.

ORIBASII SYNOPSIS

Cutem rarefacientia. Cap. XLI.

CHAMAEMELUM, anethum, althæa, cucumeris erratici radix, oleum uetus, abrotonum ustum.

Orauasorum aperientia. Cap. XLII.

ACRIA omnia, anemonæ omnes, allium, cæpa, fel taurinum, irini, & amaracini feces.

Quæ cutim condensent. Cap. XLIII.

AQVA frigida, semperuiua, portulaca, tribulus uiridis, psyllium, lenticula palustris. & uno uerbo, quæcunque non exsiccando refrigerant.

Quæ putrefaciunt. Cap. XLIII.

CEDRIA, auri pigmentum, sandaracha, chrysocola, pityocampe, ueratrum nigrum.

Quæ reprimunt. Cap. XLV.

ELATERIVM, cucumeris syluestris radix, ochra, mandragora, asiæ petræ flos, testacea omnia combusta quæ in carne eminent, mediocriter reprimunt. echini usti, lapis æmatites siccus tritus, &

in puluerem redactus. viola, & faba, squama
æris, & chrysocola.

Quæ ad cicatricem perducant. Cap. XLVI.

ALVMEN, galla immatura, æs ustum, &
præsertim lotum. malicorium aridum, plumbi recre-
mentum, lithargyrus, plumbum ustum, ceryces,
testacea omnia, purpura, uïtrum, pumex, specula-
rius lapis, gypsum ustum, cerussa. pōpholyx, spodi-
um, chrysocola, stibium ustum, diphryges, sarco-
colla. Hæc omnia si ulceribus insperferis, ea ad cica-
tricem recte perducunt. Mordendo autem cicatricem
inducunt atramentum sutorium ustum, cadmia,
squama æris, & ferri, stomomatis, ærugo, calx
usta, & lota.

Superficiem exulcerantia. Cap. XLVII.

RVBI canini folia, betæ radix, allium, pu-
legium, hyssopum, origanum, sepia testa, asphode-
li radix, lini semen, quæque salsa, acria, & ama-
ra sunt.

Adurentia. Cap. XLVIII.

CANTHARIS, diphryges, fex usta, ane-
mone puniceum habens florem, allium, cinis ficul-
nus, nitrum tostum, æs ustum, alumen, buccina-
rum testa usta, capita menularum, arsenicum, can-

ORIBASII SYNOPSIS

chry, uua taminia, granum gnidium, pyrethri radix, calces uehementer: non extincta uehementer urit, extincta crustam inducit, sinapi.

Attrahentia. Cap. XLIX.

ANEMONAE omnes, utraque anagallis, dictamum, cicer, thapsia, cyclaminus, narcisi radix, propolis ualde trahit, fermentum, stercus omne, sagapenum, succus cyrenaicus, & medicus, silphij succus, & radix. sparti fructus, & uirgarum succus ualde, terebinthina magis, quam alie resinae, sulphur, stercus boum, & praecipue eorum, qui eruum comedunt, calamintha cataplasmatibus more imposita, costus, uiscum ualde trahit.

Discutientia. Cap. L.

ABROTONVM ustum, agaricus, adiantum, egilops, urticae semen, & folia abunde. sambucus, ebulus, anisi semen, aristolochiae radix, atriplex, bulbosus, herba sabina, muscus, qui et splanchnon dicitur, daucus, ibiscus, althaea, oleum dulce, uetus, raphaninum, thapsia, cannae uallaris cortex ustus abunde discutit. brassica, lilij folia, & radix, hederæ folia, ladanum, mercurialis, malua agrestis, mastiche Chia, mali persicae germina, & folia, rhododaphne, prima ficus, opobalsamum, succus cyrenaicus uehementissime. paliuri radix, & folia, ruta, marrubium, terebinthina, oleum rosae

ceum, sordes ex statuis, sordes ex gymnasio, samp-
suchus, cucumeris agrestis radix, myrrha, ex cari-
cis, pingues, magis, quàm quæ ex caprificu existunt,
beta discutit, & non calefacit, uehementius facit
alba, galbanum, sal ustum, salis flos, nitrum, o-
mnia alcyonia, terra samia, faba, caseus tener, ex
laëte acido moderate, carnes uiperarum, uehemen-
ter, adeps leoninus magis, quàm cæteri, ossa combu-
sta, echini utriusque cinis.

Adstringentia. Cap. LI.

OLEASTER, rosæ, lentiscus, pirus agrestis,
apium, semperuiuum, papauer, cytisus, aloë, urti-
ca, acini, pira, crocus, althæa, terebinthus, glans,
altercum, hederæ, nymphæa, palmæ, oui uitellus,
paliurus, caudæ equinæ radix, & herba, sanguis
concretus, cyperus, ænanthe, brassica coëta, coagu-
lum leporis, spongia usta, rhamnus. sunt etiam alia
pleraque adstringentia, quæ nota sunt omnibus.

Quæ lac generent. Cap. LII.

ERVCA, fœniculum, anethum, cum uiridia
sunt. smyrnium, itemq; apium, sisamum, cucu-
meris semen, canchry, smyrna, polypodium, gla-
ux, cerebrū, bryoniæ radix, crithmon, cuminum.

Ad menstrua suppressa. Cap. LIII.

IN potu accepta ualet sabina, meum, iris, ru-

ORIBASII SYNOPSIS

ta, calamintha, pulegium, dictamnium, asarum, costus, casia, aristolochia, unicuique miscetur aut tritici decoctum, aut aqua, in qua foeniculum coctum sit; aut ptissanae succus. Cataplasma autem fit ex foeniculo, nigella, smyrna, hordei macerati succo, portulaca, adipe anseris, ulmi folijs, cera, sulphure, & felle taurino, apponuntur etiam adeps ceruinus recens, itemq; adeps anseris, fex usta, sal, oleum, cyperus, aphronitrum, styrax, absinthium, artemisia, sampsuchus, ueratrum nigrum, granum gnidium, mercurialis, cuminum, foenum graecum, uua passa sine acinis, citria.

Quae semen generent, ac prouocent. Cap. LIIII.

EDULIA semen gignunt ea, quae magis nutriunt, quaeque flatum excitant; medicamenta uero, quae flatuosa, quaeque calida sunt. Ita fit, ut bulbi, cicer, fabae, ac ficus inter edulia multum seminis gignant: scincus & satyrium, inter medicamenta: edulium uero simul & medicamentum, eruca, & lini semen.

Quae semen cohibeant. Cap. LV.

QUAECUNQUE edulia, atque medicamenta refrigerare possunt, itemq; quae crassum humorem gignunt, quaeque condensant, ea semen inhibent omnia. eiusmodi sunt lactuca, betae, atriplex, cucurbita, mora, melopepones, cucumeres; Quae

uero

uero initio siccant, ea ne semen quidem gigni permittunt, licet suapte natura calida sint, qualis est ruta. si uero non calefacient, multo magis cohibebunt, ut facit nymphæa.

De simplicium medicamentorum electione.

Cap. LVI.

AGARICVM præstantius est, quod pectines rectos habet.

Acaciam eligito modice fuluam, & odoratam.

Aloen pinguem capito, non lapidosam, splendidam, subflauam, friabilem, hepatis colore præditam, facile liquescentem, amaritudinis intensæ. nigram, & ualde duram reijcito.

Ammoniacum thymiama eligendum est, quod ligneum non est, & granis thus refert, purum, densum, nihil sordium habens, castorei odorem præ se ferens, gustuq; amarum est.

Amomum præstantius est, quod recens, albumq; aut subrufum, non compactum, aut spissum, sed solutum, et diffusum, semine plenum, ut racemulis, ualde graue, et odoratum, non cariosum, acre ad gustum, colore simplex, non uarium. Adulteratur à quibusdam amomide ei persimili admista. semper enim reprobatis fragmentis ramos ab una radice prodeuntes eligito.

Aspalathus bonus est, qui grauis est, quiq; post detractum corticem subrufus, & gustui amarus est.

E

ORIBASII SYNOPSEOS

Bitumen præstantius est, quod ad modum purpureæ splendet, intenti, ac grauis odoris. nigrum malum est: siquidem pice admixta adulteratur.

Absinthium præstat cæteris id, quod in Ponto, & Cappadocia nascitur. eius succus amurca cocta, & commixta uitiatur.

Bdellium probatissimum est, quod gustui est amarum, colore glutinis, pingue in profundo, & quod molliri facile potest, lignorum & sordium expers. suaue olens in suffitu, & ungui aromatico simile.

Eleborus niger præstantior est adultus, quiq; tenuem medullam habet, acer gustui, et ignitus. talis est, qui in Helicone, Parnaso, et Anticyris nascitur.

Euphorbium eligendum est pellucidum & acre.

Viscum optimum est quod in Helicone nascitur, cuius interior pars marrubij colorem refert, exterior subflaua.

Gluten piscium probatur album, subcrassum, non scabrum, celerrime liquescens.

Calamus aromaticus præstantissimus est fuluus. densis geniculis, & qui fractus in multa frusta disiliat: fistula plena telis aranearum, subcandidus, in mandendo uiscidus, adstringens, & subacris.

Cardamomum optimum est, quod ex Armenia aduehitur. elige quod difficiliter frangitur, plenumq; est, & conclusum.

Cassiam elige rufam, boni coloris, corallum referentem, angustam, admodum longam, et crassam, fistulis plenam, in gustu mordacem, & adstringentem cum aromatico feruore quodam, uinum redo-

lentem. Purpurea uero & crassa, quæ gizera dicitur, rosam odore referens, est ad medicinæ usum accommodatissima.

Cera optima est rufa, subpinguis, odorata, pura, pontica.

Ladanum optimum est odoratum, subuiride, quod facile mollitur, pingue, sine arenulis, aut resinofum, tale est quod in Cypro nascitur.

Colla, quam xilocollam nonnulli appellant, optima est Rhodia, estq; alba, pellucida. nigra uero deterior est.

Gumi excellit cæteris id, quod uermiculatum, uitreum, pellucidum, non lignosum est. deinde uero album. resinofum uero & sordidum, inutile est.

Costus præstantior est Arabicus, qui & albus, et leuis est; quiq; plurimo, & suauis odore præstat. Secundum locum tenet Indicus, qui buxei coloris est, naresq; odore percutit. Optimus autem est recens, albus, ex omni parte plenus, densus, siccus, minime cariosus, qui edendo non sit, gustuiq; mordax et igneus appareat. hunc nonnulli corrumpunt helenij radicem miscentes: sed id facile cognoscitur. nam helenium non feruescit gustum, neque intentam habet odoris bonitatem, neque mordacem.

Crocus Corycius optimus est, recens, ac boni coloris, parum candoris in capreolo habens, procerus, integer, non friabilis, non pinguis, plenus, manus tamen attritu facile tingens, non cariosus, ualidi odoris & acris. nam qui eiusmodi non est, aut uetus est, aut maceratus. ut autem facile teri possit, in

ORIBASII SYNOPSIS

sole erit continendus, aut in fictili nouo uertendus.

Crocomagma fit ex crocino unguento aromatibus expressis, & confectis. præstantius est odoratum, quod dimidium ex myrrha constat, graue, nigrum, non lignosum, colorem croci in attritu referens, subamarum, dentes ac linguam uehementer inficiens.

Cyperus optima est grauissima, & densa, et solida, & difficiliter friabilis, odorata cum acrimonia quadam.

Viola optima est lutea.

Thus primas fert masculum, rotundum, non sectum, album, & quod sectum intus pingue est. adulteratur resina, aut gummi. sed facile deprehenditur. nam gummi in suffitu flammam non excitat, resina uero in fumum abit.

Thuris cortex præstantior est is, qui crassus est, pinguis, boni odoris, recens, leuis, non scaber, aut membranofus. uitiatur admisto pinus, aut nucis eius cortice. index est ignis. nam alij suffiti fumum edunt, thuris uero cortex ardet cum odoris suauitate.

Malabathri folium probatur quod recens est, subalbidum, quod halitu odoris sensum tentat, & in suauitate odoris perstat, nardo similis ad gustum, nullo salis sapore admisto.

Medulla primas tenet ceruina, secundas uitulina, tertiastaurina, bona est quæ æstate ad autumnum uergente colligitur. alijs enim temporibus sanguinem admixtum habet. paratur ad reponendum recens subacta, & aqua affusa. deinde per lintum traicitur, tum denuo lauatur; usque dum

aqua pura reddatur . postea in duplici uase liquatur
sordibus fluitantibus penna sublatis . postquam con-
creuerit , in fictili nouo reponitur , derafa prius dili-
genter fece , siquæ post liquefactionem , excolatio-
nemq; subsederit .

Melilotus optimus est Atticus , quiq; in Cyzico na-
scitur croci colore & odore .

Papaueris succus optimus est densus & grauis ,
& halitu odoris somnum inducens , gustu amarus ,
qui in aqua facile liquefcit , leuis , albus , non asper
neque conglobatus , neque dum liquefcit conglome-
ratus , non durus & qui soli expositus , non diffun-
ditur , & quo ad lucernam admoto non atra flamma
luceat . adulteratur lactuæ agrestis succo admisto .

Spica nardi melior est recens , leuis , comata , co-
lore flauo , admodum odorata , cyperi odorem refe-
rens , spicam habens breuem , gustu amaram , lin-
guam exsicicans , odoris bonitate diu permanente .
hæc etiam diluta aqua uenditur . id quod cognosci-
tur ex spicæ candore , & squalore , amissa lanugine .

Omphacium eligito subflauum , friabile , egregie
adstringens , linguamq; mordens .

Onyx præstat is , qui è rubro mari affertur al-
bescens & pinguis .

Panacis radices præstantiores sunt siccæ , albæ ,
extentæ , non corrosæ , feruidæ gustui , & aroma-
ticæ . Liquor uero probatur is , qui gustu est amaris-
simus , intrinsecus albus , extrinsecus croceus , qui le-
uorem habet , pinguisq; ac friabilis est ; quiq; celeriter
diluitur , & grauem ex se odorem mittit .

ORIBASII SYNOPSIS

Piper probatur quod grauius est, plenum, non admodum rugosum, recens, & non furfuraceum.

Paucedani succus præstantior est is, qui graui odore, & colore rufo præditus est, gustuq; calefacit. Polio montano utimur.

Resina terebinthina probatur quæ dilucidior est colore, odorataq; . minus uero illa, quæ uitro est similis.

Myrrha primas fert ea, quæ Trogloditica nominatur. eligito recentem myrrham, fragilem, leuem, ex omni parte sibi ipsi concolorem. & quæ confracta intus habeat candidas diuisiones humanorum unguinum figura. quæ minutis glebis sit, amara, odorata acris. quæ uero ponderosa est, & picei coloris, ea est inutilis.

Stacte myrrha bona est, quæ odorata est, leuorem habet, & cui oleum non sit admixtum.

Styrax præstat qui flauus est & pinguis, & resinosus, grumos habens subalbidus, cuius suauis odor diu perdurat, dumq; molitur melleum humorem ex se remittit. crematur styrax, & igni torretur, & ad fuliginem thuris modo uaporatur.

Tragacantha est lacryma sectæ radici inherens, in qua bonitate antecedit quæ pellucida est, leuoremq; habet, ac tenuis est, pura, & subalbida.

Hyosciamo utendum est eo, qui albis sit floribus. et semine itidem albo. si is non adsit, flauo utendum: nigrumq; ut inutilem, repudiare.

Galbanum excellit, quod thuri simile est carthilaginiosum, purum, minime lignosum, & quod ferula, seminisq; aliquid admixtum habeat, odore

gravi, neque admodum humidum, neque etiam siccum.

Chalcanthum hoc est atramentum sutorium, eligendum est, quod leuorem habet, & colore ceruleo æqualeq; est, & crustas habet squamarum modo, non lapidosum, & boni coloris.

Auripigmentum optimum est habendum, quod crustaceum est, & aureo colore.

Terra ampelitis cæteris anteferenda est nigra, exiguisq; picearum carbonibus similis et splendescens.

Diphryges anteferendum alijs est, quod gustui æris saporem reddit, linguamq; abunde adstringit, & exiccat.

Sulphur probatissimum est, quod ignem non est expertum, quodq; in eo genere splendet, ac pellucidum est, & minime calculosum. In eo autem quod ignem expertum fuerit, primas tenet uiride, & pinguiusimum.

Indicus lapis probatissimus est, qui ceruleam speciem, & leuorem habet, estq; succosus.

Cadmia optima est quæ botryitis, hoc est acinosa nominatur, mediocriter ponderosa, quæq; extremitatem acinis similem habet, colore spodij, fracta cinerem intus habet atque rubiginem. Secundo loco censetur, quæ foris est cerulei coloris, intus uero maculis onychitæ lapidi, similibus.

Pumex probatur qui leuissimus est, ac fistulosus, scissilisq; nec lapidosus; quiq; friabilis est, et candidus.

Lithargyrus, hoc est argenti spuma probatur ma-

ORIBASII SYNOPSEOS

gis ea, quæ chrysitis, quasi aurea nominatur, quæq;
splendet.

Lapis Asius anteferendus est cæteris, qui colore pu-
micis est, fistulosus & levis, itemq; friabilis, quiq;
discriminationes luteas in profundo habeat.

Lapis hæmatites probatissimus est, qui friabilis,
rubeus, & in se ipso durus, & æqualis est: quiq;
nihil habet admixtum.

Gagates lapis probatur, qui celerrime accenditur,
& dum uritur, bituminis odor sentitur.

Magnes probatissimus est, qui facile ferrum tra-
hit, & colore ad ceruleum uergente, & densus.

Melanteria cæteris præstat, quæ sulphureo colore
est, leuorem habet, æqualis, pura, & in aquæ con-
tactu statim nigrescit. uim in urendo habet eandem,
quam misy.

Rubrica sinopica optima est, quæ est densa, &
grauis, iocinoris colore, non calculosa, sibi ipsa tota
concolor. & quæ cum diluitur, copiose diffunditur.

Misy eligendum est cyprium, quod auri speciem
refert, durum, cumq; frangitur, aureas scintillas
emittit, & stellarum more splendet. Vritur eo
modo, quo chalcitis, nisi quod ex eo psoricum non
conficitur.

Plumbago probatissima est, quæ argenti spumæ
speciem præ se fert, flaua, modice splendens, & in
attritu rufa apparet.

Nitrum probatur quod leue est, rosaceo colore,
aut albo, & foraminibus plenum.

Spuma nitri optima est leuissima, & grumosa,

¶ friabilis . eodem quo sal comburitur modo .

Pompholyx optima est Cypria, hæc aceto macerata æris halitum ex se emittit .

Sandaracha præferenda cæteris est ea, quæ admodum rufa est, florida, pura, colore cinnabaris, habetq; sulphuris halitum .

Stimmi præstantissimum est quod radiat, fulgetq; cum frangitur .

Alumen probatissimum est scissile, recens, admodum candidum, nec calculosum .

Sori anteferendum est Aegyptium, quodq; in frangendo nigrius apparet .

Fex præstat cæteris, quæ ex uino est .

Aes ustum probatur quod rubrum est, & in attritu cinnabaris colorem præfert . lauatur ut cadmia, ter in die aqua affusum .

Qui ceræ modus cum oleo sit . Cap. LVII.

SI unguenta, quæ à leuanda lassitudine, aco-
pa dicuntur, conficere uolueris, oleum ceræ qua-
druplum inijcies . Si uero liquidum ceratum, ut in
fracturis fit, duplum . Si medicamentum emplastri
modo conficere uelimus, tantundem utriusque mi-
scebimus, si aer nos ambiens sit moderatus : sin au-
tem cera uetus, aut arida, aerq; frigidus fuerit,
paulo plus olei adhibendum est : sicut etiam si cera
fuerit pinguis, aerq; calidior, paulo minus olei debet
esse . hæc uero paulo minor portio, est duodecima pars
medij inter utramlibet partem excessus . etenim &

ORIBASII SYNOPSEOS

undecim, & tredecim olei uncis ceræ libram admiscimus.

De ponderibus, & mensuris. Cap. LVIII.

AMPHORA Italica habet sextarios XLVIII.

Sextarius continet libram unam, uncias octo.

Sextarius mellis libras duas continet.

Chus sextarios sex continet.

Sextarius heminas duas habet.

Cyathus drachmas duodecim.

Mina uncias octo continet.

Vncia scrupulos viginti quatuor.

Olca scrupulos tres habet.

Obolus scrupulum medium.

Oxibaphum quartam heminæ partem:

Cheme magna drachmas tres continet.

EX libro de compositione medicamentorum *αἰσθητῶν*

τὸ τοιοῦτον renes calculo obnoxios seruans

medicamentum. Cap. LIX.

VVARVM passarum unc. I. adianti drach. IIII. seminis apij drachmæ dimidium, lithospermatis drach. II. amygdalarum amararum drach. II. damasonij drach. I. phu tantundem, succi plantaginis puri drach. I. seminis peponis repurgati, & seminis cucumeris singulorum drach. I. lemniae sphragitidos drach. med. thuris insecti grana VIIII. subigantur in minutissimas partes redacta, & in grana redigantur: tum cum oxysaccharo fermententur: fiantq; grana magnitudinis ciceris. ex ijsq; sin-

gulis mensibus per octo dies grana quinque quotidie ex mixto oxyfaccharo sumantur. cæteris uero mensis diebus, præter eos octo deinceps insequentes, hoc facito, quod sequitur, Cicerum ius in quo uuæ passæ absque acinis, itemq; anethum, menta, foeniculi radicum parum, saccharum, & amygdala subacta incocta sint, per colum traiectum bibe: ipsoq; per interualla utitor.

Loca in quibus uiperæ comperiuntur, sunt Phænus, Typanges, Achlada, Xerocastellum Alonitzin. In horum montanis stationibus præstantiores, & laudabiles uiperæ degunt.

De latis emplastris, quæ $\kappa\sigma\pi\alpha$, hoc est, continua dicuntur. Cap. LX.

IN emplastris, quæ à latitudine platysmata uocantur, si medicamenti uim moderatam esse uelis ad cicatricem inducendam ulceribus, quæ difficiliter sanescunt, quartam metallicorum partem ceræ admiscebis. si uehementius medicamentum conficere proposueris, tertiam, ita tamen, ut cera in sole, aut ad ignem, aut aqua calida molliatur, atque ita metallica admisceantur.

Ex Antylli commentarijs de coctione medicamentorum, quæ ad emplastra conficienda adhibentur. Cap. LXI.

IN coquendis medicamentis argenti spuma cum oleo decoquetur, eam uero lenigatam rursus ex oleo conterere oportet, ut conspissescat, deinde ita leni igni continuo agitatam coquere. Primum autem intume-

ORIBASII SYNOPSEOS

scit, bullasq; emittit, ubi uero iam fere satis cocta fuerit, colorem feci similiorem recipiet. Coctionis terminus est, cum tumor se remittit, & non inquinat.

Molybdæna eodem modo, quo spuma argenti coquitur; eius coctionis modus est, ut non modo digitos non inquinat, sed etiam ut colorem ex igneo in fuluum, & admodum floridum commutet.

Aes non in ipso protinus initio ad coquendum imponitur, sed semicocto iam emplastro. modus coctionis, nisi admodum paucum iniectum sit, erit, cum color ipsius exuperet, et fuluum emplastrum faciat.

Sory, & diphryges ipsa quoque medio coctionis tempore iniiciuntur. Diphryges autem, ueluti etiam squama, coquitur usque dum eius color uincat reliqua. Sory uero non habet peculiarem coquendi terminum. sed is omnibus communis est, ut emplastrum non inquinans reddatur.

Chalcitis sicut æs coquitur, coquendi finem metimur, si emplastrum magis fuluum, magisq; phæniceum euaserit.

Aeris flos eo modo, quo æs, coquitur, eius terminus est is, qui coctioni communis est.

Atramentum sutorium medio coctionis tempore iniicitur, coctum emplastri colorem uehementiorem efficit, ac nisi reliqua obsiterint, emplastrum nigrum reddet.

Misy ad finem coctionis inditur, neque ullum habet coquendi finem sibi definitum.

Arsenicum, & sandaracha in fine coctionis imponuntur.

Plumbum ustum in media coctione adhibetur.

Cerussa in alba emplastra ad finem inditur. sic enim & colorem suum conseruat, & magis exalbescit. In nigra uero emplastra in initio, siquidem cocta cerussa fit nigrior.

Aerugo in emplastris uiridibus post coctionem iniicitur. in quibus uero ne in ollam quidem coniicitur, cætera ad ipsam ex aceto detritam, in mortarioq; manentem affunduntur. In melinis emplastris cum semicocta confectio est, imponitur. hæc enim mediocriter cocta melinum colorem efficit. in ijs uero, quæ geminam faciem, duplicemq; colorem præse ferunt, quæ διπρόσωπα, & δίχρωμα nominantur, in ipso statim initio ærugo ponitur. in quibusdam enim coquendo melinum colorem primum inducit, qui duplicis coloris speciem præfert: postremo autem fuluum colorem reddit.

Alumen plerunque post coctionem additur. proprium coctionis modum nullum habet.

Rubrica ad finem iniicitur.

Cadmia, et pompholyx in principio imponuntur.

Sal, & nitrum in medio coctionis iniiciuntur.

Sulphur in fine adijcitur. ipsius coctio nigra facit emplastra.

Terra omnis, itemq; lapides, atque etiam pumex ad finem plerunque iniiciuntur.

Oleum si in initio resinæ alicui, aut pici liquidæ fuerit iniectum, facit, ut emplastrum non cohereat. quam ob rem cum illa coctione cohaluerint, & constiterint, oleum indetur. reliquæ pinguedines sa-

ORIBASII SYNOPSEOS

lis expertes in medio coctionis tēpore imponendæ sunt.

Ex unguentis, irinum coquitur, cyprinum uero & rosaceum minus, cætera nequaquam coctionem ferunt, idcirco ad finem coctionis sunt immittenda.

Cera per se ipsa non coquitur, adurit enim sola, sed nec etiam cum resina liquida, nec cum pice liquida; neque enim coit, uerum adicitur aut oleo puro, aut oleoso, quod cum aliquo metallico coctum sit, aut resinæ, aut pici prius coctæ. ac cera quidem prius inijcitur, quàm cætera, quæ inijcienda sunt, coeant, atque cohæreant.

Resina arida post ceram inditur, liquida uero ipsa per se ante alia omnia coquitur, nisi eius perexigua sumatur portio.

Pix ante alia inijcitur. Finis coctionis eius picis, quæ liquida est, habetur cum coit, et spissatur, arida uero, præsertim si cum aceto coquitur, cum non amplius bullas emittit, neque intumescit.

Bitumen in principio impositum coquitur. id uero non est in leuorem redigendum, habet enim asperitates ficuum granis similes: in crassiores ergo partes est frangendum, & aceto incoquendum sic, ut non agitetur, donec non amplius bullas mittat.

Propolin præmollire oportet, & coquere: a coctione enim neutiquam diffunditur.

Ammoniacum circa mediam coctionem imponitur. si uero ad cruenta uulnera emplastrum paratur, aceto, aut uino erit macerandum. si molle fuerit emplastrum, qualia sunt, quæ ad anum parantur, cum aqua erit læuigandum, atque ita cæteris

iam coctis infundendum.

Opopanax multo post ammoniacum inijcitur. omnino autem paucam coctionem requirit, id quoque ex uino, aut aceto prius est leuigandum.

Galbanum coctionem neutiquam fert, sed ut ne inquinet digitos, emplastrum ab igne auferendum est, ipsumq; emollitum infundendum.

Sagapenum in mortario tunditur, & cum teneriusculum factum est, cum emplastro, quod ab igne sublatum sit, emollitur.

Aloe post coctionem inspergitur.

Succus papaueris pridie in modica aqua maceratur, & in mortario teritur, atque ita ei emplastrum affunditur.

Thapsia postremo loco inijcitur.

Bdelium leuigatum emplastro ab igne iam sublato inspergitur. Sin autem pingue sit, ut leuigari non queat, ipsum aequae, ac sagapenum contusum, ac in emplastri formam redactum simul cum emplastro molliemus.

Thus, & manna coctione iam perfecta insperguntur.

Myrrha cum modico mellis leuigata, aut cum aceto, & aqua, si modo humida emplastrum admittat, absoluta coctione inijcitur.

Semina, radices, et herbae coctionem non ferunt, ergo leuigatis, & in mortario adhuc subsistentibus liquefacta reliqua affunduntur.

FINIS SECVNDI LIBRI.

QVID TERTIO LIBRO
CONTINEATUR.

HOC libro habetur, quæ unguenta, emplastra,
malagmata, cataplasmata, pastilli, sicca colyria,
liquidaq; probata sint. itemq; de agglutinantibus,
smegmatis, dropacibusq; inunctionibus, antidotis,
purgationibus, & suffitibus differitur.

Capita huius libri.

Basilicon emplastrum.

Enneapharmacum.

Ex cadmia.

Attalicum album.

Phoenicinum Galeni.

Viride, quod lite appellatur.

Dichromon.

Pentatheton.

Ex hyosciamo.

Myrteum.

Album ad ambusta.

Copton platysma.

Aphrum.

Geranion Poletis.

Ex dictamno.

Ex lini semine.

Ex uerbenaca.

Elephantinum.

Ex anthemide.

Halmylon.

Halmyron.
 Ex salicibus Magni.
 E buccinis.
 Ad olepecias.
 Adamantini ad idem.
 Ex salicibus Critonis.
 Ad cancos ulceratos.
 Ad ulcera phagedænica Adamantini.
 Ad cancos depascentes, & erodentes.
 Ad intestina prolapsa.
 Ad herniam Adamantini.
 Aliud ad idem.
 Ad ramicem inguinis Adamantini.
 Ad idem.
 Aliud.
 Ad aquosos ramices.
 Ad meliceridas Adamantini.
 Corax ad nomas.
 Ad ramicem gutturis.
 Ad sedis inflammationes.
 Ad tentiginem ciendam.
 Ad fracturas ossium.
 Ad teneros, & qui ex ulceribus nimis grauiter con-
 flictantur.
 Ad phagedænas Galeni.
 Adamantini ad phagedænas.
 Aliud ad omnia ulcera maligna.
 Aliud.
 Ad ulcera carcinode.
 Ad ulcera perhumida.

Ad idem .
 Ad ulcera maligna fluentia .
 Ad ulcera chironia .
 Ad eadem .
 Ad putrida & depascentia .
 Ad vermes in ulceribus .
 Ad cavitates fistulosas, inueteratasq; .
 Ad ulcera flaccida .
 Ad ulcera, quibus ægre cicatrix inducitur .
 Ad ulcera uetusta .
 Ad maculas & cicatrices extirpandas .
 Ad ungues scabiosos .
 Dia halon .
 Ad cancrum ulceratum .
 Cerata & perfusiones ad parotidas, & phymata .
 Ad bubonocœlem .
 Ceratum ex quatuor rebus .
 Azanites .
 Hypochondriaca anethine .
 Ad erysipelata, quod illinitur .
 Perfusio capitis .
 Alia ad percussiones & plagas .
 Ad cardiacos .
 Ad podagricos .
 Ceratium quod $\chi\epsilon\iota\rho$ dicitur .
 Perfusio capitis alia .
 Ad ulcera serpentia .
 Ad saniem .
 Vnctio ad nervorum affectiones .
 Amythaonis ad præcordiorum affectiones .

Ex seminibus.
 Ex ptissana.
 Aliud.
 Malagma ex fœno græco.
 Epithema stomacho aptum.
 Malagma tonsoris.
 Ex micis ad omnem duritiem.
 Ex palmulis.
 Epithema ad stomachicos.
 Aliud quod βασιλικὸν dicitur.
 Cyphoides.
 Ex œnanthe.
 Ex Galeni lib. ceratū ad oris stomachi inflammationē.
 Malagma ad lienem.
 Malagma ex baccis lauri.
 Malagma Apollopheanis.
 Ad Ischiadicos.
 Clidion Philomeni Mnasei.
 Epithema infrigidans Galeni.
 Cataplasma ex fermento.
 Cataplasma ex pane.
 Cataplasma ex furfure.
 Cataplasma ex ficibus.
 Acopon decamœron.
 Pentamœron.
 Acopon unguentum ex castoreo.
 Aliud simplex.
 Ad eos, qui ob senectutem refrigerati sunt.
 Ad pallorem, & liuores.
 Ad penem erigendum unguentum Rufi.

24
Ischiadicum .

Ex hedera .

Ischiadicum unguentum .

Ischiadicum Antonij archiatri .

Metasyncriticum .

Pastillus Andronis .

Pastillus Muse .

Pastillus Heræ .

Alius eiusdem .

Pastillus ex charta ad nomas .

Pastillus ad uutiligines .

Pastillus croceus .

Pastillus ad lichenas .

Pastillus ad tormina .

Pastillus Pasionis .

Pastillus podagricus , Procli .

Pastillus ex electro .

Pastillus ex acacia .

Pastillus ad hemicraniam .

Siccum medicamentum ad cicatricem inducendam .

Aliud ad idem .

Cephalicum .

Aliud crustas inducens .

Aliud patefaciens citra dolorem .

Rhodiaceum .

Ex charta .

Ad nomas .

Adurens .

Anthera Philumeni .

Collyrium libyanum .

Psilotrum Apollinaris.
Cnicus flauus Bassi.
Ex erica.
Vranium.
Achariston.
Ex thure.
Cygnus.
Libyanum ad pustulas, & alia permulta.
Ex cornu ceruino.
Niliu Demosthenis.
Collyrium madicum.
Spodiaceum.
Nardinum.
Collyrium aromaticum,
Chiacum.
Siccum ad angulos oculorum scabiosos.
Diacenteton.
πῶ γ' ἔνδοξος Erasistrati.
Collyrium ad pura, & impura ulcera.
Aliud ad pura ulcera.
Dionis collyrium.
Collyrium πνευματικόν appellatum.
Collyrium ad carbunculos.
Collyrium ad tabem.
Collyrium ad suffusiones.
Archigenis ad oculorum claritatem.
Demosthenis ad ueteres affectiones.
Cleonis gluten.
Siccum palpebras pulchras efficiens.
Aridum ad lippitudinem aridam.

Liquida compositio .
 Alia ad callos .
 Collyrium ad aspectus claritatem .
 Ad cicatrices oculorum .
 Gluten ad pilos .
 Ad crithas , chalaziaq; .
 Ad ægilopas .
 Cataplasma ad uehementes dolores oculorum .
 Vnguentum ad uehementes dolores .
 Dia rhodon Diagoræ .
 Croceum quod puerile inscribitur .
 Asclepiadæ pacianum .
 Ad oculorum caligationem .
 Smegma , quod Asclepias nominatur .
 Smegma caput exsiccans .
 Sapo repellendi uim habens .
 Drapax Gallus .
 Alius simplex .
 Psilotrum .
 Ad corrugationem .
 Smegma splendorem afferens .
 Stomaticum Philagrii .
 Anthera .
 Dia moron Galeni .
 Dia besasa .
 Ad anginam .
 Ad Columellam laxatam .
 Aliud .
 Ad dentes conseruandos Galeni .
 Ad dentes tremulos .

- Philagrii ad oris erosiones .
 Antidotum ad colicos .
 Antidotum Philonis .
 Trigonos .
 Catapotium Dioscoridæ ad exustos .
 Ad quartanarios Galeni .
 Ad eos , qui à cane rabioso morfi sunt Galeni .
 Ad eos , qui ex fungorum usu suffocati sunt Galeni .
 Ad comitiales ex Scilla .
 Pastillus ad uocem firmandam .
 Alius .
 Medicamentum ex fructibus pomaceis .
 Antidotum Quinti .
 Diospoliticon .
 Ex tribus piperis generibus .
 Ex calamintha .
 Ex succo cydoniorum .
 Antidotum Zenophili .
 Galeni hiera picra .
 Quæ subducunt uentrem .
 Grana salubria .
 Purgans , quod $\kappa\omicron\tau\alpha\epsilon\lambda\omicron\nu$ appellatur .
 Pastillus purgans .
 Grana purgantia .
 Medicamentum ad colicos .
 Symbiotarium .
 Medicamentum purgans ad eos , qui elephantia de-
 tinentur .
 Ius ueteris galli .
 Inunctio sedis ad flatum emittendos .

Hiera Rufi .

Lyci purgans medicamentum .

Aliud purgans eos , quos elephantiasis exercet .

Inunctio purgans .

Suffitus .

Alius .

Alius .

Hiera simplex Rufi .

Xeromyron compositio Arabica .

Suffitus ad somnum conciliandum .

Suffitus ex cupresso , quod cyphi lunæ dicitur .

45
ORIBASII SYNOPSEOS

AD EVSTATHIVM FILIVM,

LIBER TERTIVS.

De emplastrorum, & trochisorum compositionibus.

ASILICON, quod etiam tetra-
pharmacum dicitur, habet pares
b portiones ceræ, picis, resinæ frictæ,
seui taurini. si celeriter concoquere,
carnemq; inducere uolueris, unam
thuris partem ad duodecim basilici partes admisceto.

Enneapharmacon ualet ad suppurandum, egre-
* gie facit ad uacuas distentiones, et ad eas etiam, quæ
• in thorace sunt, & ad fistulas, quas etiam emollit.
est item ad uteri duritias aptum, atque ulcera, quæ
in eo sunt solutum sanat. habet autem ceræ, me-
dullæ ceruinæ, adipis anserini, taurini, butyri, te-
rebinthinæ, mellis, olei rosacei, cicini paria ponde-
ra. nonnulli autem rosacei loco liliaceum ponunt.
hoc purgat, ad cicatricem perducit, carnem creat.

Ex cadmia ad cicatricem inducendam, habet cad-
miæ ustæ, & uino præparatæ, calcitidis ustæ, sin-
gulorum unciam unam. olei myrtei, ceræ, resinæ,
colophonie singulorum libram unam, uini Italici,
quod satis est. Chalcitis, & cadmia ex uino teran-
tur, ut liquidi cerati consistentiam habeant, ceram
uero, ac resinam eliquans in ollam testaceam immit-
tito. metallica cum uino imponantur, omnibusq; in

ORIBASII SYNOPSEOS

mortario læuigatis utitor . ad inueterata utere hoc
puro emollito . ad recentia , cum cerato rosaceo.

Attalicum album , quod facit ad ulcera senum ,
& eorum , qui mollem cutim habent , & eorum , qui
ulceribus humidis infestantur , sanatq; ulcera cru=
rum , & egregie ualet ad abrasa genuum , & in
quibus membrana ossa tegens , nuda est : habet spu=
mæ argenti pondo denarium centum , cerussæ pondo
denarium centum , ceræ albæ pondo denarium quin=
quaginta , terebinthinæ pondo denarium uiginti=
quinque , thuris uncias tres , aluminis scissilis pondo
scrup. sex , piperis pondo denariorum trium , olei ue=
teris heminas duas , aquæ heminas duas , metallica in
sole coquito donec non amplius digitos inquinent , re=
sinam & ceram diligenter in unum composito , thus
primum indito , secundo loco alumen , ultimo piper .
Aliqui pro pipere cyperum inijciunt.

Phenicinum Galeni habet adipis suilli ueteris , sa=
lisq; expertis libras duas , spumæ argenti libras tres ,
olei antiquissimi libras tres , chalcitidis uncias quatu=
or , chalcitidem tritam , ac contusam tenuissimo cribro
cribratam in mortarium conijce , & diligenter tere
donec subtilissima reddatur , deinde argenti spumam
tenuissimo itidem cribro cribratam , et in tenuissimum
pollinem redactam infunde , & in mortario diligen=
ter unâ contunde , oleumq; in sole admisceto , ut li=
quidum medicamentum permaneat : postremo loco
adeps caprinus pondo librarum duarum adijcitur ,
qui ipse quoque est diligenter contundendus . ita omnia
in cacabo coques , & rudicula ex palma agitabis :

cortex uiridis externus ipsius uirgæ palmeæ auferendus est, ut suum humorem impertiri medicamento queat. Vnus autem palmæ ramus tibi ad coctionem satis erit; ut crassiore eius parte pro spatha utaris. ramulos autem, qui crassæ particulæ adhærent, quiq; utrinque exoriuntur, resecabis, & corticem detrahes, & in minutas partes concisos in medicamentum coniicies, ut eorum succum eidem impertiant. spatha autem statim ab initio uti par est, tenues uero palmæ particulas iniicere oportet, cum uidebis medicamentum cerato similem habere consistentiam: nam si ab initio eas immittas, earum succus coquendo consumetur, quem nos propter eius adstringendi uim, manere copiose, uolumus. quinetiam ipsius spathe pars quæ à medicamento exsiccata fuerit, præcidenda est. id quod bis, & ter erit faciendum, si eam arefactam uidebis. Perspicuum autem est, palmæ ramum, & recens, & eodem die præcisum esse debere, ut succi plenus sit. Medicamentum uero tum demum erit coctum, cum non inquinet. Hoc uteris ad cruenta uulnera, quæq; ad cicatricem difficiliter perducuntur, & ad sinus oleo dilutum. Conuenit omnibus partibus inflammatis, podagris, articulorum doloribus, nisi quo tempore dolores uehementes sunt. aptum est bubonibus, tuberculis, ambustis, pernionibus, ossium fracturis, & omnibus denique fluidis affectionibus. In hoc medicamentum dissoluendo hunc modum seruabis, ut medicamentum paululum olei mensuram excedat, ac præsertim æstiuo tempore, ut si medicamenti sint uncie de-

ORIBASII SYNOPSEOS

cem, olei nouem apponantur.

Viride, quod lite appellatur, rosaceo dilutum ulcus cauum, & apertum sanat. Constat ex ceræ, resinæq; frictæ, singulorum libra una, æruginis libris duabus, olei heminis duabus, hoc delicatis adhibendum est.

Dichromon, idest duplicis coloris, est, in quo sunt, æris usti, aluminis scissilis, ammoniaci thymiamatis singulorum uncia una, ceræ, colophonie, adipis taurini, aut suilli singulorum uncia una. sicca ex aceto læuigentur.

Pentatheton habet ceræ, adipis taurini, resinæ frictæ, picis, calcis pares portiones. usus tempore olei sicyonij quadrantem, ceræ uncias tres, olei unciam medicamenti quadranti adijcito, ex uino, & aceto contundito, atque utitur.

Ex hyosciamo, quod psitacion dicitur, habet resinæ frictæ, ceræ, adipis suilli, liquoris hyosciami pares portiones.

Myrteum habet spumæ argenti unc. sex, ceræ unciam unam, olei myrtei uncias duas, uini quod satis est.

Album ad ambusta habet spumæ argenti, cerussæ, sulphuris uiui, singulorum uncias sex, ceræ uncias quatuor, olei myrtini quod satis est. Aliud. spumæ argenti uncia, plumbi combusti uncia, ceræ uncia duæ, olei myrtini uncia.

Copton platysma habet æruginis unciam, squamæ æris unciam, terebinthinæ uncias duas, ceræ uncias quinque. Cera, & resina in pila terantur, &

in unum redigantur, deinde ærugo adiiciatur, ut emplastrum fiat, quod in tantam latitudinem extendatur, quanta satis sit ad ulcus comprehendendum, singulis autem diebus solvatur.

Aphrum sanguinem suppressens facit ad insignes divisiones, præsertim quæ in capite sunt, ad fistulas, sinus, fracturas. item hepaticis, & lienosis conuenit. absque inflammatione glutinat. Carthilaginibus etiam, ac nervis, ossibusq; præcisis mirabiliter prodest; ualet quoque ad ulcera profunda, & sinus: nam insigniter glutinat. Iam uero in abscessibus cum eiecta est sanies, imponitur. Est etiam ad suppressendum sanguinem præstantissimum, & præsertim in ijs, qui sanguinem reieciunt. duobus autem lintheis est inspargendum, alterum pectori, et costis imponendum, alterum dorso: nam præter omnium opinionem sanguinem sistit. Est præterea ad canum morsus accommodatum, & inflammationes omnino sedat: & ea, quæ uulneribus adhibentur, uincit omnia. hiberno tempore diebus septem soluitur, æstiuo quinque: si necessitas urgeat, tribus. habet autem ceræ, picis, bituminis, pityinæ liquidæ singulorum * unciam unam, mannæ uncias sex, cerussæ * Gal. uncias quatuor, atramenti sutorij tantundem, opop. habet panacis uncias duas, rosacei libras duas, alij scli libram. bram, aceti heminas duas. ceram, bitumen, oleum, acetum in ollam coniucito, ac parum liquato, deinde picem, ac resnam in minutissimas particulas diligenter concisas adiucito, ubi semicoctum fuerit, ollam tollito, & aliquandiu refrigerato, & atramentum

ORIBASII SYNOPSEOS

sutorium percolatum, læuigatumq; ex duabus aceti heminis paulatim, ne efferuescat, inspergito. hoc infuso, iterum leniter coquito, agitando. cum non amplius inquinat, ab igne amoueto, opopanax in aceto, quod reliquum fuerit, ita pridie maceratum, ut dissoluatur, infundito: deinde cerussam, mannamq; unà pariter probe tritas inspergito, & paululum tepesciens quousque in unum coeant, observa ne opopanax, & manna comburantur, in mortarium funde, & refrigerari finito, ac rursus subactum reponito.

Geranion Poletis facit ad nervos crassorum humorum plenos, ac laxatos, & in quibus periculum resolutionis imminet & ad fluxiones, quæ ad articulos feruntur, in quibus tumor etiam oritur. & ad partes quæ prolapsæ sunt, & ad recenti cicatrice contractos articulos, & incuruatos, quiq; si ui moueantur, strepunt, ut singuli sonum edant. Valet etiam, cum in cubitis, aut genibus, aut aliqua alia particula lentus humor, aut flatus continetur. sanat ganglia, & omnes concretiones, & steatomata, & atheromata. Accommodatum etiam est ad aneurysmata, ad strumas, & panos. omnia præterea indurata emollit, rumpit, exterget, attenuat, & glutinat, ac relaxata corroborat. Eius compositio est hæc, ramenti æræ statuae sordidæ, & æruginosæ, quale in ijs quæ inunguntur, reperitur, uncie viginti quatuor, ceræ tantundem, sandicis libra, sandarachæ libra, terebinthinæ libra. si ramentum durius sit, tunc tantundem terebinthinæ imposito.

gruis pennas omnes hoc modo crematas addito. In ollam fictilem nouam pennas omnes pone. os & totam ollam argilla illine, eamq; in fornacem conijce donec ignita argilla sit; tunc extrahe, atque aperi, pennæ adustæ, & in unum redactæ comperientur: eas ad strigmenti formam terito, deinde ceram, ac resinam super carbonibus liquato, tum sandaracham & sandicem contritum affundito, & donec probe mixta hæc fuernit, agitato. postea ramentum in mortarium coniectum diligenter conterito, ut omnia affusa cum cera misceantur, & medicamentum ad emplastri formam redigatur.

Quod ex dictamno conficitur, habet dictamni partes uiginti octo, chamæmeli partes duodecim, sphagni partes quinque: pentaphylli partes quatuor, cyperi partes septem, aristolochiæ partes triginquinque, ireos partes septem, polij partes duodecim, centaurij partes duodecim, gentianæ tantundem, libanotidos partes sex, gagatis partes septem, spumæ argenti partes centumquingenta, olei ueteris partes octo & quadraginta, ceræ partes duodecim, resinæ siccæ partes triginta duas, colophonæ partes quinquaginta, terebinthinæ partes quatuordecim, terræ ampelidis partes uigintiquatuor, aut pityine siccæ partes duodecim, ammoniaci thymiamatis partes triginta quinque, squamæ æris partes triginta octo, æris combusti partes duas de uiginti, propoleos partes duodecim, diphrygis partes octo, * amyli partes duodecim, cerussæ tantundem, aloes * Alias partes sexdecim, chalciteos partes decem, atramenti rubricæ

ORIBASII SYNOPSEOS

sutorij partes uiginti quatuor, thuris albi partes duodecim, myrrhæ partes septem. Oleum prius leni igni calefacere oportet, deinde argenti spumam in subtilissimum pollinem redactam injicere paulatim agitando donec colorem mutet, & aliquantulum consistat. deinde picem, terramq; ampelitidem addere. cumq; densari inceperit, cera injicienda est, deinde resina & colophonia, tum ammoniacum contritum: ad hæc squama æris, atque æs. tum rubricam, & diphryges: tum chalcitidem, atramentum sutorium, & cerussam, deinde libanotida & myrrham, & aloen, deinde totam terebinthinam & thus. hæcq; omnia ut par est, mixta ab igne detrahes. & ita herbas læuigatas injice spatha agitando, ultimo uero loco chamæmelum infundito. Vtere hoc medicamento ad nervos uulneratos, ad ulcera uetusta, ad uenenatorum animalium ictus, & morsus, ad scorpionum morsus, ad condylomata, & ganglia, ad strumas, & lenticulas, parotidas, & phymata, et fistulas, & ad chironia, & maligna ulcera omnia, & ad ossa. itemq; euellit spicula, & tela. carnem et cicatricem inducit. inflammationes discutit. facit & ad omnia thoracis uitia, & ad præcordiorum affectiones & duritias, uel scirrhus, & ad aquam intercutem: & ad articulos contractos, & ad ossium fracturas: & ad ulcera curatu difficilia, & depascencia: & ad nervos præcisos, & ad contusiones, & putredines, & abscessus, & perniones, & carbones, & ad quæcunque emollienda sunt. Itemq; fluxiones oculorum, fronti admotum sistit. rosaceo autem

autem dilutum ad aures purulentas, ad ea quæ in
 pudendis, & ano sunt, ualet. Prodest etiam in suffi-
 citu uuluis, quas frigus oblæsit: & ijs quæ difficilia
 ter partum edunt. nam ita foetum uiuum educes,
 neque ulla ex parte lædes, itemq; secundas, quæ uo-
 cantur, si usu ueniat. Auxiliatur etiam morbis, qui
 ex circuitu redeunt, si ante accessionem fronti adhi-
 beat. Iam uero si in domo suffitus ex eo fiat, &
 uiperas, & omnia quæ uenenum iaculantur, ex-
 trudet.

Ex lini semine Poletis facit ad thoracis affectiones,
 emollit, ac digerit, ac neruosarum partium inflam-
 mationes mitigat. facit ad podagricas exacerbationes,
 & contractos articulos relaxat. Lini seminis pars
 una, ceræ partes quatuor, colophonie tantundem,
 farine hordeaceæ partes duæ, resinæ cupressi tantun-
 dem, thlaspeos pars una, chamæmeli, pilularum ui-
 ridium cupressi clausarum cuiusque pars una, olei
 ueteris partes duæ. Ceram & colophoniam ad car-
 bones liquato, oleumq; mouendo adijcito. his diligen-
 ter mistis ollam ab igni auferto. cupressi pilulas tri-
 tas imponito animum adhibendo, ne medicamentum
 efferuescat, et intumescat, & ollam egrediatur, de-
 inde farinam, tum lini semen, postea thlaspin, po-
 stremo chamæmelum adiungito, ad ignemq; iterum
 ponito, commisceto donec probe coeant. his in unum
 redactis resinam cupressi ad finem iniice: cumq; hæc
 eliquata fuerit, medicamentum in mortarium aqua
 semiplenum uersa, deinde emolli, atque utitor.

Ex uerbenaca, uel ex sacra herba, quod ad Poles

ORIBASII SYNOPSEOS

tem refertur, facit ad capitis dolorem ueterem & recentem, ad hemicraniam, si fronti & temporibus applicetur. Valet etiam ad dentium dolores, et oculorum fluxiones. itemq; ad urinæ difficultatem pueri impositum. est etiam accommodatum ijs, qui à scorpione icti sunt, & denique neruosarum partium inflammationibus. habet autem sacræ herbæ, aut uerbenacæ partes nouem, resinæ colophonice partes uiginti quatuor, ceræ partes quatuor, olei partes duas.

Emplastrum elephantinum, siue ex dorycnio, quod Poletes confecit, ualet ad articulos contractos, ad callos fracturarum (emollit enim, & soluit uitiosas agnationes) itemq; strumas amotu difficiles, atque ad ea quæ induruerunt, et quæ ægre maturantur, quæq; contumacia sunt. nam diffundit, emollit, digerit, ac discutit uehementer. quod si eboris portionem medicamento illinas, itaq; decem dies illam dimiseris, ita mollē effeceris, ut perfodi queat. Si uero plures dies ita continueris, molle uidebis æque, ac lorum. Medicamentum fit ex his. Dorycniæ recentis uiridis, aut in umbra arefacti partes decem, radicis mandragoræ uel uiridis, uel siccæ, partes duæ, radicis panacis partes sex, resinæ colophonice partes uiginti, resinæ liquidæ pineæ partes quatuor. opopanacis partes duæ, terebinthinæ partes duodecim, bdelij partes uiginti, ceræ partes duodecim, aceti albi hemina, aut plus eo, si medicamentum capax sit. Dorycnium si uiride sit, totum cum radicibus euulsum in mortarium coniiciendum est, et uehementer contundendum aceto paulatim instillato.

idem faciendum est, cum mandragoræ radix imponitur. panacis autem radicem in frusta secans, & conterens per se iniicies, deinde bdellium. quod cum in mortario prius confregeris, acetum instillando, admotis uiribus contunde, usquedum emplastri formam acquirat. deinde apparatus herbas misce, postremoq; opopanaxem ex aceto læuigatum infunde. medicamento confecto utitor.

Emplastrum ex anthemide. Anthemida uerno tempore florentem, & coloratam legere oportet, ex eaq; succum exprimere, & in sole exsiccare: deinde sumere resinæ colophonix partes duas et quadraginta, pineæ partes octo, ceræ tantundem, olei partes quatuor: tum succum herbæ dissolutum paulatim compones, ab igni auferes, in mortarium coniicies, diligenter permiscebis, ut in unum conducantur. Vtere ad uulnera cruenta, carnis fracturas, ulcera maligna, uetusta, quæq; labra pertumida habent, graueq; olent, & difficiliter ad cicatricem perducuntur, ad bestiarum uirus eiaculantium morsus, ad unguium pterygia, ad nervos crasso humore imbutos, ijq; siue in articulis sint diuturni & dolorem excitantes, siue etiam ex inflammatione agre moueantur, & dolore afficiant: ad fistulas, ad strumas, ad ossium denudationes. ad ganglia, ad dothienas, ad steatomata, ad nomas, ad sinus, ad colicæ intestini flatu, ad partes, in quibus frigus dolorem excitauit, ad ambusta, ad præcordia, uiscera, & stomachum, ad uitia thoracis, & item alia, ad abscessus. importunum et copiosum sanguinis è nari-

ORIBASII SYNOPSEOS

bus fluxum sistit . in quo casu stomacho applican-
dum medicamentum est : præstat tamen frontietiam
adhibere . fluxiones , quæ ad oculos feruntur , eius
splenium fronti appositum cohibet . rosaceo uero di-
lutum imponitur ulceribus , quæ in genitalibus de-
pascendo serpunt .

* Alius
lib. ha-
bet Mi-
dicum .

* Halmyron uero dicitur , in quo lapis est quidam
densus , grauis , lenis , totus salsus , unius tantum
coloris , quem * Indicum uocant . hic adustus , &
ignitus , acrefrigeratus albus apparet . hunc diligen-
ter teras , et per cribrum traicias , et oui album ad-
misceas , ulceraq; puerorum quæ aperta non sunt ,
unges . quinetiam ulcera serpentia sistes , atque ex-
siccabis , et ex eo optimum medicamentum parabis .
resinæ colophonix partes uiginti quatuor , liquidæ
partes sex , ceræ partes quinque , olei partes tres , la-
pidis partes sex . hoc medicamentum habet uim pur-
gandi , exsiccandi , per halitum digerendi , attenuan-
di , diffundendi , glutinandi , cicatricem inducendi .
ualet ad eos qui dolore conficiuntur , et quibus uentri-
culus propter eius imbecillitatem , grauitatem affert .
Facit etiam ad nuper perforata , et ad uetera ulce-
ra , et ad strumas , et denique ex rosaceo ad aures
purulentas .

Ex salicibus , quod Magnus inuenit , sine mordi-
catione exsiccans ad omnes destillationes facit . Salicis
folia uiuentia terito , uini ueteris quantum ad infu-
sionem satis sit , addito , et ad lentum ignem diu co-
quito . deinde in pilam iterum reijcito , et simul con-
tundito diligenter . et linteo denso hæc ita contrita .

excipito, et comprimito, ut succus exprimatur, postea sumito colophonie uncias uigintiquatuor, olei uncias duas, succi expressi libram, colophoniamq; prius cum oleo percolatam placido igni decoques, quousque in aquam coniecta, & manibus subacta, non inquinet. tum uero cere uncias uiginti quatuor admisceto, eaq; liquefacta, ollaq; ab igni amota, salicis succus paulatim admodum iniiciatur. deinde igni admoueat, & placide coquatur, ut ne comburatur. cum medicamentum ita in uase commistum fuerit, mortarium eodem succo perfunde, & in ipsum conijce medicamentum, idq; manibus subigito, & emollito, atque utitor.

E' buccinis quod ualet ad digerendum per halitum non mordendo, habet spumæ argenti drachmas XVI. cineris buccinarum unc. XVII. cerussæ unc. XX. olei antiqui heminam. terebinthinæ drach. XIII. thuris drach. XX. aquæ cyathos. IIII.

Ad alopeciam, euphorbij & thapsiæ utriusque partes duas, sulphuris uiui partes quatuor, elebori albi, aut nigri partem unam: his cere partes quindecim admisceto, & oleo laurino antiquo eliquato. Erit hoc medicamentum præstantissimum ad inueteratas, & curatu difficiles alopecias. Si thapsia tibi non suppetat, tantundem ponito aut seminis nasturtij, aut erucæ. Siq; laurinum non adsit, liquidam picem adijcito.

Adamantij ad alopecias. Alliorum cinere ex melle ungit.

Ex salicibus præclarum, & ad multos usus ac-

ORIBASII SYNOPSIS

commodatum medicamentum, non secus quam quæ supra sunt allata, Crito sic recensuit. Medicamentum ex salicibus facit ad ulcera cruenta, articulos solutos, & ad fistulas impositum, ad flaccidas carnes, præsertim quæ in extremis sunt partibus: & ad erysipelata, aliasq; plerasque affectiones sine uestionibus. habet autem mysios, chalcitidis, aruginis, cerussæ, gallarum non tritarum, aluminis scissi, & rotundi, melanteriæ singulorum uncias sex, ceræ resinæ pityinæ, picis bituminis, foliorum salicis singulorum uncias duas, olei heminam unam & uncias quatuor, atramenti sutorij uncias sex, malicorij uncias tres, aceti sextarios sex. Folia salicis triduum aceto madefacta coque quousque acetum in sextarios duos redigatur: deinde ærugini, cerussæ, melanteriæ, atque alijs prius tritis folia, quæ ipsa quoque diligenter lævigata sint: deinde sicca lævigata addito, & in unum redigito: postea liquefacta superfundito, & composito, atque utitor.

Ad caneros ulceratos medicamentum mitissimum ex his fiet. argenti spumæ, ceræ, adipis suilli singulorum libram cape, uitellos ouorum tostorum decem: olei cyathos octo. Argenti spumam ex aqua, quæ satis sit, contere, simul etiam aliquid olei affundens, ouorumq; uitellos simul tere: adipemq; expurgatum cum cera eliquato, & contritæ argenti spumæ adijcito, ac reliquum oleum indito. huius medicamenti usus est, ut si cum linamento adhibeatur, cum rosaceo, aut lentiscino, aut irino, ut conuenire uidebitur, imponendum sit: si uero ulcus doloris expers

fit, myrrhæ, ireos, aristolochiæ singularum drachmæ tres commisceantur. atque ita etiam non ulcera-
tis conveniet.

Adamanti medicamentum ad ulcera phagedæ-
nica. althæa viridis, uel sicca seuo hircino excepta
utere. si uero mirum in modum humida sint ulcera,
linamenta sicca prius impone, & seuum cum al-
thæa adhibe. Ad hoc etiam utere ijs, quæ trigesimo
quinto capite describuntur.

Ad cancos in quibus multa, ac depascens erosio
sit, hoc auxiliū mirabiliter facit, quod habet uini bo-
ni potentis sextarios * uiginti; rhois excoriariæ, lib. Alter
unam, rotularum cupressi tantundem, gallarum codex
immaturarum non contusarum uncias sex. cassiæ habet
optimæ tantundem. contusa macerantur quatri- unum
duum, & coquuntur ad tertias, aut quartas, ru- sexta-
dícula cupressi agitando. hisq; ualde expressis, & rium.
abiectis, reliqua ad mellis spissitudinem coquuntur.
& in uas uitreum effunduntur. Vsus eius medica-
menti est, ut eo puro utaris ad depascentes cancos:
quod si spissius sit, uino poteris liquidum reddere,
id quod maxime usu uenit in pudendi muliebris si-
nu. Dolores etiam sedat lacte dilutum. quod alias
quoque nomas, mirabiliter sanat.

Ad intestina prolapsa facit hoc, quod habet cu-
pressi pilularum paruarum, & tenerarum, mali-
corij, singulorum uncias tres, uini nigri, quod sa-
tis est. coque uinum affundendo, donec omnino dis-
soluantur. deinde in mortarium conijce, & subige
diligenter, & adipe suillo ueteri excipe, ut empla-

ORIBASII SYNOPSEOS

stri spissitudinem habeat . tum super linteo extende ,
ac prius intestinum reducito . foris autem pharmaco
mollem spongiam applica . solues autem medicamen=
tum tertio , aut quarto quoque die .

Adamantini ad herniam , cum intestinum in scro=
tum descendit . habet gallarum , halicacabi , radices
urtice portiones pares . uino adstringente prius coque ,
deinde læuiga , donec fiat cerati crassities . peritonæo
applica . solue septimo die à curatione . prius tamen
delapsum intestinum ad pristinum locum retrahito .

Aliud ad idem . uuæ passæ acinis eiectis libram ,
cumini ad strigmentum redacti , uncias sex , nitri
uncias tres . læuigatis utitor . si uero propter adstri=
ctionis molestiam opus sit , cerato sicyonio , locum
mastiche trita perspergendo , uteris .

Adamantini medicamentum ad ramicem ingui=
nis , habet gallarum unciam , lapidis pyritis uncias
tres , pyrethri uncias duas , nitri unciam , terebin=
thinæ unciam , silphij tantundem , sandarachæ drach=
mas duas , ceræ uncias tres , axungie ueteris uncias
duas , aluminis liquidi unciam . sicca uino quod ma=
re expertum non sit , & sapa læuigato , & liquata
adiçito .

Ad ramicem inguinis , et aquosum . Bdelium sa=
liua ieiunus macerato , donec habeat emplastri con=
sistentiam , atque utere .

Aliud . folia , ramulos , & pilulas cupressi recen=
tes , ac teneras læuigabis , & ad emplastri similitu=
dinem alligato . Quidam cum ex uino prius coxerint ,
idem faciunt . hoc enim corporibus nimio humore

languentibus magnopere confert. exsiccat enim, & corroborat.

Ad aquosos ramices, carniū passularum, am= meos, terebinthinæ, singulorum drach. V I I I. nitri rubei drach. X. mellis optimi unc. I I. arida per se minutissime contundito, & cribrato, passulasq; diligenter subactas misceto, & simul conficito. tum mel cum terebinthina parce decoctum infundito, et ad emplastri formam redigito. sicca demum læuigata melli adijcito, emollitoq; , & utere. porro coxendicem uitta deuincies. æger uero quiescat, & abstinat à balneo. alternis diebus uinculum solues, & loco spongia foto nouum medicamentum adhibebis.

Adamantini ad meliceridas, et quæ similia sunt. ceræ uncia I I. terebinthinæ uncia I I. squamæ æris uncia I I. sulphuris ignem non experti uncia, radicis siccæ canabis agrestis denarium pondo X X X V. olei ueteris uncia. radices ex oleo coque.

Corax ad nomas ualens habet thuris unc. duas, aruginis unc. I I I I. terebinthinæ unc. V I I I. atramenti sutorij unc. X V I. ceræ unc. V I I I. gallarum unc. I I. seui taurini unciam, mellis unc. I I. aceti quantum satis est.

Ad ramicem gutturis, ex sale, facit etiam ad eos, in quibus per halitum digerere oportet. habet autem salis communis tosti drach. I. cineris porro= rum drach. cerussæ unciam, olei tantundem. coquito donec manus non inficiat.

Ad sedis inflammationes facit hoc, quod habet, oui uitellum tostum, opij obolum, croci tantundem;

ORIBASII SYNOPSEOS

mellis quod satis est.

Emplastrum ad tentiginem ciendam, habet eupatorij uncias octo, seminis erucæ, pyrethri, utriusque uncias quatuor, canchryos uncias tres, pudendi ceruini uncias duas, caudæ scinci uncias duas, euphorbij unciam unam, terebinthinæ tantundem, ceræ uncias quatuor, ova passerum tragloditarum numero tria, stelliones, oleo laurino, aut irino adhuc uiui madescant, & ex aceto in uase ex fimo, & cocto, diebus quadraginta seruentur.

Ad fracturas ossium, picis brutiæ libram unam, spumæ argenti libram unam, uncias quatuor, thuris uncias octo, terebinthinæ uncias octo, seui taurini libram unam, uncias quatuor, galbani unciam unam, opopanacis tantundem, ceræ uncias quatuor, olei ueteris libram unam, aceti uncias quinque composito

Ad teneros, & qui ex ulceribus nimis grauiter confluantur, adhibe ceræ, unc. I. cerussæ, unc. II. thuris unciam, salis ammoniaci uncias quatuor, squamæ Cypriæ uncias duas, aluminis scissilis, æruginis, mali corij, calcis uiuæ, singulorum unciam. Alij pro ærugine, habent sulphuris duplum, & squamæ dimidium.

Ad phagedænas ex quarto extremo de compositione medicamentorum per genera, habet cerussæ uncias octo, sulphuris ignem non experti uncias II. squamæ, thuris, æruginis singulorum unciam, malicorij unc. II. salis ammoniaci unciam, aluminis uncias II. calcis uiuæ unciam, ceræ libram, rosacei

unciam .ceram, & rosaceum eliquans refrigera,
cætera læuigato. cum uti uelis linteum latum, quan=
tum ulcus est, capito, medicamentumq; imposito,
& superdabis spongiam ex aqua frigida, & medi=
camentum tertio, aut quarto die commutabis.

Adamantini ad phagedænas, & antiqua ulcera,
quæque difficiliter ad cicatricem perducuntur. Bul=
borum scillæ unius, quod maxime tenerum est, in
olei sextarium coniice, & coque donec ad tertiam
partem redigatur: oleo utere, ulcus penna inun=
gens, nec linamentum indens. Idem purgat, car=
* nem, cicatricemq; inducit. Qui uero maiore auxilio
indigeat, cum hoc medicamento unctus fuerit, ap=
ponat pastinacæ folia trita ex melle. Erit autem præ=
stantior ad hanc rem pastinaca erratica, si ea non
suppetat, satiuæ capiatur.

Aliud ad omnia ulcera maligna, & phagedæni=
ca, quod habet, succi Cyrenæici, ungulæ asini com=
bustæ, cancrorum fluuiatilium combustorum singu=
lorum unciam, plumbi usti, lentisci, cadmiæ, thu=
ris singulorum unciam mediam. Ungulam autem
ex lacte asinino læuigabis, canculos ex aqua, plum=
bum uero, & cadmiam oxyrrhodino separatim. his
læuigatis adde succum, & thus cum modico oleo
myrtino, omniaq; simul commisce, & conficito ad
modum agglutinamenti, & linteoinpersum impo=
ne, & ubi exsiccatum erit, sæpe mutabis, cum so=
lum à sanie inquinetur.

Ad ulcera maligna, difficiliter ad cicatricem per=
uenientia, putrescentia, & flaccida. lemnium si=

ORIBASII SYNOPSEOS

gillum huiusmodi ulcera ualde adiuuat præparatum ad luti consistentiam : si uero ulcus sordidum , & ualde flaccidum fuerit , & in conspectu sit , sigillum aceto acerrimo asperges , si minus , uino , aut aqua , aut posca , aut oxymelite , aut mulsâ.

Ad ulcera carcinode , & maligna , & ad inflammationes pudendi , testium , ani , mammarum , itemq; ad rhagadas , rugas , & ardores sedis , & testium . In mortario plumbeo , & pistillo plumbeo tere ad strigmenti crassitudinem cum rosaceo , aut omphacino oleo semperuiuæ succum , aut umbilici ueneris , aut lactucæ , aut psyllij , aut uuæ acerbæ , & inunge . Centaurium minus recens illitum cicatricem inducit ulceribus , quæ ad eam ægre perueniunt , & quæ maligna sunt , sanat.

Ad ulcera perhumida , Cupressi folia , & rami , & fructus noui , & teneri , ad emplastri modum apposita , uel per se , uel uino madida , ulcerum flaccidorum , & putrescentium cicatrices sine dolore , et tuto depascuntur . Vtere etiam remedio , quod supra uigesimo quinto , & sexto loco descripsimus.

Ad idem . Cyperi radices maxime accommodatæ sunt ad ulcera , quæ propter nimium humorem ad cicatricem ægre perueniunt : cucurbitæ siccæ combustæ cinis ulceribus non inflammatis , at humidis , & putrescentibus conuenit , præsertim uero ijs , quæ in præputio pudendi sunt . Radicis anethi cinis idem facit.

Ad ulcera maligna fluentia , & putrescentia , plantaginem uiridem adhibe , aut siccam contusam

appone. Isatis satina efficax est contra huiusmodi ulcera putrescentia, & depascentia: si uero uehementior isatis uideatur, quam ferre queat habitus ægotantis, eiusdem folijs aut panem, aut hordeaceam, aut triticeam farinam, & polentam adijciemus.

Ad ulcera chironia, squamæ eris denarios X. aluminis scissilis denarios II. ceræ quantum satis est; ceram calefac, et emolli, sicca subtilissime trita commisce, in linteum conijce, loco admoue. Vel alumen scissile combustum, & tritum inspergito.

Ad eadem. Hyssopi unc. IIII. uuarum pasfarum drach. IIII. nitri unc. I. leuigato, & apponito, ulcus melle prius inungito.

Ad putrida, & depascentia. Chalcitis, auripigmentum, calx uel per se, uel simul admota, faciunt. Aut marrubium coctum ex uino adhibe. Aut eruum tritum ex melle imponito. Aut oliuæ folijs teneris coctis in uino, & contritis similiter utitor, aqua autem marina calida perfundito.

Ad uermes, qui in ulceribus putrescentibus nascuntur, ualet calaminthæ succus, aut ipsa calamintha uiridis leuigata, & adhibita.

Ad inueteratas, fistulosas, & in quibus caro difficulter crescit, ulcerum cavitates, quæ ex distillationibus fiunt. Ostreorum ossa combure, leuiga, insperge. item paucedani radix sicca contrita ad strigmenti formam; hæc enim expurgat, carnem, & cicatricem inducit.

Ad ulcera flaccida. Lanæ combustæ tritæ admo-

ORIBASII SYNOPSEOS

ta. marcescentes porro carnes in ulceribus statim
absumit platani cortex ustus, & tritus inspersus.
Quæ uero propter humoris copiam flaccida, & sor=
dida sunt, ea etiam curat.

Ad ulcera, quæ ægre ad cicatricem perueniunt.
Aloe sanat ulcera, quæ difficiliter ad cicatricem per=
ducuntur, præsertim uero in sede, & pudendo, &
eorum etiam inflammationem præcipue sedat aqua
diluta.

Ad ulcera uetusta facit cera in sole emollita, cui
squamæ æris ad strigmentum redactæ quampluri=
mum potes, aut chrysocollam addas; linteo autem
imponendum medicamentum est, & non sæpe au=
ferendum.

Ad maculas, & cicatrices exterendas, gallas im=
maturas, melanteriam, itemq; malicorium contusa,
ut succum emittant, impone, & ampeloprasorum
succum uiridem adhibe, donec teneri cerati crassitu=
dinem habeat. facies aut alia corporis pars nitro per=
fricanda, & abstergenda est; maculæ etiam exte=
runtur betæ decocto, aut nitro tosto, aut smegmate,
quod ex eruo conficitur: si uero nigror ex hoc appa=
reat, floremq; æris quispian admisceat, aut per se
inspergat, satis erit. Tolles porro maculas, & cica=
trices cutim nitro confricando ad hunc modum, ma=
culas illine resina per dies quinque, sexto die soluas,
acubus maculas densis puncturis punge, ut locum
æque uellices, sanguinemq; fluentem absterge; cumq;
horæ dimidium ita permiseris, sponsia locum mun=
da, ac medicamentum in quamcunque maculam in=

de, tertio die iterum solues, & deligaturis expedies. Sed propter medicamenti usum nigror quidam, qui non diuturnus erit, exorietur: ac uiginti dierum spacio neque ulcus, neque cicatrix ulla, neque nigror apparebit; medicamenti autem compositio fit ad hunc modum, ceræ, nitri, aphronitri, calcis uiuæ, lixiuij, thuris pares portiones contere, & melle excipe, quod sit duplum unius prædictorum, quodq; cum cera sit liquatum.

Ad ungues scabiosos, uisci quercini uncias duas, farinæ fœnigræci, succi thapsiæ utriusque unc. duas, cantharidum unciam unam, sandarachæ unc. duas, aceti quod satis sit.

Dia halon, hoc est ex sale, facit ad abscessus, strumas, & ea omnia, ad quæ ferro opus est. salis ammoniaci, plumbaginis, olei, lixiuij sarmen-
torum stillaticij singulorum uncia, stercoris columbini uncia tres; salem in mortarium coniice, itemq; lixiuium, & tandiu læuiga, quandiu sal dissoluatur, deinde plumbaginem, oleum, & stercus adiace, & omnia probe simul contere, donec sordium fiat spissitudo, & in ollam coniice, ac lento igni coque, ut non inquinet, & erue, atque utitor.

Ad cancrum ulceratum, spumæ argenti, ceræ, adipis suilli singulorum unciam, uitellos ouorum torum decem, olei cyathos octo sume. argenti spumam ex aqua quæ satis sit, tere aliquid olei affundens, tum uitellos simul contunde, adipem exemptis fibris cum cera eliquato, spumæ autem argenti lænigatæ reliquum olei addito. Vsus eius est, si apponas,

ORIBASII SYNOPSEOS

ut ex rosaceo cum linamento laneo imponas, aut cum
 pello laneo, ut conuenire uideatur: si uero ulcus do-
 loris expers sit, addito myrrhæ, ireos, aristolochiæ
 singulorum drach. III. quod etiam non ulcerato
 cancro conueniet. In quibus uero multa, ac depascens
 erosio est, admirabile est, quantum adiuuenti affe-
 rat hoc, quod habet, uini, quod Adrianum dicitur,
 sextarios uiginti, rhois coriarii, pilularum cypressi
 singulorum libram unam, gallarum acerbarum non
 contusarum uncias sex, cassiæ optimæ tantundem,
 pilulæ confractæ madescant quatrimum, et coquan-
 tur ad tertias, aut quartas rudicula ex cupresso uer-
 sando, deinde expressæ auferuntur, succus coquitur
 usque adeo dum fiat tam crassum, quàm mel, et in
 uitreo uase seruatur. Hoc ad depascentia ulcera, pu-
 ro utimur, quod si crassius sit, uino erit humectan-
 dum, & præsertim in muliebris pudendi sinu. Iam
 uero lacte dilutum dolores mitigat, cæterosq; depa-
 scentes morbos mirabiliter sanat.

Cerata, & perfusiones ad parotidas, phymata
 omnia, & dothienas, olei, ceræ, saponis, stactæ,
 nitri, singulorum libra; ceram cum oleo liquabis:
 sapo uero cum stactæ in mortario leuigetur, deinde
 nitrum in mortarium coniiciatur: quæq; in mortario
 sint, in cacabum coniicito, & idem adiungito.

Ad bubonocœlem. taurocollæ, malicorii utriusque
 libra, thuris succi hypocistidos utriusque uncia, ex-
 cipe passo.

Ceratum δὲ παστέων ex quatuor rebus, habet
 ceræ, adipis taurini, frictæ, axungię pares por-
 tiones.

tionēs.

Azanites ceratum habet ceræ, pineæ, adipis suili singulorum libram, picis, æsypi, medullæ ceruinæ singulorum uncias tres.

Hypochondriaca anethine, olei uncia duæ, marinæ lib. una, anethi unc. sex, scillæ uncia una, adipis recentis tantundem, ceræ libra. In ardentibus uero febribus, & fracturis, aqua fluuiatilis pro salsa, & * etiam anchusa, ponitur.

Ad erysipelata quod illinitur. cerussæ uncia duæ, sulphuris uini drach. duæ, opii drach. quatuor, aceti quantum sufficit.

Perfusio capitis, unguenti irini unc. VIIII. opobalsami unc. II. stactes unc. II. cedriæ laconicæ unc. II.

Alia ad percussiones, & plagas, ut inflammatio non subsequatur, olei partes IIIII. aceti pars una, anethi ligna alliga, ut uerses, dum coquitur in calido cinere, quoad acetum coctum sit: deinde ceram adde, ut ad strigmenti crassitudinem redigatur.

Ad cardiacos. Ceram cum ænanthino eliquato, rhum syriacum addito, ac totum perungito.

Ad podagricos. Oleum uetustissimum coque usque dum emplastri consistentiam acquirat, & aspergens nitrum subtilissime tritum, & commiscens, ac super linteo extendens utere.

Ceratum, quod manus appellatur. Ceræ unc. V. adipis taurini unc. IIIII. butyri unc. III. oesypi unc. II. terebinthinæ unc. I. colliquato.

Perfusio capitis, qua utimur, irini unc. V. nardi

H

ORIBASII SYNOPSEOS

unc. IIII. opobalsami unc. II. laurini unc. II.

Ad ulcera serpentia, & erysipelas, mentæ, sulphuris, cerussæ, acaciæ pares portiones, passo excipe: si usus postularit, aceto: idq; sæpe ego paravi.

Ad saniem. Spumæ argenti unc. XX. calcis uiuæ unc. XX. aceti hemina; ea ex aceto diligenter læuigabis, oleiq; lib. addes, excipies, atque uteris.

Vnctio ad neruorum affectus, olei fœnigræci unc. duæ, ceræ unc. quatuor, terebinthinæ unc. tres, spumæ argenti unc. tres, adipis suilli unc. una, frictæ unc. sex.

Amythaonis ad hypochondriorum affectiones, omnem duritiam soluit, facit etiam ad articulos, qui ægre mouentur, guttæ ammoniaci unc. XXXVI. ceræ tantundem, terebinthinæ, bdelij, chalbanæ singulorum unc. VIII. thuris myrrhæ, olei cyprini singulorum unc. IIII. myrrha, thus, & bdelium in uino madescunt, ammoniacum aceto dissoluitur; omnia uero pistillo, cyprino oleo perfuso, usque ad perfectam dissolutionem contunduntur.

Quod ex seminibus fit ad omnia interna ualens medicamentum habet ammoniaci unc. VIII. fœni græci, panacis, iridis, nitri, adipis taurini singulorum unc. XXV. mellis unc. XX. aceti heminam unam, cyprini olei parum.

Quod ex ptissana conficitur, habet, fœnigræci, seminis lini, ptissanæ singulorum unc. I. meliloti, radicis althææ singul. unc. II. Hæc coquito, quo usque succum reddiderint, cuius transcolati sumito lib. II. olei antiqui lib. III. & simul decoque do=

nec oleum tantum remanserit, deinde oleo adde taurini adipis unc. VI. frictæ unc. VI. ceræ lib. I. galabani unc. I. confice ad ignem ex lignis.

Ceræ unc. VI. adipis taurini noui unc. III. rosacei unc. XII. succi seminis lini quantum capi à cerato possit; quæ eliquari possunt, liquentur, miscantur, ac manu uersentur, et succus paulatim adhibeatur, quem succum ita conficies; lini semen diligenter laua, et ad lini seminis sextarium, tres aquæ sextarios cape, bis coque, & ita utere. facit ad eos, qui feбри ardenti iactantur, itemq; ad eos, qui siti eneecti sunt, & ad iecoris, lienisq; inflammationes.

Malagma ex fœno græco. ceræ unc. II. terebinthinæ unc. VI. æsypi unc. IIII. farine fœni græci unc. IIII. aliquando etiã frictæ resinæ unc. additur.

* Epithema stomacho multiplicis usus. ceræ drachma, nardi drachma, aloes, mastiches, absinthij singulorum uncia IIII. casia, styracis, iunci singulorum uncia tres.

Malagma tonsoris, quod facit ad spleneticos, hepaticos, & ischidiacos, habet picis sicca unc. IIII. ceræ, pineæ, ammoniaci, baccarum lauri, adipis taurini singulorum unc. II. nitri rubri unc. I. farine fœni græci sextarios III. chamæleontis nigri radice subtilissimæ trita sextarium.

Ex micis ad omnem duritiem. Succu fœni græci, seminis lini, althææ singulorum drachma una, spumæ argenti drachma una, micarum panis drachmæ tres, frictæ uncia una, drach. duæ, olei libra una, iridis, æruginis aristolochiæ rotundæ singulorum

H ij

ORIBASII SYNOPSEOS

unciae duae, meliloti, mannae, floris salis singulorum
unciae tres.

Ex palmulis, quod δὲ Φοινίκων appellatur, ha-
bet fœni græci, seminis lini utriusque lib. I. meliloti
unc. III. palmularum lib. II. uini odorati sextarios
II. aquæ lib. I. panis puri lib. II. spumæ argenti,
lib. II. cerussæ lib. II. olei lib. V. ceræ lib. I. co-
lophonæ lib. II. terebinthinæ lib. I. coque donec non
inquinet.

Epithema ad stomachicos, hepaticos & ad hypo-
chondriorum inflammationes, & ad omnes neruo-
rum affectus. ceræ drach. C. ammoniaci drach. C.
melilotorum drach. XII. croci drach. XII. myr-
rhæ drach. XII. olei cyprini lib. I.

Aliud, quod Εασιλικόν dicitur, ualens ad præ-
dictas affectiones, & ad omnem neruorum affectio-
nem per consensum. ceræ minas tres, ammoniaci mi-
nas duas, resinæ frictæ minam unam, sertulæ cam-
panæ minæ dimidium, propoleos, myrrhæ, styracis,
nardi celtici, cyperi indicæ, iridis illyricæ, cardamo-
mi, panacis singulorum drach. XX. casia, masti-
ches, opobalsami, amomi singulorum drach. XVI.
uini Italici odorati quantam satis est: nardini asiani
aromatici lib. I. sicca uino macerentur, & medi-
camentum pro more apparetur.

Cyphoides ad hepaticos & omnia thoracis uitia.
uuae passæ carnis drach. XXV. croci drach. I. alij
obolos tres, casia obolos tres, nardi tantundem, iun-
ci drach. I. myrrhæ drach. IIII. terebinthinæ drach.
IIII. alij drach. XVI. ramentorum aspalathi obo-

los XII. mellis drach. XVI. uini quod satis est. hoc medicamentum potest etiam per suffitum adhiberi.

Ex ænanthe epithema ualde efficax ad cibi fastidium, stomachi æstum, & dissolutionem. ænanthes sicca, gallarum, acaciæ, rosarum siccarum, omphacij, aluminis rotundi, aloes, singulorum uncia una. olei myrtini, ceræ, picis, singulorum uncia una. rhois syriaci uncia quatuor. arida uino aminæo aspergantur.

Ex Galeni commentarijs ceratum ad oris stomachi inflammationem, habet ceræ ponticæ, aut tyrhænicæ, aut cuiusuis alterius lotæ hyeme drach. IX. æstate uero drach. VII. nardini unguenti uncia I. Liquefiat cera in duplici uase, deinde erasum ceratum misce aloes & mastiches diligenter tritarum drachmæ uni. si maiore adstriktione opus sit, ut tanta sit imbecillitas, ut continere cibum non queat, omphacij drachma addatur. Omphacium autem primum misceatur, deinde alia. quandoque etiam absinthij succum admiscebis. & quandoque utrunque: ut etiam hypocystidis, aut ænanthes aut rhois succum. Sed & nardini cerati copia semper augenda est ad proportionem numeri aliorum medicamentorum.

Malagma ad lienem ualde efficax. Farinæ myrobalani unc. III. nitri unc. quatuor, ceræ unc. sex. terebinthinæ unc. octo. aceti quantum sufficit. idq; splenem eliquat.

Malagma ex baccis lauri ad splenicos, hydropicos, dissoluit omnem duritiem, & omnes abscessus,

ORIBASII SYNOPSIS

qui in profundo sunt, absorbet. Cerae, resinae pinus, picis aridae, nitri rubri, baccarum lauri, ammoniaci thymiamatis, adipis vitulini subacti singulorum libra una. quae liquanda sunt, liquantur, siccaque eis adijciuntur, & simul contunduntur.

Malagma Apollopheanis habet cerae, ammoniaci thymiamatis, bdely, iridis illyricae singulorum drach. octo, resinae terebinthinae, mannae, thuris singulorum drachma unam. ex irino contunduntur.

Ad ischiadicos. seminis rutae sylvestris, silphij, baccarum lauri, spumae nitri, abrotoni, colocynthis dis medullae, nasturtij, ammeos singulorum drach. quatuor, rutae viridis minae octauam partem, cerae tantundem, picis tantundem, terebinthinae tantundem, galbani drach. VI. opopanax drach. quatuor. Hoc medicamentum magnam calefaciendi vim habet, & humores qui in profundis corporis partibus nobis molestiam afferunt, potest elicere.

Ex Philomeni Mnasei commentariis Clidion. galae immaturae, hypocistidos, aluminis rotundi, acaciae, rhu obsoniorum, malicorij sicci, apij seminis singulorum uncia. uisci quercini lib. quatuor. ammoniaci drach. quatuor. picis siccae drach. duae. cerae drach. quatuor. olei lentiscini, aut myrtini unc. quatuor. Gallae coquendae sunt in uini cyathis nouem usque ad tertias, deinde frangere, & cum alijs ex uino conterere oportet. ammoniacum aceto laeuigandum est ad mellis spissitudinem, uiscum ex modico oleo est molliendum: deinde pix, una cum cera eliquentur, & cum reliquo oleo caeteris omnibus af-

fundantur, et læuigentur: ac postremo in pila tundantur, donec in unum omnia conueniant.

Ex Galeni commentarijs epithema infrigidans. Expresso humore alicuius infrigidantis, qualis est lactuca, aut solanum, aut oxalis, cum portulacæ miscemus, deinde contundentes exprimimus: uasq; in aqua gelida, aut niue constituto farinæ tenuis modicum addimus, et subigentes iniicimus. Hoc uero sæpius iterandum est, donec ægrotus refrigerationem sentiat.

De cataplasmatibus.

CATAPLASMA ex fermento, quod compacta diffundere, & eliquare maxime potest, nam & dothienas, & suppurationes tardius ad mutationes peruenientes inuat, surculos educit, scirrhis auxiliatur, plantarum pedum contusionibus subuenit: multis modis conficitur. nam uel fermentum cum oleo emollitur, quod satis est ad dothienas, & tardiores suppurationes dissoluendas, aut tenuis pars nitri tostæ cum eo miscetur, ubi acriore epithemate opus est, ut in uehementioribus scirrhis; uel quandoque fermentum diffundimus, & rursus componimus, & coquimus parum olei, aut irini unguenti admiscentes. Est etiam alia præparatio. fermentum aceto dissoluitur, ut succi crassitudo sit, id quod ad scirrhos hepatis et splenis est accommodatum. uel absinthii comam, aut iridem, aut abrotonum, aut thymum, aut pulegium admiscemus. nam hæc om-

ORIBASII SYNOPSIS

nia cum fermento satis sunt ad tumores dueros iecoris
& lienis discutiendos.

De cataplasmate, quod ex pane fit.

CATAPLASMA ex pane efficacissimum
est. nam omnibus ferme inflammationibus conuenit.
modi autem eius conficiendi sunt admodum multi.
uel enim frigida aqua madefactus panis & subactus
cum rosaceo illinitur, & inflammationibus, quæ ad
erysipelatis naturam tendunt, plane conuenit; uel
ex aqua calida madescit, ac cum oleo emollitur, de-
inde ita calidus adhibetur, ut durioribus, & non
adurentibus inflammationibus proffit: uel pro oleo
butyrum addes, atque ita multo ad easdem affectio-
nes accommodatius reddes. Atque ita etiam para-
tur. panis multa aqua dissoluitur, ut succi spissitu-
dinem acquirat, eiq; oleum, aut butyrum miscetur,
deinde ad consistentiam coquitur. hoc autem est om-
nium eorum, quæ quidem ego uouerim, ad inflam-
mationes uulnerum, & ad suppurationem perdu-
cendum ea, ad quæ suppuratione opus est præstan-
tissimum. Vbi uero neruus, aut nerueum aliquid
contusum est, ibi ego etiam picis liquidæ parum mi-
scens noui esse accommodatum cataplasma. Id uero
est etiam podagricis inflammationibus idoneum. Alius
efficiendi modus. hesterni panis medullam manibus
conterimus, ad farinæ similitudinē, inde melli in olla
calefacto admiscenda est, et coquenda ad mediocrem
consistentiam, oleiq; mediocrem portionem affundes.

hoc præcordiorum inflammationibus conuenit. Sed melius etiam fiet, si parum aquæ melli admiscueris, ita enim in coquendo melius diffunditur. Iam uero quod ex triticea farina cataplasma componitur, easdem fere uires habet, et eisdem etiã apparatur modis.

De cataplasmate ex furfuribus.

FURFURES ita parabis. par est furfures in tenuissimas partes in mortario contundendo redigi, & cribro traïci, atque itidem contundi: ijsq; uti cum ad omnium partium corporis tumores duros, tum uero præcipue ad eos, qui in iecinore, atque liene sunt fixi. Furfures ex oxymelite, uel etiam ammoniaco sunt parandi, & calidi applicandi. Sed præstiterit etiam, si uicissim imponantur, ne calor unquam deficiat. Si uero quandoque testiculus inflammatione tentaretur, hoc esset accommodatissimum. sed sine aceto fieri deberet. faciet quoque id cataplasma ad dothienas, & cætera dura tubercula. Sed furfures aceto imbuti, & uicissim impositi, mirum in modum ualent contra ietus animalium uenena iaculantium.

De cataplasmate ex ficibus.

MULTIPLEX est huius cataplasmatidis compositio, & ad multa ualet. Ficus igitur diligenter contunduntur, ut nulla pars neque ficuum, neque seminis, quoad eius fieri potest, non contusa relin-

ORIBASII SYNOPSEOS

quatur . ijs ita confectis , suauitatis gratia , parum
irini unguenti admiscetur . facit ad duritias neruo=
rum , ad articulos contractos , & præter modum la=
xatos : & ad scirrhos , ac præsertim hepatis & sple=
nis . Si uero nitri parum adiunxeris , sinus rumpet ,
& cuspides euellet . Si uero ita ficus contundas , &
pulegij , aut origani , aut thymi comam , aut absin=
thij , in tenuissimas redactam partes miscueris , fiet
cataplasma hydropicis idoneum : quod præcordijs
omnibus , & lumbis , & dorso imponetur .

Alius conficiendi modus . Coquantur ficus donec
facile , & ualde diffundantur : deinde cum modico
eius aquæ , in qua fuerint coctæ , læuigentur , tum
hordeacea farina , aut triticea , aut panis eis miscea=
tur , & diligenter subigantur , & rursus coquan=
tur ad cataplasmatidis consistentiam . Conueniet hoc
phymatis , quæ non facile maturescunt , & parotizi=
dibus , quas ad suppurationem perducere oportet ,
& furunculis . Pinguedinem autem , si quis uelit
admiscere , butyrum erit imponendum : sed si rutæ
etiam folia subtiliter trita misceantur , fiet medica=
mentum ad dolores intestinorum à flatu excitatos ua=
lens ; pinguedo autem tunc addatur , aut oleum in
quo cuminum , aut ruta coquatur .

De Acopis.

ACOPVM decameron habet spicæ nardi , fo=
lij , auphorbij , piperis , costi , adarces singulorum
unciam unam , mastiches , opobalsami unciam unam ,

nardini unguenti libram unam, ceræ uncias tres.

Pentamæron habet, styracis uncias duas, mastiches uncias duas, ceræ albæ uncias tres, opobalsami uncias quatuor, unguenti nardini uncias quinque.

Acopon unguentum ex castoreo ad paralyses, et diuturnas affectiones, habet œsypi uncias tres, terebinthinæ tantundem, medullæ cerui uncias quatuor, ammoniaci, galbani, castorei, piperis albi, euphorbij, adarces, nitri spumæ, opopanacis singulorum unciam unam, olei styracini unciam unam, olei irini uncias nouem, olei ueteris uncias quatuor, ceræ libras duas, confice.

Aliud simplex. Butyrum, resina, et colophonia, cera alba noua pari pondere capiantur, et eliquentur.

Ad habitus ex senectute refrigeratos. Qui se lauat, ad ignem se hoc abstergeat, calaminthæ, sampsuchi, hyssopi, baccarum lauri, et eius, ex qua coronamenta fiunt, rorismarini, lapidis pyritæ, salis, fecis ustæ, nitri, pumicis, singulorum ratam portionem cape, itemq; parum sinapi, & uuæ taminæ, & gnidiij grani: à balneo uero utatur acopo huiusmodi, quod habet, nardini, amaracini, & comageni singulorum minæ quartam partem, cucumeris agrestis radicis, & bryoniæ, utriusque minæ dimidium, canchryos, pyrethri, euphorbij, ziberis, alcionii sicci, costi singulorum drach. quatuor, piperis longi, foliorum siccorum rhodopaphnes, sing. drach. duas, sulphuris uiui unam, liquoris thapsiæ unam; omnibus ualde contritis unguenta affunduntur, hoc diu perfricandus homo est, ac non

ORIBASII SYNOPSEOS

nulli etiam languidi, & soluti hoc præsidio refecti sunt.

Ad pallorem, & liuores, ualet oleum, in quo bryoniæ radix diu sit incocta. id quod etiam corpus rugarum expers efficit. Liuores autem tollit hoc, quod habet, salis læuigati lib. VI. pulmonis hircini usti drach. VI. struthii drach. octo, adhibe fouens decocto raphanorum, aut absinthio.

Ex Rufi commentarijs unguentum ualde efficax ad penem erigendum.

MYRRHAE, sulphuris, cnici interioris, singulorum drachma una, melanthij drach. duæ, pyrethri oboli duo, piperis nigri grana triginta, cnidij grana pura uiginti; contundito, & cum drachma una scillæ conterito; cumq; recte fuerint trita, ceræ parum cum modico cicini olei, atque mellis eliquato, perfundito, & terito, mellis autem, & olei mensura sit utriusque hemina; nonnulli etiam hoc unguento anum illinunt. Post concubitum uero locus est lintheo diligenter abstergendus.

Ischiadicum. Olei cyprini, axungiae, olei ueteris singulorum uncia, ceræ unc. VI. sulphuris uini drach. XV. adarces drach. X. nitri drach. XII. piperis drach. XVI. pyrethri drach. X. rutæ teneræ, origani singul. drach. XVI. baccarum lauri drach. XII. euphorbij tantundem, quæ liquari possunt, cum siccis misceantur.

Ex hedera. facit ad lassitudines, & omnem ner=

uorum, aut musculorum affectionem ex consensu or=
tam, foeni græci lib. I. baccas lauri numero C. cu=
pressi pilulas numero XX. herbæ sabinæ libra una,
roris marini drach. I. olei ueteris lib. I. ceræ lib. I. te=
rebinthinæ unc. VI. pineæ unc. I. succi hederæ unc.
IIII. aquæ sextarij III. herbæ in aqua madescant
triduum: deinde oleum infundito, & coque quan=
tum satis est; tum dissolutis ijs, quæ liquari pos=
sunt, addito, & succum hederæ statim læuigato,
& refrigerato, eliquatisq; in mortarium coniectis
utitor.

Ischiadicum unguentum efficax. Euphorbij drach.
V. piperis drach. VI. adarces drach. III. castorei
drach. I. sampsuchi drach. II. succi panacis drach.
VI. struthij drach. IIII. olei cyprini drach. IIII.
olei irini drach. III. olei sicini, laurini, singulo=
rum drach. III. ceræ, œsypi, resinæ liquidæ sin=
gulorum drach. duæ, confice.

Ischiadicum Antonij archiatri. Olei ueteris se=
xtarios V. pilulas cucumeris agrestis numero quin=
que; coque in oleo donec frigantur; ceræ unc. VI.
pyrethri unc. I. sulphuris uiui unc. III. terebinthi=
næ unc. VI. euphorbij unc. II. uuæ taminæ unc.
I. eachryos unc. I. thapsiæ unc. I. dictamni unc. II.
adarces unc. I.

Metasyncriticum. Opopanacis, ammoniaci, te=
rebinthinæ, castorei, œsypi, euphorbii, galbani,
adarces singulorum unc. duæ, piperis albi, medul=
læ ceruinæ singulorum uncia, laurini, styracini,
utriusque uncia quatuor, irini unc. sex, ceræ, olei

ORIBASII SYNOPSEOS

ueteris, amaracini singulorum uncia. opopanax in mortario læuigandus est donec strigmenti crassitudo fiat; cera uero, & oleum liquanda sunt, deinde ammoniacum contusum adhibendum, tum reliqua eliquata, deinde olla ab igne sublata, arida iniice, & in mortarium deposita simul omnia læuigabis, & recondes.

De pastillis, qui Τοξικοί dicuntur.

ANDRONIS pastillus; atramenti sutorij, myrrhæ, mali corii, singulorum drach. II. thuris, aluminis scissilis, singulorum drach. quatuor, aristolochiæ drach. octo, ex uino austero coactis, et aceto dissolutis utere.

Musæ; aluminis scissilis, aloes, myrrhæ singulorum drach. sex, croci, crocomagmatis æris combusti, atramenti sutorij, capitulorum punici mali, singulorum drach. sex, uino mulso excipe.

Heræ ad sugillata, lichenas, maculas, carnem excrescentem, fistulas, & alia permulta. Sinapios æruginis rasæ, thuris masculi, aluminis scissilis æquales portiones, aceti quod satis est.

Heræ, ad nomas omnes, & præsertim eas, quæ in pudendis, & ore pascendo serpunt; croci drach. octo, aluminis drach. C. myrrhæ drach. octo, dissolue oxymelite, & linteo duplici madefacto utitor.

Pastillus ex charta ad nomas. Chartæ combustæ drach. XXXII. calcis, auri pigmenti, sandarachæ singulorum uncia una, succo plantaginis excipito.

Pastillus ad uutiligines alphos, leucas, lepras, lichenasq; , elebori albi, piperis longi, cachryos, alcyonij, sulphuris uiui, sandarachæ, calami aromatici, adarcæ, pares portiones tritæ, & cribratæ in aceto dissoluuntur, & pastilli fiunt, partes autem infestæ confricandæ sunt in balneo, & ungendæ, ac deinde in sole diu continendæ.

Pastillus croceus constat ex myrrhæ drach. I. castorei drach. X. croci drach. sex, succi papaueris, seminis apii, hyssopi, styracis singulorum drach. I. seminis hyosciami drach. sex, aqua excipe, & pastillos trium obolorum confice.

Pastillus ad lichenas. Chalcitios, misyos, sulphuris uiui, atramenti sutorii, thuris singulorum drach. quatuor, ficus foliorum uiridium unc. sex, uino excipe.

Pastillus ad tormina, & ad sanguinis screatum, & fluxum muliebrem, succi hypocistidis, terræ samie, gallæ omphacitidis, acaciæ siccæ singulorum drach. octo, excipe aqua pluuiæ. Ad tormina utimur diluto succo orizæ, aut lentis, aut alio eiusmodi; in sanguinis uero screatu adhibetur huius medicamenti drachma una ex aquæ frigidæ cyatho. Ad fluxum muliebrem diluitur succo aliquo, aut hapsus lanæ imbuitur & succo solani, aut plantaginis, aut polygoni, aut alterius similis diluitur.

Pastillus Pasionis habet squamæ æris, drach. XII. æris combusti, salis ammoniaci, aluminis rotundi, æruginis rasæ, thuris singulorum drach. octo, æs, & alia in sole terito, posteriore loco thus; pastil=

ORIBASII SYNOPSIS

los confice, cumq; usus postulabit, aceto dissolue, & inunge.

Pastillus podagricus Procli. hic podagram, ischia=da, & omnes penitus articulorum dolores omnesq; labores annuo spatio potui datus curat; omnesq; sensus magis uegetos reddit. placide per urinas purgat, & totum corpus efficit ualentius. Sanat etiam epilepsiam, tumoresq; duros iecinoris, ac lienis tollit. habet autem chamædryos unc. I X. centarij albi, et fructum ferentis unc. octo. aristolochiæ montanæ unc. septem. gentianæ non contusæ unc. sex. hyperici unc. V. petroselini unc. tres. Phu, tantundem, agarici unc. I. mellis heminas duas. contunde ac cribra singula per se, & misce, ac cum melle emolli. & deinde contere, ac pastillos conficito drach. unius. Usus autem, & eius potus esto ei qui bene concoxit circa horam tertiam ante cibum postquam alius deiecerit. diluitur autem aquæ calidæ cyathis duobus. isq; qui sumpsit, inambulet, aut gestetur. Initium uero sumendi huius medicamenti ne sit æstas, sed aliquo alio tempore initium sumatur. Interval= lum inter sumptum medicamentum, & balneum, aut cibum esto horarum trium. ei uero qui non concoxit, omnino cauendus est hic potus. compleaturq; anni dierum numerus, uictusq; ratio ita instituat, ut cibi boni succi, & facilis ad concoquendum sumantur, neque ad satietatem cibus ingeratur. atque ego quidem eos, quos articulorum dolores exercent, ut brassica uescantur, ad= moneo. crassos enim gigni humores uetat. uinum mediocre

mediocre bibendum est, & moderate mixtum, cum post cibum potui datur.

Ex electro pastillus facit ad sanguinem spuentes, tusses diutinas, tabidos, cruenta extussientes, caliacos, dysentericos, & flatu plenos. ualet etiam ad aures. psyllij mundi drach. XL. iridis illyricæ, ramentorum electri, croci singulorum * lib. I. opij Gale. drach. XV. psyllium in aquam calidam coniectum drach. macerari finito. cumq; uiscosa ac glutinosa effe- XXX. Et sit aqua, liquorem e psyllio exprimito, ac medicamentum parato. Pastillos conficito, ac dato obolos tres dormitum euntibus. aquæ uero sextarij tres sunt.

Pastillus ex acacia faciens podagricis, articulorum doloribus, inflammationibus, & ijs omnibus uitij, quæ pruritus affert, in principio adhibitus, habet acaciæ nigre & flauæ utriusque uncias quatuor. collæ artificum pellucidæ (sed præstat capere collam piscium) unc. quatuor. ammoniaci thymiamatis unc. duas. aloes, glaucij singulorum unc. duas. thuris masculi, ueratri albi & nigri utriusque unc. I. coacta aceto scillino in pastillos redige. cum usus postulat, eodem aceto dilue, & illine, finitoq; siccari, & in balneum mittito, cum exierit, dato.

Pastillus ad hemicraniam. seminis nasturtij drach. quatuor. foliorum rutæ uiridium drach. quatuor. opij drach. quatuor. ex aceto confice.

Siccum medicamentum ad cicatricem inducendam, quod facit etiam ad ulcera maligna, & nomas. corticis pini drach. sex. cornu ceruini usti drach.

ORIBASII SYNOPSIS

quatuor aruginis rasæ drach. una. tritis utere.

Aliud ad cicatricem inducendam. ostreorum combustorum drach. duæ. mannæ drach. una. cadmiæ obol. quatuor. leuigatis utitor & ad nomas etiam adhibeto.

Cephalicum ad caput accommodatum, aufert squamas, educit ossa, eaq; digerit, & canas partes carne implet. Iridis drach. quatuor. panacis drach. quatuor. aristolochiæ drach. duæ. thuris drach. duæ. mannæ tantundem. omnia conterito, & cribrato, utitor uel per se, uel ex melle.

Aliud crustas inducens, & uellicans, & abscondens cataplasmati modo adhibitum, specilloq; ignito contritum. ualet etiam ad excrecentia comprimenda. chalcitios crudæ drach. octo. cadmiæ drach. quatuor. aceto acerrimo excipiuntur, siccantur, et leuigantur.

Putrefaciens absque dolore. auri pigmenti, chalciteos, sandarachæ singulorum drach. quatuor. calcis drach. octo.

Rhodiaceum ad carnem supercrescentem continendam. gallæ immaturæ drach. nouem. squamæ æris drach. V. atramenti sutorij drach. tres. aluminis scissilis drach. quatuor. gallas ad dimidias adurito, & uino extinguito.

Ex charta. chartæ combustæ unc. sex. auri pigmenti, sandarachæ, calcis singulorum uncia & drach. quatuor. Si pastillos uelis conficere, succo plantaginis, aut uino austero excipito.

Ad nomas. chalciteos, misyos, squamæ, gallas

rum pares portiones.

Adurens sine mordicatione statim alterans. calcis uiuæ unc. una. fecis uini drach. una. nitri unciam mediam aceto læuiga, coque in stillatitia ficulnea donec bis, aut ter ferueat. antequam uero coquatur, habeat passi crassitudinem. Si uero ad emplastri formam uelis redigere, excipe uisco, quod ad uaporem aquæ dulcis calidæ sit solutum.

Anthera ex Philumeni scriptis ad ulcera oris. sandarachæ, iridis singulorum drach. quatuor. cyperi drach. octo. myrrhæ, croci, aluminis scissilis singulorum drach. una. florum rosarum drach. una.

De collyrijs.

LIBYANVM collyrium habet, stimmeos usti & loti drach. duodecim, cadmiæ combustæ, & lotæ tantundem, cerussæ combustæ et lotæ drach. sexdecim, amyli tantundem, spodij drach. octo, asteris samij drach. octo, plumbi usti, & loti tantundem, myrrhæ tantundem, opij tosti drach. octo, gummi drach. unam. alba ouorum recens natorum uiginti, & aquam pluuiam ad excipiendum.

Psilothrum Apollinaris. cerussæ drach. uiginti quatuor. cadmiæ drach. octo. æris combusti drach. duodecim. myrrhæ drach. duæ. aloes drach. octo. croci tantundem. acaciæ drach. quatuor. tragacanthæ drach. undecim. amyli drach. sex. opij drach. duodecim. gummi drach. X. aquæ pluuiæ quantum satis est.

ORIBASII SYNOPSIS

Cnicus flauus Bassi. ad distillationes, doloris uexationes, exulcerationesq; ouo, aut aqua dilutus. cadmiæ ustæ et lotæ drach. XXXII. cerussæ lotæ drach. sexdecim. spodij tantundem. opij tosti drach. octo. acaciæ fuluæ, amyli, gummi, tragacanthæ singulorum drach. quatuor. aquæ pluuialis quantum satis sit.

Ex erica, habet ericæ seminis, myrrhæ, opij singulorum drach. triginta octo. atramenti sutorij combusti drach. unam. gummi drach. sex. acaciæ drach. sex. cadmiæ tantundem. aquæ pluuiæ quantum satis est.

Vranium collyrium ad ulcera, pustulas, ruptiones, inustiones, prolapsus, staphylomata, sugillata, corrosiones, nomas, carbunculos, et omnes magnas affectiones, præsertim uero ad ruborem et glaucedinem oculorum ualens. In principijs magis dilutum infunditur. cum autem fluxio tenuis, mordax, et feruida fuerit, cum lacte utitor: cum uero repurgare, ac crassam fluxionem uelis dissoluere, cum aqua. Terræ samiæ ustæ et lotæ unc. tres. spodij loti unc. una. cadmiæ lotæ unc. duæ. stibij loti unc. duæ. squamæ æris lotæ unc. quatuor. opij drach. sex. gummi unc. quatuor. confice ex aqua pluuiâ.

Collyrium Achariston. facit ad maximas humorum fluxiones, et præcipue in agrestium corporibus. cadmiæ drach. sex. acaciæ drach. octo. æris usti et loti tantundem. opij drach. quatuor. seminis ericæ tantundem, myrrhæ drach. quatuor. gummi drach. sex. aqua excipito, usus est cum lacte mulie-

bri. temperatura sit media. cum uero non fluxio,
sed affectio circa oculos sit, ab hoc collyrio abstine=
bimus.

Collyrium ex thure ad fluxiones, & chemoses ha=
bet cadmiæ ustæ & lotæ drach. octo. thuris drach.
octo. cerussæ lotæ drach. XL. opij drach. sex. aqua
itidem excipito.

Collyrium cygnus. ad ulcera omnis generis, flu=
xiones, doloris uexationes, oculos sugillatos. habet
spodij loti drach. quatuor. terræ samici, amyli, aca=
ciæ, opij singulorum drach. quatuor. tragacanthæ
drach. unam. excipe aqua pluuiæ. usus est ex ouo.

Libyanum collyrium ad pustulas, inustiones,
ruptiones, cælomata, sugillata, chemoses, staphylo=
mata, magnos dolores & affectiones oculorum. ci=
catrices etiam tollit. habet autem cadmiæ ustæ et lo=
tæ, drach. sexdecim. cerussæ drach. tres. myrrhæ
drach. duodecim. stibij usti & loti drach. duodecim.
bdellii usti & loti drach. duodecim. aquæ uero quan=
tum satis sit, & ad excipiendum alba ouorum XX.
In alio exemplari additum erat, opij drach. XI.

Collyrium ex cornu ceruino ad ulcera, pustulasq;
ac cicatrices exterit. cornu ceruini usti drach. qua=
tuor. thuris tantundem, plumbi usti & loti drach.
duæ. opii drach. una. gummi drach. duæ. aqua
pluuiæ excipiantur.

Collyrium Nilium Demosthenis ex rosis. Rosarum
tenerarum drach. quatuor. croci drach. duæ. papa=
ueris obolus, nardi obolus, gummi drach. duæ. aqua
excipiuntur. Valet hoc ad chemoses, & prolapsus

ORIBASII SYNOPSEOS

oculorum, & pustulas, & ulcera etiam sordida,
ad uehementes dolores, & asperitates palpebrarum.

Madicum collyrium habet glaucii drach. quatuor.
sorcocollæ tantundem, croci drach. unam. tragacan-
thæ tantundem. cætera in aqua læuigato ita, ut re-
cte madefacta sint, & cum tragacantha conterito,
& emolliens utere. Sæpe autem subungens hoc spif-
sione utitor.

Spodiaceum faciens ad inflammationes & deflu-
xus, habet thuris, stibii singulorum drach. C. cad-
miæ, cerussæ singulorum drach. uiginti quatuor.
terræ samiæ, asteris sing. drach. tres. papaueris
drach. III. gummi drach. XV. subige cum succo
foliorum oliuæ. quem quidem succum ita conficies.
oliuæ folia, quæ magis tenera sint, abluta in mor-
tario contundito, aquæ modicum affundens, expri-
mitoq; ac puro linteo excolato.

Nardinum collyrium habet cadmiæ drach. decem
et octo. æris combusti drach. sex. stibii drach. XX.
nardi syriaci drach. quatuor. acaciæ drach. X. gum-
mi drach. XX. croci drach. unam. ex aqua pluuiæ
subigito.

Collyria quædam sunt, quæ non condensant,
crassosq; humores reddunt, sed diffundunt, atque
discutiunt, quale est aromaticum, & chiacum. A-
romaticum autem componitur ad hunc modum,
pompholygis drach. tres. æris usti drach. duæ. myr-
rhæ drach. tres. uino Chio, aut phalerno exceptis
utere.

Chiacum ita conficitur. spodii drach. tres. æris

combusti drach. tres. croci drach. una. myrrhæ drach. quatuor. meconij tantundem, piperis albi grana octo. gummi drach. una. confice ex uino Chio marina non permisto, aut aminæo.

Siccum ad oculorum angulos scabiosos. habet chalcitidis drach. octo. cadmiæ drach. v. trita in uas fictile ponuntur, & uasculum opertum in acetum temperatum conijcitur, ut exterius quidem mader fiat, interius uero nihil humoris confluat. ita septem dies dimittito, deinde exsiccato.

Collyrium diacenteton. cadmiæ drach. quatuor. æruginis drach. una. misyos tosti obol. tres. piperis tosti drach. tres. gummi drach. una. facit ad uisus hebetudines, ad incipientes suffusiones, attenuatq; esto autem calidum.

Erasistrati πᾶν ἔχοντος id est omnino utilis liquida compositio atque admirabilis faciens ad oculorum inflammationes, ad ophthalmias incipientes, et ad palpebras male affectas, & ferme ad omnem ophthalmiam. ea etiam usus est ad pudenda contusa, & aures purulentas, ad tonsillas, ad uuam, et ad reliqua ulcera corporis, quæ alioqui non sanescunt, & ad nigrores, qui in ulceribus sunt, & ad morbos in naribus orientes, & quibus etiam os infestatur. habet autem æris combusti drach. duas. myrrhæ drach. unam. misyos tosti drach. unam. piperis obolos * duodecim. croci obol. tres. uino Chio læuigen= Alter
tur donec medicamentum misceatur. deinde misce= I I.
tur passi hemina, & iterum conteruntur, tum in
æreum uas coniecta lento igni coquuntur quousque

ORIBASII SYNOPSIS

medicamentum ad uisci formam redigatur. postremo in æneam pixida reijcitur. & ita ad usus antedictos adseruatur.

Collyrium ad pura & impura ulcera, & depascencia, atque ad eminentias, itemq; ad ueteres affectiones, & asperitates palpebrarum, & sycoses, & inuersiones palpebrarum, ad clauos, ad staphylomata, omnem defluxum, & graues dolores, & scabiem palpebrarum, accommodatum. facit ad rescentia, & crassa mala, ad carbunculos, ad puris collectionem. ipsum enim pus consumit; &, uno uerbo, ad omnia uitia oculorum ualet. spodij drach. tres. atramenti sutorii drach. duæ. croci drach. una. myrrhæ oboli quatuor. meconii tantundem, piperris albi grana duodecim. gummi drach. una. uini Chii austeri quantum satis est.

Aliud ad pura ulcera, quæ carne implenda, & ad cicatricem perducenda sunt. Cleonis autem collyrium appellatur, quo etiam nos utimur, et uehementer laudamur. nam et ulcera profundissima replet celerrime, & tenuibus, & oculorum obtutum pene fugientibus cicatricibus relictis ad cicatricem perducit, ulceraq; absque inflammatione conseruat. habet spodii drach. unam. bdellii combusti cum sulphure uiuo, & loto drach. quatuor. squamæ lotæ obolos tres. gummi drach. duas. aqua læuigans & cogens, utere cum lacte aut albo oui.

Dionis collyrium habet spodij drach. quatuor, corticis thuris obolum, myrrhæ tantundem, squamæ æris, acaciæ, nardi indici, meconij tosti singulorum

obolum, gummi drach. quatuor, excipe aqua plu-
uiatili, & utere ex ovo.

Collyrium, quod $\pi\epsilon\pi\iota\sigma\mu\epsilon\iota\omicron\nu$ dicitur, præstan-
tissimum est ad cicatrices, ad carnem excrescentem,
& ad asperitates palpebrarum purgandas, ad earum
inversiones, lithiasas, chalazia, & scirrhosas
affectiones, ad ungues oculorum, ad enchantides, sca-
biem palpebrarum, & membranarum crassitiem,
& ad multos, crassosq; defluxus tollendos, & ad
aquosas, copiosasq; fluxiones cohibendas, nam &
absumit, & perpurgat tuto, attenuat, & consumit
vehementer mordens, oculum clarum conseruat, ad
aspectum iucundissimum, & blandissimum, habet
hoc æris & combusti, & loti obol. quatuor, croci
drach. I. myrrhæ obol. tres, uini Chij quantum est
satis: si uero spodij drach. quatuor adijcias, erit ad
omnem fluxionem, omnemq; lippitudinem accom-
modatissimum.

Collyrium ad carbunculos aptum, quod $\alpha\beta\iota\kappa\eta\tau\omicron\nu$
nominatur, spodij loti drach. quatuor, meconij drach.
I. succi ex hysciamo expressi drach. I. acaciæ tantun-
dem, nardi obol. II. æris rubri obol. II. fuliginis-
thuris obol. quatuor, gummi drach. sex, succi e cicu-
ta expressi drach. una. Est etiam perutile ad carbones
hoc, quod habet opij, acaciæ, hyosciami, aut misyos
seminis myricæ pares portiones, contere, uino crasso
dilue, & carbunculos oculorum, atque alias etiam
partes inunge.

Collyrium ad tabem; ammoniaci drach. I. croco-
magnatis drach. quatuor, croci drach. II. æruginis

ORIBASII SYNOPSEOS

drach. i. aqua excipiantur.

Collyrium ad suffusiones ; foeniculi uiridis succum cum melle misce pari portione , ac simul coque donec mellis habeat consistentiam ; hoc autem unguens etiam oculorum tollit ; nos uero subsequenti collyrio precipue utimur , quod in plerisque id effecit , quod opus erat ; habet caucalidis succi , chamædryos , cæronopidos singularum pares portiones ; contere , ac collyria confice. Quandoque autem othones succi partem unam miscui , quam sane othonem aliqui magnam chelidonium uocant , ut Dioscorides auctor est. Paruum autem Chelidonium , quod etiam agreste tristicum nominant , uitandum est , quippe quod acres uires habet , & cutim exulcerat , ut etiam Galenus memorauit , mitius autem est primum ad suffusiones.

Archigenis ad oculorum claritatem maxime ualens . Aselli piscis pinguedinem , quæ in uentre est , cape pondo unc. tres , scamoneæ unciam mediam , his leuigatis cedriæ uncia una admiscetur . Vngendus est locus aut in balneo , aut in sole , fomenti loco.

Demosthenis collyrium ad ueteres affectiones ; Lycij drach. tres , æris combusti drach. undecim , cadmiæ drach. duodecim , opij drach. sex , croci drach. duodecim , acaciæ tantundem , aqua excipe.

Cleonis gluten fluxionem cohibens ; terræ samiæ pars una , myrrhæ pars una , mannæ pars una , excipe albo oui , deinde linteo impositum temporibus , & fronti applica.

Siccum palpebras pulchras faciens , pueris maxime accommodatum ; stibij drach. sexdecim , plun.

bi usti drach. octo, squamæ æris, croci, florum rosarum, myrrhæ, nardi indici, thuris masculi, piperis albi singulorum drach. i. palmularum nuclei numero XXX. omnia in uas fictile conijcito, diligenter torrefacito, inde in mortarium reijce, ac contere, & opobalsami cochlearia duo adde, & simul contritis, & arefactis utere.

Aridum ad aridam lippitudinem, sycosin, putredines, & carnes excrecentes; habet, cadmiæ drach. i. chalcitidis drach. octo, piperis grana XV. nardi celtici drach. i. cadmiam, & chalcitida ex uino contunde; cumq; mista fuerint, nardum, & piper adde, & omnibus in puluerem redactis utitor.

Liquida compositio ad sycosas eruptiones, & omnes carnis exuperantias, & ad enchantidas, habet misyos tosti drach. sex, atramenti sutorii drach. quatuor, mellis attici cyathos X.

Alia ad callos, & omnem eminentiam; æris combusti, misyos combusti, myrrhæ, croci, uuæ acerbæ singulorum drach. i. uini Chii cyathi octo, mellis attici uncia una.

Collyrium ad uisus claritatem, & glaucedinem; fellis perdicis pars una, mellis attici partes tres, succi centaurii pars una.

Ad oculorum cicatrices fel leporis cum melle contere, & inunge.

Gluten ad pilos; ceræ, picis, glutinis, quo lapides inter se componuntur, singulorum drachma, simul eliquata reponito, usus tempore specilli acumine medicamentum cape, & eo dissoluto pilos agglutina.

ORIBASII SYNOPSEOS

Ad crithas, & chalazia, sagapenum cum aceto contere, & utere.

Ad ægilopas, thuris drach. octo, myrrhæ tantundem, ladani drach. quatuor, ceræ drach. octo, aluminis scissilis drach. quatuor, nitri spumæ tantundem, coaguli leporis drach. quatuor, contunduntur omnia, et cum irini unguenti sedimento molliuntur.

Cataplasma ad uehementes oculorum dolores; habet rosarum siccarum drach. quatuor, opij drach. I. croci tantundem, dulci decocto meliloti excipiuntur.

Vnguentum ad uehementes dolores, aloes, lycij, rosarum uiridium, croci, opij, myrrhæ, singulorum pares portiones, uino coactas in pastillos coge, in umbra exsicca, cum usus postularit, passo dilue, oculos, frontem, tempora perunge.

Diarhodon Diagoræ, quod magnum appellatur. Valet hoc ad dolores uehementes, phlyctenas, adustiones, prolapsus, & sugillata in oculis, & item ad defluxus, ueteres lippitudines, & affectiones curatu difficiles; continet autem rosarum uirentium resectis unguibus, drach. LXXII. cadmiæ drach. uiginti quatuor, croci drach. sex, opij drach. tres, stibij drach. II. squamæ æris drach. II. nardi indici, drach. I. myrrhæ unc. tres, gummi drach. uiginti quatuor, excipe aqua pluuiæ.

Croceum, quod puerile inscribitur, ad magnas fluxiones, uehementesq; dolores, & ad eas affectiones, quæ ex plagis oriuntur, ualens, cineris pompholygis drach. sexdecim, croci drach. XV. tragaanthæ drach. octo, aqua pluuiæ excipe, & ad me-

dicamentum conficiendum alba ouorum numero quatuor adhibeto.

Asclepiadæ pacianum ualens ad doloris uexationes, tenuem, multumq; defluxum, feruorem, pustulas, membranarum eminentias, aspritudines, affectiones diuturnas, & eos, qui multis læsi sunt illitionibus, hoc confestim addiuvat, habet uero cadmiæ, æris, croci, squamæ æris singulorum drach. duodecim, myrrhæ, lapidis hæmatitæ, rosarum siccarum, nardi indici, opij singulorum drach. tres, piperis alibi grana sexdecim, gummi drach. nouem, uini Chij quantum est satis. usus ex ouo est.

Ad caliginem oculorum; singulis diebus in oculos imponendum est medicamentum, quod ita conficitur;

- * Fœniculum uiride diebus, & mensibus in uas fictile conijciendum est, & foris pice uas oblinendum, aqua pluuiæ infundenda, fœniculum deinde eximendum, & eo, quod reliquum fuerit, utendum.

Smegmata, & Dropaces.

SMEGMA, quod Asclepius dicitur, salis communis, salis ammoniaci, salis cappadocici tostorum, pumicis, aphronitri albi, baccarum lauri siccarum, singulorum drach. una, ueratri albi, struthij, uuætaminæ, sinapis alexandrini, sulphuris uiui, pyrethri, fecis, floris iunci odorati, cyperi singulorum unc. sex, sampsuchi, aluminis scissilis, gallarum, gummi, thuris, alcyonij, piperis, cachryos, radicis cucumeris agrestis, chamæleontis, iridis, marrubij sic-

ORIBASII SYNOPSIS

ei singulorum unc. una, uel unc. tres. contundito,
per cribrum traicito, & utitor

Smegma caput exsiccans habet, Cimoliae drach.
duas, nitri, bryoniae, sicci corticis radices cucumeris
sylvestris, cumini, farinae lupinorum singulorum
drach. mediam, trita composito, & in balneo utitor,
auxiliatur uehementer.

Saporem repellendi uim habens; balaustiorum unc. I.
aloes, gallarum, aluminis, thuris, foliorum rosa-
* rum, malicorii, utriusque tunicarum, singulorum
unc. I. sarcocollae unc. I. gallici saponis unc. sex, de-
cocti lupinorum amarorum quantum satis est. Qui-
dam addunt myrrhae, et citinorum utriusque unciam.

Dropax Gallus. Colophonae, quae thus redolet lib.
quatuor, pineae lib. quatuor, & eius quae lignosa di-
citur, & in Italia solum nascitur, lib. quatuor, re-
sinæ à nauibus derasæ, quae ἀπὸ πύμων nominatur,
picis siccae, ceræ singulorum lib. quatuor, frixæ unc.
XV. picis brutiae lib. II. bituminis, galbani, ad ra-
ces, pyrethri singulorum unc. sex, opopanax, eu-
phorbii, ueratri albi, piperis singulorum unc. qua-
tuor, sulphuris uiui unc. tres, castorii, ammoniaci,
uuae taminiae singulorum unc. II. olei sicyonii lib.
I. opobalsami unc. sex.

Alius simplex. Ceræ lib. I. brutiae, pineae singu-
lorum lib. I. frixæ lib. I. unc. tres.

Psilothrum. Oryzam, farinam fabarum, ptissa-
nam aqua coquito, horum succo pro aqua usus mi-
sce auri pigmenti unciam, calcis uiuae libram, pumi-
cis tosti semissem, opobalsami cochlearia duo.

Ad corrugationem ex Ruffi commentariis smegma, quod continuo corpori rugoso adbibetur, extenditur hoc cum ficubus pinguibus. Bryonia conteritur, & farina erui, itemq; sepiae testa combusta, melle paulatim instillato excipiuntur.

Smegma splendorem afferens, & situm aufe-
rens; habet farinae fabarum choas * duas, foeniculi ^{Al. has}
in ptisana cocti, & postea in oxymellite loti, deinde bet me-
contusi choas duas, saponis gallici lib. duas, misce sa-^{diā cho}
ponem cum cæteris, subigens manibus, & in balneo ^{am.}
utitor.

Stomaticum Philagrii ad oris corrosiones, fructus
lentisci nondum nigrescentis, drach. viginti quatuor,
gallarum drach. quatuor, costi drach. I. folii drach. I.

Anthera, idest floridum smegma, ad oris ulcera.
Sandarachæ, iridis singulorum drach. quatuor, cy-
peri unc. octo, croci myrrhæ, aluminis scissilis singu-
lorum drach. II. florum rosarum drach. I. misce.

Smegma odoratum ad dentes, ut & albi sint, et
ne corrodantur; nitri, sepiae testæ, myrrhæ singulo-
rum uncia una, tritis utitor.

Dia moron, ut Galenus tradidit, habet mellis li-
bram unam, succi mororum heminas quinque, croci
drachmam, myrrhæ drachmam, & dimidium alte-
rius, omphacii drachmam, uini austeri heminas
quinque; si omphacium desit, in eius loco rhois suc-
cum pone. succus per se ipse coquendus est, donec
sordium habeat spissitudinem, deinde sic mel adici-
endum; cumq; lebetem ab igne sublaturus eris, o-
mnia agitato, ut in unum probe componantur. Ac

ORIBASII SYNOPSEOS

coctura quidem, & symmetria huius medicamenti, quod facultate medium est, moderatis inflammationibus congrua est, & in maiorum etiam inflammationum statu, itemq; in principiis & incrementis conuenit; cæterum ad induratas inflammationes, cum iam status cessat, nihilq; præterea fluit, uenit autem tempus, in quo discutiendum est, aliquid eorum, quæ discutiendi uim habent, stomatico medicamento admiscendum est; sufficit autem ad prædictam medii medicamenti commensurationem nitri semissem, thuris uero uncias duas adiungere.

Diabesafa, hoc est, ex ruta syluestri medicamentum stomaticum, quod inungitur, celebre ad anginas desperatas; Seminis anisi, floris iunci odorati, aluminis scissilis, iridis, rutæ syluestris, quam nonnulli harmala appellant, cinnamomi, myrrhæ trogloditidis, aristolochiæ longæ, casiæ, crocomagmatis, rosarum sicarum singularum uncia una, hederæ, pullorum hirundinis cineris recentis singulorum unc. tres, croci unc. I. nardi indici, amomi singulorum unc. dimidium, gallas tres, læuigatis ex melle utitur, & ubi utendum est, melle diluito.

Cancris fluuiatiles in hemina aquæ frigidæ contusi, & contriti gargarisma faciunt ad anginam præstantissimum; crassorum enim eductio anginas statim lenit.

Ad anginam, stercus caninum album cape, exsicca, læuiga, cribra, & paratum habe: cum usus postulabit, melle dilue, & inunge. Hoc medicamentum nullum melius cognoui, neque in angina, neque

in

in tonsillarum magna inflammatione, neque in glandulis, quæ suffocationis periculum minantur. Cum uero canes ossibus uescuntur, eorum stercus candidum est, atque optimum.

Ad columellam laxatam; mellis lib. II. aluminis liquidi lib. I. florum rosarum tantundem, succi hypocystidos unc. V. coque alumen cum melle, deinde sicca coniice, & ita utere, coque autem modice; hoc enim medicamentum bonum est, tribusq; modis eo est utendum; unus modus est, & præsertim in principio, ut medicamentum aqua calida dissoluatur, uel ex aqua mulsa succus medicamenti exprimatur; id enim & dolorem sedat, & quantum opus est, proficit. Interea uero dum hoc ita utimur, conuenit etiam puro medicamento uti; idq; tum digitis inungendo, tum uero cochleari contingendo, & comprimendo, & columellam foras trahendo; Confert enim uel maxime ad linguam ipsam uergere, & à rectitudine defletere.

Aliud. lina multa, & præsertim quæ à marina purpura sumuntur, in uiperæ collum coniice, iisq; uiperam suffoca: deinde unumquodque linum collo applicabis. mirum est, quantum tonsillas, cæteraq; quæ in collo uitia sunt, adiuuent.

Galenus hoc medicamentum ad dentes conseruandos commendat, quod habet cornu ceruini & usti, & loti partem unam, mastiches Chie partem mediam, cyperi parem portionem. his diligenter contusis, & cribratis utitor.

Ad dentes tremantes, alumen rotundum cum al-

ORIBASII SYNOPSEOS

terro tanto salis dentibus adhibe. aut ulmi corticem
ex uino decoctum admoue. Gallam omphacitida læ-
uigatam excipe terebinthina, hyssopo, aut melle,
& inunge. Ad stuporem autem dentium arcendum,
pinguedine aliqua expurgata bubula, uel anserina
subunge.

Philagrii ad oris erosiones. lentisci fructus non-
dum nigrescentis, gallarum singulorum drach. quatuor.
costi, folij utriusque drach. una.

De antidotis.

ANTIDOTVM ad colicos. lupinum stercus
quidam colicis potui dedit, non tamen in accessioni-
bus, sed reliquo tempore. ex quo est effectum, ut
qui sine inflammatione hoc morbo laborarent, eorum
aliqui morbo capti amplius non fuerint. neque etiam
uehementes dolores sint passi. neque breui post tem-
pore iisdem correpti. Accepit is candidissimum ster-
cus, quale est eorum, qui ossa comedunt. qua in re
mirari soleo, quod sæpenumero ex solo contactu ma-
gno quibusdam fuit adiumento. Stercus uero su-
mendum est, quod in terram non cecidit. id quod fa-
cile comperies. est enim huic animali perinde atque
cani, natura comparatum, ut altero ex posteriori-
bus cruribus elato & uesticam, & aluum exoneret
edito supra terram loco. porro in hisce stercoribus os-
sium quoque particulae inueniuntur. quæ ipsa iti-
dem contundenda, conterendaq; sunt, & colicis in
potu propinanda. In ijs uero, quæ puriora sunt,

alius quidam piper commiscuit, & ex uino puro tenui, & quandoque ex aqua bibendum dedit. Quod autem lumbis imponitur, habere condimentum debet, præcipue uero ut excretum à lupo, qui bouem, aut ouem comederit. si id non suppetat, corio ceruinum ad excipiendum utemur.

Philonis antidotum ad colicos, dolorem sedans, constat ex his. croci drach. V. pyrethri drach. quatuor. euphorbij drach. I. spicæ nardi drach. I. piperis drach. I. hyoscyami drach. XX. opij drach. X. estq; hoc medicamentum percelebre.

Trigonos, resiccans, & dolorem leuans, habet seminis hyoscyami drach. quatuor. anisi drach. II. opij drach. I. cum aqua pastillos effcito, & mane unum, et uesper alterum ex aqua frigida propinato.

Catapotium Dioscoridæ ad exustos. cucumeris satiuæ seminis drach. octo. tragacanthæ drach. quatuor. dilue tragacantham ex albo oui crudi, & recentis. cumq; ea fuerit dissoluta, conterens diligenter, & miscens catapotia conficito, & in umbra exsiccato, datoq; unum sub lingua tenendum, ut humor qui inde emanat, deglutatur.

Ad quartanarios Galeni. liquoris Cyrenaici, piperis, myrrhæ, rutæ foliorum singulorum drach. I. tritis & mixtis utitor. ante accessionem obolos duos tantum in oxymelite dato.

Ad eos, qui à cane rabioso morfi sunt Galeni. Fluiatilium cancrorum cinis ad rabiosi canis morsus mirabiliter ualet, isq; & solus, & cum gentiana atque thure. esto autem thuris una pars, gentiana

K ij

ORIBASII SYNOPSEOS

quinque, cancrorum decem. comburendi sunt can-
cri ita, ut in patella aeris rubri positi usque eo cōbu-
rantur, donec in cinerem redacti facile lenigantur.
Commodum est hoc facere post canis exortum cum
sol in leone est, Luna autem est decima octava. bi-
bant qui à rabido cane morfi sunt hoc medicamen-
tum quotidie ad quadragesimum usque diem, men-
sura cochlearij magni aqua inspersum. Si uero non
protinus ab initio, sed aliquot post dies curam huius-
sce demorfi suscipias, quotidie duo cochlearia insper-
gas. ad ipsum autem uulnus medicamentum quod
ex brutia pice conficitur uteris. habet uero picis li-
bram unam, acerrimi aceti sextarium unum Itali-
cum, opopanacis denique tres uncias. His Aescrion
usus est, nec quisquam unquam est mortuus.

Galenus ad eos, qui ab esu fungorum strangulan-
tur. Valde prodest ab esu fungorum suffocatis
aphronitrum, & nitrum, similiterq; stercus galli-
naceum. atque ipse quoque usus sum eo ex tribus
aut quatuor oxycrati, & oxymelitis cyathis leni-
gato. nam & perspicue, & celeriter profuit. qui
enim fuerant strangulati, paulo post succum pitui-
tosum, crassissimumq; euomuerunt, ex quo plane
ab eo casu sunt liberati. Iam uero calaminthæ etiam
succus, aut eius decoctum potui datum sanat.

Ad comitiales medicamentum ex Scilla. Cape uas
melleum, à quo mel sit extractum, scillam in tenues
partes manibus discerptam in id coniice. uas opercu-
lo firmo obtura, & extrinsecus totum os uasculi pelle
circundans diligenter liga, idq; in loco aliquo consti-

tue, qui meridiem spectet, quiq; à borealibus uentis sit remotus, ut ab illis nulla ex parte perflatur. Ego uero id facere consueui, quadraginta caniculæ diebus. in quibus quidem diebus paulatim uasculum ad solem conuerto, ut ex omni parte æque incalescat. transactis quadraginta diebus uas aperio, corpusq; scillæ elixato simile comperio. succum uero ex ea fluxisse, quem collectum optimo melle iucundum facio. eiusq; do quotidie cochlear unum plenum, ac pueris quidem paruum, adultis uero, magnum. Quinetiam scillæ ipsius partium contusarum, & ex melle læuigatarum do cochlear unum. Sed hoc quantum ad efficaciam pertinet, secundum à primo medicamento, locum tenet.

Pastillus ad uocem firmandam. sinapi tosti et contusi & tenuissimo cribro cribrati partes tres, piperis tenuissimi pars una, melle incocto excipiuntur, & pastilli unius oboli effinguntur, quorum unus comedendus est. nam & morsum & feruorem non exiguum excitabit. et arteriam etiam lenem efficiet.

Alius, cuius sub lingua tenetur quod fabæ magnitudinem impleat, ut liquor inde emanans paulatim deglutiatur. hoc arteriam ualde lenit, et ei uim addit. eius hæc est compositio. dulcis radicis drach. II. cassiæ drach. quatuor. croci, myrrhæ, folij, nardi celtici, thuris, succi hypocystidis, lycij, gummi singulorum drach. II. partim contunduntur, partim teruntur, & omnia melle attico, cui terebinthina sit admista, in unum commiscuntur.

Medicamentum δι' ὠπώγων, hoc est ex fructibus

ORIBASII SYNOPSEOS

pomaceis confectum ad dysentericos, & coeliacos ac commodatum. Mala punica integra. XX. mala cotonea X. rosarum siccarum sextar. I. prunorum agrestium sextar. II. sorborum maturorum sextar. II. pira tarentina XX. poma scandiana XXX. rhu syriaci sextar. III. musti aminæi cocti tertia coctione sextar. XLVIII. coque simul, donec mellis habeant spissitudinem, & in testaceum uas repone.

Antidotum Quinti dolorem leuans. styracis, opij, assari, seminis hyoscyami, castorij pares portiones. melle excipito.

Diospoliticum alias ex paribus omnibus cumino, pipere longo, uel albo, ruta, & nitro conficitur. itaq; magis uentrem soluit. alias uero cum cætera paria sunt omnia, nitri dimidium ponitur. cuminum autem in aceto acerrimo maceretur, deinde continuo contundatur, aut etiam prius modice frigatur. rutæ quoque folia sunt modice siccata. quatuor his aliquando mel subactum et despumatum admiscetur, quandoque nihil, sed sola sine melle reponuntur, ac ptisanæ cremori, aut aliis esculentis, quibus conuenire uideatur, iniiciuntur.

Διὰ τῶν πικρῶν, quod ex tribus piperis generibus simplex conficitur, hoc modo paratur. Ad cuiusque trium piperum drach. L. satis est addere anisi, & thymi, & zinziberis singulorum drachmas octo.

Ex calamintha medicamentum habet calaminthæ, pulegii, petroselini, seseleos sing. drach. octo. semi-

nis apii drach. quatuor. cacuminum thymi tantun=
dem, libystici drach. XVI. piperis drach. XLVIII.
mel optimum, et despumatum.

Ex succo cydoniorum medicamentum componi=
tur ad hunc modum. succi malorum cotoneorum
sextarios binos capimus, his mellis quam optimi tan=
tundem miscemus: aceti; sextarium addimus. hæc;
prius coquimus mediocriter ad ignitos carbones, et
spuma abiecta zinziber admiscemus. et iterum ad
carbones igne candentes ad mellis spissitudinem co=
quimus.

Antidotum Zenophili ad uesticam ulceratam, ad
renes, et lapides frangens à Deo donatum. Casiæ fi=
stula unc. I. saxifragi unc. I. betonicæ, cyperi, pe=
troselini, costi singulorum obol. tres. seminis pasti=
nacæ, seminis lini tosti singulorum unc. II. folii,
spicæ nardi, asari, dictamni, baccarum lauri, oci=
mi seminis sing. unc. I. pineæ unc. VI. mellis lib. II.
ubi utendum est, id quod atticæ fabæ magnitudi=
nem impleat in balneo, uel ante balneum in potione
uini mulsi diluitur.

Galenî picra. aloes drach. C. cinnamomi, spicæ
nardi, xylobalsami, mastiches, asari, croci singu=
lorum drach. VI. Ego uero aloes drach. XC. croci
drach. V. pono, et ita utor. datur drach. una.

Quæ subducunt uentrem, aut purgant. zinzib=
eris, scamoneæ utriusque unc. I. salis ammoniaci
unc. quatuor. aloes totidem. aceti, gari singulorum
hemineæ duæ.

Coccaria salubria, apta stomacho, aluum maxi=
K iij

ORIBASII SYNOPSEOS

me subducentia ; quæ typos etiam denotant . Aloes
unc. I. succi absinthii unc. tres. scillæ arcadicæ unc. I.
scilla in fermentum coniicienda est , et assanda ita,
ut coquatur . scillam extrahe , et facito , ut eius par
pondus sit , atque in mortarium coniectam uehemen=
ter contunde absinthii succum affundens . deinde a=
loen tenuissimam adiunge ; et emolli , ut medicamen=
tum perficiatur . facito fermentum , et excipito , et
componere coccaria , id est granula , quæ ciceris magni=
tudinem impleant , et dato iis , qui ex longo morbo
uires difficiliter recolligunt . Aliud . Scamoni
unc. I. aloes tantundem , colocynthidis interioris unc.
dimidium , bdellii drach. tres . absinthii succi , bras=
sicæ succi sing. drach. II. excipe , et ad erui ma=
gnitudinem confice , dato ualentibus XVII. aut
XIX. aut XXI. ægrotantibus autem VII.
aut XI. aut XV. aut XIII. idq; deinceps die=
bus quinque , uel septem , uel nouem . Si uero pitui=
tam ab his duci aut ualidiora esse uelis , adde fermen=
to in totum euphorbii drachmam unam .

Medicamentum purgans , quod $\kappa\sigma\pi\alpha\sigma\pi\omicron\nu$ hoc
* est placetula nominatur . similæ drach. I. coni drach.
quatuor . piperis drach. II. scamoneæ drach. II.
excipe melle attico . perfectum pondus , quod dari
queat , est drachmarum duarum . utere etiam ad
morbum regium .

Pastillus purgans , scamoneæ , euphorbii , singu=
lorum drach. quatuor . piperis drach. II. folii unc.
II. mellis lib. una . datur uncia una .

Grana . Scamoneæ unc. II. aloes unc. quatuor .

euphorbii drach. quatuor. confice ex aqua ad erui
magnitudinem. datoq; VII. aut IX. aut XI.
aut XIII. aut XV. aut XVII. aut XIX.

Medicamentum ad colicos, purgans. euphorbii,
cyperi, petroselini, iridis pares portiones.

Symbiotarium. scamoneæ unc. I. piperis, zinzibe-
beris, salis, petroselini singulorum unc. una.

Medicamentum purgans ad eos, qui elephantiasi
detinentur. Colocynthidas duas paris magnitudinis
circum scalpe, foramenq; facito, & semina omnia
abijcito, interiorum uero partem relinquito, oleum
imponere, & operculo proprio oclusas unam noctem
ita finito, die autem sequenti, euacuato oleo coquen-
da sunt in aqua colocynthides, donec flaccescant, de-
inde eas abijce, oleo uero, & aquæ mixtis, adde ue-
ratri nigri obolos tres, scamoneæ drach. unam, &
una cum his polenta ex simila incoquitur, & ex hoc
datur laboranti, qui tenui uictu utatur, quantum
XXIIII. nucum ponticarum magnitudinem im-
pleat, & aqua potui detur.

Medicamentum purgans ex iure ueteris galli com-
positum; interiora abijcienda sunt, & sal inijcien-
dus ita, ut gallus impleatur, & consuendus est,
multaq; aqua in qua parum olei sit, multumq; ane-
thi, & porri incoquendus, his colliquatis ius suaue,
& stomacho aptum, magisq; accommodatum ad
purgandum redditur, eius collati dentur ad minus
heminae duæ, summe facit ad inueteratas ad so-
mnium propensiones, quæ υεσς & οροαι nominantur.

Inunctio sedis ad flatum emittendos. Ruta cum

ORIBASII SYNOPSEOS

melle cocto læuigatur, & teritur, ut succi plena efficiatur; & ex ea, sedes interior confricatur, efficacissima erit, si cumini parum accedat, itemq; nitri, aut cyclamini succi. cæpa quoque non salita apposita ad id ualet, flatu enim satis multi, & aluum leuantes erumpunt.

Hiera Rufi. Sycioniae siue colocynthidis interioris drach. tres, chamædryos drach. X. agarici drach. X. sagapeni drach. octo, opopanax drach. octo, petroselini, aristolochiae rotundæ, piperis albi singulorum drach. V. cinnamomi, aut duplum castæ fistulæ, spicæ nardi, croci, myrrhæ singulorum drach. IIII. polij drach. tres, & dimidia. hæc omnia misce, in tenues partes redige, melle excipito, dato ad summum drachmas quatuor.

Lyci purgans medicamentum. Scamonea cum sale candidissimo, quantum satis est, læuigatur, deinde in pixide plumbea in duplici uase coquitur; modus autem duplicis coctionis est huiusmodi; pixidis duplex modius est, eius operculum aut foramen, aut meatum habere debet, in eum meatum scamonea cum sale læuigata conijcitur, & in uas imponitur, atque ita coquitur, estq; non iniucunda stomacho, & nihilo minus purgat.

Aliud purgans eos, quos elephantiasis exercet. Cape colocynthidis succum, atque oleo persperge, ipsamq; colocynthida in uase nouo cum aqua, donec flaccescat, coquito, deinde tantum similæ addito, quantum capere aqua possit; cumq; cocta fuerit, admisce elebori nigri drach. unam, & surculo ane-

thino agita, & uersa usque dum cale scat; dato au-
tem in potione, quantum nucis ponticæ magnitudi-
nem impleat.

Inunctio purgans, quæ aluum ciet. Alumen cum
melle læuigatum usque coquitur, dum giluum fiat,
ex quo sedem inungunt; hocq; medicamentum $\chi\epsilon\zeta$
 $\xi\alpha\upsilon\alpha\tau\upsilon\upsilon$, hoc est, quod aluum cogit deiicere, nomi-
natur; multa enim, sed non sine labore, educuntur.

Suffitus.

ROSARVM nouarum libra una, siccarum
lib. duæ, folij, croci, casie singulorum semis, sty-
racis uncia una, amomi, onychis singul. uncia una,
myrrhæ unc. duæ, bdelij uncia una, carpobalsami
unc. una, chie unc. una, opobalsami unc. duæ.

Rosarum semuncia, myrrhæ uncia, myrrham
cum uino læuiga, & omnia emolliens cum modico
opobalsami confice.

Costi, amomi, myrrhæ, casie sing. uncia una,
styracis, chie, bdelij, onychis, musci, ladani singu-
lorum uncia una, rosarum expurgatarum unc. ui-
ginti nouem.

Rusi hiera simplex. Colocynthidis drach. duæ,
marrubij, chamædryos, stœchados, singulorum dra-
ch. X. gentianæ, agarici, singul. drach. duodecim,
bdelij, spicæ nardi, croci, cinnamomi singulorum
drach. octo, casie, iunci odorati floris, piperis albi,
piperis longi, scillæ tostæ singulorum drach. sex, ra-
dicis centaurij drach. quatuor, omnia trita bdelio eli-

ORIBASII SYNOPSEOS

quato, et decocto panacis, et melle cocto admiscantur.

Xeromyron compositio Arabica; foliorum amomi, costi, zanazi singulorum unc. una, carpobalsami drach. una.

Suffitus ad somnum conciliandum; styracis, amomi, costi, ammoniaci thymiamatis, bdelij scythici, radices mandragoræ, succi papaueris.

Suffitus ex cypresso, quod cyphi Lunæ dicitur, bdelij unc. septem, helenij tantundem, floris iunci odorati uncia una, sphagni uncia V. baccae iuniperi parue L. aspalathi uncia septem, nasturtij unc. V. spicae nardi unc. * sex, cyperi unc. nouem, radices asphodeli unc. quatuor; seminis cupressi unc. tres, sabinae unc. quatuor, nardi celtici unc. tres, costi unc. duæ, myrrhæ unc. septem, caricarum pinguium lib. duæ, uuarum passarum sine acinis lib. duæ, sorborum unc. tres, terebinthi lib. una, rosarum siccarum unc. tres, styracis unc. septem, palmularum pinguium libra una, mellis lib. V. uini odorati quantum satis est.

Alius
habet
unc. I

FINIS TERTII LIBRI.

QUARTI LIBRI ARGUMENTVM.

Quartus liber facultates alimentorum continet, ut quæ attenuent, quæ boni succi sint, quæ calefaciant, quæ frigefaciant, quæ facile & distribuantur, & concoquantur, quæ apta stomacho, quæque flatu sint expertia, quæ abstergeant, aperiant, dissecant, quæ crassa sint, quæ difficulter corrumpantur, quæ emolliant, quæ inter hæc media, & contraria sint, ac quomodo sorbitiones coquendæ, itemque iura esculenta, & potiones, & quomodo lac potui detur, & quæ aquarum vis, & natura sit, intelligamus.

Libri capita sunt hæc.

Quæ res extenuent.	Caput Primum.
Quæ crassos succos gignant.	Cap. II.
Media inter attenuantia, & crassum succum facientia.	Cap. III.
Quæ uiscidum succum in nobis faciant.	Cap. II II.
Quæ crudos humores in nobis pariant.	Cap. V.
Quæ frigidos humores creent.	Cap. VI.
Quæ pituitam gignant.	Cap. VII.
Quæ melancholicum succum pariant.	Cap. VIII.
Quæ succum biliosum faciant.	Cap. IX.
Quæ gignant excrementa.	Cap. X.
Quæ multum nutriant.	Cap. XI.
Quæ minus nutriant.	Cap. XII.
Quæ res boni succi sint.	Cap. XIII.

Quæ mali succi sint.	Cap. XIIII.
Quæ res facile concoquantur.	Cap. XV.
Quæ difficiliter concoquantur.	Cap. XVI.
Quæ res stomacho idoneæ sint.	Cap. XVII.
Quæ res stomacho alienæ sunt.	Cap. XVIII.
Quæ res capiti noceant.	Cap. XIX.
Quæ res non inflant.	Cap. XX.
Quæ res inflant.	Cap. XXI.
Quæ res abstergant, incidant, aperiantq;.	Ca. XXII.
Quæ res obstruant.	Cap. XXIII.
Quæ tardi transitus sint.	Cap. XXIIII.
Quæ facile corrumpuntur.	Cap. XXV.
Quæ difficulter uitiuntur.	Cap. XXVI.
Quæ res in cibis aluum moueant.	Cap. XXVII.
Quæ res mediæ sint inter aluum purgantia, et subducentia.	Cap. XXVIII.
Quæ res aluum supprimunt.	Cap. XXIX.
Quæ res calefaciunt.	Cap. XXX.
Quæ res sint acres, & calidæ.	Cap. XXXI.
Quæ res refrigerent.	Cap. XXXII.
Quæ res exsiccent.	Cap. XXXIII.
Quæ res humectent.	Cap. XXXIIII.
Quomodo sorbitiones coquendæ sint.	Cap. XXXV.
Quæ res loco olei in sorbitiones iniiciantur.	C. XXXVI.
De confectiõne alimentorum.	Cap. XXXVII.
De aqua mulsa.	Cap. XXXVIII.
De potionibus, quæ utiles sunt ægrotantibus.	
Cap. XXXIX.	
De lactis potione ex Rufo.	Cap. XL.
De aquis ex Herodoto.	Cap. XLI.

80

ORIBASII SYNOPSEOS

AD EVSTATHIVM FILIVM,

LIBER QVARTVS.

*Quæ natura, ac proprietas cuiusque rei sit,
qua uescimur, ac primum, quæ res
extenuent. Cap. Primum.*

N alimentis extenuant allium, cæpe, nasturtium, porrum, sinapi, piper, smyrnium, pyrethrum, origanum, calamintha, hyssopum, silybrium, pulegium, thymum, satureia uiridia, nam exsiccata non amplius alimentata sunt, sed iam medicamenta; id enim est perpetuum, quicquid siccius est, uehementius esse, quàm id, quod est uirens, itemq; omnia, quæ in collibus, aut in agris durioribus creuere, ijs, quæ in pratis, aut hortis, aut locis palustribus nascuntur, esse robustiora, atque hæc quidem in omnibus sunt communiter cognoscenda; porro eas res, quæ diætæ sunt, subsequuntur eruca, sium, apium, petroselinum, ocimum, raphanus, brassica, beta, carduus, iringium, coriandrum, urtica, foeniculum, anethum, ruta, ligusticum, cuminum, capparis, & terebinthi fructus, cari semen, anisi, sinapi, ameos, dauci, siseleos, trochisci, & omnium denique odoratorum, & acrisum, & plane calidorum semina. Inter ea uero, quæ ualde attenuant, est rutæ semen, & canabis, quip-

ORIBASII SYNOPSEOS

pe quod ad medicamenti naturam accedat. Ex cerea-
libus seminibus ad uictum attenuantem sine molestia
solum hordeum ualet: post hoc, triticei panes in cli-
bano cocti, à cæteris danda est opera, ut abstineamus,
nisi fortasse quispiam per longa temporis interualla
pisum, aut lentem gustare uelit. Plurimā autem,
eamq; innoxiam, eduliorum copiam, si uelis, ad ui-
ctus attenuantis rationem tibi suppeditabunt pisces
saxatiles, et auicula montanæ; omnia enim animan-
tia, quæ degunt in montibus, & sicciore, et calidio-
re natura sunt prædita, eorumq; caro minime est
pituitosa; passeris igitur & turdos, merulos, perdi-
ces licet edere; aues etiam, quæ turricolæ uocantur,
& quæcunque in uineis degunt, aptæ sunt; ex co-
lumbis agrestes domesticis præstant; et omnino agre-
stia domesticis præcellunt; quæque siccioribus alimen-
tis, quàm quæ humidioribus uescuntur, et item quæ
purum, ac tenuem aerem inspirant, ijs quæ hoc non
faciunt, meliora censentur. Ex piscibus autem saxa-
tilibus uesci poterimus iulide, phénicide, merulo,
turdo, & scaro, & uno uerbo, ijs omnibus, quo-
rum est mollis caro, atque friabilis: ab ijs contra, qui
duram, et glutinosam carnem habent, abstinendum
omnino. Asellorum autem caro mollis quidem est, sed
minus friabilis, at mulorum est friabilis illa quidem,
sed non mollis; ex quo fit, ut mollities, & friabili-
tas sint indicia, quæ nobis de cuiusque animalis car-
ne suppetant: ad quæ animum diligenter aduerten-
tes in quo utrunque inesse compertum fuerit, eius
carne, quantam uelimus, uescamur; cæterorum

carnes

carnes in quibus neutrum sit, omnino uitemus: in
 quibus alterutrum, ex ijs interdum comedamus cum
 aliarum nobis non suppetat copia. in quo cauendum
 est, ne eas ad satietatem ingeramus. quocirca cum
 saxatiles desunt, asellos, & mulos, cæterosq; pela-
 gios pisces, ac præsertim eos, qui cum sinapi man-
 duntur, qualis est scorpius, præbere possumus. sunt
 porro quædam animalium genera, quibus altera ex
 ijs, quas dixi, inest nota, sed ea propter alterius exu-
 perantiam non sunt ad cibum adhibenda. anguillæ
 autem, & pisces chartilaginei, & si carnem mollem
 habent, tamen propter succum lentum, & pitui-
 tosum qui in eis redundat, satis noxiæ afferunt. ijs
 uero qui attenuante uictus ratione indigent, ex char-
 tilagineis sola torpedine, & turture uesti licet cum
 saxatiles non suppeditentur. eadem facultate præ-
 diti sunt buglossi, et passerres. Non ueto autem gal-
 linarum esum ijs, qui se exercent, itemq; columba-
 rum, & turturum, non recens, sed pridie ad mi-
 nus, interemptarum. quod etiam in cæteris o-
 mnibus, quæ carnem modice duram habent, ob-
 seruandum est. Pisces autem saliti, exquisitissime
 extenuant. ex his eligendi sunt, qui tenera carne
 suapte natura sunt. cetaceum genus est cauendum.
 Iam uero suillas carnes sale conditas gustare quispiam
 tuto poterit. Ex fructibus ij, qui uentrem molliunt,
 minime nocebunt. molliores igitur magis, quam du-
 ros, & eos qui tarde transeunt, comedere licet, non
 tamen ex ullo genere ad satietatem. Qui autem ue-
 hementer austeri & adstringentes sunt, huic rationi

ni uictus sunt contrarij . magis uero omnino accom=
modantur caricae , nuges , pistacia , & amygdala
subamara . Oliuae eiusmodi sunt , ut eas neque lau=
dem , neque uituperem . Ex dulcibus autem non mo=
do esculentis , sed etiam poculentis , solum mel , ut
ita dicam , succum tenuem gignit . Vina autem hu=
iusmodi succum faciunt alba , & tenuia . atque al=
ba quidem crassos succos incidunt , & per urinas ex=
purgant . Iam uero serum lactis inter ea numerat=
tur , quae attenuandi ui sunt praedita . sed oxymel
ad uictus rationem attenuantem multo est accom=
modatius .

Quae res crassos succos gignant . Cap. II.

CRASSOS succos gignunt panes qui sub ci=
nere coquuntur , quiq; rite non conficiuntur . et qui
tragus appellatur , & placentae ex musto & simila ,
& lagana , & placentae , quae itria dicuntur , &
quodcunque ex triticea farina sine fermento confici=
tur , & placentae , quae ex eadem materia elaboran=
tur . Praeterea simila , & alica abunde crassi sunt
succo . amyllum uero mediocriter . Lobi quoque crassi
succo sunt , & lupini , & interna lentis pars , fabae
frictae , sisami semen , erisimi semen , pisces qui mol=
les appellantur , loligines , sepiae , polypi , cetaceum
genus . satis uero crassi sunt succo patellae , pectines ,
& omnia testa intacta : itemq; anguillae , cochleae ,
carnes ceruiniae , caprinae , bubulae , leporinae , porci=
nae , iecur , renes , pudenda , cerebrum , spinalis me=
na .

dulla, glandulae, lingua mediocriter. lac nimis co-
 ctum, casei omnes, recentes uero, & qui ex acido
 lacte sunt facti, minus. lac acidum igni decoctum,
 ex ouis, quaecunque ad perfectam concretionem sunt
 cocta, & assata etiam magis, et longe maxime quae
 in sartagine fricta sunt. palmulae, castaneae, glan-
 des, bulbi, rapa, fungi, ari radix, tubera, nuces
 pineae, ficus non probe maturae, citrij caro, cucume-
 res, uberius sumpti. inter uina, quae dulcia sunt,
 ea crassum sanguinem gignunt, & magis etiam id,
 quod defrutum nominatur, & mustum eodem mo-
 do: itemq; crassa, & nigra uina.

Quae media sint inter attenuantia, & cras-
 sum succum facientia. Cap. III.

EIVSMODI sunt optime confecti panes,
 carnes gallinarum, gallorum gallinaceorum, fasia-
 norum, perdicum, columbarum, attagenum, tur-
 turum, turdorum, merulorum, et paruarum au-
 cularum omnium, itemq; saxatilium piscium, &
 pelagiorum, gobiorum, murenarum, buglossorum,
 & absolute omnium piscium, quicunque neque len-
 torem, neque foetorem edendo referant. et ficus, et
 pepones, & ex oleribus agrestibus seris. id quod est
 commune multorum genus. singulorum autem spe-
 ciales appellationes apud Atticos sunt, ut lactuca,
 chondrile, & alia sexcenta. huius uero sunt generis
 corruda, myacanthinus, et chamadaphnes aspara-
 gus, et bryoniae. uinum flauum simul et dulce, et

ORIBASII SYNOPSIS
pellucidum, quale est Aruifium, et Lesbium, et
Falernum, et Tmolite. hæc enim omnia et bonum,
et moderate crassum sanguinem gignunt.

Quæ uiscidum succum in nobis faciant.
Cap. IIII.

TRITICVM omne, quod graue densum,
et interius flauescens est uiscidum succum gignit.
quod uero leue, rarum, candidumq; intus est, mi-
nus est huiusmodi. similia quoque et alica abunde
uiscidæ sunt. itemq; tendines, musculorum extre-
mitates nerueæ, et partes quæ circa labra sunt, et
lingua, omnis suilla caro, itemq; agnina. sesami se-
men, bulbi, et pingues palmulæ.

Quæ crudos humores in nobis pariant. Cap. V.

PALMVLAÆ uirides crudis humoribus re-
plent eos, qui ipsis uestuntur, ut rigoribus, quæ
calefieri difficiliter possint, capiuntur. et radix ra-
pæ, si quis liberalius ea utatur. Et caro testaceorum,
quorum caro dura est, et falsum succum ex nimia
coctione amisit. et quæ mollia nominantur, polypi,
sepia, et quæ sunt generis eiusdem. cetaceum genus
in mari degens. animalium uentriculi, intestina,
uteri, acidum lac, panes in sartagine cocti cum ca-
seo, lupini, uua in uentriculo contenta, et non ex-
creta.

Quæ res frigidos humores creent. Cap. VI.

QVI se cucumeribus ualde explent, ijs ut frigidum succum coaceruent natura comparatum est, cum non facile possint in bonum sanguinem commutari. eiusmodi etiam succum uentres, intestina, uteri, mala nondum matura, et bulbi pariunt.

Quæ pituitam gignant. Cap. VII.

SVCCVM absolute pituitosum gignunt nerueæ animalium particule, cerebrum, pulmo, spinalis medulla, glandule, agnina caro, boleti, fungi amanitæ, caro testaceorum, mala non matura.

Quæ res melancholicum succum pariant. Cap. VIII.

CARNES bubulæ, caprinæ, et his multo magis hircinæ et taurinæ melancholicum succum faciunt: et magis etiam asininæ, camelinæ, uulpinæ, caninæ, leporinæ, et suum agrestium. Ex piscibus huiusmodi succum pariunt thynni, balenæ, cetæ, canis, delphin, et omne cetaceum genus. itemq; cochleæ, brassicæ, arborum germina, quæ muria, uel ex acida muria sint condita, ut lentisci, et terebinthi, et rubi, et canini rubi germina. cinaræ etiam caro, et lensedulium est succum melancholicum gignens uel maxime, post hanc panes furfuracei, quiq;

L iiij

ORIBASII SYNOPSEOS
ex tipha conficiuntur, casei uetusti, et uinum cras-
sum et nigrum.

Quæ succum biliosum pariant. Cap. IX.

SILIQVAE, et cinaræ succus amaram bi-
lem facit. præstat igitur cinaram coctam edere. mel
quoque facile in bilem uertitur in calidis corporibus.
omnia enim dulcia alimenta, et uina item dulcia
materiam flauæ bili gignundæ suppeditant.

Quæ gignant excrementa. Cap. X.

PALVMBI, anseres, præter alas, uiscera
omnia, spinalis medulla, cerebrum, aues palustres,
et quæ in stagnis ac pratis uitam ducunt. cicer, fa-
bæ uirides, faba ægyptia, porcelli nuper in lucem
editi, caro pecudum, et omnium animantium re-
cens natorum, quæq; in ocio uitam transigunt: et
piscium fluuiatiliū, et palustrium, et qui in li-
mo degunt, et omnes catacci generis in mari, excre-
menta faciunt.

Quæ res careant excrementis. Cap. XI.

ANIMALIUM colla, caudæ, alæ, agre-
stium animalium caro, et eorum, quæ in siccis lo-
cis uiuunt, excrementis carent.

Quæ multum nutriant. Cap. XII.

SVVM domesticorum caro præ omnibus edu-
 liis maximum alimentum præbet. bubulum cere-
 brum, testes, cor, spinalis et alia etiam medulla,
 alæ anserum, et magis adhuc gallinarum, omnium
 uolucrum uentres, cochleæ, ac præcipue bis coctæ.
 ex testaceis, quæ dura carne sunt prædita, ut chy-
 mæ, purpuræ, buccina, et cætera generis eiusdem
 plurimumimenti afferunt. Iam uero astaci, pa-
 guri, cancri, locustæ, sepia, squillæ, et iis similes,
 et ex charitilagineis torpedo, et turdus moderate nu-
 triunt, itemq; bati, liobati, et rhina magis, muli
 autem et gobii minus. Lac magis alit quod crassius
 est, quod uero liquidius est, id minus alit. Ex pani-
 bus magis nutriunt siliginei, deinde ii, qui ex simi-
 la parantur, tertio loco ii, in quibus etiam furfur
 sit. triticum coctum, simila, alica, fabæ, carnem
 gignunt non firmam illam quidem et densam, sed
 potius laxiorem. cicer magis nutrit, quam fabæ.
 magis phaseoli, et ochri magis, quam fœnum græ-
 cum. dolichi quos lobos et phaselos uocant, non mi-
 nus, quam pisi nutriunt. egregie etiam alunt lupi-
 ni, castaneæ, lentes, palmulæ dulces, uuæ dulces,
 et pingues, glandes, rapa, quam napum nominant.
 bulbi maxime nutriunt, et præsertim bis cocti, mel
 despumatum et ad distributionem, et ad nutritio-
 nem redditur accommodatum, et melicratum probe
 coctum. omne uinum pro portione crassitie nutrit.

L iiij

ORIBASII SYNOPSEOS

rubrum igitur, et crassum maxime omnium ad sanguinem gignendum accommodatum est, secundo loco id quod nigrum, crassumque sit, et adstringens. his minus nutrit album simul et crassum et adstringens. minime uero omnium, album et tenue. ad summam omnia, quæ crassi succi sunt, si probe concoquantur, et conuertantur in sanguinem, alimentum multum præstant.

Quæ res minus nutriant. Cap. XII.

PARVUM nutriunt extrema animalium partes, uterus, uenter, intestina, cauda, aures, pinguedo, adeps. omne uolucrum genus terrestrium generi comparatum, minus nutrit. caro eorum quæ senio confecta sunt, minus alit, quam caro eorum, quæ adhuc augefcunt. Alimentum, quod pisces dant, tenuiorem sanguinem gignit, ut neque abunde nutriet, et cito etiam digeratur. Ex iis quæ testa infecta sunt, quæ molli sunt carne, uelut ostrea, exiguum, alimentum præbent. panes hordacei, quomodocunque conficiantur, minime omnium aliorum nutriunt. minus uero alit polenta, quæ ex iis efficitur. itemque panes furfuracei, ac impuri omnes, et loti, amyllum, maza ex polenta hordeacea, auena, milium, eoque magis panicum, oryza, fabæ uirides, semen papaueris, ormina, mora, rubi canini fructus, iuniperus, myrta, amygdala, pistacia, pruna, persica, armeniaca, præcocia, oliuæ, et præsertim maturæ, nuces auellanae, et magis etiam regiae, nuces,

serica, corna, pruna syluestria, zizipha, iuglandes, haliacabus, capparis, et præsertim sale condita, terebinthi partes omnes, brassica, beta, lapathum, portulaca, solanum, raphanus, napi, cardamum, pyrethrum, asparagi omnes, pastinaca, daucus, carus, cæpa autem et allium, et porrum, et ampeloprasum cruda quidem alimentum nullum præbent, bis autem, ter uel cocta, paucissimum. mala punica parum nutriunt, pira uero, et præsertim magna, nescio quid alimenti in se continent. cucurbitæ quoque modicum alunt, itemq; uuæ passæ austerae, et non pingues. Porro inter ea quæ multum, et ea quæ parum nutriunt, mediū interiecti sunt phaseoli, ochri, araci, cicerculæ, et ficus, quæ non æque ac alii æstiuū fructus, parum nutriunt. laxam enim carnem faciunt. id quod faciunt etiam uuæ. ipsæ uero minus, quam ficus alunt, laxamq; et humectam carnem gignunt. Omnia autem edulia, in quibus aliqua uehemens medicamenti qualitas insit, cum eam qualitatem aut assando, aut decoquendo, aut parando deposuerint, exiguum alimentum corpori dant. prius uero nullum præbent.

Quæ res boni succi sint. Cap. XIII.

OMNIVM ferme eorum, quibus nescimur, lac optimi est succi; optimum autem lac est animalium integræ ualeitudinis, cum nuper expressum potatur; oua tremula, & sorbilia boni sunt succi; itemq; gallinæ, & pisces fere omnes, præter eos, qui

ORIBASII SYNOPSEOS

in paludibus, & stagnis, & fluminibus limosis degunt: ac praesertim si aqua è ciuitate aliqua prodeat, cuius cloacas, et balneas expurget, uel aquam admistam habeat, quæ fullonibus ad uestes tingendas usui fuerit; ergo tutius erit semper eos pisces offerre, qui de mari, quod aquæ dulci mixtum non sit, excepti fuerint, quales sunt, qui pelagij, & saxatiles appellantur: hi enim tum succi bonitate, tum iucunditate cæteris longe præstant. Si uero quidam sint, qui utraque in aqua soliti sint uiuere, ut capito, lupus, asellus, gobius, murena, & cancri, & anguillæ, statim quærendum erit, ubi nam sint capti: deinde odoratu, & gustatu discernere; etenim qui in aqua uitiata uitam duxerunt, etsi cæteris sunt pinguiore, tamen & male olent, & insuauis, ac mucosi sunt, & statim putrescunt: atque etiam ex consuetis piscium alimentis, aut meliores, aut deteriores esse ex gustu, atque odore facile cognoscuntur, quemadmodum muli omnium pessimi sunt, qui caneros comederunt; aliorum uero caro durior est illa quidam, sed non mali succi, fidicula, rhumbus, hepatus, buglossum, psitza, & lacertus medijs quodammodo sunt inter eos, qui teneram carnem habent; alimentumq; eorum est optimum ijs, qui se non exercent, qui imbecilli sunt: ijs uero qui conualescunt, friabile, & molle alimentum est ad bonam ualitudinem accommodatissimum. Omnium autem optimi succi sunt carnes quadrupedum animalium, quæ si probe concoquantur, optimum sanguinem gignunt, & praesertim ea, quæ boni succi animalium sunt,

quale suillum est genus; suum enim caro, et ad iu-
cunditatem, & ad concoctionem est præstantissima,
& eorum uel maxime, qui in media ætate sunt con-
stituti; uetustissimi nanque suis caro deterior est,
itemq; eius, qui nuper natus comeditur: nimis enim
humidæ sunt carnes eorum, qui recens sunt nati, et
pituitæ plurimum faciunt, sed tamen iecur, boni
succi est, at partes quæ circa labia sunt, & alæ mi-
nus boni succi sunt, quàm caro; glandulæ probe
concoctæ, æque, ac carnes boni sunt succi; cor non
mali succi esse censemus; meliores sunt pedes porco-
rum, & rostrum, & aures. cæterorum animanti-
um, quanto carnes à porcorum carnibus in alimenti
uiribus superantur, tanto partes extremæ in eisdem,
partibus suillis cedunt. cerebrum uolucrum longe
præstat cerebro terrestrium; ferarum caro melioris
succi est, quàm cicurum. panis purus rite confectus
boni succi est, itemq; alica, ptissana probe cocta, fa-
bæ, castaneæq; non mali succi sunt, nec ficus ma-
turæ, & uua matura; pensilis uero reprehendi non
potest. caricæ statim distributæ, boni succi sunt, quæ
uero diutius in uentriculo morantur, mali succi eua-
dunt, & pediculos generant: hæ cum nucibus in ci-
bo acceptæ præstantissimum edulium faciunt, qui
uero ficus, & caricæ cum alijs edulij comedunt,
non mediocri detrimento afficiuntur: lactuca, ut
olus, bonum gignit sanguinem, secundo post eam
loco, intyba. uina odorata boni succi sunt, optimi
uero sunt succi falerna, & potissimum dulcissima,
itemq; aruifium, & fuluum Tmolite dulce.

ORIBASII SYNOPSEOS

Quæ res mali succi sint. Cap. XIII.

MALI succi non una species est, alius enim frigidior est, alius calidior, alius biliosior, alius denique ad aquæ naturam propius accedit, ut etiam magis melancholicus est alius. ab omnibus autem mali succi edulys, etiam si facilia concoctu sint, abstinendum esse consulo. Succus enim malus ex eis coacervatus diu latet in uenis, cum uero occasionem aliquam ad putredinem nanciscitur, febres malignas gignit; mali autem succi sunt hæc; pecudum caro, & caprarum ex acrimonia, hircorum caro pessima est, proxime succedit caro arietina, deinde taurina: inter hæc omnia caro castratorum est potior, seniorum uero sunt pessimæ. Leporum caro gignit illa quidem sanguinem crassiores, sed tamen qui melior sit ad succos bonos faciendos, quàm boum, aut pecudum, & tamen ipsa quoque mali succi est: ceruina caro mali est succi, renes, & testes adulatorum animalium, præter testes gallorum gallinaceorum mali succi sunt: cerebrum, spinalis medulla, cor, lien, omnia uiscera animalium, oua frixa, casei ueteres, boleti, amanitæ fungi, mali succi sunt, cæteros fungos non esse tutius est; fœnum græcum, lens, tipha, auena, & panes ex his confecti non bonum succum pariunt: cicer bonum succum non gignit: olyra uero pessima est; panicum, milium, & cætera generis eiusdem bonum succum non creant. Pisces uero, dracones, cuculi, callionymi, scorpij, tra-

churi, muli, orphi, glauci, & cætera animalia cestosa, quæ in mari degunt, mali succi sunt omnia; fructus omnes, qui horei dicuntur, mali succi sunt: ficus uero minus, quàm alij fructus; at carica, si quis frequentius eis uescatur, non admodum probum sanguinem gignunt, ex quo fit, ut ex eis magna pediculorum copia consequatur; mala non matura, pira antequam maturescant, terebinthi fructus mali succi sunt; cinara quoque, et præsertim cum durior est, itemq; cucumeres, & pepones, sed minus, cucurbita his omnibus præstat, sed hæc quoque in stomacho corrupta abunde est mali succi. Ex oleribus nullum boni succi est; medium inter utranque partem locum tenet lactuca, & intyba, & malua, deinde atriplex, & portulaca, & beta, atque lapathum; radices autem plantarum olerum mali succi sunt quæcunque acres sunt: quales sunt cæparum, porrorum, & alliorum, & daucorum, & raphanorum; mediæ sunt radices ari, rapæ, quæ napus appellatur, & eius, quem carum nominant, ocimum succi est pessimi; rapa cruda, brassica, bulbi non probe cocti, cæpæ, porra, allia, ampeloprasabis cocta succi prauitatem deponunt. Pessimi uero omnino succi sunt olera omnia, quæ syluestria nominantur, ut agrestis lactuca, chondrile, scandix, gingidium, seris, & cichorea. Vina, quæ crassa sunt, & foetida, & adstringentia, quale est uile bithynum, quod in magnis dolijs comportatur: nam quod in paruis conuehitur, neque boni, neque mali succi est, sed medium inter utrunque locum tenet.

ORIBASII SYNOPSEOS

Quæ res facile concoquantur. Cap. XV.

FACILE concoquitur panis probe confectus, pisces saxatiles omnes, gobi, torpedo, turtur, si auium generi comparetur. Volucrum caro terrestrium carni comparata, facilius concoquitur, præsertim uero perdicis, attagenis, columbæ, gallinæ, galli gallinacei, phasiani, alæ anserum faciles ad concoquendum sunt, sed gallinarum sunt faciliores, & ad summam, alæ bene educatorum, & iuniorum optime concoquuntur. pessime uero macilentorum, et seniorum; quæ uero sero lactis educata sunt; iecurq; anserum, & cæterorum, quæ similiter aluntur, itemq; gallinaceorum gallorum testiculi facillime concoquuntur; extremæ porcorum partes sunt concoctu facillimæ: ex bubulis, et caprinis carnibus, meliores ad concoctionem sunt, uituli, atque hædi capris omnibus præstant; carnes eorum, quæ adhuc crescunt, facilius concoquuntur, quàm carnes eorum, quæ declinant: quæque in siccis locis sunt educata, carnibus ad concoquendum facilioribus prædita sunt, quàm quæ alijs in locis; iuglans facilius, quàm auelana, concoquitur; bulbi facilius concoquuntur, quibis cocti sunt, itemq; oua tremula, et sorbilia, lactucae, intyba, malua, cucurbita cocta; cum non corrumpitur in uentriculo. Vinum dulce facilius, quàm adstringens, concoquitur. porro ex ijs, quæ æque salubria sunt, id esse concoctu facilius sciendum est, quod sit incundius.

Quæ res difficiliter concoquantur.

Cap. XVI.

DIFFICVLTER concoquitur caro capræ, bouis, ceruicq; , difficillime autem caro hircorum, deinde arietum, postea taurorum; animalium uero annosorum pessime concoquitur, itemq; suum, si seniores fuerint; uenterculus quoque ægre concoquitur, intestina, uterus, cor, iecur, aures, caudæ, renes, uiscera omnia, cerebrum, spinæ medulla, adulatorum animalium testes, sanguis denique omnis; anserum uero, præter alas, & item palumborum, sturnorum, merulorum, & paruularum auium caro est durior: ac magis etiam caro turturis antiqui, et anatis; & his magis caro pauonum, & otidum, uentres omnes uolucrum ægre concoquuntur, quæ in requidam struthocameli, & mergi uentrem quasi medicamentum ad concoquendum ualens falso laudant: siquidem neque ipse facile concoquitur, neque aliorum ciborum concoquens medicamentum est; cochleæ difficiliter concoquuntur, atque etiam lac acidum, et caseus uetus, at recens, & ex acido lacte confectus, est præstantior. Purpurarum autem caro, & buccinorum, & aliorum testa intestorum, quorum dura caro est, difficulter concoquitur; astaci uero, paguri, cancri, locustæ, squillæ, & cæteri generis eiusdem, polypi, sepiæ, loligines, & omnes, quæ molli cute præditi nominantur, bati, liobati, rhinæ, dracones, cuculi, calionymi, scorpij, trachuri, mus

li, iphi, glauci, zyganæ, salpenæ, gongri, phagri, amie, aquilæ, oua tosta, cocta, frieta, triticum coctum, tragus, cui soli inest, ut sit quam polenta concoctu difficilior, tipha, auena, panes ex eis confecti, fabæ, ochri, dolichi, phaseli, cicercula, araci, cicer, oryza, lupini, panicum, milium, et cætera huius generis, lens, tussilago, sesamum, erysimum, castaneæ, glandes, poma, pira, & ficus, antequam maturuerint, uuæ acidæ, & austere, palmulæ omnes, siliquæ, citrium, cuius parte exteriori si quis pro medicamento utatur, ea ad concoctionem faciet, quemadmodum alia pleraque acria faciunt: ocimum, rapa minus cocta, bulbi crudiores, pastinaca, daucus, carus, & omnes olerum radices, & ipsa itidem olera omnia præter lactucam & intybum, sunt eiusmodi. Vinum quoque crassum & nouum. atque etiam aqua omnis difficiliter concoquitur.

Quæ res stomacho idoneæ sint. Cap. XVII.

STOMACHO autem aptæ sunt palmulæ austere, mala cydonia, oliuæ sale conditæ præstantiores sunt, quæ ex aceto sunt paratæ, uuæ passæ austere, uua iu uinaceis reposita, nux regia, & magis quam auellana, & multo magis si cum caricis comedatur. Spinosa omnia stomacho apta sunt mediocriter, huius generis sunt carduus, atractylis incisa magis, quam conueniat: cinara, siferis radix cocta, gingidium æque, ac scandix, quod crudum & coctum

Et coctum si edatur, stomacho mirum in modum idoneum est, longiorem autem coctionem non fert. napi, raphanus, rapa, cardamum, pyrethrum, regius asparagus, Et palustris, myrtus sylvestris, chamædaphnæ, oxiacanthæ, Et bryoniæ. bulbi appetitum excitant, itemq; capparis sale condita. extrema citrij pars stomachum roborat in medicamento uicem sumpta. uinum austerum os uentriculi firmat, atque ipsum uentriculum, præsertim calida affectum intemperie. ut medicamenta uero, absinthium, Et aloë eundem corroborant.

Quæ res alienæ stomacho sunt. Cap. XVIII.

STOMACHVM lædunt baccae iuniperi. magis uero cedriæ, fructus arbuti, amaranthus, uitis semen. beta uero ita stomacho aliena est, ut si estur largius, morsum etiam inducat. itemq; lapathium, ocimum, rapa crudior, blitum, atriplex, nisi ex aceto, oleo, Et garo comedantur. fœnum græcum stomachum subuertit, Et eodem etiam modo sesamum. Lac in ijs, qui frigido uentriculo sunt, acescit. in ijs uero, qui calido sunt, in nidorem transit, ex quo fit, ut febricitantibus iure noceat. Si quis uero cum melle propinet, uomitum ciebit. Repon non probe concoctus cholericos inducere morbos consuevit. etenim prius quam corrumpatur, ad uomitum prouocandum est idoneus: siq; copiosius eo quispiam uescatur, neque quicquam quod boni succi sit, post comedat, omnino uomitum mouebit.

M

ORIBASII SYNOPSEOS

idem melopepon facit. Iam cerebrum omne stomacho non conuenit, & nauſeam ciet, quemadmodum facit etiam offium medulla. Vinum nigrum & auſterum facile aceſcit, craſſum uero, & nouum ad uomitum impellit. inter medicamenta, abrotonum, ſeriphum, ſpuma nitri ſtomacho non conueniunt.

Quæ res capiti noceant. Cap. XIX.

MORA, rubi fructus caput lædunt. iuniperi baccæ, fructus arbuti, cedriæ, canabis ſemen, radix mei, palmulæ omnes, eruca, fœnum græcum, lini ſemen, uinum fuluum & auſterum caput lædit, & mentem tentat magis, quam nigrum & auſterum: odoratum quoque caput petit. at uinum aquoſum neque capitis dolore excitat, neque neruos lædit, lac non eſt aptum capiti, niſi quis caput admodum ualidum habeat. aqua in qua uux mædeſactæ ſint, quæ fex etiam appellatur, capiti dolorem infert. itemq; uua, quæ fuerit in uinaceis reposita.

Quæ res non inflent. Cap. XX.

NON inflant cuminum, liguſtici radix, & ſemen, uiticis ſemen, fructus canabis. præterea ex iis quæ alioqui inflandi uim habent, non inflant fabæ elixatæ, aut frictæ, bulbi aut multum, aut bis cocti, & cum oleo, garo, & aceto ſumpti. mel deſpumatum, oxymel ſtutus diſcutit. panes hordeacei

quomodocunque conficiantur, minime flatu excitant. inter ea uero quæ inflant, aut non inflant, medijsunt phaseli, ochri, cicerculæ, araci.

Quæ res inflant.

Cap. XXI.

INFLANT autem hæc, pisi, phaseli, fabæ, cicerculæ, lentes, casei, cicer, lupini, ochri, panicum, milium, cæteraq; generis eiusdem. faba fresca magis inflat cum per se sola, quam cum aliter cocta estur. maza ex polenta flatum gignit, subacta uero, diuq; contusa magis per aluum ducit. præcipue uero si mellis portio ei fuerit indita. succi omnes inflant, præ cæteris cyrenæicus, satyrium, silphij liquor, & radix, ex ficibus breuis flatu excitatur, quia facile deijciuntur: quæ uero exquisitè maturæ sunt, parum abest, quin nihil penitus noceant, ueluti caricæ. palmulæ uirides ita flatum excitant, ut ficus, rapa cruda, lac in uentriculo facile ciet flatum, bulbi crudiores, mel non perfectè coctum. uina dulcia diuturniores flatu excitant, dulcia simul & austera quæ neque distribuuntur, neque digeruntur, sed in uentre superiore manent, flatum inducunt. mustum uero ipsum quoque inflat.

Quæ res abstergant, incidant, aperiantq;.

Cap. XXII.

ABSTERGET uero ptissana, fœnum græcum, melopepon, pepon, uinæ passæ dulces, fabæ,

M ij

ORIBASII SYNOPSIS

cicer, ac magis nigrum quod lapides etiam in renibus egregie confringit. capparis satis tenuium partium est. quæ uero sale condita est, absterget, & pituitam quæ in uentriculo est, deducit, & lienis atque hepatis obstructions expurgat. ad quem usum adhibenda est cum oxymelite, uel oleo ante alios cibos omnes. betarum succus abstergendi uim habet, easque obstructions, quibus hepar infestatur, dissoluit: sed præsertim cum ex aceto et sinapi estur. lapatia quoque, & urtica. ari uero & asphodeli radix tenuium partium est. bulbi uim habent extergendi, attenuandi, & aperiendi. quocirca & asparagum, et asphodelum hîctericis ut summum remedium præbent: cepæ, allia, porrum, ampeloprasum attenuant, secantque crassos, & glutinosos humores qui redundant in corpore. atqui bis aut ter cocta acrimoniam deponunt. & tamen etiam attenuant. Serum lactis humorum crassitudinem attenuat. ficus abstergent. quam obrem multæ arenulæ ex ficuum usu in nephriticis excernuntur. caricæ extenuant, & incidunt. ex quo renes expurgant. baccae iuniperi ea quæ in iecinore & renibus sunt, purgant, crassosque ac tenaces humores attenuant. amygdala extergent, & attenuant, uisceraque expurgant, & humorum reiectiones, quæ per sputum ex pectore et pulmone fiunt, expeditiores reddunt. pistacia ad iecoris firmitatem utilia sunt, & ad purgandos humores qui in eius meatibus infarcti sunt, ualent. raphanus attenuandi uim habet. Mel habet maiorem attenuandi uim, quod ex calidis & siccis plantis factum est.

quocirca etiam aqua mulsa ad sputum educendum est accommodata. oxymel ea facile deducit, quæ neque tenacia neque crassa admodum sunt: uisceraq; sine molestia expurgat: morbisq; thoracis & pulmonis mirifice conducit. ijs qui succum crassum acervant, uina tenuissima conueniunt. quod si frigidi quoque humores illi fuerint, tenuia & antiqua, & cum acrimonia conferent. Vinum uero aquosum ad humorum ex pulmone educationem aptum est, roborat enim, & succos humectat, & secat mediocriter. Vinum dulce in morbis acutis, ueluti in peripneumonia, atque pleuritide, cum iam sit facta concoctio, est ad uires reficiendas accommodatum.

Quæ res obstruunt.

Cap. XXIII.

LAC, in quo plurimum feri sit, minime periculosum est, etiam si semper eo uescare: quod uero feri parum, caseiq; multum habet, non tutum est ei, qui in eius usu diu perseueret. renes enim, qui ad calculos generandos apti sunt, lædit: & iecinoris obstructions facit in ijs, qui in eiusmodi morbos facile possint incidere. carica sunt iecori, & spleni inflammatis noxiæ, ueluti etiam ficus, non aliqua propria & excellenti earum facultate, sed communi omnium dulcium ratione. omnia enim dulcia lienem & iecur obstructa, & scirrholaborantia lædunt. ipsæ uero suapte natura neque obsunt, neque prosunt uehementer. additæ uero ijs medicamentis, in quibus abstergerendi & incidendi uis est, non mea

M iiij

ORIBASII SYNOPSEOS

diocrem utilitatem afferunt . aqua mulsa incommoda est ijs , quorum uiscera in tumorem elata aut scirrhus , aut oedemate , aut inflammatione laborant ; siquidem mel natura sua in biliosum succum celeriter mutatur . papaveris semen ea retinet , quæ ex thorace prodeunt . palmulæ pingues et dulces obstruunt . id quod uirides magis faciunt . præterea omnia liborum genera , & quæ ex simila conficiuntur , obturant , & lienem augent , & lapidem in renibus pariunt . idem facit triticea farina ex lacte . alica etiam incommoda est ijs , quorum iecur obstructum est , & quibus renes sunt lapidi generando idonei . Vinum dulce obturat , & uiscerum tumoribus incrementum præstat .

Quæ tardi transitus sint . Cap. XXIIII.

TARDE autem transeunt omnia quæ ex itrijs & simila conficiuntur , fabæ frictæ , panes puri , lens detractō cortice , cerebrum , spinalis medulla , iecur , cor , triticum coctum , oua cocta , et magis asata , et magis etiam fricta , lupini , phaseli , pisi , sesamum , erysimum , glandes , mala , pira non matura ; siliquæ , uinum dulce , et magis , quod austerum est , et nigrum sine dulcedine , itemq; crassum et nouum omne . aqua omnis tardi transitus est .

Quæ facile corrumpuntur . Cap. XXV.

PERSICA , armeniaca , præcocia facile cor=

rumpuntur. omnes item fructus horæi, quorum natura humida est, in uentre facile uitiantur, nisi prius cito deiciantur, idcirco ijs ante cætera omnia uesci oportet. ita enim celeriter deiciuntur, & alia etiam deducunt. quod si post alias dapes comedantur, eas etiam simul corrumpunt.

Quæ difficulter uitiantur. Cap. XXVI.

CHAMVLAE parua, purpurea, buccina, & cætera omnia testa intecta. quæ duram carnem habent, ijs qui propter humorum malitiam cibos corrumpunt, dare consueuimus. eaq; bis et ter in optima aqua incoquimus, & in aliam puram transferimus. eiusmodi quoque sunt astaci, paguri, cancri, locustæ, squillæ, et quæcunque carnem habent, quæ difficulter uitietur, non secus, quam testa coniecta, quorum caro dura est.

Quæ res in cibus aluum moueant. Cap. XXVII.

ALVVM subducunt lens, brassica, marina uero fere omnia, quæ testacea nominantur, compositam ex contrarijs facultatibus naturam habent; ipsum enim solidum uniuscuiusque corpus tardi transitus est, et uentrem sistit: humiditas uero ad excernendum iritat: si quis igitur aut lentem, aut brassicam, aut aliud quoddam ex ijs marinis animalibus, quæ dixi, coquat, deinde eius decoctum oleo, garo, & pipere condiat, tum potui det cui uelit, uentrem eo potu subduci conspiciet. Quin etiam marinorum

M iij

ORIBASII SYNOPSEOS

herinaceorum, & conchularum omnium, & ueterum gallorum iuscula cient aluum; brassicam si uelimus aluum subducere, cacabo unà cum aqua in qua fuerit cocta, prope collocata, extrahimus, & statim in oleum, & garum iniicimus; ea enim non est admodum coquenda; mouent aluum panes furacei, et quia in uentre multum excrementi faciunt, & quia furfur abstergerendi uim habet: fœni græci succus cum melle coctus, et sumptus ad omnes uitiatos humores, qui in intestinis sunt, subducendos idoneus est: ea etiam ui abstergerendi, quæ in eo est, cæteros ad excretionem trahit; mel uero quod ei miscetur, parum esse oportet, ne morsum excitet: oliuæ salitæ si ante alios cibos ex garo comedantur, aluum mouent: quemadmodum testa inteētis, ita etiam conchulis inest succus uentri subducendo idoneus: & propterea nonnulli eas ex oleo, uino, & garo parant & iure, quod inde fit, ad aluum ciendam utuntur. Lac, quod liquidius est, magis subducit, quod crassius est, minus; serum lactis ualde aluum mollit, eiq; tantum mellis addendum est, quantum satis sit ad condiendum, citra stomachi subuersionem, eodemq; modo tantum salis adiiciendum, quantum satis sit, ne gustus offendatur; quod si uelis magis subducere, plurimum salis in tenuissimum læuorem redacti indito. Carnes animalium, quibus parum admodum ætatis accessit, ac magis etiam eorum extremitates per aluum transeunt: simili quoque modo ex piscibus chartilagineis torpedo, & turtur mediocriter transeunt; beta, et lapati-

um, urtica, caseus recens cum melle, atriplex, blitum, cucurbita, pepones, melopepones, ficus, caricæ, uuæ dulces, et præsertim cum humidæ fuerint, sicamina pura in uentriculum incidentia, & præcæteris cibis sumpta celerrime subducuntur, & cæteris etiam cibis uiam parant; post alios uero cibos accepta, etiam si uitiosum succum in uentriculo comperiant, tamen æque, ac cucurbita, celerrime corrumpuntur, nuces recentes ad alui excretionem faciunt: sed & siccæ, si prius in aqua permaduerint, æque ac uirides faciunt, pruna humida subducunt: sicca uero in aqua mulsa, in qua multum mellis sit, infusa etiam si quis ea sola comedat, satis abunde uentrem leniunt: sed multo magis, si mulsam etiam ebibat. Est enim perspicuum facere ad uentris subductionem, ut postquam ea sumpseris, aliquo post tempore uinum dulce bibas, neque statim prandeas: mora, cerasia, præcocia, persica, & omnia humida, & aquea, & omnino quæ nullam insignem habere qualitatem ea gustantibus, & olfacientibus uidentur, si recte affectus sit uenter, facile per infernas partes deiiciuntur; si uero non, & ipsa supra cætera manent, nihil uentrem ad expellendum inuuant, quia nulla in eis inest acrimonia, aut nitrosa qualitas: hæcquæ eduliorum materia est quodammodo media inter ea, quæ aluum subducunt, & ea quæ sistunt, parum ad alteram partem uergens, cum usu uenit, ut neque languide uentrem subducatur, neque ualide ad distributionem faciat: quandoque enim aluus sistitur, & ea quibus cohibetur, in alteram par-

ORIBASII SYNOPSEOS

tem parum quid uergunt : ex quo fit , ut aqua mul-
sa in quibus celeriter distribuitur , in ijs , non solum
aluuum ad excernendum excitet , sed cæteros etiam ci-
bos commistos deducat : si uero non properet distribui ,
statim iritet ad excretionem , quia habet aliquid acri-
monia . quin ipsum etiam mel solum si quis non co-
ctum lambat , aluum recte subducit : aqua autem
mulsa , parumper , uel nihil cocta , antequam distri-
butio fiat , subducetur : oxymel imbecillius intesti-
num radit . Vinum dulce nonnihil adiuuat uentris
excretionem : passum aluum subducit , itemq; oua
recentia , si ex multo oleo primo loco sorbeantur .

Quæ res mediæ sint inter aluum purgantia , et sub-
ducentia. Cap. XXVIII.

MEDIUM uero locum inter purgantia &
& mollientia tenet mercurialis per se , uel cum alijs
oleribus cocta , & primum in cibo sumpta , & cum
eius iure , absorbita . itemq; polypodium , similiterq;
alypum , cuius semen in potione acceptum ad co-
chlearis quantitatem , nigram bilem purgat : pari
quoque modo cnici semen contusum , & succosum
redditum cum aqua mulsa , aut iure gallinae , aut
amygdalis , & nitro , & aniso , & melli & caricis
commixtum .

Quæ res aluum supprimunt. Cap. XXIX.

PALMVLAE austerae , uuæ austerae , mora

rubi, aluum suppressunt: rubi canini fructus ma-
 gis etiam sistit. myrta syluestria, pruna agrestia,
 quæ etiam pruna appellantur: mala adstringentia
 uentrem detinent: acida uero cum in uentriculo suc-
 cum crassum inueniunt, eundem incidendo aluum
 subducunt: & ob eam causam feces liquefaciunt; at
 si purum uentriculum inueniant, eum magis sup-
 primunt: quæ dulci succo sunt prædita, ea sine acri-
 monia facilius descendunt, aquea uero & quæ ex-
 pertia sunt qualitatibus, iniucunda sunt, neque quic-
 quam commodi in se habent: quod de malis di-
 ctum est, idem quoque de malis punicis, deq; piris
 dictum puta. Si quis lac excoquat serumq; consuma-
 tur, aluum non ciebit: nam si lapides ignitos toties
 in lac immittas, ut serum consumptum sit, lac ita
 paratum adstringet: idq; ijs, quorum acria excre-
 menta uentrem morfu infestant dare consueuimus:
 sed non minus etiam quam ex lapidibus ignitis id fa-
 cies ferreis orbiculis igne candentibus: uerum lac,
 quod ita confeceris, in caseum facile coit in uentre: ic-
 circo ei mel & salem admiscemus: sed tutius est
 aquam affundere: neque mirum uideri debet, si con-
 sumpto sero lactis, aquam adhuc affundimus: quia
 non seri humiditatem, sed acrimoniam, qua uentrem
 subducit, uitamus, & fugimus: astaci, cancri, pa-
 guri, locustæ, squillæ, & cætera omnia, quæ molli
 testa intecta sunt, aluum suppressunt, sed minus,
 quam ea quæ testa sunt intecta: habentq; hæc sal-
 sum in se humorem, quem si in aqua deposuerint,
 non minus quam ostreorum, & aliorum testa inte-

ORIBASII SYNOPSIS

Florum caro, uentrem compriment. Lenticula quoque & brassica bis coctæ, & cum succum deposuerunt, uentrem sistunt: cumque humidum uentrem exsiccare in animo habemus, brassicam mediocriter coctam, prima aqua abiecta, statim in aliam calidam inijcimus, & in illa iterum eam coquimus, donec flaccescat: idque quod bis coquendum est, neque aerem, neque aquam frigidam debet contingere: si quidem non poterit exquisite flaccidum reddi, etiam si plurimum decoquas: si corticem à lenticula auferas, uehementem adstringendi uim amittet, neque ita fluxiones quæ in uentriculo sunt, exsiccabit. Si uero eam contundas, bisque excoquas, prioremque aquam abijcias, deinde modicum salis, aut gari commisceas, & aliquid eorum, quibus aluus constringitur, adijcias, ita ut gustus non lædatur, iucundissimum, utilissimumque & medicamentum, & edulium parabis. polenta ex uino austero pota, exsiccat. Oryza cohibet aluum, itemque panicum, milium, fricta omnia, leporis caro, uinum austerrum, & nigrum uacans dulcedine, albumque & austerum, fuluum quoque & austerum.

Quæ res calefaciunt. Cap. XXX.

AT calefaciunt triticum coctum, & panes ex eo confecti, tipha, auena, fœnum græcum, iuniperi baccæ, palmulæ dulces, poma dulcia, sesamum, erysimum, & ob id sitim inducunt; canabis semen,

uuæ dulces, uuæ passæ dulces, malua mediocriter,
apium, smyrnium, eruca, raphanus, rapa, radi-
cula, napi, cardamum, pyrethrum.

Quæ res sint acres, & calidæ. Cap. XXXI.

PASTINACA, daucus, carus manifesto ca-
lescit; allium, gummi, porrum, ampeloprasum
satis acria sunt, sed tamen bis, ter uel cocta deponunt
acrimoniam; caseus uetus calidus est, & ideo sitim
affert: uinum dulce, mediocriter; fuluum est nigro
calidius: flauum uero est omnium calidissimum, de-
inde fuluum, tum rubrum, postea dulce: postremo
album minus, quam cætera omnia calidum est: ue-
rustissimum uero abunde calescit.

Quæ res refrigerent. Cap. XXXII.

REFRIGERAT hordeum quibuscunque mo-
dis conficiatur, milium, panicum, tubera, cucur-
bita cocta, melopepones, cucumeres, pruna, syco-
mora, austera, & acidæ uuæ, & passæ; mala non
adstringentia frigidi, & terrestres succi sunt: acida
uero frigidum, et tenuium partium succum habent:
quæ perfecte æmota, hoc est qualitatum expertia sunt,
& ueluti aquea; idem de piris, & malis punicis iu-
dicato; non pauci quoque sunt aliorum arborum fru-
ctus, qui refrigerent, & præsertim ij, qui reponi,
& asseruari non queunt: palmulæ adstringentes fri-
gidum succum habent: lactuca, intubus, sed hæc

ORIBASII SYNOPSEOS

moderatus: portulaca; papaueris semen, cuius si plurimum sumatur soporiferum fiet. eos autem, quibus tenuis destillatio fluit a capite, iuuat: in quo casu id quod candidius est, cæteris præstat: myrta refrigerant, sed non una cum adstriptione: quandoquidem acrimoniam quandam habent. Solanum efficax est in refrigerando, & adstringendo: aqua, uinum aquosum non aperte calefacit: quam ob rem cum minore periculo febricitantibus præbetur. Vinum autem album & austerum, minime, ut inter uina numeratum, calefacit: quod uero album simul, & austerum est, itemq; crassum, & nouum aperte refrigerat: acetum quoque tenuium partium est, & idcirco cum intimas partes penetret magis, quam alia refrigerantia nervos lædit: porro media quodammodo inter calefacientia & refrigerantia sunt panes loti, amyllum, & uinosæ uuæ.

Quæ res exsiccent.

Cap. XXXIII.

LENS & brassica pariter siccant, & ob eam causam aspectum obtundunt, nisi forte contingat, ut totus oculus sit humidior, asparagus uero minus quam brassica ipsa siccet: at aliorum olerum caules est siccior: contra fit in raphano & rapis, & napis, cardamoq; ac pyrethro, atque omnibus, quorum acrem esse asparagum contingit, polenta siccet: uiticis semen, eruum bis, aut sæpe in aqua coctum, edulium exsiccat: præstantius autem est album, quod uero assatum, aut frictum estur, siccius alimentum.

præbet. Quæcunq; autē in aqua prius elixantur, humidius alimentum præbent: quæcunque uero in sartagine condiuntur, medium inter hæc locum tenent; quodcunque autem plus uini, & gari habet, siccius est, quàm id, quod non habet; alia sunt his longe inferiora: nam quæ defruti plus habent, aut in simplici, et puro albo iure coquuntur, multo sunt prædictis humidiora, quæ uero ex sola aqua coquuntur, sunt etiam his humidiora; magnum enim discrimen ex ipsa conditura accedit seminibus, oleribus, & plantis, omnibus quidem exsiccantibus, sed alijs magis, alijs minus, iuxta facultatem eorum, quæ eis adiiciuntur.

Quæ res humectent. Cap. XXXIIII.

PTISSANA cucurbita cocta, pepones, mu=lopepones, cucumeres, nux uiridis, pruna, sycomora, & sycamina non corrupta omnino humectant: non refrigerant autem omnino, nisi frigida sumantur, humectat quoque lactuca, intubusq; , sed his debilius portulaca, malua autem, & blitum, & atriplex magis aquea sunt olera: quinetiam alij plerique fructus aliorum arborum humidi sunt, ac præsertim ij, qui reponi non possunt. Iam & lactucæ, & papaueris semen humectat, itemq; fabæ uirides: aqua humectat, & refrigerat: ac calefacta, humectat, & calefacit.

Quomodo sorbitiones coquendæ sint. Cap. XXXV.
quod quidem totum est deprauatum, & in eo
multa desunt: nec restitui coniectura
satis tuto poterant.

PTISSANA, ut decet, parabitur, cum co-
quendo in tumorem fuerit elata: deinde lento igni
coquatur, donec per multum ocium in succum abe-
at. quo quidem tempore cum plane intumuerit,
acetum ei miscetur: cumq; probe fuerit cocta, sub
edendi tempus sal tenuissimus est iniiciendus; si uero
oleum ab initio imposueris, coctioni nihil incommoda-
bis; aliud uero nihil admiscendum est, nisi porri mo-
dicum, & anethi, idq; in ipsa statim principio. Quæ
uero ex lentibus, & ptissana componitur, recte pa-
ratur, si maior lentium imponatur copia, & eodem
coquatur modo: præterquam quod satureia, aut pu-
legium ei adijcitur, fitq; edulium suauissimum. Ex
cucurbita quoque iucundissimus fit cibus, si cum ali-
quo salsamento ex ponticis, quæ mylla dicuntur,
mandatur. ijs uero qui sunt ad continendos cibos im-
becilliores, neque sumere crassius alimentum queunt,
optimum erit, alimentum aqua macerare, deinde co-
* quere, deinde contundere. Potest ergo quispiam po-
lentam, panemq; calidum macerare; panes enim
confracti, & macerati plurimum facultatis, ueluti
caliditatis amittunt, eorum uero decoctorum potio
longe præstat, & multo etiam melius alimentum
præbet. Hordeum uero, quod febricitantibus dan-
dum

dum est, non est confricandum, sed lauandum, & in aqua coquendum, ac primum quidem cum inter puerit, aqua abijcienda est, tum alia adiecta coquendum; recte autem coquetur, si decem aquæ heminas in unam hordei heminam iniicias; coquitur autem donec hordeum crepet, deinde abijciatur tenuissima

* aqua, & melle admisto id per se potui detur. hoc enim & uentriculo commodum est, & urinam cit, & abunde nutrit. Datur item hordeum in polenta frictum, quod etiam *αγλυδα* appellant, sed antequam maceretur, leuiter fricandum est, ut præusta palea abstergeatur; deinde macerandum, et coquendum est. magis enim, quam quod ante dixi, uentrem cohibet. Ita etiam alimentum quodcunque ægrotanti esse accommodatum censetur, coqui poterit. Quæ uero subtrita sunt, ea maceratis & coctis esse crassiora & ualidiora uidentur. posset autem omne fere alimentum subteri. Similiter quoque in potionibus, quæ dantur. panes uero siccos & recentes infundimus, & aqua emollitos conterimus, & ex linteo percolamus. ut uero id album non uideatur, addimus cucumeris semen frictum, itemq; amygdala, & nuces pineas, & sorba, & cum his singulis, uel cum aliquo eorum, uel cum omnibus anisi uel fœniculi semen admiscetur. daturq; id febricitantibus ex aqua mulsa, qui uero febrem non habent, ijs datur ex uino. Milium uero & panicum contusa, & maxime fricta, et detracto cortice præcipue conueniunt ijs, quibus uenter biliosa laborat affectione, & quibus multæ, tenuesq; excretionēs

ORIBASII SYNOPSEOS

per aluum fiunt. hæc autem contusa in aqua sunt resoluenda. nec minus esse horum debet, quam quod acetabulum contineat, aquæ uero acetabula decem. cumq; in succum sint redacta, per densum linteum excolanda sunt, & uini austeri modicum est perfundendum, & postea coquenda, tum ita confecta ieiunis exhibenda. Quinetiam accommodatum fuerit una cum milio nuces euboicas cum internis membranis usque dum non admodum succosæ reddantur, sicuti milium contundere. Avena maxime omnium leguminum est ad concoquendum accommodata; & eius optima est sorbitio. fit eodem modo quo ptissana, ut hemina in decem aquæ heminis incoquatur.

Quæ res loco olei in sorbitionibus imponantur.

Cap. XXXVI.

IN omni sorbitione, præter eam, quæ ex lentibus sit, pro oleo aptum erit cucumeris semen crudum eliquatum. ptissanæ uero, ac cæteris decoctis uel conus, uel nux, uel auellanæ, uel thasiæ nuces, uel amygdala miscentur. ijs uero quos perturbata aluus exercet, pro oleo papauer album leuiter frixum. idq; robur addet. iam ad fluxum uentris castanæ quoque cum interioribus membranis contritæ adhibentur.

De confectiōe alimentorum. Cap. XXXVII.

SIMILA coquitur, ut quartupla eius portio

in decem aquæ heminas imponatur, parumq; olei,
 & anethi addatur. pridie uero lauanda simila est.
 Panis aqua calida maceretur, quæ aqua continenter
 subinde commutetur, non omnis tamen panis pars
 infundenda in aquam est, sed interior. huiusce rei
 terminus esto, ut non solum panis intumescat, sed
 etiam ut fermentum euanescat, nec panis fermentum
 redoleat. Ptissana coquitor, ut in una eius parte
 quindecim aquæ partes sint. usque autem coquitur,
 dum quinta pars remaneat, eaq; dissoluta sit.
 Itrium uero, et panem aridum coques donec in partes
 admodum teneras abeat, & in mortario teres, et
 iterum ex aqua, sale, & oleo coques. oua coquenda
 sunt ex aqua, ea semper mouendo. mota enim neque
 simul cohærent, neque densantur. Sed melius in
 posca coquuntur. nam ita remanent humidiora.

De aqua mulsa.

Cap. XXXVIII.

MVLSA non admodum utilis est biliosis: in ipsis
 enim in bilem mutatur. ergo eiusmodi naturis
 mulsa dilutior conueniet. est etiam incommoda mulsa
 ijs, qui uiscera habent morbis opportuna. porro
 ita paranda mulsa est, ut octupla aquæ portio melli
 admisceatur, coquaturq; donec spumam desinat emitte-
 re. Spumam uero simul atque orta est, ab ea perpetuo
 tollere conuenit.

ORIBASII SYNOPSIS

De potionibus, quæ utiles sunt ægrotantibus.

Cap. XXXIX.

FEBRICITANTIBVS optima potio est mulsa, uel oxymel, & aqua, omni morfu uacans. quæ uero adstringendi uim habent, in uentrisurbationibus non sunt incommodæ. porro ad uomitum ciendum etiam mel admisceri illis potest. Ac æstiuo quidem tempore mala in frusta dissecta in aqua infunduntur donec ea colorem inde contrahat: similiq; modo cydonia mala matura secantur in partes, & macerantur. hæc q; præcipue dantur ijs, qui bilem uomunt. pira uero in aqua infunduntur, quæ adstringentia, et dulcia sunt. Myrta uero recentia uino dulci infusa potionem quidem insuauem, sed tamen non mordentem, & lenem faciunt. acini quoque uuarum aridi in aqua macerantur, sed eorum decoctum, cum neque acre neque acidum sit, multo est utilius.

De lactis potione ex Rufo auctore. Cap. XL.

QUI lac potat, ab alijs abstinere cibis debet, donec fuerit concoctum, & ad partes infernas descenderit. præstat autem mane bibere lac recens mulctum, & post nihil sumere. eoq; tempore nimios labores uitare. necesse enim est, ut in ijs acescat, qui se tum laboribus dedunt. Sed melius est quiete inambulare, & interim uigiles quiescere. nam hoc pacto

quamprimum per aluum descendit. ubi hoc deiectum fuerit, aliud bibendum est: cumq; hoc descenderit, aliud deinde bibendum. in initio autem, non quidem ex reliqua corporis mole, sed quæ in uentriculo sunt, utiliter purgat. qua re confecta, uenas mox ingreditur, ac optime nutrit, neque amplius deijcitur. In biliosis autem fluxionibus, et cum ad uentriculum colliquationes confluunt, decoctum lac dandum est. ac primum quidem lente, & paulatim coquetur, ut pars descendat, pars consumatur: deinde multo magis coquetur adhibita diligentia, ne aduratur, neue in caseum coalescat: quod sane diligentissime curabitur, si leniter coquamus, & agitando quod seceserit, ex omni parte detrahamus. porro ferula leni & tenui agitandum erit. Si quid uero labris ollæ adhæserit, id etiam spongia erit abstergendum. sæpe enim usu uenit, ut ex eo totum præterea lac fuerit corruptum. quemadmodum igitur dictum est, lac usquedum crassius æqualiter, dulciusq; crudo euaserit, percoquatur.

De Aquis, ut ab Herodoto auctore traditum est.

Cap. XLI.

QVÆ autem uirtus aquarum sit, quodque uitium, scire nos oportet. aquæ enim multiplicioris usus sunt, quam reliqua ferme omnia ad uictus rationem instituendam. ergo sciendum est, optimam aquam esse eam, quæ nullam omnino qualitatem neque gustatui, neque odoratui asferat. quæ qui-

N ii

ORIBASII SYNOPSEOS

dem est bibentibus iucundissima, & ad aspectum
pura uidetur: cum uero præcordia celeriter permeet,
nulla est quærenda præstantior. nam quæ in præ=
cordijs diu moratur, uentremq; ferit, flatu implet,
& prægrauat, licet ea bona, quæ dixi, habeat, ea
tamen * semiuitiata existimanda est: Siquidem ne=
que cito calefit, neque cito frigefit. quinetiam quæ
in ipsa coquuntur, tardissime coquuntur & peius.
ergo melius est huiusmodi aquam experientia iudica=
re. aque is, qui iudicare uoluerit, ex his ipsis signis
facere coniecturam poterit. Aquæ enim quæ ad Se=
ptentrionem uergunt, Solem q; auersum habent,
cum tardiores sunt, tum uero etiam difficilius co=
quuntur. & tarde refrigerantur & calefiunt. quæ
uero ad orientem Solem sitæ sunt, & per meatum
aliquem, aut terram ipsam fluunt, celerrimeq; ca=
lescunt, & frigescunt, eas esse optimas sperandum
est. illæ etiam bonæ sunt, quæ æstate frigidiores sunt,
hyeme uero calidiores. Nonnulli aquas pondere me=
tiuntur, easq; quæ leues sunt, potiores putant: hoc
si aquis, præter cætera, accedat, laudabile est: so=
lum uero non satis argumento est, aquas bonas esse.
Pluuiales autem, inquit Hippocrates, leuissimæ sunt,
itemq; dulcissimæ, tenuissimæq; & limpidissimæ:
quia Sol quod leuissimum tenuissimumq; est trahit:
id quod non ex alijs aquis solum, sed ex ipso etiam
mari, et ipsis itidem corporibus facit. quocirca aqua
pluuia citissime omnium putrescit, utpote quæ ex
diuersis & plurimis sit permista qualitatibus. sed
nemo existimet aquam, quæ facile putrescit, esse

Alius
codex
habet
ἡ μὲν
μολὴν
ἐξ .i.
nobis
mala.

pessimam . nam facilitas mutationis , potius uirtuti ,
 quam uitio attribuitur . ex quo conficitur , ut cum
 aliæ optimarum aquarum notæ adfuerint , etiam si
 facile putrescat , ea sit censenda optima . Et tamen
 cum mutari incipit , bibentibus raucitates , tussēs , et
 uocis grauitates affert . Ex pluuijs aquis æstiuæ , quæ
 que ex tonitruo fit , præstantior est , quam quæ ex
 nimbis est demissa . Quæ uero ex glacie , Et niue
 fiunt , pessimæ sunt : in aquæ enim concretionem te-
 nuis pars omnis excernitur . porro palustres ac foeti-
 dæ , quæque qualitatibus absurdis præditæ sunt , co-
 quendo meliores fiunt : Et bibendæ sunt uino mistæ ,
 ut adstringentibus dulcius uinum misceatur , alijs
 uero id quod magis adstringat . utile est etiam palu-
 stres , salsas , bituminosasq; percolare . at quæ ualde
 frigidæ sunt , à cibo sunt potui dandæ , sed neque
 confertim , neque affatim , neque sine uino . Non-
 nulli potus atque pastus inuenerunt , quibus aqua-
 rum uitium emendant : alij cicerum decoctum prius
 bibunt , ciceribusq; uescuntur : alij caualida come-
 dunt cum aliquo pisciculo coctam : simili quoque mo-
 do feniculum : alij denique betam , Et cucurbitam
 cum muria Et uino diluto ante comedunt .

FINIS QVARTI LIBRI.

QVINTI LIBRI ARGVMENTVM.

In quinto agitur de grauidis, nutricibus, infantium educatione, & de omni etate. & de dentium, auditus, oculorumq; curatione. itemq; quomodo caro auferatur, & reficiatur. & ibidem etiam temperaturarum cognitio, & curatio traditur.

Huius uero libri capita sunt hæc.

Quæ grauidis eueniant.	Caput I.
De nutrice eligenda.	Cap. II.
De lacte nutricis.	Cap. III.
Quomodo lac uitiatum corrigatur.	Cap. IIII.
Educatio pueruli.	Cap. V.
De pustulis, quibus puellus afficitur.	Cap. VI.
De tussi & grauedine eiusdem.	Cap. VII.
De pruritu gingiuarum.	Cap. VIII.
De ortu dentium.	Cap. IX.
De ulceribus, quæ ἄφθαι dicuntur.	Cap. X.
Ad femorum intertrigines.	Cap. XI.
Ad aurium humores.	Cap. XII.
De adustione, quæ siriasis nominatur.	Cap. XIII.
Ratio uictus infantium, & aliarum ætatum usque ad declinantes.	Cap. XIIIII.
De lassitudinibus, quæ ab exercitatione oriuntur.	Cap. XV.
De adstrictione.	Cap. XVI.
De lassitudinibus quæ per se obueniunt.	Ca. XVII.
Senum uictus ratio.	Cap. XVIII.

- Ad eos, qui uenereis uti non possunt. Cap. XIX.
 De corpore rugoso. Cap. XX.
 Ut corpus suauiter oleat. Cap. XXI.
 Ut habitus calefiat. Cap. XXII.
 Ad uitiatum colorem emendandum. Cap. XXIII.
 Ad liuores. Cap. XXIIII.
 Quæ dentes conseruent. Cap. XXV.
 Ut ne grauis auditus fiat. Cap. XXVI.
 Ad caliginem oculorum. Cap. XXVII.
 De repletionē. Cap. XXVIII.
 Ratio uictus eorum, qui sunt negotijs occupati.
 Cap. XXIX.
 Quibus cibi uitiantur in stomacho. Cap. XXX.
 Uictus eorum, qui iter faciunt. Cap. XXXI.
 Ex Erasistrato, quid faciendum peregrinantibus in
 aquis communtandis. Cap. XXXII.
 Uictus nauigantium. Cap. XXXIII.
 De ebrietate. Cap. XXXIIII.
 De ijs, qui rebus uenereis nimium usi sunt.
 Cap. XXXV.
 De refrigeratis. Cap. XXXVI.
 De exustis. Cap. XXXVII.
 Ex Galeno de pituita, quæ in uentriculo est.
 Cap. XXXVIII.
 Ex eodem, quid in constitutionibus intemperatis fa-
 ciendum sit. Cap. XXXIX.
 Ex eodem de carne minuenda. Cap. XL.
 Quomodo graciles reficiendi sint. Cap. XLI.
 Quomodo attenuatæ particulæ curari debeant.
 Cap. XLII.

Optimæ temperaturæ dignotio.	Cap. XLIII.
Corporum intemperatorem notæ.	Cap. XLIII.
De capitis formatione.	Cap. XLV.
Temperaturæ cerebri signa.	Cap. XLVI.
Ventriculi temperaturæ signa.	Cap. XLVII.
Pulmonis signa.	Cap. XLVIII.
Temperaturæ cordis notæ.	Cap. XLIX.
Iecoris temperaturæ dignotio.	Cap. L.
Calidioris, siccioris, atque humidioris intemperiei corporis correctio caput.	Cap. LI.
Intemperiei frigida correctio.	Cap. LII.
Curatio sicca intemperiei uentriculi, quæ uelut exemplum reliquarum curandarum proponitur.	
Cap. LIII.	

102

ORIBASII SYNOPSIS

AD EVSTATHIVM FILIVM,

LIBER QVINTVS.

Quæ gravidis eueniant , deq; earum uictusratio=
ne . *Cap . I.*

¶ VONIAM hæc præcipue gra-
 uidas infestant , nausea , continuus
 uomitus , sputa , stomachi erosiones ,
 & cibi fastidium , non ab re fuerit ,
 eis remedia præscribere : ambulationes
 ergo , cibi neque admodum dul-
 ces , neque admodum astringentes , uina fulua ,
 odorata , quinque annorum maxima sunt re-
 media : ut medicamentum autem herbæ sanguinalis
 decoctum bibant . Prodest eodem modo anethum &
 pontica radix , quam rha patrio uocabulo nominant :
 hæc et ante , et post cibum sumi possunt . Extrinsecus
 autem præcordijs imponitur cataplasma ex œnan-
 the , balaustio , cytisi , & smyrnij coma , fœniculi
 semine promiscue : poteris eadem cum palmulis &
 uetere uino permiscere . Stomachi autem erosiones
 aquæ calidæ potus leuabit ; confert etiam quiete am-
 bulare , præcordiaq; lana molli fouere . Eas uero , quæ
 cibum fastidiunt , cohortaberis , ut uarios , & iucun-
 dos cibos , & amyllum siccum edant , idq; magis erit
 offerendum ijs , quæ terram edere cupiunt . Appeti-
 tum excitant etiam labores , & longior peregrinatio :

ORIBASII SYNOPSIS

quæ uero quietam agere uitam consuevit, ea, cum grauida est, ægre repentinos motus fert; porro acria quandoque gustare, præsertim sinapi, conueniet ei, quæ cibi fastidio teneatur. Ad magnos autem pedum tumores confert anthyllis aceto excepta: itemq; com= modum est superimponere folia brassicæ latiora, & affectum locum creta cimolia ex aceto illinere, alu= men quoque cum aceto erit accommodatum; iam uero mala, quæ medica nominantur, aquæ incocta pedibus utiliter admoventur.

De nutrice eligenda. Cap. II.

NUTRIX eligenda est nullo affecta morbo, quæ neque nimis iuuenis sit, neque nimium ætate processerit. Iunior autem sit quinque & uiginti an= norum, & undetriginta: quæ uero grandior sit, triginta quinque annos sit nata; pectore amplo sit, mammis magnis, papillis neque conniuentibus, neque auersis: habeat autem reliquum corpus, neque ad= modum pingue, neque nimium gracile; magnum etiam est infanti commodum, nutricem non multo ante peperisse, & maius, si marem. Caueat nutrix ualde siccantia, salsaq; & acria, & acerbæ, & acida, & amara, quæque uehementer calefaciunt; itemq; odores fædos, & præter modum suauis, & condimenta, et cætera acria. Iam uero à uenereis ab= stineat, manusq; et humeros exerceat, id quod mo= lendo, texendoq; faciet. puerulum uero trimestrem, aut quadrimestrem ulnis gestet.

De lacte nutricis. Cap. III.

LAC præstantissimum est, quod spissitudine, copia, colore, odore, & gustu moderatum est: illud etiam commendatur, quod in unguem pollicis stilat, & in luce spectatum, ungue inclinato, neque cito, neque tarde defluit; probari autem hoc etiam pacto potest; lacti in uas uitreum infuso, coaguli portio misceatur, digitisq; agitetur, atque ita permittatur donec cogatur, deinde inspiciendum est, utrum minor sit pars, quæ in caseum concreuit, quàm ea, quæ in serum abiit; quod si sit, utile erit lac: si contra, erit cõcoctu difficile, quod uero æquam utriusque portionem habebit, id erit probatissimum.

Quomodo lac uitiatum corrigatur. Cap. IIII.

LACTIS uitia corrigenda sunt hoc modo; si crassius sit, pituita uomitu eliciatur; optimum uero erit, oxymelite uomitum ciere; eadem quoque laboribus, qui cibum præcedant, tenuanda est; ac tunc quidem origanum, hyssopum, satureia, scandix, & thymum, itemq; radiculae parum, et uetus salsamentum cum oxymelite accommodata sunt: si uero acrius, tenuiusq; fiat, multis laboribus alleuanda nutrix est: sorbitionibusq;, ac suillis carnibus est reficienda, sapaq; & uinum dulce potui dandum; si diminutum lac fuerit, & sorbitiones erunt offerendæ, & uberius erit alenda, uinum dulce propinandum,

ORIBASII SYNOPSEOS

pectus & mammae confricandae : nonnullis etiam af-
fixa cucurbita mirum in modum auxiliata est. Me-
dicamenta uero, & si ad lac gignendum proficere
aliquid cognoui, tamen ijs continenter esse utendum
non censeo : uehementius enim liquefaciunt ; ea sunt,
foeniculi radix & semen ptissanae incocta : cytisi folia
in uino nigro, aut ptissana : melanthium in uino dul-
ci, itemq; anethum, pastinacae radix, & fructus.
haecq; calida prius perspersa ita sunt praebenda. Omne
uero lac malum siue crassum sit, siue acre, siue foe-
tidum, puerum qui ipsum prius suxerit, eadem in-
ficit qualitate. acre autem lacteiuno nunquam dan-
dum est. Corrigere uero lactis foetorem uinum odora-
tum, & cibi suaves possunt.

Educatio pueruli.

Cap. V.

P V E R nuper in lucem editus melle primum nu-
tritur : deinde lacte bis in die, aut ter ad summum :
cumq; id alacriter puer assumit, spesq; est eum esse
concocturum, tum cibus iam offerri potest, qui ipsum
non impleat. Si uero nobis ignaris impleatur, statim
ad somnum procliuior, & segnior efficitur, uenterq;
intumescit, & inflatur, & urina redditur aquo-
sior : quibus notis perspectis nihil dandum est prius,
quam quod in uentre habeat, consumpserit. Satis
erit biennium lacte nutrire : deinde uero ad cibos tran-
seundum est.

De pustulis, quibus puer affectus est. Cap. VI.

PVSTVLAS quæ circa pueri cutem oriuntur, primum ita sinemus, cum uero ualde creuerint, tum est eis adhibenda curatio: ea fiet balneis, in quibus myrti, aut lentisci folia, aut rosæ incoquantur: deinde rosaceo, aut lentiscino erit utendum, & item cerato cerussato: leniterq; nitro abstergendum, neque enim puer feret uehementiora. Erit etiam accommodatissimum, nutrici uictus rationem ex dulcioribus instituire: optimū quoque fuerit, si puerulum ipsum ita educemus, ut neque expleamus, neque nimis tenuem uictum præbeamus. Si pueri aluus adstringatur, mel cibo erit affundendum, & simul coquendum: si uero neque ita deiiciat, terebinthinæ quantum ciceris magnitudinem impleat, adijciemus. aluo autem humectata milium præcipue offerendum est.

De tussi, & grauedine infantis. Cap. VII.

SI uero tussis aut grauedo quandoque puerum exerceat, linctus ex melle, qui mellitismi dicuntur, offerendi sunt: puero igitur multa aqua calida loto caput eius copioso melle calido illinendum est: deinde lingua digito comprimenda. ita enim magnam pituitæ copiam uomet.

De pruritu gingiuarum. Cap. VIII.

SI quis pruritus gingiuarum puero contingat,

ORIBASII SYNOPSEOS

fotu utendum est; & liberaliore etiam unctiōe ex oleo non cocto, in quo parum ceræ liquefactum sit.

De ortu dentium.

Cap. IX.

DENTES septimo mense oriuntur, ac tum quidem inflammationes gingivarum, maxillarum, & tendinum, & quandoque etiam conuulsiones subsequuntur: tunc nihil puero dandum est, quod masticatione indigeat. gingiuas autem continenter digito præter lauacrum contrectare, adipeq; gallinaceo, uel leporis cerebello emollire oportet. Vbi uero dentes iam eruperint, ceruix, caput, atque maxillæ delicatissimis lanis puris inuoluentur, oleoq; dulci & calido fouebuntur: quod etiam in meatus auditus instillabitur, quo sane tempore puer erit uberius alendus, & aqua calida lauandus. Si uero profluvium uentris fiat, id epithematibus, quæ præcipue sistunt, cuminum, aut anethum, aut apium lanæ inspergendo, inhibere tentabimus. proderit etiam rosarum semen admiscere, & summatim calidis exsiccare: at si nihil uenter deiciat, melle in glandis formam coacto leniter iritabitur: aut calamintha cum melle trita illinetur. Conuulsionibus autem puerorum auxiliari potissimum uidetur heliotropium aqua incoctum, si in ea puer lauatur. utile quoque est irino, aut cypri-
no, aut sicyonio perungere, & totum calefacere. cum uero exortis dentibus digitos uulnerat, benefaciet iridis radix derafa, nec multum sicca ore detenta: id quod etiam ulceribus auxilio est. Iam uero
butyrum

butyrum etiam cum melle illitum prodest.

De ulceribus, quæ aphthæ dicuntur. Cap. X.

VLCVS oris, quod aphtha dicitur, puero oritur modo subalbidum, modo subrubrum, modo nigrum ueluti crusta: ac nigrum quidem pessimum est, & maxime mortiferum. succurrit autem iris cum melle, & si uelis siccam inspira: et rosarum folia contusa, & rosarum flos, & crocum, & myrrhæ portiuncula: & galla, & thus, & cortex thuris, & simul, & singula per se melle intincta. præterea mulsæ, & mali punici dulcis succus conuenit.

Ad femorum intertrigines. Cap. XI.

FEMORVM intertrigines myrto arida, cypero, & rosis inspergendæ sunt.

Ad aurium humores. Cap. XII.

AVRIVM humores exsiccat lana ex alumine imposita, aut uinum mulsum, aut uinum uetus instillatum, aut crocum ex uino tritum.

De adustione, quæ siriasis appellatur. Cap. XIII.

ADUSTIO est inflammatio partium circa cerebri, & eius membranas: in qua sinciput con-

O

LIBRIBUS SYNOPSIS

uum efficitur, & caui cum pallore oculi, corporisq;
siccitas fit: remedio est, vitellus oui cum rosaceo sin-
cipiti impositus ad modum linamenti, ut continenter
commutetur.

Ratio victus infantium, & aliarum etatum usque
ad declinantes. Cap. XIII.

INFANTES, quiq; lactentes non sunt, si-
nendi sunt ut liberius & hilariter uiuant, exercita-
tiones, atque alimenta lenia sunt eis prescribenda: ab
anno sexto, & septimo pueri, & puellae literatori-
bus blandis, humanisq; tradentur: ita enim quieto
animo, & iucunde perdiscent, atque animi quidem
quies ad bonam corporis educationem ualet pluri-
mum. Cum duodecimum annum agunt, ad gram-
maticos iam, & geometras adducendi sunt, & cor-
pus exercendum est: a quartodecimo anno usque ad
uigesimum primum annum, exercendi erunt in ma-
thematicis disciplinis, & philosophiae studio, & pro-
pter corporis robur plures exercitationes erunt eis im-
perandae, ut animo & corpore laborantes uenereis
uti prohibeantur: his etiam auferendum uinum est.
Aetati florenti absoluta victus ratio animi & corpo-
ris conuenit: idcirco omnibus exercitationibus, ac praes-
sertim quibus quisque assuevit, itemq; cibo pleniore,
& qui boni alimenti sit, utendum. Declinantibus
uero conuenit victus ratio & animo & corpori debi-
ta. Exercitationes enim qualescunque sint, pro ho-
rum ratione subtrahendae sunt: cumq; eorum habitus

frigescere incipiat, alimentum est diminuendum.

De lassitudinibus quæ ab exercitationibus contrahuntur. Cap. XV.

LASSITVDO quæ ulceris sensum inuehit, ex copia excrementorum tenuium simul & acrium oritur: quæ uero tensionis sensum repræsentat, in qua tendi partes corporis uidentur, nullum quidem excrementum notabile inesse in corpore indicat, sed in nervis, & musculis affectio quædam existit, qua uidentur tendi, & si minime tenduntur. Ea uero, quæ inflammationi similis est, in qua ueluti contusas, & inflammatione obsessas partes sentimus, tum solet incidere, cum musculi nimium excelsi quippiam ex circumfusus sibi excrementis attraxerunt. Est etiam alia quarta quædam affectio, quæ oritur cum musculi ultra debitum exsiccantur, ut cum se homines exuerint, squalens, contractumque corpus & ad motus pigrum uideatur. Remedium uero eius, quæ ulceris sensum præ se fert, erit excrementorum euaporatio; quæ fiet frictione multa, mollique cum oleo copiosiore, in quo nulla adstringendi uis insit. Altera uero lassitudo, in qua tensio sentitur, pro remedio relaxationem postulat. relaxatur autem quod distentum est, tum pauca mollique frictione ex oleo dulci, et apricato, tum uero omni intermissione et quiete; & balneis temperatis: atque in aqua calida mora diuturniore, adeo ut si bis, & ter etiam laueris, plus sis profecturus. Sanationi uero tertiæ lassitudinis sunt

ORIBASII SYNOPSIS

tria proposita, superuacanei euacuatio, distenti remissio, & inflammationis refrigeratio. ergo et oleum copiosum, & tepidum, mollissimæq; frictiones, et in aquis temperatis mora longissima huiusmodi lassitudines curat. multa itidem quies, assiduæq; inunctio idem præstat. Quarta denique affectio primo die nihil sane diuersum à superioribus postulat, nisi calidior rem aquam, quæ sensim contrahat, & roboret cum, secundo die apotherapiæ exercitationem. In balneis uero ex calido solio in frigidam protinus exiliant: porro quicumque lassitudine grauantur, boni succi nutrimentum postulant.

De adstrictione. Cap. XVI.

ADSTRICTIO oritur aut obstructis meatibus, aut densatis. deprehenditur autem, protinus ubi se exuerint ex colore albo, & cutis duritie, ac densitate: in exercitatione uero ex eo, quod ægre incalescant. remedium huius affectionis est calfactio. ergo ualentiore exercitatione, & balneis calidioribus utendum est. mora uero in frigido solio diuturna ne sit: sed nec ipsa aqua ualde sit frigida. Induendi autem ungantur aliquo, quod mediocriter calfaciat, ut oleo dulci & tenui. Cutis etiam densitati sanandæ satis est oleum anethinum, præsertim si ex anetho uiridi fiat. oleum quoque ex populo nigra confectum ad idem facit.

De lassitudinibus, quæ sponte sua nobis irrepunt.

Cap. XVII.

QVONIAM lassitudo, quæ ulceris naturam refert, ex acrium excrementorum uitio oritur, si uiciosus humor paucus omnino fuerit, apotherapiæ exercitatio sufficiet; si copiosior sit, et altius in corpore resideat, neque exercitationem hanc, neque aliud genus exercitationis, neque motum ullum penitus iniungemus: sed quies, somnus & inedia diei totius imperabitur. deinde uesteri pingui unctos, & temperato balneo lotos exiguo boni succi cibo & sorbili alemus. Sed neque à uino erunt abstinendi. hoc enim, si quid aliud, semicrudos humores concoquit. Si ergo ex his malum conquieuerit, homo ad consuetamunia paulatim erit adducendus. Si uero postero etiam die perseveret, iam ualidioris remedij ineunda est ratio. Si uires constiterint, duorum alterum erit faciendum, aut sanguis mittendus, aut exhibenda purgatio distinctione adhibita, utrum magis oporteat. Si uires sint imbecillæ, sanguinem quidem nullo pacto detrahemus, sed tamen moderate purgabimus. Si uero permagna sit humorum crudorum copia, tum neque sanguinem mittere, neque purgare, neque exercere, neque penitus mouere, neque lauare conuenit: sed in omni quiete seruandi sunt: dandaq; esculenta, et poculenta, ac medicamenta, in quibus attenuandi, & incidendi absque manifesto calore uis insit. ergo uictus ex oxymelite, por-

O ij

NOTORIBASII SYNOPSEOS

tiunculaq; ptissanae instituetur. nonnunquam uero aquae mulse parum offeretur. Et quoniam omnibus his turgida, inflataq; praecordia sunt, et quicquid sumpserint, in flatu facile conuertitur, praestabit cibo piper admiscere. Sed erit etiam accommodatius uti medicamento, quod diospoliticon dicitur: et eo, quod ex tribus piperibus simplex conficitur. atque oxymel est eis utilissimum. pro potu utantur apomelite, et praesertim ubi coacuit; et uino, quod leuiter acescit: et cibis uescantur attenuantibus sine calore, qualis est capparis, si ex oxymelite, aut oxelao sumatur. Lassitudo uero tensionis sensum referens, cum sine exercitationibus incidit, copiam solidas corporis partes distendentem indicat. Cum uero sanguinis copia subsit, perspicuum est, optimum esse, aut uenam incidere, aut malleolos scarificare. Spontanea autem lassitudo, in qua ulceris sensus nobis se offert, ne paucis quidem horis, nedum duobus, aut tribus diebus ita lente occupat, sed protinus febrim uehementissimam inducit; nisi praenueniendo sanguinem detrahas. melius autem erit, si fieri poterit, bis eodem die sanguinem mittere: primum autem ita euacuabimus, ut ne animi defectionem inducamus, secundo uero loco, ne ipsa quidem animi erit formidanda defectio. qui uero ita affecti sanguinis missione uacuati non fuerint, ut seruentur, bona fortuna indigent.

Senum uictus ratio. Cap. XVIII.

SENECTVS sicca et frigida est. calefacienti=

bus, & humectantibus corrigitur. eiusmodi sunt calida dulcium aquarum balnea, uini potio, & cibi omnes humectandi simul, & calefaciendi facultate præditi. Fricandi sunt senes post somnum cum pinguedine aliqua: deinde ambulare, et gestari citralasitudinē debent. imbecillioribus ter in die dandus cibus est. ac tertia quidem hora panis modicum cum melle attico: septima uero cum frictione, & exercitationibus congruis usi fuerint, atque loti, primum sument quæ aluum molliunt, deinde pisces, uel aues: postea uero in cœna aliquid optimi succi, & quod non facile uitietur. non prohibeo etiam eis uinorum ex melle paratorum usum, præsertim ijs senibus quibus suspitio est, calculi in renibus gignendi, aut podagræ: tuncq; petroselinum in uinum coniiciendum est. Si quando uero ob pituitam in uentriculo obortam, cogimur aliquid ex ijs, quæ eam incidant, eligere, ad humectantem uictum sine mora est reuertendum. eis uero ficus maturas ante alios cibos dabimus. hyeme uero caricas, si nullum uitium in dextra præcordiorum parte sentiant. Quoniam autem tum serosa, tum pituitosa excrementa in senum corporibus aceruantur, urinas moueri quotidie conuenit, & aluum soluere, præsertim oleo ante cibum absorpto. perspicuum autem est, omnia olea ex oleo, garoq; ante cibum sumi oportere. Si uero aluus præter modum sit adstricta, mercurialis, & cnicum ad eam ciendam sufficient. facit etiam terebinthina, eaq; sumenda est quandoque ad unius auellanae, quandoque ad duarum, quandoque uero

ORIBASII SYNOPSEOS

ad trium magnitudinem . oleum quoque clysteri infusum ijs , quibus aluus adstricta est , summam affert utilitatem .

Adeos, qui uenereis uti non possunt. Cap. XIX.

PVDENDA continenter pinguedine ungenta sunt , cui adiuncta sit exigua narcissi radicis portio , aut grani gnidij , aut pyrethri , aut uuae taminiae , aut uiticis . erigetur etiam penis , si quis succi cyrenaici quantum milii magnitudo est , ei imponat . ante cibum uero prodest bulbos assatos , rubentes , exiguos cum sale & oleo : aut mazam frictam cum salsamento , aut denique scillae tabefactae modicum edere .

De corpore rugoso . Cap. XX.

RUGAS corporis expellit erui farina uiti albae admista . Aliud smegma , quod continue illinitur . Ficus pingues cum bryonia contusas , farinam erui , aut sepiae testam ustam cum modico melle instillato .

Vt corpus suauiter oleat . Cap. XXI.

VT uero corpus suauiter oleat , eidem unctioni miscenda est cupressi coma arida , & contrita aut pinicortex . Illud uero meminisse oportet , ut mare postquam stolam induerint , parum casiae , aut herbae sabinae gustent .

vt habitus calefiat. Cap. XXII.

AD habitum corporis calefaciendum hoc puluere in balneo utitor. habet uero nepitam, sampsum, hyssopum, lauri baccas, rorem marinum, lapidem pyritem, salem, fecem ustam, nitrum, pumicem pro cuiusque ratione: itemq; modicum sinapi, uuae taminiae, & grani gnidij. à balneo uero utendum erit acopo, quod calfaciendi uim habeat.

Ad uitiatum colorem emendandum. Cap. XXIII.

VITIATVM corporis colorem uita iucunda, cibis suauis emendat: cibo autem admiscere oportet radiculam, porra, uiride cicer. bonum etiam colorem facit dulcis mali punici succus absorptus. prodest etiam oleum, cui bryoniae radix diu sit incocta. id quod ad corporis quoque cutim intendendam ualet. Smegmatis porro admiscenda sunt glutinantia quæ ex aliquo abstergentium fiunt, farina, bulbo narcissi, & bryoniae radice. quæ res corpus etiam intendit. bene etiam colorant, si copia suppetat, amaræ amygdalæ radix & semen in aqua cocta, & in balneo adhibita.

Ad liuores. Cap. XXIIII.

LIVORES constare prohibebimus, si cutem crassam, & iniurijs minus patentem, & habitum

COLOMBASII SYNOPSIS

ualde admodum calidum effecerimus. Quod ut celerius fiat, sale in balneis super ea parte, quæ nigrorem contraxerit, utemur, deinde uero eandem partem spongijs in decocto radiculae, aut absinthij madefactis fouebimus.

Quæ dentes conseruant. Cap. XXV.

DENTES integri manebunt, si quis faciat hæc. in primis caueat, ne cibos corruptos edat. ne continenter uomat. caueat escas dentibus incommo- das, quales sunt ficus sicca, mel coctum, & ualde durum, palmulae, quæ difficiliter franguntur, quæcunque glutinosa sunt, & uix frangi possunt ita, ut dentes moueant: quæ denique stuporem dentibus inducunt. post cibum uero dentes quoque purgare oportet.

Vt ne grauis auditus fiat. Cap. XXVI.

NE grauis auditus fiat, primum conducit sor- des, quæ in auditus meatu sunt, abstergere, per in- terualla autem linum dropaci intinctum in meatum, inijcere, et expressum euellere. meatus enim ita ualde purgatur, & auditus auribus restituitur. de- inde autem aliquid ad erui magnitudinem indere, et meatum per unum diem obturare conuenit: eo exem- pto ungere diebus quinque oleo amygdalino, aut nar- dino, aut chamæmelino, aut pinguedine anseris, cum exiguo fellis bubuli. post uero id tempus sinapi.

LIBER QUINTVS. IIO

Et ficus conteres, factumq; ex eis collyrium ad duas horas impones: deinde eximes, oleumq;, quod in asphodeli radice succo deferbuerit, infundes.

Ad caliginem oculorum.

Cap. XXVII.

NE tenebræ oculis offundantur, cum in aquam frigidam quispiam se mergit, oculos in eadem apertos diu teneat; aspectus enim inde robur sumit; oculi non sunt lectione fatigandi, uinum crassum, et dulce uitent, itemq; cibos, qui in uentre superiore diu morantur: qui difficiliter concoquuntur, humoresq; lentos, et crassos gignunt: atque etiam erucam, porrum, et omnia, quorum acrimonia ad superiores partes fertur; supinum quoque decubitus diuturnum, frigus, uentosq; contrarios, et fumum et puluerem fugiant: porro aquam ita confectam quotidie ad mensem, et diem unum oculis instillent. Fœniculum uiride in uas fictile foris picatum cum aqua pluuiæ coniicitur; fœniculo extracto reliquum reponitur.

De repletionē.

Cap. XXVIII.

MAXIMA ex repletionē in cibis noxa contrahitur: quamuis enim uenter probe concoquat, tamen uenæ supra quam par est, expletæ laborant, distenduntur, rumpuntur, obstruuntur, et flatu implentur: tibi uero plane persuadeas repletionem pessimarum ægritudinum causam esse. Cum igitur

ORIBASII SYNOPSIS

uenter expletus est, id quod superfluit, tum per superiores partes uacuatur, tum per infernas excernitur: sed id omnino est imbecillius ea repletionem, quæ in uenis est: non tamen est admittendum: sed si quis plura ingessit, statim debet euomere; periculum enim est, ne facta concoctione uenæ expleantur: atque etiam magis, cum immoderato potu, atque pastu se continenter expleat, nec ullam interim inanitionem moliat. Vomitus autem ciendus est, antequam cibus corrumpatur: quod si aliquid impediatur, ne uomitus excitetur, aluus soluta sæpe iuuat: si ea non fluat, plurimum dormiendum est, & aqua calida potui frequenter danda; cum uero abunde sit facta concoctio, præsertim si aluus deiecit, tum & lauare, & fomentis uti, & parum cibi dare, & potionem dilutam offerre licebit; at si neque aluus deiecerit, neque statim sit facta concoctio, ad hæc uero, reliquum corpus graue, segne, & somnulosum sit, & aliqua etiam inertia præter rationem mentem occupet, hæc inquam omnia repletionem in uenis esse monstrabunt; qui uero præterea lassitudine præmuntur, eos dum uenter concoctionem obierit, quiescere oportet, deinde uero laboribus inaniendi sunt.

Ratio uictus eorum, qui sunt negotiis occupati,
Ex Galeni commentarijs. Cap. XXIX.

CUM quispiam negotiis occupatam uitam ducit considerandum est, utrum superiore uitæ tempore exerceri consueuerit, an exercitijs peractis lauare, an

LIBER QVINTVS. III

minime exercitatus, huiusmodi consuetudinem moderate ferat: ut cum transpirabile corpus habeat, non continenter ægrotet; hæc enim corporis natura non est ad aliam consuetudinem traducenda: ut nec etiam eorum, qui ex longo temporis interuallo in morbum incidunt: si uero quispiam ægrotare continenter uideatur, si ex humorum redundantia id eueniat, tibi propositum sit, rationem uictus salubrem ita instituere, ut semper moderatos humores habeat: si uero ex uitiatis humoribus, ut optimos. Qui igitur succos omnes æqualiter coaceruant, ij plane in balneum sunt ducendi, deinde fricandi, & paululum prius dimouendi: qui uero hæc antea facere consueuerant, ijs eadem parum augere, cibi aliquid subtrahere, & cibos, qui parum nutriant, esse consulemus. In ijs uero, qui humores prauos colligunt, non unum propositum est, quia neque etiam una est prauorum humorum species; nonnulli enim frigidiores, magisq; pituitosos colligunt: ergo & à cibis, & à potibus ijs arcebuntur, quicunque collectum in eis humorem prompte generare consueuerunt; sed & alui subductio horum omnium est commune præsidium.

Quibus cibi uitiantur in stomacho. Cap. XXX.

CIBIS in stomacho uitiatis, si quæ corrupta sunt, deiciantur, erit maxime compendiaria ad sanitatem uia: sin minus, ijs, quæ leniter subducunt, irritanda aluus est: ijs, qui ita sunt affecti, uomitus antecibum, isq; uini passi potione excitus prodest.

ORIBASII SYNOPSIS

Hoc etiam consilij dandum eis est, ut nihil assumant; quod nidorem afferat, uel grauiter oleat, aut omnino cibum, qui facile corrumpatur, ea uero quæ boni succi sunt, deligant. Eis etiam ex moderato temporis intervallo aluum subducere rebus moderate purgantibus expediet.

Victus eorum, qui iter faciunt, ex Dioclis sententia. Cap. XXXI.

ITER facile conficiet, qui unctus sit, & non magno impetu proficiscatur: per æstatem uero fascia tenui sex, aut septem digitos lata, non minus autem quinque cubitis longa, lumbos ad ilia usque complectatur: baculus quoque ad iter est utilis; in decliuis enim locis præmissus, corpus quod præceps ruit, tanquam basis quædam continet; in accliuibus uero, eidem innixi corpus facile ad ascensum promouemus: nam hoc scitum est, minus labi eum, qui tribus, quàm qui duobus firmamentis nixus incedit. Cum uero in itinere cessamus, eo tempore unctio, & parum cibi ex fructibus, qui æstate suppetunt, et modica potio conuenit; a prandio requiescendum est ante, quàm in uiam se dare. quod si necessitas cogat festinare, sitisq; urgeat, tenuis polenta ex aqua, & exiguo sale potui detur. Iam uero solis æstus, atque ardores cauendi sunt, neque corpus nudum ei est exponendum: sed contectum, ne siccescens indurescat, præterquam quod ex itinere fit; ita enim & minus lassitudine fatigatur, & nullam ex affectio-

nibus ante dictis pari ratione persentit. At hyberno tempore cum frigus est, antequam uia te committas, aluum subducere, inungi, hybernicibi non multum sumere, atque exigua portione contentum esse oportet; fascia quoque longiore non modo lumbos, sed etiam spinam, & pectus recte, & diligenter obuolues; cum uero requiescis, tali praesidio firmatus, si uehemens frigus sit, neque ungi, neque cibum, neque potum gustare est melius, quin neque etiam alia quauis ratione te fouere, nisi ibidem sis permansurus. Post longi uero itineris confectionem, aliosq; uehementes labores, etsi lassus quispiam non est, tamen non secus, quam ij, qui lassi sunt, curandus est: sic enim minus incommodi quidpiam accidit.

Ex Erasistrato quid faciendum sit peregrinantibus in aquis commutandis. Cap. XXXII.

A QVIS, in quibus nitri qualitas, & salis inest, plurima eorum, quae odorata sunt, quaeque urinam ducunt miscere optimum est ei, qui potaturus est; qui uero totam aquam immixtam bibit, non multum debet bibere; hac enim ratione ab aquarum malitia minus ei molestiae afferetur, cum ipsi aquae succos consuetos, & aquarum malitiae plurimum repugnantes miscebit; & totius aquae non multum potabit: caeteraq; quae ad uictum pertinent, conuenienter aquae mutationi simul etiam commutabit. Decet quoque eos, qui peregrinantur, aeris, & caeterorum

ORIBASII SYNOPSEOS

omnium, quæ offeruntur, habere rationem; quæ enim aduersam ualeitudinem allatura sunt, uel ex nimia copia alimenti, uel ex succorum malitia, uel ab aeris inspiratione causam ducunt.

Victus nauigantium ex Diocle. Cap. XXXIII.

VOMITIBVS, qui nauigantes infestos habent, quiq; primum oriuntur, neque facile, neque utile est succurrere: omnino enim inuare consueuerunt; à uomitu autem neque multi, neque quouis cibi sunt offerendi: sed uel lenticula sicca, & decocta, cui pulegiij modicum additum sit, uti: uel pane macerato in uino diluto, atque odorato, potuq; modico, eoq; uel ex uino prorsus diluto, uel aceto mulso. Lentæ autem coquendæ sunt, deinde cum molles fuerint, ad læuorem redigendæ, tum siccandæ, atque ita in uas fictile reponendæ: si uero uomitus diutius, & crebrius infestent, cibo, qui uehementius eos cohibeat, utendum erit, itemq; modica potione, quæ ex aceto mulso cum aqua constet, in quo thymum, aut pulegium fuerit infusum: aut ex aqua cum polenta diluta, aut etiam uino odorato. Ad graues autem nauium odores, uel mala cydonia, uel thymum, uel pulegium naribus admouebunt. Mare uero intueri minime debent, usque dum in nauibus uersari assueuerint: aquis præterea est adhibenda diligentia, ne turbidæ, ne fœtidæ, ne uel salsæ sint.

De

EBRIIS uomitus statim excitatus conueniet; aqua autem & mulsa liberalius pota uomendum est usque dum plurima reiecta sint, & uentriculi morus obtundantur. Post uomitum, solium ingressi large perungantur; reliquum uero tempus quiescant, & uestibus tecti plurimum dormiant, quousque discutiatur uinolentia.

De ijs, qui immoderate uenereis usi sunt.

Cap. XXXV.

QVI immodice coiuerunt, ijs uestimenta calida, quies, somni longiores conueniunt: quousque ab imbecillitate se ipsos uindicerent.

De refrigeratis.

Cap. XXXVI.

QVI in nimio frigore uersati sunt, locis calidioribus cyprino, aut irino peruncti decumbant; deinde uero cum parum fuerint excelsa piper, & myrrha in potione cum uino ueteri odorato: aut liquor cyrenicus cum uino, uel aceto, aut pyrethrum, aut castoreum cum aceto dabitur: cibo autem calidior, & moderato nutriantur.

De exustis.

Cap. XXXVII.

QVI uero in sole sunt exusti, ij decumbant in

P

ORIBASII SYNOPSEOS
locis perflabilibus : faciesq; manus , & crura sunt
aqua frigida perfundenda . si sitis urgeat , frigidam
bibant qui ei assueuerunt : hancq; non confertim ,
sed paulatim . cibo utantur exiguo , quiq; facile di=
stribuatur . isq; humidior sit potius , quam densior .

Ex Galeno de pituita , quæ in uentriculo est .

Cap. XXXVIII.

SI unquam in aliquam incidisti , qui cibos ualde
nutrientes auersaretur , ab ijsq; mirum in modum
abstineret , siq; cogeres assumere , nausea corripere=
tur , ea uero solum , quæ acriora sunt , expeteret .
atque ijs quidem oblectaretur , sed tamen & uenter
inflaretur , distendereturq; , ac nauseabundus fieret ,
parumq; ructibus solis leuaretur , ipsiq; cibi assum=
pti corrumparentur , & in acorem potissimum con=
uerterentur ; nosti omnino , auxiliorum caput esse ,
ut pituitam à uentriculo abstergeres . Equidem noui
quandoque homines ita affectos qui cum radiculis ex
oxymelite sumptis magnam crassissimæ pituitæ co=
piam euomuisent , integræ ualeitudini statim sint
perfectæ restituti .

Ey eodem , quid in constitutionibus intempera=
tis faciendum sit. Cap. XXXIX.

IN omnibus constitutionibus ætas , naturaq;
singulorum hominum quam relationem ad consti=
tutionem habeat , considrandum est . constitutiones

LIBER QUINTVS. II4

enim quæ naturis similes sunt, morbos pariunt, contrariæ uero iuuant. ac temperatis quidem corporibus, temperatæ constitutiones sunt salubres: intemperatæ uero noxiæ. Sed quemadmodum nulla ex intemperatis constitutionibus est bona temperatis, ita etiam non est magnopere damnoſa, ueluti intemperatis eſſe ſolet. Corpora enim quæ inibi ſunt, ut in talem quempiam morbum propter familiarem eis intemperiem cadant, ea à ſimili aeris nos ambientis intemperie corripuntur, quæ uero contra, atque aer ambiens, affecta ſunt, præter quam quod nihil offenduntur, ad meliorem etiam ſtatum perduntur. cum præſertim conturia conſtitutio temperaturæ naturalis intemperiem corrigit. Id qui noſcit, is uictus rationem conſtitutioni aduerſam inſtituens corpora in bona ualetudine conſeruabit.

Ex eodem de carne minuenda. Cap. XL.

CUM nimia carne auctum corpus fuerit, liquandum erit, & comprimendum. porro autem calidius ſiccusq; temperamentum corpus gracile reddere oſtenſum nobis eſt. ergo tale temperamentum obesiſ hominibus eſt inducendum, ſi eos ad mediocritatem uelis perducere. Noſti autem ueloces exercitationes uictum attenuentem, & ſimilia medicamenta, & animi curas totam temperaturam ſicciorē, & ob id etiam corpus tenuius reddere. Quis autem uictus attenuet, perſpicuum eſt. medicamenta uero uehementiora ſunt hæc, rutæ ſemen, præ-

P ij

ORIBASII SYNOPSEOS

sertim syluestris cum ipsis etiam corymbis, aristolochia rotunda, tenuis centaurea, gentiana, & polium: quæq; ad ciendam urinam multum ualent, quale est petroselinum: hæc enim & singula per se, & omnia inter se mixta attenuare & uacuare humores possunt. Sed & sal ex uiperis crematis ualde extenuat, & ipsa itidem theriace. Discutit etiam & extenuat inunctio olei, in quo radix cucumeris agrestis, & althæa, et gentiana, & panacis radix, & aristolochia sit incocta. polium quoque et centaurea idem faciunt. Cibus non statim à balneo dandus est; sed somnus est prius imperandus. præstaret autem aquam balnei uim habere discutiendi, si naturalem habere possent, ut Mitylenæ est: sin minus, flos salis marinæ admisceatur. Vino utendum albo, et tenui. Iam uero sicca frictio ex linteis crassioribus ad attenuandum multum ualet. cibus præterea non est pro ratione exercitationum offerendus. apricatio quoque obesis prodest. potus non est eis ante cibum permittendus: præstatq; semel in die cibum capere. In balneo quoque corpus ex multo nitro fricare, ipsum attenuat: paucum uero, iritamentum est, ut probe corpus nutriatur. Attenuat etiam hoc, quod habet piperis, & petroselini duplum, asari & anisi simplum. id quod ciere urinam, & subducere aluum potest.

Quomodo graciles reficiendi sint. Cap. XLI.

CVM attenuatos renutrire uolumus, uinum

LIBER QVINTVS. II

crassum, eduliaq; multi succi dabimus, exercitatio-
nes tardas, & frictionem moderatam, & ut sum-
matim dicam, omnia supra dictis contraria iniun-
gemus. iisdem quoque accommodatum est, tribus,
quatuorue diebus pice oblini. Si quis ieiunus laue-
tur, ante balneum fricare corpus linteis debet, do-
nec ruborem acquirat: post uero frictione non ad-
modum dura utendum erit, ne constringentes, den-
sam, duramq; cutim efficiamus. Decoloribus uero,
quiq; non nutriuntur, opus est neque ad iram im-
pelli, neque animi commotionibus affici.

Quomodo attenuatae particulae curandae sint.

Cap. XLII.

EX gracilitatibus, quae particulis eueniunt,
quamplurimae ex diuturna ipsarum quiete, aut ex
deligationis fracturae modo oriuntur. ergo uis exte-
nuatae partis firmanda est, sanguisq; ad eam copiose
attrahendus tum moderatis frictionibus, tum moti-
bus accommodatis, & moderata calentis aquae per-
fusione. haec autem eo usque facienda sunt, quo-
usque pars rubra facta extollatur. cessandum uero
est prius, quam collabatur. Medicamento etiam pi-
catorum, ut dictum est, uti oportet. Cum uero par-
ticulam frigidioresse senseris, tunc linteis confri-
canda est, & medicamentum aliquod calefaciens
adhibendum. Ego uero etiam thapsia quandoque
usus sum, quam tum cum melle, tum uero cum
cerato illinebam.

P iiij

ORIBASII SYNOPSEOS

Optimæ temperaturæ dignotio. Cap. XLIII.

TEMPERATISSIMVS homo est, qui corpus habet in medio omnium extremitatum exquisitè constitutum, ut inter gracilitatem crassitudinem, molliem, duritiem, caliditatem, frigiditatem, humiditatem, & siccitatem; atque, uno uerbo, cuius naturales animalesq; actiones. culpa uacant. Is quoque medius est inter glabrum et pilosum, nigrum & album: atque in puerilia rufos magis, quam nigros capillos, in florente uero ætate contra, habebit.

Corporum intemperatorum notæ. Cap. XLIIII.

CORPORA, quæ iusto calidiora sunt, dentes citius emittunt, & similiter augentur. tangentibus calidiora, & minus pingua uidentur. eorum color rubidus, capilli nigri, modice hispidi, uenæq; latæ. Si quis uero & pinguis & crassus sit, uenasq; latas habeat, is non natura, sed consuetudine pinguis euasit. Frigidioris autem temperaturæ notæ sunt, ut corpus frigidum tactui appareat. glabrum sit, & pingue, color una cum capillis, rufus. Si frigiditas multa sit, liuidus quodammodo & plumbeus color est, & uenæ angustæ. cui autem uenæ angustæ sunt, ipseq; est gracilis, is non necessario talis est, sed ex consuetudine ad eum statum est reductus. Arida temperatura durior, gracioliorq; est,

quam quæ temperata est atque hispida. ac durities quidem à sicca temperie separari omnino non potest, gracilitas uero non solum naturales temperaturas, sed etiam longa acquisitas consuetudine sequitur. Siccitatis signum est, si corpus dtffaciliter moueatur, squalidumq; ac siccum ab exsiccantibus fiat. Humida uero temperies in cæteris quidem est similis temperatæ: sed tamen est mollior, & maiore carnis copia referta. atque ab ea separari mollities non potest. sicut etiam crassitudo, quæ non modo innatam temperaturam, sed eam etiam, quæ ex longa consuetudine contracta sit, comitatur. Proprium uero humiditatis signum est, corpus ab humectantibus grauari. Quæ uero calida, & sicca est, hirsuta maxime est: capilli in capite celerrime nascuntur, iidemq; nigri: & iuuenili ætate copiosi. temporis uero progressu caluitium consequitur. uenæ amplæ sunt, ueluti etiam arteriæ tum magnæ sunt, tum uero etiam pulsant uehementissime. totum præterea corpus robustum, articulatum, musculosum, & expers pinguedinis est. cutis uero durior est, atque nigrior. Cum uero temperies frigida atque humida sit, perctus erit omnino perangustum, totumq; corpus pilis uacans, cutis tenera, atque alba, capilli subruffi, & præsertim in iuuentute, cumq; senectus aduenit, caluitium non sequitur. huiusmodi autem homines statim timidi, pusillanimes, segnesq; sunt. uenasq; latentes habent, crassi sunt & pingues, et femoribus & musculis non aspectabilibus sunt, itemq; inarticulati sunt, & blesi. siq; frigiditas et

ORIBASII SYNOPSIS

humiditas magis aucta fuerit, color una cum capillis rufus erit: si uero plurimum augeatur, lineescit. Calida uero atque humida temperies mollior est, & plus carnis habet, quam optima temperatura. cum uero plurimum aucta fuerit, statim morbis putridis corripitur. cum autem paulo humidior est, multoq; calidior, tum ea praediti & paulo molliores sunt, & plus carnis habent, quam temperati: hispidiores uero non paulo, nec paulo sunt tangentibus calidiores. Si uero frigiditas & siccitas aequae augeantur, corpus suapte natura erit gracile, non musculosum, nec articulatum, nec coloratum, & pilis uacans: tamenq; frigidum apparebit. pinguedo tamen, licet graciles sint, carni inspersa erit. capillorum color pro portione frigiditati respondebit. quantum uero ad animi mores pertinet, pusillanimes, timidi, & tristes erunt. & ut summatim dicam, in temperaturis coniugatis qualitatis exuperantis signa ceterarum signis semper praestabunt.

De capitis formatione. Cap. XLV.

PARVVM autem caput pravae cerebri constitutionis proprium indicium est: magnum uero non necessario bonae est indicium. Sed si ob innatae facultatis robur, quae bonam, multamq; materiam effecerit, hoc eueniat, bonum signum erit: si uero ob solius materiae copiam, non item bonum. Sed haec distinguenda sunt ex forma, & ex ijs, quae inde oriuntur. atque ex forma quidem, si concinna sit.

hoc enim semper bonum est signum . ex ijs uero quæ oriuntur à capite , si optime sint affecta , siq; neruea ipsorum pars bene alatur , robustaq; sit ; si denique oculi acriter aspiciant . Capita autem acuminata mancam habent circa frontem aut occiput , aut ultra debitum auctam eminentiam . Ita plerunque fit , ut quemadmodum magnum caput , sic etiam ea quæ sunt huiusmodi , uitiosa comperiamus . Et tamen quandoque nonnulla ex ijs , cum uirtus efformans ualida sit , bona inueniuntur .

Temperaturæ cerebri signa . Cap. XLVI.

TEMPERATVM cerebrum actiones animi habebit moderatas , et excrementa itidem moderata : minimeq; ab omnibus externis rebus offendetur . Qui hoc præditi sunt , capillos in infantia subrufos , in pueritia subflauos , in perfecta ætate flauos , et medios inter exquisite crispas , et simplices , habent . nec facile caluescunt . Si cerebrum calidius temperato sit , omnia ea , quæ circa caput sunt , rubicundiora , et calidiora erunt , uenæq; in oculis apparebunt , ijsq; in lucem editis capilli statim in capite nascentur . Qui uero multo calidiores sunt , ijs capilli nigri , et robusti , et crispi , in primisq; non multum subflauui , deinde uero nigri fiunt , et cum ætate procedunt , caluitio afficiuntur . horum pauca sunt excrementa , cum ualeitudine , quæ uitio et culpa omni uacet , perfruuntur . Caput ijs impletur , grauaturq; à cibis , potionibusq; calefacientibus , itemq; odoribus ,

ORIBASII SYNOPSEOS

Et rebus foris incidentibus. modicus somnus atque
 is non profundus huiusmodi naturis satis est. Frigi-
 dioris porro, quam par est, cerebri notæ sunt, ma-
 gna excrementorum copia per meatus peculiare ma-
 nantium, capilli recti, rufi, ac stabiles: facileq; à
 frigidis causis lædi: destillationibusq; atque graue-
 linibus continenter corripì: uenasq; oculorum non
 apparere: Et ad somnum ferme procliuiores esse.
 Siccioris autem cerebri signa sunt, si nihil excremen-
 torum in meatibus fluit, si sensus acres sint, si ui-
 gilantes, si capillos robustiores, Et celerrime exorien-
 tes, cumq; orti fuerint, potius crispas habeant. hi
 uero cito calui fiunt. Humidioris uero cerebri, ca-
 pilli plani, nulla caluities, sensus obtusi sunt, ex-
 crementorum copia redundat, somnus multus Et
 profundus. Qui calido siccoq; cerebro sunt, ij carent
 excrementis, sensibus sunt exquisitis, Et uigilan-
 tissimi, Et celeriter caluescunt. Et tamen capilli in
 eis primo quoque ortu celerrime nascuntur, Et opti-
 me nutriuntur: nigro crispoq; capillo sunt. caput
 tangenti calidum est. rubri uero sunt ad uigentem
 ætatem usque. Vbi uero humiditas accesserit cali-
 ditati, Et utraque mediocritatem paululum exce-
 dat, tum Et bonus color, Et calor adest, uenæq; in
 oculis magnæ uidentur. excrementa plura sunt, et
 mediocriter cocta: capilli recti, subflauiq; nec faci-
 le caluitium patiuntur. caput uero impletur atque
 aggrauatur calefacientibus. cumq; humor Et calor
 plurimum increuerint, morbosum caput redditur:
 ac facile à calefacientibus, Et humectantibus lædi-

tur. eiusmodi tamen diu uigilare non possunt: neque sensus exquisitos habent. Frigidæ uero, simulq; siccæ cerebri temperaturæ frigidum, & coloris expers caput efficiunt. quicq; hac natura præditi sunt, uenas in oculis non habent. à frigidis causis statim offenduntur. ex quo fit, ut inæquali ualetudine fruantur. Sensus in iuuentute exquisiti sunt, & culpa omnino uacant: at progressu temporis, celeriter contabescunt: atque, ut uno uerbo complectar, quantum ad totum caput pertinet, cito senescunt. his in lucem editis capilli uix prodeunt, atque ij quidem non aluntur, flauiq; sunt. Humida uero et frigida cerebri natura facit soporosos, somniculosos, & sensibus obtusos, itemq; capita excrementis redundantia, frigori, et repletioni opportuna: et destillationibus, ac grauedinibus obnoxia. hi tamen non caluescunt.

Ventriculi temperaturæ signa. Cap. XLVII.

VENTRICULI, qui natura siccior sit, notæ sunt, si celeriter sitibundi fiant, paucaq; eis potio sufficiat, largiore grauentur, fluctuationibus instentur, aut quod redundat, superfluitet, cibisq; siccioribus delectentur. Humidior natura uentriculus cognoscitur, si eo præditi siti non afficiantur, et copiosorem humorem sine molestia ferant, et cibis gaudeant humidioribus. Calidiorum attestantur hæc, ut eo præditi melius concoquant, quam appetant, & dura potius, & item ea, quæ immutari difficulter

R. ORIBASII SYNOPSIS

possunt ; cibus præterea , potionibusq; calidioribus oblectentur , neque à frigidis , nisi immodice eis utantur , noxam ullam percipiant . Venter autem natura frigidior ad appetendum quidem ualet , ad concoquendum uero non item : præsertim uero si edulia , quæ difficulter immutantur , quæque frigida sunt , assumpserit ; statim enim in ea coacescunt ; itemq; frigidis quidem gaudet , sed tamen ab eorum usu nimio læditur . Intemperies autem uentriculi ex morbo contracta ab ijs quæ ei natura insitæ sunt , differunt , quod contraria , non autem similia expetant . Venter ergo qui probe concoquit , temperatus est , qui non concoquit , intemperatus : si ructus nidosos , & fumeos edat , immoderatum , & igneum eius calorem esse indicabit : si acidus , contrarium ; si uero cibos concoctu difficiles conficiat , immoderatum ; si uero illos non concoquat , pisces uero concoquat , imbecillum : hoc autem utrum ex humore aliunde confluyente accidat nec ne , considerandum est : nam pituitosi acidum , biliosi nidosum , & graue olens , aut alias extraneas qualitates eructant ; communia uero symptomata , nausæ sunt : sed si uitiosi humores in cauo spatio uentriculi supernatent , euomuntur : Qui uero in corpore uentriculi sunt , & eius tunicis continentur , frustra nausæ uomitu uacantibus turbabuntur .

Pulmonis signa.

Cap. XLVIII.

NON solum uenter sitim affert , atque

aufert, frigidaq; , ac calidæ potionis cupiditatem inuehit, sed etiam uiscera, quæ thorace continentur; & tamen cum bibunt, non statim sitis sedatur, ac frigida potio sitim eorum magis, quàm ualde calida restinguit; aer quoque frigidus inspiratus eos refrigerat, cum eos, quibus uentriculus sitim affert, nihil leuet. Qui uero contra sunt affecti, à frigida inspiratione molestia manifesta sensibus afficiuntur; estq; hoc maximum frigidi pulmonis indicium, atque etiam pituitam sreatu cum tussi reijciunt; sicci pulmones excrementis, & pituita carent; quemadmodum humidi redundant excrementis, & obscuram, atque raucam uocem faciunt: cumq; uehementius, aut acutius loqui student, tunc intercidunt excrementa.

Temperaturæ cordis notæ.

Cap. XLIX.

CORDIS calidioris signa sunt magnitudo respirationis, pulsus uelox, & frequens, audacia, & furibunda temeritas; thorax hirsutus, ac præsertim pectus, & quæ præcordiis sunt propinqua; magnaq; ex parte totum corpus calidum est, nisi iecur magnopere obstet; thoracis quoque amplitudo caliditatem cordis arguit, nisi etiam tunc cerebrum ualde resistat. Cor uero frigidius pulsus mediocribus minores habet, quiq; tali sunt corde, & timidi, & pusilli animi, & segnes suapte natura sunt, pectusq; glabrum habent. Siccior cordis natura pulsus dueros facit, iram non subitam, sed agrestem, & quæ sedari difficulter possit, excitat: plerunque autem nisi

ORIBASII SYNOPSEOS

iecur repugnet, uniuersum corpus est calidius. Humidius cor esse testantur pulsus molles, & mores ad iram, quæ placari facile queat, proclines, totumq; corpus, nisi hepatis partes contra faciant, humidius. Calidum et siccum esse cor ostendunt pulsus duri, et magni, & ueloces, & frequentes, & respiratio itidem magna, & uelox, & frequens. Quibus huiusmodi cor inest maxime omnium hirsutum pectus habent, atque præcordia; ad actiones prompti, iracundi, temerarij, & tyrannicis moribus præditi sunt; in iram uero, quæ non facile sedatur, præcipientes ruunt: si uero unà cum calore humiditas superauerit, hi minus, quàm qui supra memorati sunt, hirsuti erunt: porro ad actiones impigri, neque in eis est agrestis animus, sed tamen ad iram magis pronus: pulsus uero magni, mollesq;, & ueloces, & frequentes. Cum uero humidius, frigidiusq; cor est, pulsus molles sunt, mores uero huiusmodi, ut pusilli animi, timidi, & segnes sint, & minime furibundi, sicut etiam ad iram non sunt proclines. Frigidioris uero, sicciorisq; cordis pulsus duriores, exiguiq; sunt; quiq; ita sunt, minime omnium sunt iracundi; ubi uero irascuntur, iram diu retinent: eorumq; minime omnium hirsuta sunt pectora.

Iecoris temperaturæ dignotio.

Cap. L.

CALIDIORIS hepatis notæ sunt uenæ amplæ, flauæ bilis maior copia, in ætate uero consistenti etiam atræ; sanguis calidior, & ob hanc ipsam cau-

sam, totum quoque corpus, nisi cor obstiterit: uenter
 & præcordia hirsuta. Frigidius iecur ostendunt ue-
 næ angustæ, pituita copiosior, sanguisq; & totus ha-
 bitus corporis frigidior: nisi quid ei caloris à corde im-
 pertiatur: præcordia nuda pilis, itemq; uenter. Sic-
 cioris signa sunt sanguis crassior, & minor eius co-
 pia: uenæ duriores, & totus corporis habitus siccior.
 Humidioris signa sunt sanguis copiosior, & humi-
 dus, uenæ molliores, atque ita etiam uniuersum cor-
 pus, nisi cor contra repugnet. Calidi uero, sicciq; si-
 gna sunt præcordia maxime hirsuta, sanguis cras-
 sior, & simul etiam minor eius copia: amara bilis
 plurima, in statu uero, etiam atra: uenæ amplæ,
 duræq;, & ita quoque corpus uniuersum calidum et
 siccum: Calor enim qui manat à corde, frigus quod
 ab hepate existit, non secus quàm frigus calorem,
 potest uincere: at siccitas ab humidiore corde ad con-
 trarium traduci non potest: perspicuum autem est,
 si utriusque principij temperaturæ in unum conue-
 niant, totum corpus conuenienter illis exquisite affi-
 ci. Humidum simul & calidum hepar habet præcor-
 dia minus hirsuta, quàm quod calidum siccumq; est:
 itemq; multum sanguinis, latas uenas, habitumq;
 humidum, & calidum obtinet, nisi cor obsistat: si
 uero utrisque qualitatibus naturæ modum magis,
 quàm par est, excedat, statim in eos morbos incidit,
 quos putredo, & malitia humorum procreant: ac-
 tum quidem magis, si humiditas plurimum sit au-
 gta, calor uero perexiguus, & uitiosi etiam humo-
 res fiunt. Humidi & frigidi signa sunt glabræ

ORIBASII SYNOPSEOS

præcordia : sanguis autem magis pituitosus unâ cum uenarum angustia redditur : totum præterea corpus eodem modo est affectum , nisi à corde ad contrarium habitum perducatur . Frigidum uero simul , atque siccum iecur parum sanguinis gignit , uenas angustiores , & corpus reddit frigidius , nisi cor hoc etiam loco dominetur.

Calidioris , siccioris , atque humidioris intemperiei corporis correctio. Cap. LI.

CUM in calida intemperie biliosum excrementum redundet , si per inferiora descendat , perspicuum est nihil esse moliendum : si uero ad uentrem feratur superiorem , euacuandum esse uomitu , qui post exercitationem ante cibum aquæ potu cieatur . Eos uero qui ita sunt affecti , præstat exerceri , neque ueloci et concitata exercitatione , sed tardiore , ac molliore : quibusdam uero , qui admodum calidi sunt , nihil exercitatione opus est : sed sufficit deambulatio , & balneum , atque ij etiam balneis post cibum delectantur . Quibus uero siccitas adiuncta est , ijs opus est uictu humectante ex cibis huiusmodi , balneisq; , & exercitationum concitatarum , et multarum abstinentia : ex quo conficitur , ut æstiuo tempore & citius , & à cibo rursus sint lauandi : quod humidum est , & frigida potio his prodest ; siccis naturis maxime aduersa est uenus , cauere autem præcipue debent lassitudines , æstus , solitudines , uigilias . Humidæ natura temperaturæ in pueritia morbis , quos defluxiones ,

nes, & plenitudines, quosque deinde humorum corruptelæ pariunt, sunt obnoxia: quibus quidem fit rebus, ut eis pluribus exercitationibus, & exquisita uentriculi concoctione opus sit; quocirca huiusmodi naturæ ex bina, & terna ante cibum lotione, & ex balneorum naturalium usu maximum fructum fereant; ne uero defluxionibus infestentur, prospiciendum est: id quod lauacris, multis ante cibum exercitationibus, urinæq; & alui excretionem conficietur: nihil etiam prohibet apophlegmatismis interdum uti, & etiam purgationibus; itemq; cibis boni succi, & uino quod urinæ ciendæ sit, utantur.

Intemperiei frigida correctio.

Cap. LII.

FRIGIDAE intemperiei tres sunt differentia, quarum pessima est sicca: nam quod progressu temporis senescentibus contingit, id ipsum ijs, qui ea temperatura sunt, ab initio inest: ergo humectandi, calfaciendiq; sunt; id fiet exercitationibus moderatis, humidis, calidisq; alimentis, uini calidioris potu, & somnis etiam pluribus, in quo danda nobis opera est, ut excrementa quæ quotidie fiunt in corpore, uacuentur omnia; concubitus omnes sicciores lædit, eos uero præcipue, qui præterquam quod sicci sint, frigidi etiam sunt: solis uero calidis, & humidis est innoxius. Iam uero temperaturæ, quæ humida, & frigida sunt, uitiosæ sunt; corripiunturq; à morbis ijs, qui defluxionibus accepti referuntur, hos iuuat balnei abstinentia, & multa exercitatio, uictusq; tenuior: itemq; calida mediocriter inunctio. Qui uero natura

Q

ORIBASII SYNOPSEOS

frigidiores, mediocriterq; sicci, & humidi sunt, eorum calor excitandus, et confirmandus est. In totius autem uictus ratione constituenda, uictus, qui inter humidum, et siccum medius sit interiectus, deligatur.

Curatio siccae intemperiei uentriculi, quæ uelut exemplum reliquarum curandarum proponitur. Cap. LIII.

INTEMPERIES sicca est, uel cum solida substantia partium similium inter se fit siccior: quæ quidem est eiusmodi, ut ei adhiberi medicina non possit: uel cum propria humiditas, unde partes nutriuntur, omnino consumpta est. ea autem continetur in omnibus animalis partibus, ceu ros quidam, per eas sparsa: quam inferere particulis sine alimento non possumus. quam ob rem difficillima est huiusmodi affectionum curatio. alia uero siccitas est, quæ in exilibus arterijs, uenisq; consistit. Huiusmodi siccitates curare oportet alimento humectante, singulas particulas similes inter se propria humiditate implendo. Balneum ergo temperatum conuenit; in quo diutius morari ægrotum decet. à balneo uero lac asininum recens mulctum cuiq; mellis tepidi modicum sit adiectum, nulla mora interposita dandum est. hominemq; ita ad secundam usque lationem quiescere permittemus, tum modice fricabimus, & pinguius, si utique lac, quod datum fuerit, iam ad unguem confecerit, id quod tum ex rutibus, tum ex uentriculi mole coniungere licebit. Moderatum uero temporis interuallum inter primam et

secundam lauationem erit, si quatuor aut quinque horarum æquinoctialium spatium intercedat, si modo lauare tertio paras; sin minus, plurium. quin etiam post unamquamque lauationem oleo hominem prius quàm se uestiat, ungemus. si uero lacte oblectetur, id etiam post secundam lauationem dabis: sin aliter, ptissanam diligenter coctam, aut alicam ptissanæ modo confectam. deinde uero ubi rursus quieuerit, ad tertiam lauationem, aut illico ad cœnam est ducendus. esto autem ei paratus panis diligenter confectus, in furno coctus, purusq; . obsonium ex piscibus saxatilibus, aut ex albo iure asellus. & ut paucis alimenti summam complectar, sit coctu facile, & nutriens, minimeq; glutinosum, & excremento uacans. potus esto uinum aquosum, albumq; , purum, et quod minimam sustineat aquæ missionem: quodq; leuiter adstringat. hæc q; est maximæ siccitatis curatio. modicæ uero siccitates non tam exquisitum uictum postulant, sed pleniore cibo uti possunt. ponamus ergo nunc siccitatem superiori parem, sed sit ei coniuncta frigiditas. sane ijs, quæ dicta sunt, calefacientium materiam miscebitur, & cæteris addemus. ergo lacti mel copiosius addetur, & uinum minus aquosum, quam prius, dabimus. quinetiam ipsa quoque esculenta calidiora, idq; non solum naturalibus ipsorum temperaturis, sed etiam recens acquisitis qualitatibus, exhibenda erunt. Nardino etiam unguento, aut mastichino assidue ungemus. si uero cum siccitate multa sit coniuncta frigiditas, primum ipsam grauissi-

ORIBASII SYNOPSIS

mam, & ad corrigendum difficilimam existimabis. iisdem uero utendum est, itemq; melle per se despumato. uinum eligendum est antiquius. optimum autem his omnibus medicamentum est, quo picatores continenter utuntur: eoq; uenter illinendus est, & calidum etiam num auferendum. his etiam prodest, boni habitus puellus una dormiens sic, ut abdomen semper contingat. Deinceps uero siccitati iuncta caliditas esto mediocris. in eiusmodi intemperie primam uictus institutionem seruabimus, ut mel prorsus non gustetur, uinumq; minime uetustum exhibeatur. cibos uero tepentes, et lacteos offeremus, uentriculumq; omphacino, & melino ungemus. hos autem uehementius refrigerare, periculosum est, cum huiusmodi constitutio quodammodo febris naturam, cum calor abundarit, imitatur. Rursus itaq; proponamus intemperiem calidam exuperare, huicq; humiditatem esse coniunctam. hanc intemperiem minore metu aquae frigidae potione curabimus. huic accommodatus est ciborum adstringentium usus, qui tamen citra calorem austeri sint. Humidae uero intemperiei si sola consistat, cibi exsiccantes ita, ut non calefaciant, nec refrigerent, itemq; consuetae portionis parcitas ualde auxiliantur. Intemperiei uero, quae cum frigiditate est coniuncta, optima remedia sunt acria omnia, quibus admisceantur adstringentia, sed quae non manifeste refrigerent: optima etiam his est exigua potio, eaq; uini egregie calefacientis. Atque haec quidem sunt earum intemperierum, quae in qualitatibus consistunt, curationes. Quoniam ue-

ro per sepe in ipso sinu uentriculi contentus humor, aut in ipsas uentriculi tunicas impactus intemperies creat, operæ pretium erit, de his etiam loqui. ergo prior affectio, si semel constiterit, uomitu expurgata, facile quiescit. Sin rursus ex alia parte quadam, uel alijs particulis humor confluxerit, exquisita diagnosis opus est. curatio uero statim subsequetur. uniuersam enim curationem parti affectæ debemus accommodare, cura adhibita, ne particula, quæ recipiunt, ea quæ confluunt, facile admittant. fiet autem hoc adstringentibus, & ijs, quæ totum corpus ad bonam habitudinem perducunt. Vitiosus autem succus, qui in uentriculi tunicis est receptus, curatur modice purgantibus medicamentis, ut est aloë, & picra medicamentum, quod ex ea componitur. Sed quibus lenta pituita uentriculo infixæ est, ijs prius exhibenda sunt, quæcunque ipsam dissoluant, deinde purgandum. Si ad uomendum sint idonei, uomitus ex radiculis cieatur. Si uero nec lentus, nec crassus humor sit, utiq; satis erit expiissanæ cremore uomere; itemq; ex mulsa: bibendus uero etiam absinthij succus ex mulsa. Reliquarum uero partium intemperies similiter ijs, quas proposuimus, humores ad meatus idoneos deducendo, sanabuntur. Si uero particula neque cavitatem, neque sensibilem meatum habeat, euaporationibus et sudoribus redundantes humores uel ichores, qui in ipsa sunt, ueluti si spiritus flatulentus esset id quod continetur, euacuare nos oportet.

FINIS QVINTI LIBRI.

Q iiij

SEXTI LIBRI ARGVMENTVM.

In sexto traduntur signa, et curationes februm, symptomatumq;. Et inibi etiam de animi defectione, syncopa, dolore, fame, appetitu prostrato, nimia fame, nausea, uomitu, canina appetentia, uigilijs, graui sopore, colliuatione, Et siti uerba sunt.

Libri sexti capita.

Signa critica in principio apparentia mala esse.

Cap. I.

Quando optimam crisin factam cognoscamus.

Cap. II.

Quomodo futura crisis prænoscenda sit. Cap. III.

De signis quæ ab urina sumuntur. Cap. IIII.

De sputis. Cap. V.

De febribus ephemeris. Cap. VI.

De putridarum februm notis. Cap. VII.

Curatio februm putridarum. Cap. VIII.

Signa tertianæ. Cap. IX.

Tertianæ curatio. Cap. X.

Tertianæ nothæ curatio. Cap. XI.

Quartanarum cognitio. Cap. XII.

Quartanæ curatio. Cap. XIII.

Quotidianæ febris signa. Cap. XIIII.

Quotidianæ curatio. Cap. XV.

Februm continuarum inditia. Cap. XVI.

Continuarum febrium curatio.	Cap. XVII.
Ardentium febrium signa.	Cap. XVIII.
Ardentium curatio.	Cap. XIX.
Febrium, quæ ex affectione erysipelas referente originem trahunt curatio.	Cap. XX.
Hæcticarum febrium cognitio.	Cap. XXI.
Hæcticarum febrium curatio.	Cap. XXII.
De semitertianis.	Cap. XXIII.
De morbis publicis.	Cap. XXIV.
De pestilentia ex Rufo.	Cap. XXV.
De ijs, qui ob crudorum humorum copiam in syncope cadunt.	Cap. XXVI.
De ijs, qui ob tenues humores animi defectione tentantur.	Cap. XXVII.
De alijs causis, ex quibus syncopæ oriuntur.	Cap. XXVIII.
De dolore.	Cap. XXIX.
De colliquatione.	Cap. XXX.
De uigijs in febribus.	Cap. XXXI.
De eisdem.	Cap. XXXII.
De graui sopore.	Cap. XXXIII.
De canina appetentia.	Cap. XXXIV.
De cibi fastidio.	Cap. XXXV.
De fame ingenti.	Cap. XXXVI.
De siti immodica.	Cap. XXXVII.
De siti, Philumeni.	Cap. XXXVIII.
Dioscoridæ catapotium ad sitim.	Cap. XXXIX.
De nausea.	Cap. XL.
Ex Philumeno uomitionis bilis curatio.	Cap. XLI.
De singultu ex Galeno.	Cap. XLII.

Linguae asperae curatio. Cap. XLIII.

Curatio exulcerationis, quae os sacrum exer-
cet. Cap. XLIIII.

De animi defectione ex inanitionibus. Cap. XLV.

Si anima deficiat ob plenitudinem. Cap. XLVI.

Curatio ad sanguinis destillationem. Cap. XLVII.

129
ORIBASII SYNOPSEOS

AD EVSTATHIVM FILIVM,

LIBER SEXTVS.

Signa critica, quæ apparent in principio, prae-
ua esse. Cap. Primum.

IGNA cōcoctionis nunquam male
apparent: critica uero signa quan-
doque male apparent: nam neque in
principio, neque in incremento, ne-
que in statu ea debent apparere.

Quomodo optimam crisin factam cognosca-
mus. Cap. II.

SI ægrotus febrī sit per crisin leuatus, alijsq;
accidentibus liberatus, coloratiorq; pro ratione eua-
cuationis euaserit, pulsusq; uires acquisiuerit, ipseq;
ad surgendum, seq; erigendum sit robustior, ea
optima crisis est. si quid horum desit, tantum ab opti-
ma aberit, quanta fuerit uis eius, quod deest.

Quomodo futura crisis prænoscenda sit.
Cap. III.

SI accessiones intenduntur, & anticipent, fia-
ntq; multo uehementiores, & tertio quoque die in-
uadant, morbum breuē indicatum iri declarant: si

ORIBASII SYNOPSEOS

autem lente moueantur, eademq; hora inuadant, & quotidie affligant, longiore post tempore crisin fore significant; ijs etiam, qui cum uehementibus rigoribus febrè iactantur, morbus solui non potest prius, quàm rigores leniantur, atque etiam nisi rigor se remittat, morbus ad statum peruenire non poterit, atque ita multo minus ipsius speranda est declinatio.

De signis, quæ ab urina sumuntur. Cap. IIII.

VRINA optima est, quæ sanorum urinæ similima est; huiusmodi est, quæ subrufa, & subflaua cernitur, hæc enim statim crassitiem moderatam habet. Etenim cum tres sint turbidarum urinarum differentiæ, ut uel excretæ tales, paulopost subsidant, uel consimiles maneant perpetuo, uel puræ excernantur, deinde fiant turbidæ; quæ tertio loco dictæ sunt, malæ sunt: benignæ uero sunt primæ: in medio utrarumque secundæ statuuntur. Summe cruda est ea, quæ ad unguem aquosa est, utpote quæ symptoma sit desperatæ uenosi generis concoctionis. Cum uero urina celeriter descenderit, morbus, cui diabetæ nomen est, oritur: sed hæc urinarum cruda:um est deterrima: deinde uero ea, quæ alba, & tenuis est aquæ instar, his uicina est alia urina, quæ in plerisque morbis colorem, ut uinum, abunde habere uideatur: hanc sequitur subpallida; quæ uero pallida est, iam etiam erit subrufa: eaq; iam concoquitur quantum ad colorem pertinet; hancq; crassitie tantum à diluta recedere oportet, si concoqui recte debeat, quan-

tum etiam colore abest. Quod si colorem, qui ei secundum naturam inest, plane seruarit, subsidens uero album, leue, æquale, & copiosum fiat, exquisitæ quidem concoctionis erit inditium: sed plus crudi humoris expurgari significabit: si uero crassa mediocriter fuerit, & habeat quædam subsidencia, ea non concocta erit omnino: si enim subsidencia parti farine crassioris, aut laminis, aut furfuri similia fuerint, præterquàm quod omnem huiusmodi urinam inconcoctam esse, mortis etiam imminere periculum ostendunt. Quæ uero boni coloris urina est, & simul etiam habet subsidencia lenia, atque alba, & æqualia, aut nebulis quibusdam similia, aut suspensa, ea est omnium probatissima; primæq; tribuuntur ei in qua eiusmodi subsidencia uidentur: secundæ uero ei, in qua suspensa cernuntur: tertiæ porro ei, in qua nebulæ sunt: & denique ea, quæ in urinis probe innatant, quo inferius subsident, eo sunt præstantiora.

De sputis. Cap. V.

SPVTA, quæ subflaua, subrufa, subspumea, & tenuia sunt, solius cruditatis sunt notæ: malum uero nullum insignius denotant; quæ uero syncere flaua, rufaq; sunt, ac spumea, suntq; uiridia, glutinosa, & rotunda, mala sunt, quibus etiam deteriora sunt nigra: nam præter sanguinem, quicumque alius humor superauerit, affectionem præuam ostendit à calore inflâmato ducentem originem;

ORIBASII SYNOPSEOS

cruenta igitur, pituitosaq; sputa, mediocria sunt, flauæ autem, uel atræ bilis difficilia. Cæterum quomodo educantur, primum considerandum est: nam si facile excreentur, ea bona esse perspicuum est: si secus, praua; perfectam namque concoctionem indicat sputum, cum leue, album, & æquale est: subsidetq; neque humidum, neque subcrassum: omnimodæ uero cruditatis signum est, si nihil omnino expuatur: si uero spuatur, sed tenue illud sit, imbecillæ coctionis est inditium; quod si parum sit, rufum, aut flauum, non bonum erit: si liuidum, & æruginosum, uel nigrum, summe perniciosum erit.

De febribus ephemeris.

Cap. VI.

FEBRIVM diariarum proprium, & inseparabile signum est urinarum in primo die concoctio, & caloris suauitas: post primam uero febris solutionem, certiore earum cognitionem habebis: in hac enim motus arteriarum ei motui, qui fuit in secunda uoletudine, est omnino similis: cum nulla ex alijs febribus ad naturalem statum reuertatur: maximum quoque inditium est, cum æger facile fert. His febribus opportuni sunt, in quorum corpore quod transpirat, non halituosum, sed acre, ac ueluti fumosum est: huiusmodi sunt, quorum calida est natura, atque sicca, & ad summam, biliosi. Qui igitur ex lassitudine in febrim inciderunt, pinguius, & molliter sunt perfricandi, & ad balneum ducendi. Qui ex siccitate, minus fricandi sunt illi quidem, sed la-

uandi sunt liberalius. Qui ex curis, mœroribus, uigilijs, atque ira febricitant, non sæpe lauandi, sed multo oleo tepido, cui minime adstringens uis insit, fricandi paululum, & ex consuetudine lauandi. Qui uero ex uisione febricitant, protinus ab initio refrigerantibus curandi sunt, & crebrius lauandi, minime tamen eis largo oleo, & frictione est opus: sint autem refrigerantia rosaceum, & omphacinum salis expers: eadem uero refrigerantia sincipiti uehementer oportet infundere, & cum febris inclinauerit, lauare: si quis uero ex frigore febrim contraxerit, is etiam in declinatione lauandus erit: si uero febris, & destillatione, grauedineq; uexetur, prius quàm hæc concocta sint, lauandus non est: at qui propter uisionem febricitant, ij uel cum hæc adsint, lauari debebunt. A balneo uero amborum capitæ iisdem madefacienda sunt; atque eorum quibus uisio febrim attulit, refrigerantibus, ijs uero, quibus frigus, calefacientibus, quæ sint mediocria, quale est irinum, et nardinum unguentum. Quibus uero meatuum constipatio febrem excitauit, ijs balnea dulcium aquarum, & temperatarum conueniunt; tum frictio rarefaciens, & exercitationes, & uictus succis dulcibus procreandis idoneus. Qui uero ob inediam febre correpti sunt, eos ubi prima accessio remiserit, in balneum perduces, & plurimo oleo tepente perfundes, tum mitissime fricabis, & diutissime in calida solij aqua detinebis: simulatq; exierint, seq; recollegerint, in balneum introducendi sunt, deinde aqua calida potui danda, mox ptisanæ

ORIBASII SYNOPSIS

cremor offerendus : quandoque etiam lactuca, & pisces, qui molli carne sunt, ex albo iure. omnium autem communis victus species esto, quæ boni succi sit, & quæ facile concoquatur, & quæ nusquam medicamentis inhaereat. Vinum dandum quod tum aspectu, tum viribus sit aquosum. In primo autem accessione insultu nonnulla horum quandoque mutanda sunt in istis, in quibus corporis intemperies ad calidum, sic cumque conuersa febres gignit. Qui uero ex bubonibus febricitant, nonne medicum quidem interrogant, quid facto opus sit, sed ulceri, à quo excitatus est bubo, prospicientes, ubi accessio declinauerit, lauantur; istis uinum circumcidendum est, donec bubo fuerit solutus : suntque tenuiore victu nutriendi.

Ex Galenæ de putridarum febrium notis.

Cap. VII.

PUTRIDARUM febrium notæ sunt hæ : ut nulla causa euidens præcesserit, ut neque à rigore febris inceperit, neque ab æstu, neque frigore uehementi præcedenti, id quod non secus est putridarum febrium proprium quam etiam pulsuum depressio : sic enim nominant, cum incipiente accessione pulsus admodum exigui, & inæquales sunt : quod quidem est huiusmodi febrium proprium uel maxime : porro caloris qualitas maxima est putridarum febrium nota : ita enim fuliginosa est, ut uel tactum erodat : maxime uero proprium harum febrium est urinae cruditas, & obscura concoctio : magnum uero, &

notabile concoctionis inditium in urinis nunquam in
hiscē febribus apparet.

Curatio febrium putridarum. Cap. VIII.

ERGO si vires eius, qui ex putredine febricitat,
ualescentes sint, mittendus statim sanguis est; si cru-
ditas ventris non sit: sin vires sint infirmæ, ætas'ue
prohibeat, non erit incidenda uena: corpore euacuato
putrida per urinas, aluum, & sudores expurgan-
da sunt: sin autem sponte sua nonnunquam ad ven-
triculum impetu ferantur, etiam per uomitum: alio-
qui non sunt præter naturam tritanda. Materiæ
autem deligi debent huiusmodi, quæ non ualde cale-
faciendo, & siccando prædictas euacuationes perfici-
ant: cuiusmodi sunt ptissanæ cremor, aqua mulsa,
oxymel, apomel, & apij radix: si aluus non deijcit,
clystere ex aqua mulsa cum oleo ciebitur. Totum ue-
ro corpus, prius quàm uacuatum sit, rarefacere non
oportet: ubi fuerit euacuatum, licebit rarefacere me-
dicamento, quod tepidum calorem habeat, quale est,
quod ex chamæmelo conficitur. Hoc etiam tempore
uinum aquosum potui datum omnes excretiones
mouet: itemq; balneum aquæ dulcis temperatum.
Verum cum febris magnitudo obstet, tum neque ui-
no, neque lauacro, neque unctiōe rarefaciente uten-
dum erit: sed aqua frigida in his febribus potui da-
ta est accommodatissima, nisi etiam aliquid huius
usum impediat: ergo si omnes vires robustæ sint, fe-
brisq; ardentissima, & euidentia signa concoctionis

ORIBASII SYNOPSEOS

appareant, frigidam cum fiducia dabis: ad hæc uero si bonæ habitudinis homo sit, calidâq; , & sicca sit constitutio, etiam si in frigidam natationem hunc dimiseris, nihil lædes: sin autem mediocris sit febris, uiresq; inualidæ, unâ cum signis concoctionis, & balneum, & uini potio, & omnes unctiões rarefacientes ijs profunt.

signa tertianæ. Cap. IX.

TERTIANA febris cum ex motu flauæ bilis exoritur, statim ab initio rigorem non paruum infert: differt autem à rigore quartanæ, quod pungeret, & conuulnere cutim uideatur: in quartanis autem accessionis ingressio uehementiorem perfrictionem habeat: quotidianas uero non rigor præcedit, sed corpus modo perfrigeratur. In tertiana autem est etiam exquisitus ordo pulsuum: eâq; in statu sitim uehementem affert, atque hominem exurit; et paulo post consistit, calorq; per omnes partes æquabiliter diffunditur. si manum iniicias, primo contactu calor copiosus, & acer, ac ueluti cum uapore quodam elatus, occurrit: sed paulo post à manu uincitur. Cum uero æger biberit, statim copia uaporis calidi ex cute prodit, quæ sudores futuros nunciat, uomitus flauæ bilis apparet, aluus soluitur, biliosa per urinam excernuntur: præterea ad integritatem febris peruenit, ubi tempus accessionis non plurimum, quàm duodecim horarum compleuerit: ergo quæ duodecim horis terminatur, exquisitam tertianam nominamus:

namus: quæ uero diuturniorem accessionem habet, eam simplici uocabulo tertianam appellamus: at quæ accessionem habet longissime productam, & exiguum interuallum intercedit, ea tertiana extensa nuncupatur.

Tertianæ curatio.

Cap. X.

TERTIANA febris exquisita, utpote quæ à flaua bili procreetur, humectanda & refrigeranda est. quodq; in uentrem influit, uomitibus; quod ad inferiora uergit, alui excretionibus euacuandum. et item per urinas, atque sudorem educendum. aluus igitur mollibus clysteribus cienda est, urina uero positionibus, in quibus apium, & anethum maduerint prouocanda. Siq; signa concoctionis appareant, confidenter absinthium dabis. Balnea prosunt ex aqua calida potabili, in quibus neque nitrum, neque sal, neque sinapi, sint inspersa, sed oleo maxime calido infuso æger est in balneum ducendus. Qui balneis ualde oblectantur, eos etiam si bis laueris, non errabis. Si uero signa concoctionis morbi se se ostendant, etiam si sæpius laueris, nihil delinques. A uino autem, prius quam morbus concoquatur, omnino abstinendum. ubi uero concoqui cœperit, tenue, dilutum, & modicum ab initio dandum. cibi, quicunque humectant, & refrigerant, accommodati sunt. porro à melle, sinapi, salsamentis atque acribus omnibus, & à uinis natura calidis abstineri ægrum oportet.

R

ORIBASII SYNOPSEOS

Tertianæ nothæ curatio.

Cap. XI.

IN nothis hisce febris in initio lauare non expedit : sed cum iam coctionis signa se nobis offerant . neque cibus est quotidie dandus , sed alternis diebus satis est . Quies & fatus præcordiorum & sorbitiones concoctu faciles , & clysteres non admodum molles iuuant . Si uero sanguinis missione opus sit , ne hæc quidem erit omittenda . Sit autem tota uictus ratio , non quæ refrigeret , humectetq; , sed etiam modus aliquis qui magis calefaciat , atque incidat , adhibeatur . maxime uero conueniet ptissanæ cremor iniecto pipere . uel hyssopum , uel origanum , uel spicam nardi mulsa aqua infundens , & decoquens potui dabis : itemq; alia omnia , quibus urina cieri potest , præter ea quæ uehementer calefaciunt , & exsiccant . Maxime uero post septimum diem absinthij coma danda est . iam oxymel quoque epotum multos iuuat ; & nonnulla etiam ex ijs , quæ aluum leniter subducunt . Vomitus autem à cibo ijs , in quibus hæc febris inueterarit , utilissimus est .

Quartanarum cognitio.

Cap. XII.

QUARTANA febris cum magna refrigeratione inuadit , ut quæ ex frigido humore atræ bilis originem ducat . Calorem uero , atque feruorem , sicut tertiana , non habet . immo uero neque bilis uomitus eam comitatur . Si præterea urinæ albæ tes

nuesq; sint, quartana febris erit. eximium uero quartanæ inditium fuerit pulsus tardus, atque rarus.

Quartanæ curatio.

Cap. XIII.

QVI febrem quartanam habent, leuiter tractandi sunt, eisq; neque medicamentum ullum nehemens dandum, neque tentanda uacuatio; si non utique sanguis redundare uideatur: quo casu secunda uena est. Victus optimus, & minime inflans instituendus. & uenter emolliri consuetis rebus debet. si nihil hæc proficiant, mollibus clysteribus in principio, deinde uero acrioribus agetur. Suilla caro ipsis est circuncidenda, itemq; omnes cibi glutinosi, quiq; tarde permeant: & denique omnes, quicunque refrigerant, atque humectant. Vinum conuenit, quod tenue, albumq;, & modice calidum est. Salsis & sinapi uti expedit: tum aliquot diebus interpositis medicamentum ex tribus piperibus, aut quod diospoliticum dicitur, sumere. piper quoque solum ex aqua quotidie recte capitur. Si æger in morbi principio sit, tenuiore uictu alendus est: statim uero etiam diuturna quies imperanda: uisceribusq; prospiciendum est per ea, quæ molliunt, atque relaxant. post uero utendum erit medicamentis, quæ urinam cient: siq; signa coctionis appareant, tum melancholici humores purgandi sunt. ijq; non semel tantum, sed etiam persæpe. post ualidam uero purgationem, medicamentum quod ex uiperis constat, dandum erit. & item alia, quæcunque ad huius-

R ij

ORIBASII SYNOPSEOS
modi febres commendantur, inter quæ est etiam nobis familiare, quod ex cyneraico succo conficitur.

Quotidianæ febris signa. Cap. XIII.

QUOTIDIANA uero febris non statim primo die cum rigore inuadit: sed temporis progressu perfrigeratio potius, quam rigor exoritur. ægre uero incalescit, & incrementum diuturnum habet. ægrotantes tamen non exurit, neque multum, & crebro trahere spiritum, neque ex ore exsufflare, neque frigidam bibere compellit. Pituïtosi uomitus fiunt. quæ uero aluo excernuntur, frigidiora, crudiora, & dilutiora in hisce febribus inuenies. sudores primis diebus non emittuntur, neque ad integritatem ueniunt. Color est ex pallido & albo mistus. urinae tenues, & albæ: uel crassæ & turbulentæ, & rubræ sunt.

Quotidianæ curatio. Cap. XV.

QUOTIDIANAM curantes oxymelite primis diebus utimur. itemq; ijs, quæ mouere ualenter urinam possunt. tota uero ratio uictus ad incidendum dirigatur, circa statum est habenda uentriculi, & præsertim oris ipsius ratio: deinde ægris iubendum, ut radícula & cibis assumptis uomant. & ijs, quæ uacuant pituitam, utantur.

Februm continuarum inditia. Cap. XVI.

CONTINVAE febres singulis intermittens
tibus finitimæ dicuntur: ac tertianæ quidem exquisi-
tæ ea quæ exquisita ardens est: quotidianæ ea, quæ
singulis diebus habet accessiones, neque ad integri-
tatem redit: sic etiam quartanæ ea, quæ quarto ac-
cedit die. Exquisita enim ardens cum alia omnia ex-
quisitæ tertianæ febris inditia seruet, in hoc solum
ab illa differt, quod neque cum rigore inuadit, ne-
que ad integritatem redit. Ea quoque quæ singulis
diebus accenditur, omnia signa quotidianarum ha-
bet, nisi quod ad integritatem non peruenit. qua in
re ab ipsa quotidiana, quæ specie consimilis est, di-
screpat. Præterea quæ quarto quoque die accedit,
neque ad integritatem cessat, eiusdem generis est
cum quartana. Est ergo febris continua, quæ non
prius ad integritatem finitur, quam omnino fuerit
soluta. Cum autem nulla inclinatio appareat, hæc
quoque ex ardentium est genere: sed ex eo quod illa
acuta est, differt.

Continuarum februm curatio. Cap. XVII.

CONTINVARVM februm curatio est
missio sanguinis usque ad animi defectionem. qui si
non fuerit missus, qui eam febrem habent, ad ex-
tremum periculum deducuntur. Si quid autem eua-
cuare per uenæ sectionem prohibuerit, alijs uten-

R ij

ORIBASII SYNOPSEOS

dum est remedijs, quæ aperiant, materiæ copiam uacuent, & febrium feruorem leniant. Cum uero signa coctionis humorum perspicias, neque in principe particula inflammatio aliqua, aut tumor œdematis, aut scirrhi speciem præ se ferens fuerit, neque particula aliqua adeo frigida, ut noxam ipsa contrahat, audacter aquam frigidam bibendam propinabis: præsertim uero si æger eius assuetus potioni sit.

Ardentium febrium cognitio. Cap. XVIII.

ARDENTES febres hæc comitantur, lingua arida, scissa, & nigra, uentriculi morsus, deletiones pallidæ, sitis uehemens, uigiliæ, & nonnunquam delirium.

Ardentium curatio. Cap. XIX.

IN febribus ardentibus, si perfecte morbus solui debet, horum alterutrum faciendum est, aut biliosos humores excerni, aut extinguere. excernuntur autem aut sudoribus, aut uomitibus, aut per aluum: extinguuntur uero frigida potione, qua non febres ardentes ex toto curauimus. Victus autem ardenti laborantibus conuenit non ex aqua sola, neque ex sola mulsa, sed ex diluta mulsa cocta. nam qui hoc morbo conflitantur, sola potione sunt alendi. Balneum uero ardentem febrem habentibus solum conuenit ijs, qui tumorem inflammationis aut erysipelatis speciem referentem nullum habent: ac tum

maxime conueniet, si coctionis signa appareant. ijs uero qui propter salsum succum ardente febre sunt correpti, minime accommodatum est. Sed eos cremore etiam ptissanæ nutrire conueniet.

Februm, quæ ex affectione erysipelas referente originem trahunt, curatio. Cap. XX.

IN febribus, quæ ex affectione quæ erysipelas refert, exoriuntur, à balneo est omnino abstinendum. aqua frigida per morbi statum uehementi, hoc est frigidissima utendum est, in principio non item. Sed refrigerantia foris imponuntur: siq; nihil hæc iuuerint, etiam intra corpus sumere cogentur. eis autem humidæ lactuæ præcipue conueniunt. extrinsecus uero ipse lactuæ succus est accommodatus, itemq; semperuiuum, & reliqua refrigerantia. hoc autem ut præstantissimo utimur uel maxime. humorem alicuius refrigerantis expressum in pilam cum portulaca iniicimus, deinde his contusis exprimimus, uasq; in aqua gelida statuentes cum usus exigit, parum polentæ tenuis admiscemus: tum linteam duplicatum hoc medicamento intinctum extrinsecus præcordijs admouemus. idq; diu adherere non sinimus, sed aliud frigidum subinde adhibemus. cæterum huic medicamento quandoque omphacinum, aut rosaceum oleum admiscemus.

Hæcticarum febrium cognitio. Cap. XXI.

HECTICA febris non solum in humoribus,

R iij

ORIBASII SYNOPSEOS

spirituq; , sed etiam in solidis partibus consistit . hæc dolore uacat : quiq; ea detinentur , se omnino non febricitare existimant . calorem enim non sentiunt , cum particulæ omnes corporis sint in eis æqualiter calefactæ . Heëticarum sunt duo genera : quorum alterum ardentibus febribus magna ex parte superuenit . quod usque adeo protrahitur , ut tractu temporis madorem corporis cordis , etiam si copiosus adhuc sit , consumat . alterum genus est , quod manente adhuc humore cordis corpus occupans inde accenditur . hæc q; est una februm heëticarum origo nobis exposita . reliqua est , cum ab initio protinus inuadit , primam originem diarijs similem sortita ex mœrore , ira , & lassitudine nimia unà cum exustione contracta . Atque has febres haud difficiliter curabimus . Quæ uero ex ipsis ad marcorem peruenerunt , sanescere nullo pacto possunt . facillime autem cognoscuntur , nam eorum oculos cauos præter modum uidebis , crassiorem pituitam siccam ipsis inhaerentem : squalidam affectionem quandam . uitalis flos coloris euauit . frons sicca est , atque intenta . conuenientq; plerunque ut dormituriæ . uerum affectio non somnus est , sed quia uigilare non possunt . præterea collapsa sunt tempora . nam quid porro aliud præter ossa , cutemq; solam habent ? hos si nudaueris , & partes uentris inspexeris , profecto in eis neque intestinum , neque uiscera ulla tibi superesse uidebuntur . præcordia uero sursum uehementer conuelluntur . cutisq; ipsa est ad summum resiccata . pulsus gracilis , durus , & creber . calor uero primo

contactu, languidus, paulo post acer, & erodens ostenditur. Ita fit, ut usquedum aliquid humiditatis superest, hectica sola febris sit, cum uero periclitatur, ne quid præterea huiusce humiditatis reliquum sit, tum exquisitus marcor iam effectus est.

Hecticarum febrium curatio. Cap. XXII.

QVI febrem hecticam habent, statim ab initio nutrirī propter humores erodentes desiderant. maximum uero remedium est uictus humidus. oportet igitur cremore ptissanæ et alicæ sorbitione ægrum nutrire, & panis aliquid addere, eumq; potione, non uehementer, sed moderate frigida, curare; cum neque inflammatio aliqua, neque humorum subest putrefactio. Si uero magnam fore noxam coniectura consequeris, à frigida potione abstinendum est, utendumq; ijs remedijs, quæ extrinsecus imposita refrigerandi uim habent. Balnea uero huiusmodi ægrotis in quocunque tempore conueniunt.

De semitertianis, quæ hemitritæ dicuntur.

Cap. XXIII.

CVM tertiana cum rigore, quotidiana uero citra rigorem inuadat, quæ ex his utrisque constat, horrorem affert, qui rigore quidem est minor, & perfrictione certe maior: quæ res coniunctis inter se extremis efficitur. ex quo fit, ut non immerito huic febrī semitertianæ nomen sit impositum. Duplici au-

ORI ASII SYNOPSIS

tem modo gignitur . uel enim duæ accessiones in idem tempus concurrunt , uel statim ab initio ambæ inter se commiscuntur . Cum igitur tertiana superat , plus horroris accidit , eidemq; in accessione nonnihil rigoris adiungitur : protinus uero hæc calidior est , atque ardentior : & aliquem bilis uomitum , uel excretionem , uel madorem inducit : cum uero altera pituitosa superior est , tunc frigus partes extremas exercet , exiguiq; horrores sunt . quin ne siticulosi quidem sunt , neque æstu conflantur . at cum pares sunt tertiana intermittens , & quotidiana continua , tum accessionis ingressus cum horrore accidit . cumq; febris orta ex pituita excellit , contractiones pulsuum , horroresq; fiunt ; cum uero calidior præstat , subito incallescunt . atque ea quidem est exquisita semitertiana , quæ ex pari mixture duarum febrium , tertianæ intermittentis , & quotidianæ continuæ exoritur . non exquisita uero maiorem biliosi , aut pituitosi humoris habet copiam .

De morbis publicis. Cap. XXIIII.

MORBOS publicos , communesq; nominant , qui multis simul accidunt : quorum ut origo , ita etiam est causa communis . Cibi igitur communes prauis , communes morbos pariunt : potio item aquæ uitiata , nimia ærumnæ , consueti labores omissi , inedia , repletio dum fames uagatur , aut cum summa est annonæ uilitas : regionum quoque naturæ communes morbos inferunt , quæ interdum palustres sunt ,

nonnunquam barathrum uicinum habent, quod exitiosum, prauumq; uaporem exhalat, atque hæc quidem accidere continenter consueuerunt. Aer uero nos circumstans, qui tum calidior, quam par est, tum siccior, tum frigidior, tum humidior effectus naturas nostras continuo mutat: in alias namque causas neque omnes simul incidimus, neque in eis totos dies uersamur: at aer nos ambiens, & omnibus est foris circumfusus, & per inspirationem attrahitur: ergo necesse est corpora animantium pro aeris temperaturæ commutationibus affici. Hæc qui norit, non solum qui morbi in quaque constitutione futuri sint, præstiget; sed etiam contrarium immoderati circumflui aeris temperaturis uictum instituens, ne fiant, prohibebit. Corpora autem quæ morbo alicui ex propria intemperie uicina sunt, ea à simili circundantis nos aeris temperatura deprehenduntur: quæ uero temperaturam cælo contrariam sortita sunt, ea præterquam quod ab aere non afficiuntur, fiunt etiam meliora, cum temperatura contraria immoderationem corrigat: quod qui cognoscit, is secundam ualitudinem tuebitur, contraria corporibus inducens, partim refrigerantibus utens si ita usu ueniat, partim calfacientibus: aquæ perfusionibus refrigerans, itemq; ocio, & alimentorum penuria, & potione largiore; calefaciens autem operimento, laboribus, cibo liberaliore, & quandoque parcior. Iam uero si quis pyram incendat, is non mediocriter aerem prius humidum, ad calidum, siccumq; permutauerit: quem admodum aiunt Acronem Agrigentinum fecisse.

ORIBASII SYNOPSEOS

De pestilentia ex Rufo. Cap. XXV.

IN pestilentia terribilissima sunt omnia: neque quicquam, ut in singulis morbis, occultatur: nam & deliria, & bilis uomitiones fiunt, & multi sudores erumpunt, & extrema algent, alui profluvia biliosa, tenuia, flatu plena urgent, urinae excernuntur aquosae, tenues, biliosae, nigrae, quae mala habent subsidencia, quaeque in eis innatant, pessima; sanguinis e naribus destillationes fiunt, pectus aestuat, lingua torrida, siticulosaque, tristitia oboritur, itemque uigiliae, conuulsionesque uiolentae, & alia permulta praua, & exulcerantia: atque in pestilentia quidem aliquid quod terribile non sit, terribile, contraque quod alioqui terribile est, non terribile fiet. Si quis uero futuram pestem prospiciat, animum attendens ad anni tempora, quae mala sunt, ad uitae studia bonae ualitudini minus conferentia, & ad ceterorum animalium interitum, cum haec diligenter animo uoluerit, illud etiam debet perpendere, qualis sit praesens temporis constitutio, qualis denique totus sit annus; quibus ex rebus uictus rationem optime sciet instituere: ueluti cum tempus siccum esse deberet, si quidem recte processisset, nunc humidum factum sit, uictus ratione exsiccare necesse est, ut supernuacaneus humor absumatur. Ventris quoque cura habenda est: quibus autem superior uenter pituitam continet, eos uomitibus euacuare: quibus sanguis redundat, uenam secare oportet: itemque purgatio per urinas, &

cæteræ omnes ex toto corpore factæ utiles sunt : si uero ægrotus ardore æstuet, flammâq; ad pectus usque pertineat, non ab re fuerit super pectus imponere refrigerantia, & frigidam offerre potionem, eamq; non paulatim, si quidem magis incenderet, sed affatim, ut flammam restinguat : si uero ardor interiora occupat, extremâq; algent, & summa cutis est frigida, præcordia tenduntur, uenter colliquationes partim sursum, partim deorsum mittit, uigiliæ urgent, deliria fiunt, lingua est aspera, ijs calefacientibus opus est, ut calor per totum corpus diffundatur : & ut ab interioribus partibus ad exteriores trahatur, quacunque fieri ratione poterit, enitendum.

De ijs, qui ob crudorum humorum copiam in
syncopen cadunt, Cap. XXVI.

FEBRICITARE quidam incipiunt, cum magnam crudorum humorum copiam ore uentriculi simul offenso congefferunt. His præcordia intumescunt, & os uentriculi in maiorem molem, quàm secundum naturam sit, attollitur, colorq; ad albidius, aquosiusq; mutatur: quibusdam etiam nigrior efficitur. Nemini ex ijs sanguis mitti sine magna noxa solet. atqui uacuatione indigent: sed neque uenæ sectionem, neque purgationem ferunt, utpote qui etiam sine his in syncopen derepente cadant: ergo frictione sunt curandi: per initia uero morbi incipiendum est, ac primum quidem à cruribus superne deorsum linteis modice asperioribus: deinde uero tota

ORIBASII SYNOPSEOS

brachia superne deorsum fricare conuenit : ubi autem artus satis calidi uidentur , & metus est , ne lassitudinis sensus aliquis inuehatur , tum oleo relaxante utendum est , ab adstringentibus uero abstinendum ; si hyems sit , etiam digerentibus , quale est sicyonium , & chamæmelinum utemur : cum uero artus diu , multumq; fricuerimus , oleum erit deinde abstergendum ; tum ad totam spinam accedendum , eaq; simili modo perfricanda : deinde rursus ad crura redeundum , ab ijs accedendum iterum ad brachia ; tum ad spinam , ita ut per totum diem ad hunc modum æger tractetur . Commodissima est his aqua mulsa , in qua coctum hyssopum sit : uerum neque cibus , neque sorbitio , neque aqua eis danda est , neque permittendum , ut large bibant , sed contenti sint mulsa tribus primis diebus , ita deinceps fricando . Quod si robur mediocre sit , neque recte sit affecta aluus , audacter clystere utitor : si uero impetus excrementorum maior , quàm oporteat , ad aluum feratur , principio mulsa magis coquenda est , quoniam ita minus subducit ; sin autem sit citatior , ne tum quidem sistatur , sed aquæ mulsæ loco , ptissanæ cremor detur : si uero fluere pergat , sorbitione ex alica nutries : si uero propter imbecillitatem uires collapsas esse ex pulsu cognouerimus , par erit panem ex uino diluto dare : si neque uentriculus , neque iecur inflammatione teneatur . quæ quidem si inflammatione urgeantur , cum plenum crudorum humorum corpus sit , desperatus ægrotus est : si uero crassos esse humores uideas , pro mulsa perpetuo oxymel dabis ; siq; æstas sit , ægro-

tusq; frigida potioni sit assuetus, oxymel frigidum dabis, hyeme uero calidum. Balneum est his aduersissimum: si uero quis te uocet ad eos, qui in syncopam iam inciderunt, cum partes, de quibus mentionem modo feci, non sint inflammatae, panem exhibere modicum ex uino poteris; statimq; ad frictionem erit ueniendum, eaq; , ut dictum est, utendum. At quibus propter flauam bilim os uentriculi laedentem syncope accidit, eis potio frigida offerri debet; haecq; uinum tenue, antiquum, atque fuluum esto.

De ijs, qui ob humores tenues syncopa tentantur. Cap. XXVII.

QVI ob tenues humores in syncopen cadunt, contra atque ij, de quibus supra diximus, curandi sunt: hos paulatim continuo nutrimus, siq; iecur, aut uenter inflammatione uexetur, uiribus iam languentibus, hi nulla curatione possunt releuari. In hisce affectionibus cadaueris facies statim apparet: eos igitur nutrire necesse est, eorumq; cutem densare non secus, quam in superioribus erat rarefacienda: frigidus aer est ijs comparandus; unguentis adstringentibus ungendi; alimenta danda, quae non admodum facile defluant: ergo panis, & sorbitiones ex alica conuenient; itemq; fugaces fructus austeri, et qui difficiliter corrumpuntur: hiq; & per se, et uero etiam cum pane; danda etiam sunt oua, et praesertim eorum uitelli, & cerebrum porcellorum: uinum autem dilutum statim sub initio post cibum sumptum est eis necessarium.

ORIBASII SYNOPSEOS

De alijs causis, ex quibus syncopæ oriuntur.

Cap. XXVIII.

ALIAE porro causæ quatuor sunt, ex quibus syncopæ fiunt, dolor uehemens, uigiliæ, immodica euacuatio, et interdum motio delirantium, si uis tu, quintam adde, principiorum intemperiem, ac celerima quidem pernicies subsequitur affecto corde, deinde cerebro, tum breui, iecore.

De dolore. Cap. XXIX.

DOLOR igitur, qui stuporem affert, ex affectione frigida oritur, pulsans uero dolor magnæ inflammationis est proprius: si uero tanquam ab aculeo infixio, aut tanquam à cerebro perforari putes, doloris species est crassi intestini: pungens dolor in membranis uersatur, pertundens uero uehementissimis non heterocranijs solum, sed etiam cephalæis accidit. Est hic dolor, cum à parte quæ primo loco affecta est, seu à radice, statim in uicinas partes perfertur. Distendentes ex utraque parte neruorum dolores sunt, quia ad utraque extrema nerui tenduntur; carent autem nerui doloribus in latum tendentibus; at membrana sub cute exorrecta tendentes, stupefacientesque dolores inducit: quæ uero inter carnem inhaerescunt, earum dolores ueluti dilaniantes sunt; multæ enim sunt, & inæqualiter insertæ, quæ carnem amplectuntur; at earum quæ ossibus adiacent, profundæ sunt,

sunt. dolores, & ipsorum ossium dolentium imaginem referunt. Cum igitur nulla doloris causa extrinsecus orta uideatur, antecedens uictus ratio perpendenda est: utrum in maiore ocio quis uixerit, quam consueffet, an plus cibi ingesserit, idq; ex ualenti materia, an uero excretio aliqua consueta retineatur: si quid horum, aut hæc omnia subesse uideantur, doloris in causa est repletio. quo casu hominem quam celerrime euacuabis. hac enim ratione tibi licebit, cum summa tutela remedijs, in particulis dolore affectis uti, quæ fluxionem repellunt. Ergo si copia sanguinis sit, quæ distendat, protinus incidenda est magna uena, quæ parti affectæ propinqua sit. Si uitiiosi humores solum uexent, est adhibenda purgatio. si utrumque adsit, utroque uacuationis genere utendum ita, ut primum uena secetur. His peractis, si dolor perseueret, planum est, id quod dolorem inuehit, in affecta particula impactum esse: constatq; curationem ipsam in digerentibus medicamentis esse positam. Dolores quoque quos spiritus flatuosus excitauit, curabimus: sed in ijs magis extenuantibus cibis, potionibusq; utemur, & per sedem iniectionibus, & irrorationibus, atque fomentis ipsum corpus ambiens rarefaciemus. Si uero tumor aliquis aut grauens, aut contundens dolorem creet, tumor ipse curandus est. Sin humor erodens affligat, aduersissima ei sunt extenuantia, & calefacientia. anethum uero oleo incoctum dolorem lenit, somnumq; conciliat. id quod uiride potius, quam siccum facit.

CUM excernitur aliquid per uentrem , quod non ab esculentis , et poculentis , sed ex corpore procedit , humore in aluum confluente , qui similis est ei flauæ bili , quæ continuo euomitur , & per secessum deijcitur , ab eaq; differt tum fœditate odoris , tum quod deiectum excrementum magis rufum est , & habet crassitudinem strigenti , et quandoque etiam olei , tunc caro pinguis , & recens compacta ab ar-
denti febre resoluitur , & colliquatur . Si malum in-
ueterarit , etiam aliquid ex solidis partibus liquefcit .
In hac perniciosissima febre utilis est potio frigida ,
quæ à fonte frigidissimo hauriatur . Eiusmodi quo-
que esse debent cataplasmata , & epithemata refri-
gerantia quæ super thoracem , & præcordia impo-
nantur . cibi etiam refrigerantes dandi sunt .

De uigilijs in febribus , ex Galeno . Cap. XXXI.

CUM nimijs uigilijs ægri torquentur , ijs cru-
ra & brachia uinciri quo tempore somno se tradere
consueuerunt , & item excitari iubemus . eosq; pal-
pebras aperire & conuiuere cogimus , donec abun-
de fatigati sint . tum derrepente uincula soluimus ,
lucernam auferimus , multamq; quietem imperamus .

De ijsdem ex Herodoto . Cap. XXXII.

SI uero uehementius uigiliae urgeant , in acces-

sionis remissione abluenda facies est nigrorum papa-
 uerum decocto. naribus autem admoueatur papa-
 ueris albi cortex tostus & tritus. & mandragoræ
 radice tantundem lauigabis, & cum uino ac ro-
 faceo malagma conficies. Fronti quoque imponendum
 est serpillum cum meliloto in passo decoctum. hoc in
 accessionibus etiam utendum est. Vel trita papauera
 ra pane cum rosaceo, uel cerato excipimus, & ad-
 hibemus. victus esto quodammodo plenior. Sorbi-
 tionibus autem imponatur seminis papauerum al-
 borum quantum tria impleat cochlearia. oleribus
 uero admisceatur papaueris nigri, si folia sint, quan-
 tum tribus digitis possis comprehendere, si ea non
 adsint, tria, quatuorue papauera sicca simul inco-
 quantur. Si ne ita quidem somno corripiantur, li-
 quore papaueris, aut succo mandragoræ illinantur.

De graui sopore qui $\nu\epsilon\sigma\tau\alpha\phi\omicron\rho\alpha$ dicitur ex He-
 rodoto. Cap. XXXIII.

FACIES posca, in qua lactis parum sit adie-
 ctum, abstergenda est, extremaq; sunt ualidis ex-
 cipienda ligamentis. naribus quæ uim incidendi ha-
 beant, admoueantur. in remissionibus cucurbitulæ
 dorso, & spinæ egregie affigantur. Si morbus ad-
 huc maneat, in febrium remissionibus quæ sternu-
 tamenta excitant, adhibeantur. ciborum uero ma-
 teria sit, quæ incidendi, diuidendiq; uim habeat.

De canina appetentia.

Cap. XXXIIII.

QUI appetitu, qui caninus appellatur, laborant, ijs pro summo remedio uinum dandum est ex eorum numero, quæ abunde calefaciunt. eiusmodi sunt quæ colore fulua, rubraq; sunt, et minime adstringentia. ijs porro cum ad prandium accedunt, primum pingua, mox alia omnia ex ueteri oleo præparata, in quo nihil austeri uel adstringentis ex se insit, offerenda sunt. post hæc uinum, quod dixi, licet illi non sitiant, dari iubeo; cum enim id diutius fecerint, ipse morbus ita sedabitur.

De cibi fastidio.

Cap. XXXV.

SI uitiosi humores cibi fastidium induxerint, ijs cibos & potiones dare conuenit, qui ad eiusmodi succos uel per uomitum, uel per aluum excernendos, uel ad meliores reddendos sint accommodati. In quibus uero uirium imbecillitas cibi fastidium peperit, in ijs quoniam omnes uires ex particularum intemperie sunt infirmæ, species intemperiei ipsius est curanda contrariis.

De fame ingenti, quam βούλιμον nominant.

Cap. XXXVI.

QUI in itineribus aut alias, magna fame corripuntur, reficiendi sunt tum aliis quæ naribus ad-

mouentur, tum etiam carnibus suillis affatis, atque
 hoëdinis: & ad summam, omnibus, quæ nidoro-
 sum odorem referunt. Extremæ eorum partes deli-
 gandæ sunt, ipsiq; erigendi, maxillæ item pungen-
 dæ, & capilli, aut aures uellicandæ. Cum refecti
 fuerint, panem ex diluta uini potione, aut aliquid
 aliud, quod facile distribuatur, eis dabimus.

De siti immodica. Cap. XXXVII.

SITIM admodum longam ex siccitate, aut
 caliditate particularum, per quas humor ex ore in
 uentriculum importatur, oriri existimandum est.
 Siccitatis autem remedium est somnus, uigiliæ ue-
 ro caliditatis. Nonnulli uero ex uini potione sitibundi
 fiunt, & ex caliditate esculentorum. his remedio
 est frigida potio, sed qui siti quæ extinguï non potest,
 eneçti sunt, quemadmodum cibos uitiosos expetunt
 pro portione humoris uitiosi qui exuperat, ita etiam
 prauas potiones desiderant, ex quibus etiam mortui
 sunt. noui ego, qui uiperas dipsadas comedissent,
 itemq; alios, qui uino ueteri se inebriassent, & item
 nauigantes quicunque ob aquæ potabilis inopiam,
 marinam bibere ausi essent, omnes interiisse.

De siti, Philumeni. Cap. XXXVIII.

SITIM, quæ in febris oritur, lenire con-
 suevit capitis irrigatio ex oleo frigidissimo, aut ro-
 saceo desuper irrorato. Optime uero ad sitim facit

ORIBASII SYNOPSEOS
nigræ lactucae semen commanducatum, & radix
quæ dulcis appellatur, & cucumeris semen etiam
commanducatum, & in ore retentum.

Dioscoridæ catapotium α' δι' Ιου ad sitim lenien=
dam. Cap. XXXIX.

HABET hoc catapotium, seminis cucumeris
satiui drachmas octo. tragacanthæ drach. quatuor.
tragacantha dissoluitur albo ouorum crudorum re=
centium. cum dissoluta fuerit, contritam ceteris ad=
iunge. cumq; emollieris catapotia conficito, atque in
umbra exsiccato. ex ijs unum sub lingua tenendum
præbetur, ut dissolutus humor deglutiatur. Iam
uero dilutum malorum cydoniorum, aut pirorum,
aut mespilorum, aut pampinorum uitis, aut mali
granati liquorem, aut omphacii succum sorbeant.

De nausea. Cap. XL.

CVM æger absque cibi sumptione nausea tenta=
tur, possumus, arbitror, ratione facile comprehen=
dere, uentriculum prauis humoribus uexari. non=
nulli quidem uellicantur, sed cum humor in tunicis
impactus sit, nihil uomunt. ergo pituitosi humores
concoquendi sunt, seruando ægrum in quiete, ine=
dia, & somno. tenuiores uero humores reiicit nomi=
tus, qui nonnunquam ex ptissanæ cremore, non=
nunquã uero ex aqua mulsa sit excitus. Quicunque
autẽ glutinosi et crassi sunt, attenuantia desiderant.

Ex Philumeno, quæ sit uomitioni bilis adhibenda curatio. Cap. XLI.

BILEM uomentibus applicandum est cataplasma ex palmulis, aut malicorio, aut galla uino incoctis, uel posca, pane simul dissoluto. Acacia itidem, hypocystis, balaustium, et rhus cataplasmati adiungantur. Cucurbitula quoque cum largiore flamma affixa, magnopere adiuuat. Cibus sæpe & paulatim dabimus. iis uero, qui atram bilem uomunt, et stomachus flatu est plenus, spongas, acerrimo madefactas aceto imposito. uel hederæ folia in uino cocta adhibeto.

De singultu ex Galeno. Cap. XLII.

SINGULTVS oritur ex repletione, aut inanitione, aut acribus humoribus stomachum erodentibus. quibus uomitu reiectis singultus sedatur. Plerique autem sumpto medicamento, quod ex tribus piperis generibus constat, si statim uinum superbiberint, singultiunt. nonnulli uero cibo intus corrupto à singultu corripuntur. Compertum ergo est, uomitum satis esse ad curandum eum singultum, quem repletio, aut morsus excitauit: eum uero, qui à frigore ortum ducat, calore finiri. Cum autem ex humorum repletione singultus oritur, uiolenta euacuatione indiget, quæ sternutamento præstatur, at singultus ab inanitione abortos sternutamentum non

S iiij

ORIBASII SYNOPSEOS

sanat. singultientibus autem ruta cum uino, uel calamintha, uel nardum celticum datur.

Quæ curatio sit linguæ asperæ adhibenda.

Cap. XLIII.

LINGVAE asperitas humectanda est decocto seminis lini in os laborantis dato. melius autem facit si mixta cum lini semine coquamus, ac digito in hunc succum intincto linguam confricatam, aqua pura abluamus, uel spongia abstergamus, deinde rosaceo illinamus. Atque etiam ipsum rosaceum melli admixtum in id uehementer efficax est. itemq; portulacæ succus in ore retentus. Et rhu obsoniorum mulsæ commissum. Egregie quoque faciunt damascenorum, Et mixarum ossa in ore detenta. necnon Et lactucæ cauliculus.

Curatio exulcerationis, quæ circa os sacrum exoritur.

Cap. XLIIII.

CV M locus incipit rubescere, circulum iustæ magnitudinis ex lana eidem subijciemus: deinde rosaceum, aut myrtinum ceratum conficiemus, quod argenti spumam, aut cerussam habeat, Et imponeamus. Exorta uero inflammatione cataplasma ex pane cum solano, aut herba sanguinali, aut plantagine, aut tenera brassica admonetur: si ulceratio pascendo serpat, lenticula cum malicorio illinenda erit.

De animæ defectione ex inanitionibus. Cap. XLV

CVM propter euacuationes anima deficit, ijs. aqua aspergenda est, nares apprehendendæ, os uentriculi confricandum, uomitus imperandus, quin etiam brachia, & crura liganda sunt: ligamentaq; plura, & uehementiora esse debent; atque à superioribus partibus ad inferiores, & ab inferioribus ad superiores pertinere. Dissolutiones porro ex subitis euacuationibus ortas uinum frigida temperatum curat, si nihil, ipsum dari, uetet. Balnea ad defluxiones in uentriculum sunt accommodata uel maxime: sed sanguinis profluvia uehementer proritant: ijs præterea qui propter nimiam sudoris copiam resoluntur, infensissima sunt: quandoquidem eorum cutis non laxanda, sed refrigeranda, atque adstringenda est: ijsq; præcipue frigidum uinum dare conuenit.

Si anima deficiat ob plenitudinem. Cap. XLVI.

QVI ob plenitudinem animo destituuntur, ijs confricandi sunt artus, calefaciendiq; ac uinciendi a uino ciboq; abstinendi; itemq; à balneo, si febrem habeant, ijs satis est potio mulsæ, in qua uel thymum, uel origanum, uel pulegium, uel hyssopum sit incoctum: eisdem quoque oxymel est idoneum.

ORIBASII SYNOPSEOS

Curatio ad sanguinis destillationem. Cap. XLVII.

QVIA destillatio, quæ ex contusione, uel densitate euenit, totius corporis, aut capitis redundantiam indicat, largior autem excretio potest redundantiam minuere, atque laxare, consentaneum est, ipsam inde moliri, unde natura initium mouendi sumpserit: accommodatius enim inde, quàm aliunde dueitur. Cum hæc mecum ipse reputarem, non ueritus sum in quartanarum destillationibus scalpello, ut est in more positum, uasa quæ in naribus sunt, uulnerare: qua quidem in re non exiguo sanguinis fluore contentū esse, sed detrahere pro uiribus oportet.

FINIS SEXTI LIBRI.

SEPTIMVS omnium ulcerum, sanguinis
profluuij, cicatricum, neruorum conuulneratorum,
defluxionum, gangrænæ, abscessuum, strumarum,
fistularum, formicarum, & elephantiae curationes
exequitur. Cuius hæc sunt capita.

De simplicibus ulceribus.	Cap. Primum.
De causis ulceribus.	Cap. II.
De ulceribus, quibus est inducenda cicatrix.	Cap. III.
Quomodo caro ulceribus supercrescens exedatur.	Cap. IIII.
Ad ulcera, quæ in summa cute sunt, ad intertrigi- nes, ad abrasa, inueterata ulcera, senilem, te- neramq; cutem.	Cap. V.
Ad ambusta.	Cap. VI.
Ad exanthemata.	Cap. VII.
De pruritu.	Cap. VIII.
De pustulis, quæ phlyctænæ dicuntur.	Cap. IX.
De ulceribus, quæ cicatrice obducta iterum rumpun- tur.	Cap. X.
De ulceribus malignis.	Cap. XI.
Ad carbunculos.	Cap. XII.
De cancro.	Cap. XIII.
De carne contusa, & sanguinis coitu subter cutem, quod ecchymoma nominatur.	Cap. XIIIII.
De ruptis, & conuulsis.	Cap. XV.
De luxatis, & contusis.	Cap. XVI.
Quæ spicula, surculosq; educant.	Cap. XVII.
De reduuijs.	Cap. XVIII.
De ulceribus articularum.	Cap. XIX.

De sanguinis profluuiio.	Cap. XX.
Ad cicatrices nigricantes, et quæ ex impetigine fiunt, et ad stigmata.	Cap. XXI.
De nervis uulneratis.	Cap. XXII.
Ad articulos luxatos.	Cap. XXIII.
De inflammatione.	Cap. XXIIII.
De affectione, quæ ex defluxionibus fit.	Ca. XXV.
De ijs, qui ex affectionibus, quas defluxio concitauit, purulenti fiunt.	Cap. XXVI.
De gangræna, et sphacelo Galeni.	Cap. XXVII.
De abscessibus.	Cap. XXVIII.
De strumis, et phymate.	Cap. XXIX.
De fistula.	Cap. XXX.
De bubonibus.	Cap. XXXI.
De erysipellate, hoc est igne sacro.	Cap. XXXII.
De herpete.	Cap. XXXIII.
De scirrhis.	Cap. XXXIIII.
De œdemate.	Cap. XXXV.
De terebintho.	Cap. XXXVI.
De epinyctidibus.	Cap. XXXVII.
De ligamentis dissectis.	Cap. XXXVIII.
De thymo.	Cap. XXXIX.
De ficis.	Cap. XL.
De furunculo, qui dothien uocatur.	Cap. XLI.
Ad epinyctidas.	Cap. XLII.
De uerrucis, myrmecio, et similibus.	Cap. XLIII.
Ad ganglia.	Cap. XLIIII.
Ad perniones.	Cap. XLV.
Ad digitorum, totiusq; pedis rimas.	Cap. XLVI.
Ad pudenda ulcerata.	Cap. XLVII.

De leuce, alphi, melane, lepra, & scabie.

Cap. XLVIII.

De impetigine.

Cap. XLIX.

De inflatione.

Cap. L.

De elephantia.

Cap. LI.

ORIBASII SYNOPSEOS

AD EVSTATHIVM FILIVM,

LIBER SEPTIMVS.

De simplicibus ulceribus. Cap. Primum.

¶ VONIAM simplex ulcus est solum diuisio, si quis partes diuisas fascia in orbem circundata committat, diductæ partes absque ullo negotio coalescent. Cum uero alterum ulceris labium in obliquum uersum sit, inde incipienda est deligatio, & in contrariam partem adducendum: cum uero in utranque partem labia sunt diducta, principium deligandi ab utroque sumendum est, atque ita labia in unum adducenda: nam cum nihil intra oras inciderit, ut pilus, aut arena, aut oleum, aut sordes, aut aliud generis eiusdem, ulcus omnino concresecet. Verum si magnum ulcus sit, ut partes diductæ in unum penitus conduci non queant, aut sanies sit ibidem accumulata, aut dolor urgeat, huiusmodi ulcus ex sola coniunctione conglutinari non potest: opus uero est medicamento exsiccante, quod aggregatam saniem consumat, & ne alia præterea fluat, impediat. Ex liquidis igitur optimum est uinum, deinde posca, atque etiam mulsæ. Inter cætera uero ulcus glutinant folia quercus illita, itemq; salicis & brassicæ: necnon etiam chamææ fructus & folia, succusq; austerioris, &

siccioris plantaginis: papyrus posca, aut uino imbu-
 ta, & in orbem circundata. Recentia uero ulcera glu-
 tinant pini, & piceæ folia, & cortex recens instar
 ligamenti inuolutus: spongia noua cum aqua, aut
 posca, aut uino, caseus recens ante læuigatus. Ex-
 trinsecus autem imponuntur folia lapathi, aut uitis,
 aut betæ, aut lactuæ. Caseus uero ex acido lacte con-
 fectus etiam uulnera maiora conglutinat: pira syl-
 uestria fluxionem reprimunt: cauda equina herba il-
 lita neruos etiam incisos iungit. Isatis satina ulcera
 in duris corporibus etiam si in capitibus musculorum
 sint, persanat: cupressi folia, & germina, nouelli
 globuli, et teneri in duris quoque corporibus profunt:
 sed eis miscenda est in puluerem redacta aranea,
 quæ farinam excipiat è muro molis uicino: myrrha
 ex aqua illita, uel thuris lacryma: terrestres lumbrici
 etiam neruos præcisos agglutinant, pentaphylli fo-
 lia cum melle, allia combusta illita. Ad ulcera autem
 inueterata facit anagallis cum cerato; itemq; horde-
 um combustum, & cerussa cum cerati myrtei tripli-
 cato pondere. Ad ulcera capitis myrrham aridam in-
 sperge, eamq; non madefacito, nam celeriter in unum
 conducit; uel aridam aloen, aut aristolochiam ex
 aqua tritam: id quod ossa quoque committit: aut thu-
 ris lacrymam, et myrrham paribus portionibus con-
 tere, & cum melle, & uino coque, donec mediocrem
 spissitudinem acquirant, deinde linteo imposita appli-
 cato. Ad uulnera porro, quæ cum dolore, & in-
 flammatione affligunt, ualet malum punicum dul-
 ce uino incoctum, tritumq; et illitum; est enim hoc

ORIBASII SYNOPSIS
remedium admirabile, & usu multiplici commenda-
tum: nam & ad ulcera capitis, & pudendorum,
& ad ea quæ in toto corpore dolorem inuehunt, &
item ad inflammationes oculorum est accommodatum.

De causis ulceribus. Cap. II.

CAVVM ulcus humidum est, atque sordidum,
eo fit, ut medicamenta postulet, quæ modice exsic-
cent, & abstergeant: huius generis sunt lacryma
thuris, farina hordei, fabarum, & erui, iris, ari-
stolochia, cadmia, panax, & pompholyx: si medi-
camentum ad creandam carnem adhibitum nihil pro-
ficiat, ad aliud erit sic transeundum: si maior sordi-
um copia, ulcusq; ipsum sit humidius, scire conue-
nit, medicamentum minus desiccasse: idq; mellis ad-
mixture erit intendendum: si purum, & absque hu-
more uideatur, plus quàm oportebat exsicasse: idq;
olei, & cerati mixture erit molliendum. Fit quan-
doque, ut cum medicamen sit uehementius, pars
aliqua carnis colliquescat ita, ut ulcus sordidum, &
humidum perinde appareat, ac si medicamentum
minus quàm par est, exsicasset: sed huiusmodi ul-
cus dum consumitur, magis cauum efficitur, labra
intumescunt, rubetq; ipsum, & inflammationis est
particeps: & sæpenumero ager se erodi manifeste
sentit. In eo uero, in quo medicamentum minus ex-
siccatur, nihil tale euenit: putredo igitur lignorum, &
præsertim eorum, quæ moderate adstringendi refri-
gerandi, & abstergendi ui prædita sunt, quemad-
modum

modum ulmus, ulcera purgat, eaq; purgata carne implet. anemonæ quoque appositæ idem præstant. Pini cortex derasus, contritusq; cum cerato & lin-
teis illitus cauis ulceribus, & præsertim recentibus adhibetur. ea enim carne replet. Cavitates autem sordium plenas expurgat marrubium cum melle, aristolochia cum melle, & oliuæ colymbades illitæ.

De ulceribus, quibus est cicatrix inducenda.

Cap.

III.

SI carnem ulcerum, quæ ad cicatricem perdu-
cenda sunt, ita exsiccemus, atque adstringamus, ut
non solum id quod præter naturam abundat, discu-
tiamus, sed etiam id quod secundum naturam est,
attingamus, ulceris extremitatem cuti similem effi-
ciemus: & ulceri cicatrix inducetur. ualent autem
ad hanc rem, galla immatura, & malicorium mo-
dice exsicicans, quæq; citra adstrictionem, rosionemq;
exsiccant. atque hæc etiam cicatricem inducunt: ut
myrrha, spuma argenti, & ostrea, si crementur.
hæc namq; sicca inspersa ad cicatricem sæpenumero
perduxerunt, pini cortex cum myrteo cerato, hede-
ræ flos cum cerato, lilij radix cum rosaceo. Veteræ
autem ad cicatricem perducit uiscum cum lachrymæ
thuris, ærugo & diphryges paribus portionibus cum
myrteo cerato.

Quomodo caro ulceribus supercrescens exedatur. Cap. IIII.

CARO ulceribus supercrescens tollitur medicamentis, quæ ualenter exsiccant: cuiusmodi est asij lapidis flos, & testacea omnia combusta mediocriter: & erinacei utrique cum toto corpore concretati; itemq; diphryges inspersum. Atramentum uero sutorium & squamam æris insperge.

Ad ulcera, quæ in summa cute sunt, ad intertrigines, ad abrasa, inueterata ulcera, senilem, teneramq; cutem. Cap. V.

ARGENTI spumæ chrysitidis drachmæ L. ceræ drach. XX. resinæ siccæ ex picea drach. XII. olei hemina. argenti spumæ in oleo coctæ ceram & resinam adijcito. ubi emplastri spissitudinem acquisuerint, ab igne auferto, in pilamq; conijcito, & emollitis utitor. Sed cutis abrasa non est ab ulceribus amputanda, sed medicamentum ei indendum: & foris etiam aliquod medicamentum accommodatum imponendum. sic enim, licet iam nigrescat abrasa cutis, sæpenumero agglutinatur. Si uero ulcus carne nudum sit, cicatrix difficiliter inducitur, cum et erodatur, & sordidum sit. Abrasa autem ab inflammatione tuetur rhu rubrum læuigatum cum melle illitum. & iunci rotundi coma cremata & cum melle imposita. Ad intertrigines uero, quæ a

calceis efficiuntur, ualet pulmo agninus, & suillus, & caprillus. Porro cutim ab æstu adustam non inuuant ea, quæ calefaciunt, sed quæ inflammacionem sedant. hic uero cinis exsiccandi uim habet, cepam cum adipe gallinaceo læuigato, gallam adurito, contundito, & illine. acaciam aceto dilue, & inungito.

Ad igni combusta. Cap. VI.

QVÆ igni combusta sunt, medicamentis indigent quæ citra euidentem calorem aut frigiditatem abstergeant. ergo terra chia, & cimolia, & terra omnis leuis illita ex aceto non ualde acri, uel aqua admixta egregie facit, & pustulas uetat excitari. itemq; ouum integrum crudum statim impositum lana molli exceptum. nam & moderate refrigerat, & citra mordicationem exsiccat. præterea atramentum scriptorium illine. lenticulamq; ubi decoxeris tere, & illine. Lixiuuium cum calce uinacerato admisce, illitumq; linteolo impone. partes ulceratæ porris tritis oblinuntur. Columbinum stercus linteo inuolutum combure donec in cinerem redigatur, eoq; oleo diluto utere. mirifice autem facit pini aut piceæ cortex, aut adiantum siccum læuigatum, aut myrti folia combusta, & trita. horum uero unumquodque etiam cum cerato coniunctum facit. Ad uestiones uero ex aqua calida priusquam pustulæ prodierint, aqua oliuarum halmadum continue aspersa ualet. ipsæ quoque oliuæ contusæ imponun-

ORIBASII SYNOPSEOS

tur. aut alumen scissile ex aceto contere, & illine.
Vel, ut Adamantinus facere solebat, liliorum bulbos cum rosaceo tere & ad sordium spissitudinem redige, atque illine.

Ad exanthemata. Cap. VII.

EXANTHEMATA ex crassis humoribus in cute concretis, & magis cum superior pellicula est densior, oriuntur. Qui hoc morbo vexantur, per cutem sunt uacuandi, nec procul in altum attrahendum est per aluum aut uomitus euacuando. Sed nemo putet, me id consilij dare, huiusmodi humores non esse per aluum euacuandos: quia in quibus humorum plenitudo infixæ est, primum est adhibenda purgatio. quod si quis non faciat, sed prius discutere aggrediatur, humores obstruet potius, quam per cutem euacuabit. porro humorum qui cuti sunt impacti, curatio ex adurentibus & calefacientibus ineunda est. idq; præcipue cum lata fuerint exanthemata. ea enim humorem neque tenuem, neque calidum; sed satis & frigidum & crassum esse indicant. Ergo lauri tenerorum foliorum, & rutæ, et mannæ pares portiones conterito, atque illinito. Cerae drach. octo. sulphuris tantundem, * salis drach. VI. arida conterito, usq; olei mediam heminam asfundito, & simul incoquito: & emplastro facto utitor. Sed coctioni est diligenter assistendum, siquidem ualde efficax medicamentum est.

Alter
codex
habet
aloes.

De pruritu. Cap. VIII.

PRVRITVS excitandi sunt, cum ex alto euocare humores oportet: prohibendi uero, cum partes prurientes periclitantur, ne aut scabie, aut lepra, aut aliquo alio maligno ulcere corripiantur. cæterum prohibentur medicamentis repellentibus, uel etiam pruritus tolerando, neque contrectando: siquidem ita quoque sedari pruritus consuevit. Pruritus uero à scabie excitatos aqua marina calida, aut aceto calido perlue. Simili quoque modo agrestis cucumeris decocto persperge. Vel uitis ueteris corticem infictili frigito, eoq; locum scabiosum fricato, butyroq; illinito, & alligato. hocq; medicamento donec locus confanescat, utitor. Iam uero opium cum liquido cerato inunctum & pruritus, & pustulas, quæ psidracia dicuntur, mitigat.

De pustulis, quæ phlyctænæ nominantur.

Cap. IX.

PHLYCTAENAS quoque acuta acu, qua parte defluxus humoris subest, perforare oportet: deinde humorem leuiter exprimere, & cutim obductam sinere. Si occluso foramine phlyctæna impletur, ea erit eodem modo perforanda: & cutis comprimenda. atque ita compressa seruanda est, donec id, quod sub ea ulceratum est, ad cicatricem ueniat. Antequam igitur pustulæ erumpant, coctam len-

ORIBASII SYNOPSEOS

ticulam cum aqua læuigatam illinito : aut mali grana-
nati uirgulta cinere calido tepesacta imposito , lo-
cumq; torrefacito. Si autem ruptæ fuerint, ulcusq;
sit excitatum, adeps suillus liquefactus cum lenticula
læuigata linteo illinitur, & imponitur, aut lilij ra-
dix aqua incocta & contrita cum cerato adhibetur.

De ulceribus quæ cicatrice obducta iterum rum-
puntur. Cap. X.

NONNULLA ulcera sunt, quæ induc-
ta cicatrice, frequenter non multo post tempore, ite-
rum inflammatione infestantur, & rumpuntur,
etenim osse aliquo affecto, quandoque caro circun-
data ad cicatricem facile perducitur, & sanitatem
plane uidetur adepta esse : sed cum humoris ualidus
defluxus paulatim ex osse in profundo corrupto, de-
labitur, tum & inflammatio, & pus suboritur,
quibus cicatrix obducta deraditur. ecquæ igitur est
horum ulcerum curatio? nimirum tanta exsiccatio
ut os affectum decidat. Ossium autem sinus conca-
uos facile replebis, si papaueris syluestris, & ficulna
folia læuigata cum polenta & uino illeueris, aut si
alterci seminis & atramenti sutorij par pondus con-
triueris, & imposueris. Paucedani uero radix os-
sium squamas celeriter disiungit.

De ulceribus malignis. Cap. XI.

MALIGNA ulcera, quæq; difficulter ad ci-

cicatricem perducuntur, itemq; chironia, & putrida
 lemnia sphragis uehementer adiuvat. eius usus quan-
 titas ex malitia ulceris æstimatur. nam ad ulcus
 quod tetri odoris est, admodumq; flaccidum, & sor-
 didum lemnia ex aceto acerrimo diluitur ad luti spif-
 situdinem. adhibetur quoque ex uino, aut aqua,
 aut oxymelite, aut posca, aut mulsâ, aut quoquo
 modo usus postulet. Accommodatum uero medica-
 mentum erit, si quis eam in pila plumbea cum plum-
 beo pistillo confecerit, rosaceum aut immaturum
 oleum affundens, aut semperuiuæ succum, aut co-
 tylidonis, aut lactucæ, aut psyllij, aut omphacij: et
 tanquam liquore aliquo ulcera confricuerit, atque
 inunxerit. optimum enim habebit medicamentum
 ad carcinode, malignaq; ulcera, ad pudendorum,
 testium, & mammarum inflammationes. & item
 ad sedis ulcera, aut rugas eminentes. porro centau-
 rium minus recens inueteratis ulceribus, et quæ dif-
 ficulter cicatricem recipiunt, ad cicatricem perducit,
 & maligna sanat: itemq; cupressi folia, & germi-
 na, & globuli noui & teneri: & humores qui in
 flaccidis, & putridis affectionibus in profundo sunt
 demersi sine molestia & tuto depascunt. Cyperi ra-
 dices ulcera, quibus propter nimium humorem in-
 duci cicatrix difficulter potest, mirabiliter iuuant.
 Cucurbitæ aridæ combustæ cinis ulceribus humidis si-
 ne inflammatione putrescentibus, & præsertim ijs,
 quæ in pudendi præputio sunt, conuenit. Simili
 quoque modo benefacit anethi radix. plantago etiam
 malignis ulceribus, defluxionibus, et putredini con-

ORIBASII SYNOPSIS

uenit. & isatis satiuā omni ulceri maligno uiriliter
obsistit, licet putrescat, licetq; depascatur. Si uero
uehementior forte, quam agrinatura ferre queat,
tibi uideatur, eius foliis laeuigatis addere oportebit
uel panem, uel hordeaceam farinam, aut frumen=
taceam, aut polentam pro ratione affectionis, quæ
in unoquoque sit. Testaceis porro utimur ad cauita=
tes diuturnas, quæq; uix carne implentur, quæ ex
defluxionibus fiunt, & fistulosæ ac profundæ sunt.
Lanæ autem combustæ carnes flaccidas ulcerum ce=
lerrime liquefaciunt; platani uero cortex combustus,
atque inspersus, ulcera quæ propter nimiam humi=
ditatem flaccida, sordidaq; sunt, curat. paucedani
radix malignis ulceribus illita præstantissimum me=
dicamentum est. nam & purgat, & carne replet,
& ad cicatricem perducit. aloë ulcera, quæ ægre
ad cicatricem perueniunt, & præsertim quæ in sede
& pudendis sunt, curat. est etiam ad earundem
partium inflammationes utilis ex aqua dissoluta. Vl=
cera uero antiqua sanat cera in sole emollita cui mul=
tum squamæ æris, aut chrysocollæ sit adiunctum.
est autem linteo illinenda, & adhibenda, cuius sple=
nium non est continuo auferendum. Ad chironia
autem ualet hoc, quod habet squamæ æris drach. X.
ceræ tantundem, aluminis drach. II. ceram calefa=
cito, emollitoq; , & arida in pollinem redacta excipi=
to, usq; linteo impositis utitor. Ad effera autem ul=
cera malicorium laeuigatum combustum imposito.
aut alumen scissile ustum tritumq; inspergito. aut
hoc medicamentum adhibe, quod constat ex hyssopi

drachmis quatuor. uuae passæ drach. quatuor. nitri drach. II. loco prius melle illito hæc trita applicantur. Putrida uero & depascentia ulcera ualentioribus remedijs indigent. qualia sunt chalcitis, auripigmentum, & calx. hæc enim æque, ac ignis, adurunt. & quandoque iis à morbo uictis ad ignem confugimus. Iam uero marrubium ex uino coctum illine. eruum læuigatum cum melle impone. oliuæ teneræ folijs in uino coctis & contritis eodem modo utitor. præterea marina aqua calida perfundenda. cæterum uermes, qui in ulceribus putrescentibus sunt, calaminthæ succus aufert.

Ad carbunculos. Cap. XII.

SANGVIS melancholicus effectus atque feruescens, cutimq; accendens carbones gignit. quocircacum crusta exoriuntur pustulis, quæ phlyctæne appellantur, alius præcedentibus: ut in igni ambustis fieri consuevit. febrim quoque acutissimam, & periculum celere inuehunt. cum uero pruritu uexentur, quandoque una, quandoque plures pustulæ erumpunt exiguæ, & frequentes, et continuæ milio similes, quæ ruptæ ulcus pariter cum crusta faciunt, cuius color quandoque cinereus est, quandoque niger, caro uero circumdata feruida inflammatione tentatur, nigroq; colore perfunditur; & non secus quam bitumen et pix splendet. huiusmodi uero est bilis exquisitè atra. Qui adhibere huic morbo medicinam uelit, ei à uenæ sectione incipiendum est,

ORIBASII SYNOPSEOS

euacuandumq; usque ad animi defectionem. Scarificare quoque post sanguinis missionem non erit incommodum. id quod altioribus plagis propter succi crassitiem erit faciendum. affectæ autem particule inducuntur, quæ moderate repellunt, atque digerunt: quale est cataplasma quod ex plantagine, & lenticula cocta constat: cui mica sit adiuncta panis, qui in furno confectus sit, qui neque ualde à fure fure sit purgatus, neque ualde sordidus sit. Super ipsum uero ulcus aliquod medicamentum ualens imponemus, ut quod ad Andronem auctorem refertur, uino dulci diluentes ad sordium spissitudinem. Sedata autem feruida illa inflammatione, ulceri perinde atque alijs, cicatricem inducimus. Auellanae ueteres oleosæ carbunculos ad pus perducunt, itemq; cupressi folia & germina, noui & teneri globuli cum polenta, uua passa acinorum expers, et trita. ficus cocta in uino contusa.

De cancro. Cap. XIII.

I A M uero canceri quoque ex atra bili feruente oriuntur: quæ si acrior fuerit, cum ulcere erumpunt: quam ob rem colore nigriore sunt quam inflammationes: uerum absque caliditate: sed in his uenæ magis, quam in inflammationibus implentur, & distenduntur, neque ita rubent, ut in inflammationibus, sed color earum sanguinis colori respondet. cæterum cancer propter huius humoris crassitiem non sanescit: siquidem neque repelli, neque discuti queat,

neque totius corporis purgationibus cedat : mitioraq;
 medicamenta adhibita negligat , à uehementioribus
 autem magis iritetur . Possumus tamen in initio pro=
 hibere , ne augeſcat , melancholici humoris euacua=
 tione : prius quàm altius in affecta particula impin=
 gatur . Euacuabimus autem , aut ex aliquo ſimplici,
 ut epithymi drach. quatuor in ſero lactis , aut mulſa
 propinatis , aut ex hiera , quæ ueratrum nigrum re=
 cipiat : loco autem affecto ſuperpoſitum in ulceratis
 facit ſine dolore hoc medicamentum : ſolani ſuccus
 linteo molli in eo intincto adhibetur : extrinſecus uero
 lana molliuscula eodem quoque ſucco imbuta applica=
 tur , adhibita diligentia ne hæc ſicceſcant , ſucco cōtinen=
 ter affuſo . Erit etiam ex ulceratis cancris accommoda=
 tum id medicamentum , quod ex pompholyge conſtat.
 Viſtus autem ægrotanti inſtituatur ex ptiffanæ cre=
 more , & ſero lactis : & ex oleribus , ex malua , cu=
 curbitaq; , & his ſimilibus : ex piſcibus uero ſaxati=
 les ; itemq; aues omnes , præter paluſtres conueniunt.

De carne contuſa , & ſanguinis coitu ſubter
 cutem , quod ecchymoma dicitur.

Cap. XIII.

CUM caro ab aliquo pondere ſuperincidente
 contuſa ſit , exilesq; uenæ , quæ in ea ſunt , ruptæ
 fuerint , ſanguis profunditur , ut ſolet cum tunica
 uenarum rariore facta tranſcolat : iſq; ſub cute col=
 lectus facit id , quod ecchymoma nominatur cute
 etiamnum integra . Noſtrum in hoc conſilium eſt , con=

ORIBASII SYNOPSEOS

cretum sanguinem dissipare : id quod celeriter faciendum est , ante quàm nigrescat . In initio autem adstringentia sunt digerentibus admiscenda , propterea quod tunicae uenarum contusae densatione indigent : post hæc uero solis digerentibus , sine adstringentibus utimur : scarificatis autem initio ecchymomatis reliquam deinde curationem adhibemus . Horum porro species sunt quæ sugillata appellantur , & liuores ex ictu contracti , & inter ungues sanguinis concursus ex percussione proueniens . Cæterum pellis ouis recens detracta eos , qui flagris cæsi sunt , potius quàm alia omnia , die unico persanat : præterea hydropiper unâ cum fructu illitum sugillata , & induratos tumores adiuuat , & discutit .

Deruptis , & conuulsis ,

Cap. XV.

RVPTA cum ecchymosi omnino fiunt : medicamentisq; mediocriter calefacientibus curantur : quæle est acopon , quod ex nigra populo conficitur , & quæ similia sunt : Curandum uero est , ut in ruptis , quæ in profundo corpore hærent , medicamentorum uis intendatur , ut magis acria , magisque incidentia admoueantur : talibus autem cucurbitulae usus prodest : cæterum cum totum ecchymoma celeriter perhalitum digestum est , rupta caro facile coalescit : sin longiore spatia , sordes subnascitur ita , ut iam coire ruptio non queat : labra enim inter se tantum prope admouentur , ex quo fit , ut leue momentum ea fa-

cile separet: & medium locum aliquo humore impleat: & quodam modo nouum continuo ecchymoma gignatur, & primo simile, nisi quod hoc celerius, quàm illud, digeritur: constatq; ex tenui sanie, cum prius ecchymoma esset à sanguine. Conuulsa autem fibris quibusdam distractis fiunt, leniriq; tantum desiderant, quoad dolor sit leuatus, conglutinari enim non possunt: cæterum aristolochia rotunda ruptis, & conuulsis, si quid aliud, est accommodata: itemq; maioris centaurij radix, eiusq; succus, & rheum, & costus, & bdellium cum oxymelite in potu acceptum.

De luxatis, & contusis. Cap. XVI.

AD articulos luxatos, contusosq; ualent lanæ succidæ, spongia oxelæo imbuta, & imposita, bulbi elixi teneri cum melle, aut cerato: sal læuigatus, farina cum melle, agni folia, & sal, & nitrum tostum cum cerato: utere etiam aquæ marinæ calentis superfusione. ubi inflammatio, doloresq; conquieuerint, partes eluxatas etiam confricare rite poteris.

Quæ spicula, surculos, spinasq; educunt.

Cap. XVII.

SPICVLA, arundines, spinasq;, & surculos educunt ambæ anagallides, aristolochia, ammoniacum cum melle, alterci fructus tritus illitus. Arundinis radicem contunde, & melli admixtam in linteis

ORIBASII SYNOPSEOS
large illinito, imposito, atque alligato, subito enim
educit.

De reduuijs. Cap. XVIII.

REDVVIAS paruas, & incipientes galla
cum melle reprimat, & prohibet confirmari: ubi ue-
ro caro præter naturam excreuerit; consilium est,
eam erodentibus absumere, & colliquare: Valet au-
tem ad reduuias aurium sordes, & lycium: quæ
uero suppuratæ sunt, acu perforari, humorq; emit-
ti, & sponsa aqua imbuta imponi debet: aut len-
ticula cum aqua trita illini: uel etiam rosis uiridibus,
aut siccis aqua perfusis, tritisq;: aut polenta trita
cum aqua: caro autem est ex omni parte ab ungue
ramentis linteis abducenda: porro ungues contusos
myrti, & mali punici folijs teneris contritis illine:
unguibus autem subcruentis farinam pice admi-
xtam adhibe: ut autem ungues, qui male affecti fue-
rint, decidant, sulphur tritum suillo adipe exceptum
imponere: ut uero scabri quoque abscedant, utitur hoc,
quod habet uisci quercini, sandarachæ, fœni græci
singulorum unc. duas, cantharidum thapsiæ singu-
lorum unciam, aceti quantum satis est. Ad idem ua-
let fex sicca cum cerato imposita, aut caro ficuum
abiectis seminibus contusa, aut unguem pice sub-
unctum sulphure, & sandaracha tritis pari pon-
dere illinito: unguis autem diligenter radendus, ad
æqualitatem redigendus, & uinciendus est: uten-
dumq; ijs, quæ ad ungues abscedentes ualent: super

reduuias autem, quæ in digitis sunt, thuris lachrymam tritam impone, & alliga: aut eruum tritum eodem modo: aut thuris infecti drach. unam, sandarachæ duplum: trita radici unguis applicato: diligenterq; inspergito, supra uero linamenta sicca posito: hoc statim reduuias exsiccant. Est et aliud bonum, quod etiam ualde est ad maligna ulcera accommodatum: gallarum, malicorij acidi, squamæ rubri æris, & caricarum combustarum pares portiones tere, et misce cum melle, & ad unguenti spissitudinem redige: linamenta intinge, & bis in die impone, & liga, locis neque unctis, neque madefactis: si uero humor subsit, sponsia uino perfusa eundem abstergebis.

De ulceribus articulorum. Cap. XIX.

ARTICULI sunt carnosæ partibus sicciores, idcirco cum ulcerati sunt, siccioribus egent medicamentis: ergo Polyidæ pastillus ex uino ad sordium spissitudinem subactus, itemq; medicamenta, quæ æque ac is, desiccant, probe faciunt: marina quoque & muria sæpenumero irrigatos articulos melius affectos uidimus: quam ob rem in articulis utendum est ijs, quæ maiorem etiam exsiccandi uim habent.

De sanguinis profluuio. Cap. XX.

SANGVINIS profluij remedium est appositus partis uulneratæ situs: huiusmodi est is, qui sursum uergit, & caret dolore: nam si infra uer-

ORIBASII SYNOPSIS

gat, doloremq; afferat, tum non solum mouebit profluuium, sed etiam si non sit, prouocabit. Cum ergo particulae uulneratae sunt, & sanguis fluit, statim digitum ori uasis ex quo sanguis effluit, ad-moueto, leniterq; & citra dolorem praemens: ita enim grumo compacto sanguinis defluuium sistetur, eo suppresso, medicamentis etiam sanguinem sistentibus utendum erit: inter quae, illa quae obstruunt, quae emplastica nominantur, potiora sunt crustas inducentibus: siquidem interdum cum crusta excidit, ne iterum sanguis fluat, periculum est; optimum uero, quod etiam ualet ad defluuium sanguinis e membranis cerebri, est hoc, thuris pars una, aloes dimidium, albo oui subigitur ad mellis crassitudinem, deinde leporis mollissimis pilis excipitur: tum ulceri toti liberalissime imponitur; fasciaq; linea alligandum est: cuius fasciae primi quatuor, aut quinque amplexus super ipsum uas profluens iniiciendi nobis sunt, inde uero ad radicem uasis ducentur: tertio uero die solues: siq; medicamentum toto adhuc ulceri adhæret, aliud rursus superimpones, ac ueluti linamentum, quod ex pilis factum est, madefaciens ita deligabis, ut initio fecisti: sin sua sponte linamentum excidat, radicem uasis digito blande comprimens, quatenus nihil defluat, hoc leniter auferes, aliudq; impones: & quoad uas carne muniatur, curare ad hunc modum debebis: at quae crustas generant, ubi crusta decidit, magis nudam partem, quam pro ipsius naturali habitu, derelinquunt: & saepe numero postea quam crusta decidit, profusio sanguinis,

nis, quæ ægre suppressi potuit, superuenit: quam
quam crustificis medicamentis non secus, atque igni-
tis ferramentis uti necessitas cogit, ubi ex erosione
putredinis profusio sanguinis concitatur. Isatis sa-
tiua super partibus, è quibus sanguis fluit, impo-
sita, egregie sistit: idem faciunt gallæ adustæ: quæ
cum ignitæ sunt, aceto aut uino sunt extinguendæ.
Gypsum, & oui candidum tenerum, farinamq; tri-
ticeam puluerulentam, qualis parietibus adhæret,
misceto; medicamentum ad sanguinis profluvium
accommodatum conficies: quod ubi confeceris, leporis
pilis, aut aliqua alia re pariter molli excipiendum
erit. Ad sanguinis autem profusiones, quæ ex ore,
aut thymis, aut formicis, aut uerrucis, aut hæmora-
roidibus fiunt, porri folia contunde, atque adhibe:
aut rhoen rubram, aut acinos, aut capitula punici
mali contundens impone: aut spongiam nouam pi-
ce cruda intinctam adure, & trita utitor: est enim
hoc ualde efficax. Fluxionem uero sanguinis ex ore
comprimit decoctum frigidum rosarum uiridium,
aut siccarum: aut clauiculorum uitis, aut lentisci
foliorum, aut myrti, aut rubi, aut malorum cydo-
niorum, aut punicorum, aut acinorum, aut lenti-
cularum: ijs etiam utendum erit infessibus frigidis,
qui sedi, atque utero conueniunt. Cæterum uictus
ratio ijs, quos sanguinis exercet profusio, sit ex ad-
stringentibus, atque incrassantibus instituta: huius-
modi sunt alica, farinaq; pura decocta, caseus mollis,
bulbi cocti, pisces assati, palmulæ, uinum nigrum
ansterum, lenticula, polenta, ouorum tenerorum ui-

ORIBASII SYNOPSEOS

telli, pira syluestria, mala cydonia, sorba, mespila,
 & quæ sunt his consimilia. Ad sanguinis autem flu-
 xum è naribus ualent platani globuli exsiccati, quos
 re aliqua ex setis confecta fricabis, semen proijcies,
 lanuginemq; collectam in uase fictili nouo repones:
 cum usus exigit, hæc tenuia per calamum inspira:
 frontem autem, & nasum gypso, aut luto figulari
 obline. Ad idem facit etiam porri succus lana co-
 æta, aut linamento exceptus, & naribus inditus;
 & manna succo porri coacta, & imposita. Foris
 autem oliuæ folijs læuigatis teneris nasus illinendus
 est: & suffitum ex cicuta super molli cinere na-
 ribus admouebis: & spongijs, aut lanis aqua fri-
 gida imbutis meatus utriusque pinnae naris obstru-
 es, crura, brachiaq; uincies, frontem, & tempo-
 ra oblines agglutinantibus ijs, quæ ad oculorum
 defluxiones faciunt: si uero grumi aliqui sub-
 sint, cum sanguinis profusio adhuc persenerat,
 eos conueniet exprimere: celeriterq; iterum uti medi-
 camentis sanguinem comprimentibus: & narium
 chartilaginem sub ipso osse duobus digitis pollice, &
 indice comprimere. Prodest uero in hisce profusioni-
 bus, & in ijs, quæ ex intestinis fiunt, porri succum
 ad cyathos duos potui dare: aut lauri tenera folia
 contusa in oxymelite: aut thuris, & lauri pares por-
 tiones læuigabis in uino nigro, quod pari facultate
 constet, & bibendum propinabis: aut tosti oui uitel-
 lum ex aquæ portiuncula contritum præbe, aut fa-
 rinam puram crudam, & thus, & gummi pari-
 bus portionibus cum aqua tere, & dato.

Ad cicatrices nigricantes, & quæ ex impetigine
sunt, & stigmata, Cap. XXI.

NIGRAS cicatrices tollit inunctum oleum in
quo bryoniæ albæ, & nigræ radix incocta sit, do-
nec succum reddat, calamintha uino cocta, argenti
spuma rosaceo oleo candido lota. Cicatrices uero, quæ
sunt ex impetigine concolores reddit adeps asininus
illitus cum argenti spuma: erucae succus cum argen-
ti spuma inunctus: stigmata exterit ranunculus il-
litus, aut capparis folia, aut cerussa cum aceto inun-
cta: id uero processu temporis aufert: uibices denique
concolores statim facit oleum liliaceum continenter
subunctum.

De neruis uulneratis. Cap. XXII.

NERVVS uulneratus & dolore, & inflama-
tione maiore, quàm alia, propter sensus excellen-
tiam corripitur. quo circa cutis uulnus apertum est
seruandum, ut sanies per ipsum effluat: uulneriq;
adhibenda medicamenta sunt, quæ dolorem leniant,
& aditum effluxui patefaciant. ergo calidam a-
quam, quæ cæteris apta est inflammationibus, his
aduersissimam esse sciendum est, & accommodatius
ad has esse, ut oleo tenuium partium, & experte
adstrictionis irrorentur. Ex medicamentis autem ido-
nea est resina, aut terebinthina, eaq; per se in pue-
ris, mulieribus, & iis qui molli sunt carne: in cæte-

ORIBASII SYNOPSIS

ris uero cum euphorbio : itemq; propolis & per se , et cum euphorbio emollita : siq; nonnunquam duriora corpora contigerint , cum aliquo subtiliore oleo . Cataplasmate autem in nervis inflammatis , et putrescentibus utiquispiam poterit , quod ex farina hordei , aut fabarum , aut erui in lixiuio stillatio , aut oxymelite cocta , sit confectum . Cerato uero uti poterit hoc , quod habet ceræ unc. IIII . euphorbii unciam : aut fimi columbini in durioribus corporibus , olei unc. II . Conuenit etiam basilicum medicamentum , quod nitrum recipit , aut calcem uiuam , aut euphorbium , aut sulphur uiuum , aut fimum syluestris columbæ : ut in tetrapharmaci libram , horum alicuius unciam coniicias . Iam uero in agro , ubi tibi nihil suppetat , poteris recentem , pinguemq; propolin uulneri admouere . aut fermentum solum propoli mixtum : aut tithymali succum fermento admixtum . Porro cataplasmatibus ex lixiuio stillatio atque oxymelite , et farina fabarum , aut erui , aut cicerum , aut lupinorum amarorum , aut hordei , aut polenta , non solum cum inflammatione tentantur ; sed etiam statim in ipso initio utendum est . Si uero nervus non punctus sit , sed plane cæsum sit uulneratus ita , ut ipsa etiam cutis subiecta sit diuisa , ut nudus nervus , et per directum et non per transversum diuisus conspiciatur , tum nullo ex iis medicamentis quæ ex euphorbio constant , quæq; non secus acria sunt , uti oportet . nervus enim nudatus horum uim , quæ uehemens est , ferre non poterit . Calcem igitur æstiuo tempore sæpe lotam , et oleo co-

piofiore dilutam cape. Facit etiam ad hanc rem, quod ex pompholyge conficitur, & quod ex melle, in rofaceo liberaliore eliquatum. nihil autem horum debet uulnus contingere, cum enim neruus sensus ui præstat, tum uero frigida temperatura est; et cum parte cæterarum longe principe continuus est. quin ne oleo quidem huiusmodi ulcus irrigare conuenit. fit enim sordidum, ergo sanies tantum abluenda est molli lana specillo circumuoluta. Si omnia succedant ex sententia, etiam uino dulci citra periculum mædefaciemus. Postquam uero denudatus neruus fuerit contectus, linamenta aliquo medicamento quod angustis uulneribus accommodatum sit, intincta, quale est quod ex euphorbio, aut fimo columbino paratur, extrinsecus circumducere oportet ita, ut etiam sanas partes large complectatur. cum uero transuersum uulnus est, maius periculum conuulsionis imminet: sed quantum ad curationem pertinet, eodem modo progrediendum est. Viçtus autem adhibeatur tenuior, quies imperetur, lectus mollis esto. oleo liberaliore alæ, caputq; perfundantur. Si uero nerui contusi sint, cumq; iis est contusa cutis, & exulceratio subsequitur, cataplasma ex farina fabarum & oxymelite conuenit. cumq; contusioni coniunctus est dolor, pix liquida miscetur. Si uero citra cutis contusionem eueniat, oleo calente cui digerendi facultas insit, sæpissime perfundere oportet. Si totus neruus sit præcisus, periculum nullum sequetur, sed membrum mutilum reddetur, curatio uero eadem, quæ aliis quoque ulceribus, adhibebi-

OIBASII RSYNOPSEOS

tur. Liquefactum medicamentum nervis compun-
ctis idoneum. facit etiam ad morsos à rabiosis. Ace-
ti sextarius, picis pinguis lib. opopanacis unc. III.
opopanacem aceto solutum magis læuigabis: picem
liquefactam, mixtamq; incoques. est autem hoc me-
dicamentum ad nervos cumpunctos accommoda-
tum, utpote quod compunctionis os conuiuere non
sinat: quemadmodum etiam in iis, qui à cane ra-
bioſo morſi ſunt, ne ulcus ad cicatricem perducatur,
prohibet. Sed in duriusculis tantum corporibus fa-
cit. Si uero in pueris, aut mulieribus, aut molli car-
ne præditis compunctis hoc uti uelis, tibi licebit ip-
ſum ex aliquo digerente, ut amaracino, aut opobal-
ſamo, aut oleo uetere liquefacere.

Ad articulos relaxatos. Cap. XXIII.

FACIT ad laxatos articulos acaciæ succus aqua
dilutus & superfusus. aut rubi, aut malicorij, aut
myrti folia cum myrteo cerato imposita.

De inflammatione. Cap. XXIII.

INFLAMMATIONIS initium est, cum
pars impletur sanguinea substantia: incrementum,
cum id quod fluebat, cessat, quod uero in particula
est, incipit putrescere, caloremq; præter naturam
inuehit, effusioq; et flatus gignitur, particulaq; ma-
gis, quam prius, intenditur: status uero, cum pus
iam consistit, sed labores maiores uexant: declina-

tio denique cum id quod fluxit digestum est, et moles est diminuta. In principio autem ea per se admo-
uemus, quæ uim habent repellendi: in incrementis hæc minuimus, digerentiâq; adiungimus: in statu repellentibus, & digerentibus pari portione utimur: si dolor uehemens sit, lenientibus opus est: in declinatione digerentiâ solum adhibemus nulla re adiuncta, quæ uim adstringendi habeat. Parietaria autem ad inflammationes, tum in principio, tum in incremento accommodata est, itemq; glaucium. atriplex, & maluæ hortenses incipientibus & auge-
scentibus ac ueluti feruescentibus conueniunt. at declinantibus, duratis, & refrigeratis syluestres magis sunt idoneæ. Lactuca uero, & cucurbita calidis illitæ bene faciunt. ad eas uero, quæ ex fluxionibus fiunt, semperuina, et tribuli utrique ualent. brassica uero durescentibus conuenit.

De affectione, quæ ex defluxionibus fit.

Cap. XXV.

CVM inflammatio derepente particulam aliquam sine manifesta causa præcedente obsedit, id quod affectionem eam gignit, defluxio nominatur. ipse uero morbus affectio ex defluxione. in harum autem inflammationum principijs danda opera est, ut recte adhibeatur curatio. totum ergo corpus euacuandum est euacuationibus accommodatis: ipsa uero pars inflammata, superfundenda atque illinenda non calefacientibus aut humectantibus medicamentis, sed ijs, quæ repellere defluxum possint: quodq;

V iij

ORIBASII SYNOPSEOS

in partem affectam iam decubuit, euacuare, uimq;
 & robur particulis laborantibus afferre. Illinen=
 dum ergo est cataplasma, quod ex semperuiuo, ma=
 li punici cortice in uino incocto, cera & polenta ad=
 iunctis conficitur. hocq; & similibus cum dolor ue=
 hemens non est, utemur. ubi uero particula cum
 defluxione dolorem maiorem sentit, tum ne aqua
 quidem calida, aut oleum, aut cataplasmata ex fa=
 rina sunt adhibenda. fluxionum enim uitis hæc
 inimica sunt omnia. debet uero doloris uehemen=
 tia leniri medicamento, quod ex passo, rosaceo, mo=
 dica cera, lanis sordidis, quæ œsypi multum ha=
 beant, confectum sit: quæ per æstatem frigida, hye=
 me uero tepida excipiuntur, & admouentur ita,
 ut superiores partibus affectis locos spongia uino au=
 stero, aut posca frigida imbuta comprehendant. Si
 ex horum usu pus non subsidat, emplastro quod ex
 chalcitide conficitur, aut alio simili ex ijs, quæ ad
 fluxiones ualent, utemur. lanam uero puram ui=
 no austero imbutam super medicamento extrinsecus
 accommodabimus. atque hoc quidem modo inflam=
 mationes ex defluxione ortas curabis. eas uero, quæ
 ex aliqua occasione concitantur, calefaciens & hu=
 mectans non lēdes. quas si ad puris confectiōem
 uelis perducere, farina triticea hydrelæo incocta il=
 lines. siq; usus quandoque exiget, ut scarifices, id
 etiam accommodate facies. at si inflammationes,
 quæ ex defluxionibus oriuntur, scarificatione ten=
 tabis, & præsertim in principio, eris in causa, ut
 æger malo aliquo magno afficiatur.

De ijs, qui ex affectionibus, quas defluxio concita-
uit, purulenti fiunt. Cap. XXVI.

IN affectione, quæ ex defluxione orta est, cum nulla causa perspicua subsit, semel, aut bis utendum est cataplasmate, ac tunc quidem quod ex hordeo constat, cæteris est præstantius. ei tamen aliqua aceti, aut uini portio addatur. pure autem dissecto, & uacuato, cauendum postea erit, ne oleum, aut aqua offeratur. uerum si usus postulet, ut uulnus quandoque abluatur, aqua mulsa, posca, uino, et uino mulso utendum erit. Siq; iterum inflammatio accedat, cataplasma ex lenticula imponetur: si nulla sit inflammatio, aliquod medicamentum ex ijs, quæ emplastica dicuntur, & non minus id, quod ex chalcitide constat, ad huiusmodi diuisiones accommodabimus: super quod spongiam, aut lanam uino adstringenti imbutam imponemus. cæterum uulneri nullum medicamentum impinguans admo- uendum est, quale est tetrapharmacum appellatum. siquidem ei exquisita exsiccatione opus est.

De gangræna & sphacelo, ex Galeno.
Cap. XXVII.

GANGRAENAS appellant eas mortificatio-
nes, quæ ex magnitudine inflammationis nondum factæ sunt, sed adhuc fiunt. Hanc affectionem nisi quis celerrime curet, particula ita affecta statim

ORIBASII SYNOPSEOS

emoritur, uicinasq; partes comprehendit, & hominem occidit. ubi uero membra sic affecta sensus omnino sunt facta expertia, tum morbus non iam gangræna, sed sphacelus nominatur. Atque hoc etiam malum ossibus accidit, cum adiecta ipsis caro saniem prauam gignens ossa hac ipsa imbuerit, & corruptela consumpserit. Cum igitur membrum est penitus emortuum, statim præcidendum est quam proxime sanæ parti. Gangræna curatur euacuantibus nobis quamplurimum sanguinis possumus ex membro uitato. Sanguis enim corruptus detrahendus est aut uena secta, cum in ipso membro uena magna sit: aut cutis uniuersa multis, profundisq; sectionibus incidenda est. Cumq; sanguinem effluere permiserimus, aliquod medicamentum ex iis, quæ ad putrescentia ualent, imponemus. huiusmodi est, quod ex oxymelite, aut farina erui, aut lolii, aut fabarum conficitur. si ualentius uelis imponere, sal adijciatur, aut pastillus Andronis, aut alius generis eiusdem. Ad gangrænas etiam faciunt uetustæ nuges oleosæ. earum uero cortex expurgat, & tithymali liquor in tempore, & modo adhibitus. iisdem quoque lupinorum amarorum decoctum inspersum auxiliatur.

De abscessibus.

Cap. XXVIII.

IN abscessibus, quæ apostemata dicuntur, si puris eruptio impediri non posse, tibi uideatur, panē hydreleo coctum illines, aut farinam hordeaceā eodem modo

apparatam : particulam uero aqua, in qua althææ ra-
 dix incocta sit, fouebis : cum uero tumor ægre ad sup-
 purationem ueniat, ægreq; discutiatur, cataplasma-
 te, ex caricis utitor : oportet autem eas dulces, pin-
 guesq; incoctas aqua eliquescere, & aquam melli te-
 nui similem reddere, farinamq; hordeaceam addere :
 siq; tumor minus, quàm par sit, digeratur, cum ca-
 ricis erit hyssopum, aut origanum incoquendum : si
 uim magis intendere uolueris, decocto salem adijcito :
 sed diligenter animaduertendum est, ne dum uehe-
 mentius exsiccas, pars in duritiem callescat : si quid
 huiusmodi quandoque uideas, cum aqua radicem
 agrestis cucumeris, aut althææ, aut bryoniæ coques :
 quibus omnibus dracunculi radix & ualentior est,
 & ad digerendum accommodatior : ergo hanc quan-
 doque per se coques, quandoque uero caricis addes,
 farinamq; unà cum adipe admiscebis . Adiantum
 quoque abscessus digerit : itemq; anethinum oleum di-
 scutit, & crudos humores, incoctosq; tumores matu-
 rat . pix duros, crudosq; tumores omnes cataplasma-
 tis indita, magisq; ea, quæ liquida est, concoquit .
 Medicamentum, quod abscessus iam coctos sine labo-
 re expellit, ut sæpe in splenio pus inueniatur, qui
 uero cocti adhuc non sunt, perfecte digerit : lapidis
 pyritæ drach. duodecim, ammoniaci triti tantundem,
 farine fabarum drach. sex, excipe resina liquida,
 pelliq; illitum impone : splenium uero ne auferas pri-
 us, quàm sponte sua decidat : medicamentum uero
 non multo ante parandum est, ut quod confestim
 exarescat.

ORIBASII SYNOPSEOS

De strumis, & phymate.

Cap. XXIX.

LUPINORVM amarorum farina, aut aceto, aut oxymelitæ, aut posca incocta, non solum liuores, sed & strumas, & phymata sanat. Medicus quidam in ijs, qui duro corpore essent, bubulo stercore ex aceto ad strumas, & tumores obduros, totos oblinens usus est. Phymata uero discutient trita & illita hæc, adiantum, atriplex, parietaria, althææ radix uino incocta, ammoniacum cum melle emollitum, & impositum: uiscum cum resina, & cerato, salicis folia cum cerato. Rumpunt phymata lupini amari, propolis cum aceto illita, cucumeris syluestris radix terebinthina excepta, capparis radix eodem modo, nitrum cum fermento, aut ficubus. Abscessus uero internos rumpit marina cum mulsa epota: strumas autem discutit calx uiua melle, aut sordibus ex gymnasio, aut oleo, aut adipe suillo excepta: lolij item farina cum fimo columbino, & lini semine uino incocta: caprificorum grossi agrestes, aut satiui concisi illiti: & concretionem omnem digerunt.

De fistula.

Cap. XXX.

SPONDILII radix circumrasa, & imposita fistularum callos tollit: ueratrum quoque nigrum impositum duobus, aut tribus diebus callum eximit: eliquant etiam æruginis drach. II. ammoniaci tan-

tundem : colyria conficiuntur ex aceto, & aqua ad fistulas accommodata : itemq; amurca cocta, & in collutione adhibita : sory crudum, aut combustum cum uini diluti, aut mellis portiuncula ad colluendum adhibitum, & omphacium quoque colluendo carnem procreat.

De bubonibus.

Cap. XXXI.

CUM bubones erumpunt, si totum corpus succis æquabiliter redundet, aut malitia humorum detineatur, tum difficilis curatio est : ea tamen adhibenda est, quàm in affectione, quæ ex defluxionibus oritur, præscripsimus : si exquisite sanum sit, facilis. Totum autem crus calefaciendum, & humectandum est, ut dolore uacans efficiatur : ipsiq; ulceri imponendum est linamentum lotum in rosaceo, aut aliquo oleo relaxante, quod tetrapharmaco calido sit intinctum : totum porro membrum carpto lanæ oleo imbuto obuoluendum est : foris uero ulcus emplastro calido illinendum, aut farina triticea, aut hordeacea, aut ex utraque cum modico olei. Glandulam uero inflammatione tentatam, in initio lana oleo calido imbuta lenire oportet, non autem, ut quidam faciunt, sale adhibito : eo enim posterius utimur, cum artus, quem plaga uexat, lenitus est, & cum dolorem ulcus non affert : quibus quidem rebus glandularum inflammatio plerunque soluitur : sæpe etiam augeatur, & ad suppurationem perducitur : ergo cum ille quasi feruor inflammationis se remiserit, lenien-

ORIBASII SYNOPSIS

tia sunt omittenda, & digerentibus utendum. Paulatim à digerentibus ad ea, quæ consistentia liquida sunt, qualia sunt, quæ cerati speciem referunt, similia ijs, quæ linamentis carptis excipiuntur, quæ emmota dicuntur, transeundo. In ijs vitare oportet durorum emplastrorum usum: quippe quæ particulas distendant, & inflammari iterum cogant: cum satis puris sit, particulaq; ad suppurationem pervenit, non statim diuidemus, ut nonnulli faciunt, sed medicamentis digerere conabimur; lutum positum tumorem inguinum celeriter digerit. Ac bubones quidem, qui ex prolapsu, & ulcusculis, & doloribus contrahuntur periculo vacare: alios vero, & præsertim eos, qui febribus superveniunt, malos esse existimandum est.

De erysipellate, hoc est igne sacro. Cap. XXXII.

CRASSVS, acerbq; humor influens erysipelas modo cum ulcere, modo sine ulcere efficit: hoc curandum est, primum usu medicamenti, quod bilem educat: deinde refrigerantibus repellendum est quod influit: atque à refrigerantibus ad digerentia, prius quàm liuescat, & nigrescat particula, progrediendum est. Requiritur autem erysipellata, quæ refrigerent cum humiditate, nec adstringant, huiusmodi est semperuiuum, portulaca, psyllium, lenticula palustris, umbilicus ueneris, solanum, altercum, lactuca, & glaucium: & cerata ex aqua admodum frigida. Admiscetur etiam opij parum, aut succi

papaueris, cicutæq; , & mandragoræ : composita autem medicamenta inducuntur : ceratum refrigerans, ceram, quæ quoad eius fieri possit, pura sit, oleo eliquatur, ceratumq; liquidum sit, hæc refrigerata in pila manibus emollimus aquam frigidam affundendo, quantum eius capere ceratum queat : præstat autem oleum esse rosaceum ex omphacino oleo sine sale confecto : debetq; oleum quadruplum ceræ esse, si parum aceti tenuis, & pellucidi uelis addere, medicamentum liquidius, frigidiusq; conficies : idq; non solum conueniet erysipelati, sed heëticiis etiam febribus, itemq; inflammationibus pudendorum incipientibus, nisi depascens aliqua affectio partes exerceat. Herbæ quoque refrigerantes cum tenui polenta abunde refrigerant : itemq; palmulæ pingues eiectis earum membranulis, & coctione tenellæ factæ, deinde læuigatæ, & impositæ : si uero sicciore uideantur, cerato prædicto ad consistentiam admiscebis. Inflammatione sedata, antequam particula liuida fiat, cataplasma ex hordei farina est imponendum : si uero iam liuor occuparit, incisa cute cataplasma superponendum est, locusq; perfundendus est aqua calida dulci : sed & marina, & muria interim conducet : quandoque etiam huiusmodi aquæ cataplasmati sunt admiscendæ.

De herpete.

Cap. XXXIII.

HVMOR quoque qui herpetem gignit, acer est : sed si flaua bilis pura influat, uehementi acris

ORIBASII SYNOPSIS

monia herpetem exedentem facit, qui continuam cutim cum corrosione comprehendit: qua de re affectio ipsa herpes nominatur: si uero cum pituita misceatur, alterum herpetem, qui miliaris dicitur, qui eminentias in cute milij similes excitat, efficiet. Ergo qui prius totum corpus purgat, deinde uero repellentia particulis affectis admouet, is herpetem, ut par est, curat: at qui statim utitur ijs, quæ cuticulæ cicatricem inducunt, is cuticulam quidem sanat, cæterum non prohibet quin de integro priori similis affectio exoriat: corpus ergo, ut in erysipellate dictum est, euacuabimus: at particulis affectis non eadem imponeamus: postulant quidem refrigerantia æque, ac erysipellata, sed tamen humectantia non ferunt: hisq; refrigerantia, & siccantia conueniunt: ergo neque lactuca, neque lenticula palustris, neque portulaca, neque semperuium, neque aliud huiusmodi ex refrigerantibus, & humectantibus eis offerendum est, sed in principio uitis capreolos, & rubum, & plantaginem oportet illinire: deinde ijs lenticulam admiscere: interim uero & mel, & polentam, & cataplasma, quod supra ad inflammationes ex defluxione remoto semperuiuo, conscripsi: exulcerata uero medicamentis inungenda sunt ijs, quæ ad herpetem faciunt, ut pastillis passo, aut uino tenui, & austero non ueteri, aut posca diluta resolutis: cæterum inueteratis iam huiusmodi ulceribus Musæ, & Andronis pastillus conuenit. Herpetem uero, qui extremam tantummodo cutem exulcerat, nisi admodum inueteratus sit, nullo horum ungere oportet: siquidem

dem

dem & uehementiora sunt, & magis, quàm oportet, exsiccant. ad talem uero herpetem accommodatum est glaucium, huicq; similia, præsertim aqua subacta, si morbus nihil remittat, aceto diluta admo-
ueantur: succo autem plantaginis, aut solani, aut uino soluta non mediocriter auxiliantur, aut lini semen torridum in uino, & oleo incoquito, & contritum imponito, aut terram cimoliam solani succo subactam inungito: aut argenti spumæ unc. quatuor, porri succi hemina dimidium, succi betæ par pondus laeuigata illinuntur.

De scirrhis.

Cap. XXXIIII.

SCIRRHVS perinde, atque os, durus est, & sensu caret: atque is sanari nullo pacto potest, qui uero obscurum habet sensum, digerentibus curatur medicamentis. Sed quæ digerunt, & confertim euacuant, neque molliunt, ea primis quidem diebus diminuere tumorem uidentur, sed tamen quod restat, fit insanabile, cum id omne quod tenuium erat partium, sit digestum. ex quo fit, ut ea medicamenta accommodatiora sint, quæ molliendo possint digerere. ergo mollientia sunt adeps cerui & medulla, itemq; taurinus, & hircinus, ursinusq; adeps, ammoniacum, bdellium, styrax. horum usu & duritiem dissoluemus, & digerentia itidem adhibebimus, qualia sunt foenum græcum, fimus caprillus cum posca. Componitur autem à medicis medicamentum ad utrunque faciendum. hoc est ad scirrhum dissol-

X

ORIBASII SYNOPSEOS

Aliter
αψπι.

uendum, & ad digerendum accommodatum. cuiusmodi est id, quod ad Galenum auctorem refertur. Pternæ suillæ ueteris pinguis, ammoniaci thymiamatis, casei bubuli, aut caprini ueteris, adipis taurini, rasuræ nauis singulorum libra una. medullæ ceruinæ uncia duæ, * hyssopi unc. III. cyprini unc. VI. uini Aegyptij heminam mediam. Sed in nono etiam libro de scirrhis in podagra exorientibus loquemur.

De œdemate.

Cap. XXXV.

PITUITOSA fluxio œdema facit, tumorem laxum, cedentem, & qui digitis impressis cauatur; sensusq; expers est. hunc curare oportet spongiam posca imbutam cum ligamento leniter stringente imponendo ita, ut ab inferioribus partibus initium deligandi sumatur, & ad superiores progrediendo desinamus. Spongia uero esse noua debet. quæ si talis non suppetat, ea nitro erit expurganda, & melius etiam lixiuio, quod stillatitium appellatur, si uero per hæc tumor non subsideat, paululum aluminis admiscebis. Est etiam ad hoc aptum molliissimum ex lucerna linamentum hoc eodem humore imbutum & impositum. benefacit etiam glaucium. Si autem œdema inueteratum sit, particulam oleo prius inunges, deinde spongiam ex lixiuio impones, arctiusq; stringes, & ita curabis. Iam uero isatis satiuæ tumores huiusmodi mirabiliter digerit, et comprimit. idem facit terra omnis pinguis, & magis etiam Aegyptia.

De terebintho.

Cap. XXXVI.

TEREBINTHVS phymatis species est. in summo autem ipso ulcere pustula nigra eminet: quæ rupta, id quod subiectum est, simile desquamato apparet. ubi hoc diuiseris, pus inuenitur.

De epinyctidibus.

Cap. XXXVII.

EPINYCTIDES ulcuscula sunt, quæ per se erumpunt, pustularum speciem præ se ferentia, subrubra, quibus ruptis sanies subcruenta defluit. atque hæ quidem interdum non magnopere excruciant: per noctem uero maiore, quam pro modo ulceris, dolore affligunt. Ergo silphij succum aqua solutum impones, citra enim mordicationem desiccat, aut cicutam tritam imposito.

De ligamentis dissectis.

Cap. XXXVIII.

LIGAMENTVM ex osse in os progrediens minime periculosum est, quod si quibuscunque medicamentis uelis desiccaueris, non offendes. quod uero in musculum insertum est, quanto minus periculosum est, quam tendo & neruus, tanto est cæteris ligamentis periculosius, nisi recte, probeq; curetur.

De thymo.

Cap. XXXIX.

THYMVS est ulcus aspera et squalida carne

X ij

DE ORIBASII SYNOPSIS

excrefcens . fit autem & in ano , & in pudendo , ac partim quidem facilis eft , et fponte fua decedit , partim uero deterior eft , & dolorem affert . & quidam præterea ex ijs curationem non admittunt .

De ficis.

Cap. XL.

FICOS appellant germina quædam ad modum ulcerum rotunda , fubdura , rubentia , quæ dolor etiam comitatur . oriuntur plerunque in capite , nafcuntur tamen etiam in reliquis corporis partibus , his optimum medicamentum eft alumen fciffile , æris flos toftus , & gluten taurinum cum fquama æris , quæ dupla fit , teriturq; ex aceto , & illinitur . Probandur etiam capita menularum combufta , bulbi cocti , & cinis una cum aceto commixtus .

De furunculo , qui dothien uocatur. Cap. XLI.

DOTHIENES ex craffis fiunt humoribus . hos digerit , concoquitq; triticum commanfum et impositum , & item mafliche Aegyptia . uuas paffas abiectis acinis tere , fali trito pari portione addito , et illinito . hoc aut difcutit , aut rumpit , caricas coctas tere , aquam affunde , & utitor . aut caricis refinam mifce , & impone .

Ad epinyctidas.

Cap. XLII.

AD has ualet apium cum polenta tritum &

illitum. brassicæ folia trita imposita. alterci folia ex melle trita applicata. solanum per se, & cum cicuta uiridi, aut oliuæ folijs cum aqua coctis utitor. uuas passas adeptis acinis tritas admisceto, easq; splenio illitas imponito. adiantum quoque ex melle tritum facit. Cauendum est, ne acria, acida, & salsa offeramus. et à fomentis, balneis, et Sole abstinendum.

De uerrucis, myrmecio, & similibus. Cap. XLIII.

MYRMECIA atque uerrucæ usu medicamentorum uehementer exulcerantium conuellentur, eorum uero quæ putrefaciunt, interimentur. corticis salicis usti cinis cum aceto acri dilutus clauos, callos, myrmeciaq; exterit. Similiter quoque melanthium eandem uim habet ad clauos, atque reduuias. Pecudû uero stercus ad uerrucas, myrmecia, thymos, dothienas duos in aceto solutum facit, grossi decocti duos tumores discutiunt: crudi uero myrmecia et thymos expellunt. condylomata uero comprimunt oliuæ flores cum aqua illiti, aloë cum passo inuncta, pentaphylli radix super data. cydonia cocta cum pane aut cum polenta. myrti folia combusta cum cera to, propolis ante emollita, & imposita. condylomata quoque & ficos aufert auripigmentum illitum, calx uiua, & fex uisco excepta: & splenij modo super data. permagnos uero ficos tollit ærugo ferri cum uino dulci inuncta: seminis anethi combusti cinis illitus: alumen liquidum cum pane, uino, et apio. Iam uero cinis palmitum ex aceto illitus & ficos au-

O RIBASII SYNOPSIS

fert, & quæ nunc dicta sunt, curat: atque auger
præterea prohibet.

Ad ganglia. Cap. XLIIII.

FACIT ad hæc plumbea massa ad modum uer-
tebræ confecta, ganglio maior imposita. hæc enim
sua gravitate ganglium processu temporis dissolvit.

Ad perniones. Cap. XLV.

MARINA tepida perfundendi sunt, aut be-
tæ, aut lenticulæ, aut erui, aut radice asphodeli
decocto. post perfusionem lenticulam uino incoctam
tere, & illine: aut ficus ex oleo læuigatas impone.
aut alumen & farinam paribus portionibus in uino
tere, & illine.

Ad digitorum, totiusq; pedis rimas. Cap. XLVI.

PICE liquida oblinito. cancrum fluuiatilem,
aut marinum super carbones cremato, testam abra-
dito, ex oleo tere, ad mellis spissitudinem redige, ab-
stersis prius scissuris instillato. Prodest etiam scillæ me-
dulla oleo feruefacta, & ex terebinthina contrita.
itemq; cornu capræ ustum, caprilloq; adipe exceptum.
Sed calli circumpurgandi prius sunt, deinde medi-
camentis utendum est.

Ad pudenda ulcerata.

Cap. XLVII.

H A E C perfundes adstringentibus : aut persperges rubi, myrti, capitulorum mali punici agrestis, oliuæq; agrestis decocto. eadem quoque trita illinuntur. Lemnia itidem sphragis inungitur, aut aloen cum melle dissolue. Ad scrotum uero uehementi atque intolerabili pruritu uexatum facit fex combusta donec leuetur perturbatio. ualet ad idem alumen liquidum.

De leuce, alphi, melane, lepra, & scabie.

Cap. XLVIII.

SANGVIS pituitosus, & glutinosus, qui longo temporis spatio colorem uerterit, & ad albiorem commutarit, leucem uiriliginem efficit. Alphorum similis est origo, non tamen caro tota affecta est, sed extrema solum cutis. atque ab humore pituitoso alphi albi fiunt, melas uero à melancholico: sed humor, qui lepram facit, ad imas usque partes penetrat: scabies uero ipsa superficiem occupat. ergo si calcem lotam & torridam habeas, tanta aqua admista, quanta satis sit ad mediocrem crassitudinem, inungendo curabis. in alphi autem multo liquidiore medicamento inungendum est, crassiore in scabie, crassissimo denique in lepra. Dracunculi radix cum aceto illita sanat alphos. itemq; eleborus uterque, lapinorum amarorum decoctum superfu-

X iij

ORIBASII SYNOPSEOS

sum : eorundem farina ex aceto , aut oxymelite illi-
ta , cortex radicis capparis cum aceto : lilij radix
cum melle , cæpa cum aceto in Sole peruncta . cro-
codili terrestris fimus , sturnorum etiam , cum ori-
zam solum comederint , aut sepiae testa cremata . ad
scabiem uero facit uua taminia , eleborus uterque ,
lupini amari , ut diximus : cardamomum cum aceto .
lilij radix cum melle : resina terebinthina cum sul-
phure ; cuius nos periculum fecimus , cicer , fimus ca-
prillus . lepras uero expellunt anemonæ super datæ ,
eleborus , & albæ uitis radices .

De impetigine.

Cap. XLIX.

C V M sanies tenuis atque acris cæteris crassiori-
bus admiscetur , impetigines oriuntur , quæ facile in
lepram & scabiem transeunt . ex quo conficitur ,
ut medicamenta ualenter siccantia postulent . itaq;
eas , quibus à mediocriter siccantibus nihil affertur
auxilij , ab ijs uero quæ uehementer exsiccant , ex-
acerbantur , & ὀφιοζ id est feras appellant . In his
igitur utendum est medicamentis , quæ satis effica-
cia sint , nec tamen uehementer erodant . cicer ad im-
petigines facit , uterque eleborus : prunorum gum-
mi pueris prodest : erinaceus in petris nascens , pix ce-
rato mixta : sulphur cum resina . hocq; est experien-
tia comprobatum : in puero autem apta est hominis
salina . affecta uero cutis continuo debet digitis ex sa-
lina fricari . crocodili terreni , & sturnorum fimus .
Ad impetigines uero recentes , quæ mentum , aut

aliam faciei partem infestant, tritici multum capi-
tur, incudiq; cuidam ignitæ imponitur, humorq;
qui inde emanat, adhuc calidus sumitur, & impe-
tignes inunguntur. atque hoc quidem remedio ple-
rique sunt sanati. Aut maluæ agrestis fructum te-
nerum collige, eoq; contuso succum exprime, et ser-
ua, & impetignes continenter illine. Inueteratis
impetiginibus, ijs quæ subijciam, utitor. Viticis fo-
lia contunde, modicum aceti adde, & illine. Vel
capparis folia detrita ex aceto impone. Pastillus ad
impetignes. Glutinis figulini denarij quatuor, thu-
ris denarij duo, aceti hemina dimidium. in qui-
busdam scriptum est, pares portiones, aceto soluta
illinuntur.

De inflatione.

Cap. L.

SPIRITVS flatuosus, crassus, uaporosusq;
est materia inflationum: sed & corporis densitas ut
spiritus non exspiretur, adiuvans causa est. unde cu-
randi consilium eo dirigitur, ut densata rarefacia-
mus, & crassum spiritum attenuemus: quod medi-
camentis, quæ tenuium partium calidaq; sint, effi-
cietur. sed cum musculi ex contusione inflati sunt,
ex calidis & acerbis excandescunt, & dolores in-
tenduntur. ergo digerentibus lenientia miscenda
sunt. atque in initio lenientium esse maior portio de-
bet. Cumq; morbus inclinet; eorum, quæ digerunt.
Præterea in huiusmodi affectione musculorum lenit
& decoctum, & ipsum hyssopum cum exiguo oleo:

ORIBASII SYNOPSEOS

digerunt uero acetum & nitrum, & lixiuium stillaticium. ergo in principio utendum est decocto cum olei momento, atque item uini: quod calens lanis succidis excipiat. cumq; particulas refrigerare non oporteat, curandum, ut calor diu conseruetur. Vbi lenitus est æger, acetum, nitrumq;, & deinde lixiuium stillaticium misceatur. postremo uero imponenda sunt emplastra, quæ digerendi uim habeant, ut inflatio subsidat, quale est quod sequitur: sordes ex gymnasio feruefacias, primumq; percolato, ut pura fiant, rursusq; in lebetem conijcias, calcemq; uiuam tritam, ut farinam, inspergas, donec luti fiat spissitudo.

De elephantia.

Cap. LI.

QVI hoc morbo correpti sunt, ijs mirabile auxilium affert esus uiperarum: quas qui esse uelit, parare ad hunc modum debet. In primis caput, itemq; cauda ad quatuor usque digitos abscindenda sunt: interioraq; omnia & cutis etiam auferenda: corpus aqua perluendum: deinde in sartagine æque, ac angullæ ex albo iure condiendæ sunt. Fit autem album ius aqua copiosa imposita, exiguoq; oleo, & porro, & anetho adiuncto. Est autem perspicuum, carnes uiperarum esse coquendas usquedum teneræ fiant. Atque etiam ipsum medicamentum, quod ex uiperis conficitur, quod theriacen uocant, est accommodatum, ut ex eo copiose bibant ij, qui hoc morbo tenentur: ac si cui placeat, eodem cutim inungat. Qui hæc faci-

unt omnia, quandoque eis euenit, ut squama ex cute excidat, cuiusmodi in serpentibus senectutem appellamus. Vtimur etiam ad hæc theriaco sale, & calamintha: sed benefacit hoc quoque, quia non solum egregie digerit tenues humores, sed saniem attenuat, & crassos humores, ex quibus hoc morbi genus efficitur, incidit, & diffecat. Non tamen in singulis hominibus ab his remedijs incipimus: prius enim omnino purgamus, & quandoque etiam uenam incidimus.

FINIS SEPTIMI LIBRI.

OCTAVI LIBRI ARGVMENTVM.

Octauo libro continentur, quæ ad cerebrum, caput, oculos, nares, genas, maxillasq; pertinent omnia. Capita autem sunt hæc.

De memoria iactura, deq; ijs qui uigilijs, & de ijs, qui nimio sopore torquentur.	Cap. Primum.
De ephialte.	Cap. II.
De morbo comitali.	Cap. III.
De eodem ex Galeno.	Cap. IIII.
De uertigine.	Cap. V.
De apoplexia ex Philumeno.	Cap. VI.
De melancholia.	Cap. VII.
De insania ex Philumeno.	Cap. VIII.
De amantibus.	Cap. IX.
De lycanthropia.	Cap. X.
De cerebri inflammatione ex Philumeno.	Cap. XI.
De erysipellate cerebri.	Cap. XII.
Curatio aduersus canis rabiosi morsum.	Cap. XIII.
De neruorum resolutione.	Cap. XIIII.
De rigore, qui calefieri non queat.	Cap. XV.
De conuulsionibus.	Cap. XVI.
De distentione ex Philumeno.	Cap. XVII.
De capitis doloribus.	Cap. XVIII.
De cephalæa capitis dolore.	Cap. XIX.
De hemicrania.	Cap. XX.
Ad puerorum adustiones.	Cap. XXI.
De alopecia, & ophiassi.	Cap. XXII.
De capillis fluentibus.	Cap. XXIII.

Quæ pilos attenuant.	Cap. XXIIII.
De porrigine.	Cap. XXV.
Ad pediculos,	Cap. XXVI.
Ad ulcera capitis manantia, quæ achores dicuntur, & ad fauos.	Cap. XXVII.
Ad capitis ulcuscula.	Cap. XXVIII.
Ad foedum capitis odorem.	Cap. XXIX.
Ad foedum narium odorem.	Cap. XXX.
Ad ecchymomata inueterata.	Cap. XXXI.
Ad labia fissa.	Cap. XXXII.
Ad ephelidem, & maculas faciei Galeni.	Cap. XXXIII.
De uaris ex Galeno.	Cap. XXXIIII.
Ad ficosas menti eminentias,	Cap. XXXV.
Ad foedos alarum odores.	Cap. XXXVI.
De lippitudine ex Galeno.	Cap. XXXVII.
De inflammationibus oculorum.	Cap. XXXVIII.
De doloribus oculorum ex Galeni sententia.	Cap. XXXIX.
De chemosi ex Demosthene.	Cap. XL.
De phlyctænis.	Cap. XLI.
Ad phlyctænas oculorum.	Cap. XLII.
De carbunculo.	Cap. XLIII.
De nydriasi.	Cap. XLIIII.
De phthisi, & atrophia oculorum.	Cap. XLV.
De nyctalope.	Cap. XLVI.
De glaucomate, & suffusione ex Rufo.	Cap. XLVII.
De obscuritate, & hebetudine.	Cap. XLVIII.
De strabismo.	Cap. XLIX.

De expressione.	Cap. L.
De confusione.	Cap. LI.
De lusciosis.	Cap. LII.
De oculis lacrymantibus.	Cap. LIII.
De encanthide.	Cap. LIIII.
De pediculis palpebrarum.	Cap. LV.
De naribus obstructis ex Archigene.	Cap. LVI.
De strangulatis ex Theophrasto.	Cap. LVII.

168

ORIBASII SYNOPSEOS
AD EVSTATHIVM FILIVM,
LIBER OCTAVVS.

De memoriae iactura, deq; ijs, qui uigilijs, &
de ijs, qui nimio sopore torquentur.

Caput Primum.

VM perdita memoria est, aut ma-
gna noxa affecta, si frigida omnino
est intemperies, calefacere eam con-
uenit: non tamen est exsiccandi, si-
cut neque etiam humectandi necessi-
tas: sed si cum humiditate sit con-
iuncta, exsiccare, si cum siccitate, humectare: si in
medio utriusque consistat, eodem in statu conseruare
eam oportet. Eorum autem, qui ueterno detinentur,
in ipso statim initio uena secanda est: id quod est
utriusque morbo, & qui ex uigilia, & qui ex sopore
fit, commune: estq; utrique commune oxyrrhodinum
in principio adhibere: cætera contraria sunt, sedan-
da enim, leniendaq; sunt, quæ cum uigilijs uexant:
excitanda uero, quæ torporem afferunt. Merito igi-
tur cum ægrotantes in ætate florenti sunt, morbisq;
laborant, in quibus uigilant, & desipiunt, ijs irri-
gationes ex capitibus papaueris offeremus, & ad ol-
faciendum dabimus, nasiq; pinnas ab interioribus par-
tibus, aut frontem inungemus: in morbis uero con-
trarijs ægroti sunt excitandi, humorisq; qui molestia

ORIBASII SYNOPSEOS

am affert, incidenda est crassities, & calefacienda: ergo thymum, & pulegium, & origanum, et alia huius generis aceto incoquentes, ægrotantium naribus admouebimus: postea uero palatum ualidis, acribusq; medicamentis inungemus: capiti quoque medicamenta eiusdem facultatis, usque ad sinapi, imponemus. Quin etiam si uterque morbus inueterarit, cucurbitulis etiam, & castoreo in utroque utemur.

De Ephialte. Cap. II.

QUI Ephialtes nominatur, non est quidem malus daemon, sed ualidus morbus quidam, atque etiam uates, sacerdos, & Aesculapij minister. Morbum uero præueniunt hæc, suffocatio, uocis suppressio, & grauitas: occurrendum igitur inchoanti malo: nam perseuerans, & singulis noctibus incidens morbum aliquem magnum, ut apoplexiam, ut insaniam, ut morbum comitiale nunciat: idq; cum capiti causa tribuitur; quæcunque enim comitiales interdum patiuntur, eadem ephialticos dormientes infestant: ergo uena secanda est, totumq; corpus purgandum. Maximum uero auxilium affert ijs eleborus niger ad pondus drachmæ unius, cui succi scamoneæ oboli tres, & aliqua odorata, qualia sunt anisum, daucum, petroselinum admisceantur. Hiera quoque ex colocynthide mirum in modum eisdem opitulatur. Dieta tenuis esto, foetida uitentur. Adiuvat etiam hos pæoniæ semen: eius autem grana quindecim nigra trita ex aqua continue potui dentur.

De

De morbo comitiali. Cap. III.

VBI concidit aliquis, conuulsa, & distraeta membra sunt perungenda, tenendaq; ac dirigenda: deinde os aperiendum, digitusq; immittendus, aut penna oleo irino imbuta, ut pituitam euellamus, odoramentis quoque sensus excitare oportet, ueluti peucedano, succo cyrenaico, bitumine, cedria, pice. Post accessiones, si nihil impedimento est, uena cubiti incidenda est: si nihil remittat accessio, extremæ partes sinapismo oblinendæ sunt: cucurbitula præcordijs affigenda: si per hæc morbus non cessauit, exigua spes est: & tamen medicus audacter, & ui etiam adhibita, castoreum, & succum cyrenaicum cum melle, & aceto ori infundat; per sedem uero centaurij, aut colocynthidis decoctum inijciat. Qui ex morbo conualescunt, uiribus resectis, ex hiera purgari debent: atque hæc quidem est recentis, & acuti comitialis morbi explicata curatio: nunc uero quomodo inueterato opitulandum sit, subiiciam. Igitur qui in hunc morbum cadunt, aquam diu bibere oportet, & si nihil prohibet, utique sanguis mitti debet: quatuor autem, aut quinque diebus interpositis, corpus reficere, & ita purgante medicamento euacuare; præsertim uero ex nigro ueratro, aut colocynthide, aut etiam scomonea: ipsum porro ueratrum sine medulla tunsum, cribratumq; inspergendum est aquæ mulsæ cyathis quinque, aut sex, melleq; crudo adiecto piperis momento excipiendum: colocynthida

ORIBASII SYNOPSIS

uero abiecto semine, & quæ medullam adhuc habes
at, passo implèbis, totamq; noctem ita sines: mane
uero passum temperatum potui dabis: ubi satis pur
gati sint, lauari poterunt: tertio die cucurbitulæ
præcordijs, & dorso cum scarificatione applicabun
tur: deinde complusculis diebus interpositis, refecto
corpusculo, hieram ex colocynthide offeremus: post
hæc, capiti, & occipitio cucurbitulas effigemus: se
quenti die panem aqua mulsa incoctum, tritumq;
cum amaris amygdalis, serpillio, menta, aut cala
mintha, aut ruta super dabimus: idq; triduo faci
endum est: post uero caput radendum, paucedaniq;
liquore cui spondylium sit incoctum, ex aceto diluto
perungendum. Rursus uero interposito spatio, &
corpore recreato, antidoti ex colocynthide obolos no
uem in aqua mulsa, dieq; uno interiecto, tres etiam
dabimus: inde medicamentis utemur, quæ sternu
tamenta cieant. Post quinque, aut decem dies casto
reum ex mulsa exhibebimus: spatioq; interposito, cly
ster ex centaurio iniicietur: deinde uero quæ pitui
tam per os, & per nares ducant, offeremus: tum
sinapismum capiti inducemus. Iam uero & acribus
cibis quandoque est utendum.

De eodem ex Galeno.

Cap. IIII.

COMITIALES adiuuat oxymel per se
sumptum, præsertim uero si cum scilla sit confe
ctum: capparis quoque condita prodest, si continuo
edatur: itemq; salsamentum: est autem salsamen

eum medicamentum quoddam ex scilla utilissimum
 ad hunc modum confectum : uas in quo mel fuerit ,
 capimus , scillamq; in tenues partes manibus discer-
 ptam in id iniicimus : uas operculo solido obturamus ,
 totumq; uasculi os pelle circumdatum diligenter liga-
 mus , atque in sole constituimus , ut ad meridiem
 spectet , & à borealibus uentis sit remotum : fiat hoc
 in caniculæ ortu , quod est spatium quadraginta die-
 rum : uasculum uero est paulatim ad solem uerten-
 dum : transactis hisce diebus uas aperientes corpus
 scillæ elixato simile comperiemus , succumq; ex ea
 fluxisse , quem collectum optimo melle iucundum fa-
 cimus : & eius quotidie cochlear unum plenum , ac
 pueris quidem paruum , adultis uero magnum , da-
 mus . Quinetiam corpoream scillæ partem simplici-
 ter contundimus , & læuigamus , cochlearq; unum
 cum melle offerimus : sed huic , quantum ad efficacia-
 am pertinet , secundæ tribuuntur : si uero primo lo-
 co stomachus sit affectus , ægro imperandum est , ut
 concoctionis curam gerat : panem ergo accurate ela-
 boratum ex uino temperato leuiter adstringente , at-
 que albo , ad horam tertiam assumet . Medicamen-
 tum quoque ex aloe bis , aut ter singulis annis dari
 poterit . Noui puerulum , qui hoc morbo correptus
 nunquam fuerit , posteaquam radicis pæoniæ ma-
 gnæ , & recentem partem collo appensam tulit .
 Agaricum quoque , seselis , spondylii fructus , &
 radix , aristolochia rotunda ex aqua epota comitali-
 bus prodest : scarificatio denique crurum sæpissime
 iterata eosdem uehementer inuat .

ORIBASII SYNOPSIS

De uertigine.

Cap. V.

QVI hoc morbo tentantur, in accessione excitandi sunt medicamentis, quæ odore moueant, & extremarum partium frictionibus, & cæteris generis eiusdem: cum uero morbus conquieuit, ut profligetur, primum secanda est uena, deinde purgandum ex hiera: tum interiecto spatio, clysteri acri ex centaury, uel colocynthidos decocto utendum. His euacuationibus peractis caput ipsum ad occipitium est scalpello conuulnerandum, cucurbitulæq; cum scarificatione adhibendæ: postremo iis medicamentis utendum, quæ pituitam eliciant, & quæ per sternutamenta euacuent.

De apoplexia ex Philumeno.

Cap. VI.

QVI apoplexia correpti sunt, oleo copiosiore, aliquato inungendi sunt: caputq; perfundendum rosaceo, in quo spondylium sit incoctum, mulsaq; instillanda: & adhibenda odoramenta, ut castoreum, uel opopanax, & galbanum: os quoque per uim aperiendum est, digitusq;, aut penna oleo intincta iniicienda, ut siquid superuacaneum ibi sit, abstergatur: sedes quoque inungenda est iis, quæ flatu educunt: si per hæc morbus non inclinatur, clysteribus acrioribus utemur: quibus muriam, & mel admiscimus: his ita confectis, incidenda uena est: facta autem uenæ sectione, iterum utemur excitantibus.

De melancholia. Cap. VII.

IN hoc morbi genere, quando in toto corpore melancholicus sanguis redundarit, initium curationis à uenæ sectione sumendum est. cum uero is cerebrum solum occuparit, tum sanguinis missione non est opus. Sed est etiam tertia melancholiæ differentia quædam: cum ea non secus atque morbus comitialis, à uentriculo ducit originem. hanc nonnulli ueteres hypochondriacum morbum nominant. Cum igitur ex præcordiis melancholia oritur, primum symptomata circa uentriculum apparent: cumq; maior sit effecta, eam melancholicæ perturbationes comitantur. leuatur autem æger alui subductionibus, uomitibus, concoctione, & ructu. Hypochondriacum etiam hunc morbum, flatuosum appellamus: symptomataq; eius esse dicemus tristitiam & timorem. cum igitur propria melancholiæ symptomata magna appareant, uentriculum uero uel nullum, uel minimum quippiam infestet, tunc cerebrum ob atram bilem in eo accumulata præcipue affectum esse existimandum est. hanc uero melancholiæ speciem continuis balneis, diæta boni succi, & humida absque ullo alio præsidio curare oportet. cum uero humor is qui infestus est, ob temporis diuturnitatem effectus est difficilis ad euacuandum: tunc & magis uaria, & potentiora remedia par est adhibere. ergo morbum hunc incipientem curare conuenit, inueteratus uero atque auctus est tractatu difficilissimus.

ORIBASII SYNOPSEOS

mus. Igitur in principio epithymo aut aloë purgen-
tur: nam & parum quotidie ex his sumptum, non
mediocriter iuuat: leniterq; aluum mouet. ubi uero
ita, uti dictum est, purgati fuerint, absinthium da-
bitur, modo herba ipsa duobus aquæ cyathis perfusa,
et incocta, modo eius succi drachmæ dimidium, aquæ
continenter liquefacti. Datur quoque aceti modicum
dormituro. multa; obsonia in aceto intincta come-
denda offeruntur. Sed melius erit aceto scillam, po-
lium, & tenuem aristolochiam miscuisse. Cum ue-
ro ad curandum morbum qui iam inceperit, atque
ex totius corporis consensu ducat originem, forte ac-
cedas, non minus uenam in cubito secabis. facta
sanguinis missione, uiribus reſectis per inferiores par-
tes medicamento quod ex colocynthide, quodque ex
eleboro nigro conficitur, purgabis. quo in casu etiam
quod ex epithymo, quodque ex aloë constat, conue-
niet: prodest quoque euphorbium admiscere, & ex
sero lactis parare. Iam & facultates quæ urinam
ciant: purgationesq; quæ sudoribus fiunt, huic ma-
lo medentur. quin etiam præcordijs prospiciendum
est. fouebuntur autem perfusa decocto rutæ, et ane-
thi, & absinthij, & pulegii, & uiticis seminis, et
baccarum lauri. hæc enim oleo incocta, & affectæ
parti admota, & leniunt dolores, & flatus discu-
tiunt. porro cataplasmatibus insit etiam aliquid eorum,
quæ flatus pellunt: cuiusmodi est apium, aut ani-
sum, aut cuminum. nec minus etiam cataplasma-
ti miscere cyperum, irida, & rosmarinum. et per-
mittere, ut diu atque adeo per diem & pasto &

ieiuno adhæreant. cum auferes, aliquod aliud opementum, ut lanam latiore impone. Cucurbitulis ad flatus excutiendos leuibus utendum est; ad dolores autem atque inflammationes, cum scarificatione. Cum uero curando procedas, non erit obliuioni mandandum sinapi: sed & acria smegmata, & dropaces dorso, & uentri sunt imponenda.

De insania ex Philumeno. Cap. VIII.

INSANIAE eadem est, quæ melancholiæ curatio. præcipue tamen insanientes iuuat hippomarathri radix, semenq; in aqua potum. & bryoniæ radicis denarius ex aqua quotidie sumptus.

De amantibus. Cap. IX.

EOS qui ex amore curis affecti, uigilijsq; torti essent, cum nonnulli id minus intelligerent, balnei cibiq; abstinentia, et tenui uictu consumpserunt. in quibus cum nos amorem in causa eorum esse deprehenderimus, eorum animos ab amore ad balnea, ad compotationes, ad gestationes, ad ludos, & ad fabulas abduximus. nonnullis timorem incussimus. nam qui amori semper inserviunt, ab ijs affectio difficulter remouetur. nonnulli autem obiurgandi sunt ex uitæ instituto, quod sibi quisque delegerit. Cæterum amantes hæc consequuntur, oculi caui, non lacrymantes, sed ut uoluptatis pleni uideantur: continuus palpebrarum motus, cumq; reliquæ corporis

ORIBASII SYNOPSEOS
partes concidant, in amantibus hi soli non concidunt.

De lycanthropia, cum homines luporum naturam
imitantur. Cap. X.

QVOS hoc malum infestos habet: nocturno
tempore domo egressi lupos in rebus omnibus imitan-
tur: & ad diem usque circa tumulos uagantur mor-
tuorum. hos ita cognosces. pallidi sunt, oculos hebe-
tes & siccos, non illacrymantes, eosq; concauos ha-
bent. lingua siccissima est, nulla penitus in ore sa-
liua conspicitur, siti eneēti sunt, crura uero, quia
noctu saepe offendunt, sine remedio exulcerata. hæ
sunt illorum notæ. quæ in re sciendum est, lycanthro-
piam esse melancholiæ speciem: quam accessionis
tempore curabis seēta uena, & facta usque ad ani-
mi defectionem uacuatione: cibusq; boni succi. Vti-
tor quoque balneis dulcibus. deinde sero lactis per
triduum usus, etiam hiera ex colocynthide semel,
bis, & ter purgabis. Post purgationes theriacem ex
uiperis dato. & item alia, quæ in melancholiæ cu-
ratione sunt commemorata. Morbo inuadente æger
perspergendus est iis, quæ somnum conciliare con-
sueuerunt. ubi uero somnus accesserit, aures & na-
res opio illinantur.

De cerebri inflammatione ex Philumeno.

Cap. XI.

CEREBRVM inflammatum ita saepe intus

mescit, ut etiam futurae capitis deducantur: dolor maximus & diuturnus comitatur, uehemens fastidium, rubor in facie multus, oculi exeruntur, faciesq; & totum caput intumescit. ergo secunda uena est in cubito & euacuandum: itemq; ex naribus, & uasculis, quæ sub lingua sunt sita, sanguis mitti debet. irrigationesq; inflammationibus capitis congruæ, linimenta q; humectantia, & maturantia sunt adhibenda.

De erysipellate cerebri. Cap. XII.

ERYSIPELAS in cerebro fit, hæc q; ægrotus patitur, toto capite dolet, ut flamma in eo esse uideatur: facies frigida est, et subpallida, os inarescit. uena secanda est ei, qui ægrotet, præcipue uero quæ sub lingua sunt, uenæ incidi debent. refrigerantia quoque admoue, quibus in alijs itidem erysipelatis utimur.

Curatio aduersus canis rabiosi morsum.

Cap. XIII.

CANES rabiosos hæc comitantur. muti omnino sunt, & ueluti insani, ut ne domesticos quidem agnoscant, cibum auersantur, siti præmuntur, nec bibunt, anhelant uehementer, auribus demissis sunt, saliuam copiosam & spumeam edunt. Qui uero ab ijs morfi sunt, curare statim oportet omni legitima curatione, etiam si ulcus sit perexiguum, & extre-

ORIBASII SYNOPSEOS

mitatem solum occupet . neque cicatrix celeriter inducenda est . uulnus autem abluetur aqua , in qua chamæmelum , & agrestis lapathiradix sit incocta . In potione uero sument lycium , & silphij liquorem , quem in uulnus etiam imponent . sument quoque in potu chamædryn , scordium , gentianæ radicem , polium , fluuiatilium cancrorum decoctum , cui anethum multum admiscebunt . Purgabuntur uero medicamento quod ex colocynthide conficitur . cuius quotidie dabis quantum fabæ magnitudinem compleat , sed non ut integra fiat purgatio . humor uero qui cum dabitur , esto decoctum helelispaci , aut sideritidis heracleæ , quam & halyson uocant , quia ipsa sola iuuet . Vtiliter quoque dari poterit medicamentum ex uiperis . Vsus etiam eorum , quæ urinam mouent , est accommodatus . Iam & iecur canis , qui momordit , dandum est . Sed non uni soli remedio confidendū : et quibus rationibus cumq; possis est inuestiganda , atque tractanda curatio . Apollonius uero Pergamenus ait fuisse memoriæ commendatum , multos quidem ex ijs , in quibus ob aliam causam aquæ timor natus esset , quos ὕδροφοβοὺς appellant , fuisse seruatos , ex iis uero qui à cane rabioso morfi fuissent , seruatum esse neminem .

De neruorum resolutione. Cap. XIII.

CUM neruī omnes simul sensum , motumq; amiserunt , apoplexia morbus nominatur : cum uero in altera parte , siue dextera , siue sinistra id accadat ,

dicitur paralysis, hoc est resolutio nervorum illius partis, quam obsedit: originem ducit hic morbus ab humoribus glutinosis, & crassis nervos obstruentibus: per quos voluntarij motus eduntur: ex quo patet, eos humores esse uacuandos, his euacuatis, primum hieræ drachma potui dabitur sine melle, iniecto tamen pipere in puluerem redacto: siquidem uolumus non purgationem, sed distributionem ab hoc medicamento fieri, & tertio die drachmam itidem dabimus, aut etiam plus eo: quatuor uero diebus interpositis duas similiter, atque etiam tres drachmas exhibebimus: deinde quatuor diebus interiectis quatuor drachmas adiecto mellis & salis cochleari: quo tempore etiam piper est addendum: si hac dandi medicationi ratione æger minus perfecte fuerit purgatus, quinque drachmas, et quibusdam etiam sex: si modo ætas florens sit, dabimus. Diæta sit attenuans, parti uero quæ propter solam obstructionem sit resoluta, impone aliquod medicamentum, quod digerendi uim habeat. Quibus uero partes faciei sunt resolutæ, ad eos medicamenta faciunt, quæ pituitam educunt, quæ continuo sunt adhibenda, ut eorum robur excitetur: ijsdem sunt excitanda sternutamenta, capitisq; habenda omnino cura est: at in quibus resolutio faciem non uexat, ijs satis erit occipitio, & primis uertebreis applicare medicamenta: in quibus etiam medicamentis pituitam euocantibus uti debebimus.

De rigore, qui calefieri non queat. Cap. XV.

RIGOR huiusmodi ex pituita uitrea admodum

ORIBASII SYNOPSEOS

frigida sine febre oritur. In ijs uero, qui ita sunt affecti, calefacientibus uti sine metu debemus; et quæ humorum crassitiem dissecant adhibere: talia quoque esse debent esculenta & poculenta: utendum uero est medicamento quod ex tribus piperibus, deinde eo quod ex calamintha, tum uero eo, quod ex succo cyrenai-
co, & castoreo conficitur.

De conuulsionibus.

Cap. XVI.

CUM statim ab initio morbi, aut non ita multo post, conuulsiones, quæ oriri incipiunt, diutius perdurant, ex repletionem oriuntur: cum uero ex multis sudoribus, aut uomitibus, aut alui excretionibus, aut sanguinis defluuio, aut uigilijs, aut fame, aut motibus nimijs, et uehementibus sequuntur, ex inanitione ortum trahunt; cumq; aliquis sanus derepente conuellitur, id ex repletionem fieri necesse est: si uero ex febribus ardentissimis totum corpus, atque nerui exsiccescant, atque ex ea siccitate postea sequatur conuulsio, id summum malum est, & eiusmodi, ut fere nullus sit remedio locus. Ergo cum partes corporis ad anteriora trahuntur, ea conuulsio ἐμπροσθεν, cum uero ad posteriora, ὀπίσθον: cum denique recte inter utranque partem intenduntur, μέσος nominatur. Cæterum conuulsiones, quæ ex repletionem, aut inflammationem oriuntur, curabis si copiam humorum euacues: inflammationemq; peculiaribus remedijs propulses. Conuulsio autem accidere etiam solet, cum uomentes uehementius se se tor-

quent: his succurrit acanthij radix, & spinæ albæ,
& spinæ ægyptiæ semen epotum. Quidam etiam cen-
taurij minoris succum potui dant, cum ex repletio-
ne existit convulsio: castoreum uero non modo bibi-
tur, sed etiam extrinsecus cum oleo sicyonio cuti illi-
nitur.

De distentione, quæ τένεως dicitur, ex
Philumeno. Cap. XVII.

QVIBVS cervix recta intenditur, uescam
oleo calido repletam admoueretendinibus oportet: ut
quæ leniter calefiunt, etiam contraria, quæ distentio
inuehit, ferre queant: ergo totum consilium est eo di-
rigendum, ut irrigationibus, & lotionibus curatio-
nem transigamus: primum autem utemur oleo dulci,
deinde uero rutaceo, & sicyonio: sed magis etiam la-
xant cataplasmata ex foeno græco, lini semine, fa-
rina hordei, quæ mel copiosum, atque oleum recipi-
ant: ea autem comprehendant cervicem, utranque
maxillam, totamq; spinam usque ad lumbos. Adhi-
bendæ etiam sunt cucurbitulæ sic, ut cutis incidatur,
admoueantur autem cervicibus, spinæ ab utraque
parte, & pectori, ubi musculosum est, & item
præcordijs: eos uero in quibus morbus inueterarit, in
oleum totos descendere etiam bis die conuenit: si uires
subuertuntur, oleum rutaceum leniter calidum in
quo resina sit eliquata per sedem iniectum eos mira-
biliter iuuat: prius tamen bibant succum cyrenai-
cum, sed quia dissolutum facit erodentem potionem,

ORIBASII SYNOPSIS

oblinatur melle cocto ad erui magnitudinem : silphij quoque radix ex mulsa epota utiliter præbetur : simili quoque modo myrrha, & hyssopi decoctum : sed castoreum reliquis longe præstat omnibus : quocirca duo cochlearia singillatim distincta ex mulsa danda sunt.

De capitis doloribus.

Cap. XVIII.

CAPITIS dolores, quos æstus, aut calor aliquis excitauit, curant ea, quæ refrigerandi uim sine adstrictione possident : inter ea præstant cæteris, quorum est substantia tenuior : quocirca in principio nihil est rosaceo melius, quod absque sale sit confectum, non debet autem uetus esse : post rosaceum, sequitur chamæmelinum oleum, aptum ijs, in quibus refrigerare mediocriter oporteat : ubi uero uehementer refrigerare uelimus, rosaceo utemur, eidemq; semperuiui, aut portulacæ, aut lactucæ, aut uuæ acerbæ succum miscemus : papaueris uero, & mandragoræ succus, cum non sine noxa refrigeret, uitandus est : sed si necessitas quandoque cogat, eius parum miscendum est. Erasistratus autem auctor est, calidiores temperaturas, cum quis eas soli sit expositurus, mirum in modum præseruari, sponsia lata, ac densa ex aqua frigida ualde expressa, & capiti admota. In dolore uero capitis, qui ex frigore ortum ducit, rutaceo oleo uteris : si maiore calore opus sit, parum euphorbij oleo misce : præterea illine irino unguento, & amaracino : iam & laurinum hoc tempore erit accommo-

datum : atque his quidem & frontem , & narium ,
& aurium meatus inungere oportet : quæ in recentibus
capitis doloribus sunt seruanda. In iis autem, qui
sunt inueterati , & necesse est caput radere , medica-
menta adhibemus , quæ tum emplastrorum , tum ce-
ratorum forma sint confecta , cum uero capilli bre-
uissimi sint , liquidiora imponimus. Horum autem
materia aliunde est huc comportanda : ea igitur quæ
refrigerant, ex iis, quibus erysipelata curantur : quæ
uero calefaciunt , ex calefacientibus cõponenda sunt :
quale est quod ex euphorbio conficitur : satis est enim
unam euphorbii drachmam olei dulcis unciæ uni , &
ceræ unciis tribus adiicere. Dolorem uero capitis , qui
uitio stomachi ortus sit , sanabis uacuatione , quæ uo-
mitibus quamcelerrime conficitur : si uero nihil euo-
muerint, etiam si ualde sint conati, dabimus operam,
ut succorum uitiatam malitiam cibis boni succi
corrigamus . Porro pessima affectio fit , cum uitiosi
humores in uentriculi tunicas ita sunt infarcti , ut
elui non posse uideantur : quorum optimum remedi-
um est picra . Cum uero calor dolorem afferens su-
perarit , curatio adhibenda est ex iis , quæ refrige-
randi uim habent : postea mitigantia , & concoquen-
tia medicamenta repellentibus commiscebimus : tum
uero digerentia , & attenuantia adiungemus. Dolo-
res ex febrium magnitudine obortos perfusiones ex
capitibus papaueris sanant . Qui uero ex uini potu
caput dolent , uacuandi sunt , quiesq; , ac somnus im-
perandus , balneumq; uesperis adhibendum , & cibis
utendum boni quidem succi , sed non calefacientibus.

ORIBASII SYNOPSEOS

In iis denique qui ex ictu, aut plaga dolore capitis uexantur, cum iam inflammatio quædam constiterit uenæ sectione uti conuenit: si quid prohibeat, clysteri euacuabimus.

De cephalæa capitis dolore. Cap. XIX.

IN cephalæa dolores aggrauantes multitudinem indicant; erodentes, uaporum aut humorum acrimoniam; pulsantes inflammationem: extendentes si grauitas et pulsus non adsint, spiritus tenuis, ac flatuosi copiam in membranis contentam testantur. Ergo si multitudo uaporum, aut humorum continetur, utrum id euenerit propter particulæ illius imbecillitatem, an propter totius corporis repletionem considerandum est: ut totum corpus euacuando, etiam capitis dolorem ex particulæ imbecillitate contractum sanes. nam materiam in totum corpus reuellendo affectæ particulæ medemur.

De hemicrania. Cap. XX.

QUI curaturus hemicraniam est, qua purgatione, aut uenæ sectione ægrotus indigeat, considerare debet, atque ita ad capitis auxilia progrediens tum per digitos manus suæ, tum per linteolum dimidiam frontis partem, ante tempus accessionis confricando excalfaciat. post accessionem uero medicamentis, quæ hemicranica medici uocant, utendum est: siquæ multus calor in doloribus sentiatur, ijs in quibus

quibus refrigerans aliquid insit; sin secus, ijs quæ abunde calefaciant. utrisque uero aliquid ex ijs, quæ robur addunt, misceatur, quod facultatem adstringendi habeat. Iuuat etiam hos si oleum tepidum in aures instilletur modico euphorbij ad oleum iniecto, ut ad libram unam olei, euphorbij dimidium uncie addatur. Ad eos, qui caput mobile habent ex Dioscoride. Stichadem ex aqua, aut hydromelite bibendum præbe & sanescent.

Ad puerorum adustiones, quæ siriafes dicuntur ex eodem. Cap. XXI.

SINCIPITI imponenda sunt heliotropij folia, cucurbitæ ramenta, cucumeris, quem peponem appellant, cutis quæ carni adiacet; solani hortensis folia, & succus cum rosaceo.

De alopecia, & ophiafi. Cap. XXII.

EX medicamentis, quæ ad areas faciunt, euphorbium admodum calidum est. eo minus est thapsia, deinde sinapi, & nasturtium & adarce, tum struthium, & spuma nitri: & sulphur uernicarium, & ueratrum utrunque, et oleum laurinum, & alcyonia, & arundinis radix & cortex combusti, & pix liquida, ursi adeps. his utitor, & potentioribus ceratum, imbecillioribus oleum laurinum admisceto.

ORIBASII SYNOPSIS

De capillis fluentibus.

Cap. XXIII.

NVLLEVM præstantius medicamentum expertus sum, nullumq; fore animo concipio capillis fluentibus, quam quod ex ladano & oleo lentiscino conficitur. Si uero fluor sit copiosus propter magnam cutis raritatem, non erit incommodum pro lentiscino myrteum oleum ladano miscere. perspicuum autem est, caput prius fricandum, & capillorum copiam tollendam esse. ijs uero, quibus ex morbo capilli defluunt, diæta refectrice opus est. lotus arbor pilos fluentes cohibet. uel abrotoni cinis cum aliquo ex ijs oleis, lanuginem inducit. Defluuium autem, quod eitra morbum accidit, brassica arida, trita ex aqua illita curat. aut loti radix eodem modo capillos prohibet excidere. quod etiam laudauit Galenus. Ladanium in uino maceratũ læuigabis myrteum oleum et uinum uicissim inspergens. Satius uero est adiantum dimidio l. dani pondere admiscere, et myrteo oleo exceptum illinere. aut cum arundine combusta admiscere. Vt autem capilli nascantur, ficulnis folijs contritis locum illine. Ad pilos autem palpebrarum cadentes cedriam combure, fuligineq; utitor.

Quæ pilos attenuant.

Cap. XXIII.

PILOS attenuant hordeum, fabæ, eruum, aphronitrum, & nitrum. Vehementiora his sunt eestæ fætilium, clibaniq; pumex ignem non exper-

tus, alcyonia, elebori, bryoniæ, & dracunculi radix, aristolochia, et cachry. Si odorata fieri uolueris, cyperum, melilotum, rosas siccas, iunci odorati florem, iridem, spicam, nardum indicum, & celticum, fœniculi folia, itemq; amomum, & costum admiscebis.

De porrigine.

Cap. XXV.

PORRIGO ex vitiosis humoribus oritur. est ergo perspicuum, digerentia, & abstergentia medicamenta adhibenda esse. Furfurum sextarium medium in aquæ heminis duabus macerabis, deinde confricabis, postea excolabis, & cremorem heminæ aceti semisse adiecta usque ad uini spissitudinem coques: eoq; caput illines. postea uero caput lauabis aqua, in qua beta, aut fœnum græcum, aut lupini sint incocti. Inunctionibus utitor, ut irini unguenti fece. hoc enim medicamentum citra morsum digerit. Ad inueteratas porrigines ualet hoc, quod habet atramenti sutorij, sulphuris ignem non experti, spumæ nitri pares portiones, quæ uino affuso excipiuntur oleo lentiscino, componunturq; ad strigmenti spissitudinem, & pili subunguntur.

Ad pediculos.

Cap. XXVI.

VVAE taminia partes duæ, sandarachæ & nitri, utriusque pars una. ex aceto atque oleo caput ungit.

Z ij

Ad ulcera capitis manantia, quæ achores dicuntur,
 & ad fauos. Cap. XXVII.

HAEC in capitis cute tenuibus foraminibus erosâ tenuem modicęq; uiscosum humorem in se habentia consistunt. fauus autem maiora habet foramina. ergo patet, humores, ex quibus morbus originem ducit, euacuandos esse. siq; amplius influant, primum ipsorum influxus prohibendus est, & per capitis, & per totius corporis euacuationem. ut in alopecie curatione diximus, conuenientq; medicamenta incidentia. nonnulla autem medicamenta, cum excrementis totum corpus redundat, achores incipientes curant, quæ adstringendi, & repellendi uim habent, qualia sunt myrti bacca, pini cortex, rubus, & sycaminus. nonnulla uero & obsistunt achorum incrementis, & id quod influit, repellunt, atque etiam, cum mixtis uiribus sint, id quod iam in parte affecta continetur, concoquunt, & digerunt. tale est myrtinum, & rosaceum, lentiscus, cyperus, & lenticula. nonnulla uero digerendi uim sunt prædita, & absque calore sensibili abstergunt, ut beta, & plumbum ustum. nonnulla denique ualentiores uires habent, achoresq; qui à crassis, glutinosissq; humoribus fiunt, euacuare possunt. huiusmodi sunt sal, chalcitis, uini fex usta, sandaracha, & calx extincta. fel calidorum, siccorumq; animalium. acetum uero acerrimum ad achoras omni tempore accommodatum est. hoc autem diluta metallica

achoras curant. Si uero achor inflammationis sensum inuehat, id in primis facies, ut inflammationem humido medicamento, quod $\mu\epsilon\lambda\epsilon\upsilon\gamma\pi\omicron\nu$ dicitur, sedes. ad idem ualent hæc simplicia, papaueris agrestis, & alterci folia tere ex uino, atque illine. aut scoriam ferri & rosas pari portione tere, & ex uino illinito: id quod nonnulli cerato rosaceo excipiunt.

Ad capitis ulcuscula. Cap. XXVIII.

CAPITIS ulcusculis conuenit hoc, quod habet plumbaginis papaueris foliorum pares portiones, contere hæc inter se, aleoq; myrteo exceptis, ut cerati fiat crassitudo, inungens utitor.

Aliud ad idem ualens.

CALAMINTHAE teneræ folia, cerussamq; pari portione tere, decocto caput papaueris dissolue, myrteo oleo excipe, ut strigmenti crassitudinem habeat, atque utitor.

Ad fœdum capitis odorem. Cap. XXIX.

GLANDIS unguentariæ et nardi pares portiones ex eodem conterito ad mellis spissitudinem. caput abrasum cum uino uetere inungito.

Ad fœdum narium odorem. Cap. XXX.

MYRRHAE, acaciæ, amomi singulorum
Z ij

ORIBASII SYNOPSEOS

drach. i. contunde et cribra, melle cocto excipe. iube ut hoc summo narium intersepto agglutinet.

Ad ecchymomata inueterata. Cap. XXXI.

RADICULA illita ad hæc facit. auferenda est, cum erosionem incipit inducere, aut radiculae succum cum micis panis illinito.

Ad labia fissa. Cap. XXXII.

OVI membranulam interiorem, ut splenium impone. idem faciunt telæ aranearum candidæ, quæ in arcis inueniuntur: quæ uero altius scissa sunt, bubulo aut caprino adipe, aut medulla bubula, et resina inungito.

Ad ephelidem, & maculas faciei ex Galeno. Cap. XXXIII.

VITIS syluestris racemi ephelidas et maculas, & quæcunque generis eiusdem in summa cute oriuntur, curant. amygdala amara ephelida tollit, itemq; huius arboris radices coctæ. costus ex aqua, & melle ad idem ualet. brassica ad ephelidem & lenticulas facit: & ad cætera omnia, ad quæ mediocri adstrictione, & abstersione opus est. Sepiæ testa combusta eadem præstat.

De uaris ex Galeno.

Cap. XXXIIII.

QVI uarus appellatur, tumor quidam exiguus atque durus in faciei cuticula est: ad quem exteren- dum ualent emollientia & digerentia medicamenta. Aliud. Mellis attici cyathus. acerrimi aceti par portio. diligenter mixta excipe terebinthina, ubi emollieris impone.

Ad ficosas menti eminentias ex Galeno.

Cap. XXXV.

SPVMAE argenti, misyos crudi par pondus tere, & illine. Aliud. Thuris drach. octo. spumæ argenti drach. quatuor. salis fossilis drach. octo. tri- ta illinito.

Ad fœdos alarum odores.

Cap. XXXVI.

ALVMINIS liquidi partibus duabus, myr- rhæ parte una uino dissolutis utitor.

De lippitudine ex Galeno.

Cap. XXXVII.

OPHTHALMIA est inflammatio tunicæ os capitis, & caluariam ambientis. ad hanc medi- camenta sunt adhibenda quæ repellant, nec exaspe- rent, hoc est quæ non uehementer adstringant ut plurimum uero albus oui liquor cum accommodatis

Z iiij

ORIBASII SYNOPSEOS

medicamentis, per collyria, quæ unius diei dicuntur, sanare lippitudinem potest. postridie uero eius diei collyrio, quod nardinum appellatur, ad instaurandum & corroborandum inungetur. In quibus autem adstringentia superant, plurimum oui candidi parumq; collyrii esse debet: in quibus uero concoquentia excellunt, ijs paulo crassioribus est utendum. Fomento ex spongia utemur: si quidem mediocris sit dolor, semel aut bis in die: si uehementior, & ter, & quater, & sæpius uti præstat. Fomentum uero ex meliloti & fœni græci decocto conficiatur.

De inflammationibus oculorum. Cap. XXXVIII.

SI plenitudo subsit, uena secanda est, aut adhibenda purgatio, aut clyster iniiciendus, aut imperanda inedia, atque ita progredi adhibitis ijs, quæ repellere fluxionem possint. Si plenitudo non adsit, sed mediocris affectio oculos obsidens fluxiunculam pariat, in principio utendum est inunctione, ut iritationem oculis infestam leniamus, & defluxum sistamus: quale est quod ad Nilum auctorem referatur ex rosis, & medicum, & nardinum. Si uero humor in capite tantummodo obstructus redundet, cucurbitulas occipitio affigere oportet, et cutim scarificare, uel hirudinem adhibere & fronti, qua dolet oculus, assidue oui candidum, aut lac instillare, & hisce remedijs dolores lenire. In quibus uero ardens, calida, & acris defluxio est, aut salsa, hoc

cataplasmate utemur. panis puri medullam aqua
 macerato, læuigato, rosacei modicum admisceto,
 superiori palpebræ imponito. aut capitum papaueris
 decocto polentam coque, & modico rosacei adiecto il-
 line. palpebræ autem inungendæ sunt medicamento
 quod diarhodon appellatur diluto capitum papaue-
 ris decocto. agglutinantibus quoque & unguentis
 utendum est, cum uasa quæ in fronte & temporibus
 sunt, contorta distenduntur. Sed cum defluxio à
 uasculis, quæ altius inhaerent, proueniat, ab his ab-
 stinendum est. Si uero inflammatio à materia con-
 cocta excitetur, purgante medicamento confertim
 euacuabimus. balneum quoque in hoc casu erit ac-
 commodatum. Cum inflammatio remittit, cataplas-
 matis calidis per initia utendum. Si crassum sit id,
 quod inflammationem facit, primum omnium ad-
 hibenda curatio estalui solutione, inunctionibusq;
 medicamentorum, quæ neque impleant neque cras-
 sos humores reddant, sed quæ diffundere, hume-
 ctare, & excernere possint: quale est chiacum col-
 lyrium. ad hæc imponenda sunt * catapotia dolore
 leuantia, odoramentaq;, & cataplasmata, & me-
 dicamenta quæ inunguntur: celeriusq; balneo uten-
 dum, & serum lactis propinandum.

De doloribus oculorum ex Galeni sententia.

Cap. XXXIX.

QUOTIES dolores uehementes oculis acci-
 dunt, perquirendum est, quænam affectio in inflam-

ORIBASII SYNOPSIS

matione dolorem tunc afferat : nam , aut ex uehementi
acris humoris confluentis morfu , aut quod eorum tu-
nicæ plenitudine distenduntur , aut propter crasso-
rum humorum , aut succorum , aut spiritus flatuosi
extensionem uehementes in oculis dolores excitantur .
ac morsus quidem purgantibus medicamentis , & ipsi
particulæ oui humore infuso curabis : Vbi autem pri-
us concocta inflammatio ipsa fuerit , corpusq; uacu-
um , tum utique lauaciones sunt aptissimæ . Quæ ue-
ro ex repletionem inflammationes proueniunt , missione
sanguinis , alui deiectione , infernarumq; partium fri-
ctione curare conueniet . Extensiones uero curabimus
toto corpore prius euacuato , atque etiam humorum
momento deorsum auerso ; tum medicamentis locali-
bus , quæ digerant utendum erit . Fouendi igitur sunt ,
ac foeni græci decoctum insudendum . In quibus
uero sanguinis crassioris copia in uenulis oculorum
continetur , sine succorum in toto corpore redundan-
tia , uini potione utendum est , quippe quod caleface-
re , euacuare , & obstructions aperire queat .

De chemosi ex Demosthene. Cap. XL.

CUM ex uehementi inflammatione palpebræ in-
uertuntur , ut uix contegere oculos queant , curare
oportet uenæ sectione , medicamento purgante , &
collyrio dia rhodon cum lacte , aut oui candido pal-
pebras illinendo , eodem quoque tempora , & frontem
illines . Corpore plurimum euacuato , si ferre queant ,
fomentum ex spongia adhibendum est : cataplasma-

taq; ex farina pura, & polenta ex hydromelite co-
cta imponenda, eaq; sæpius mutanda sunt, ipsiq;
polentæ & seris, & solanum admisceri debent. In
principio subungendum non est: satis enim est lactis
uti infusione: sequenti uero die admonere ea, quæ ad
inflammationem faciunt, & præsertim dia rhodon
collyrium: cum inflammatio remittit, medicamento
purgante utendum, & acrioribus inungendum.

De phlyctænis.

Cap. XLI.

PHLYCTÆNÆ curandæ sunt ad hunc mo-
dum; in primis iubendum est, ut ægri parum loquan-
tur, sternutationes, iram, spiritus retentionem uitent,
potum & cibum quammaxime possumus contrahere
oportet, euacuationeq; uti ex clysteribus non acri-
bus, obscuro loco ægrum continere, ligamenta quo-
que, & linteorum applicationes uitare oportet. Ca-
taplasmatis utendum est leuioribus, & subadstrin-
gentibus, collyrium uero Nili dia rhodon lacte dilu-
tum conueniet.

Ad phlyctænas oculorum.

Cap. XLII.

PHLYCTÆNÆ quæ in oculis sunt, medi-
camenta digerentia postulant: quæ igitur recentes
sunt, atque adhuc inflammatæ, medicamentis quæ
ex myrrha, & thure, & croco constant, arcentur,
inueteratæ uero aliquid eorum, quæ maiorem dige-
rendi uim habent, requirunt.

ORIBASII SYNOPSEOS

Decarbunculo.

Cap. XLIII.

PRIMUM clysteri uacuare, deinde lacte non cocto mediocriter purgare conuenit: deinde sponsia fotum erui farina, uel triticea, ex aqua mulsæ cocta illinere: nonnunquam uero iridem tenuem illinere, et lacte oculū perluere: si ulcera serpant, lenticula cum melle, uel mala cydonia cocta super danda: si latius depascendo serpant, folijs oliuæ decoctis, uel malicorio in uino decocto læuigatoq; illinito: si cessent serpere, crustaq; medicamento, quod subiiciam, imposta exciderit, ulceraq; pura sint, luteis ouorum tostis læuigatisq; cum melle, & croco donec ad cicatricem perueniant, illinentur, medicamentum uero est huiusmodi. Spodij drach. quatuor, croci oboli tres, uino aminæo læuigentur quousque inaruerint: passumq; creticum uetus miscetur: omniaq; simul læuigantur, & liquor pixide fœtili excipitur, & oblinitur.

De mydriasi.

Cap. XLIIII.

CUM pupillæ color nihil immutatur, sed multo, quàm naturaliter esse consuevit, est latior, & interim lumine penitus priuat, interim uero quæ uidentur, multo minora apparent omnia, mydriasis malum uocatur. Eius curatio sanguinis missione excubito, aut purgatione tentanda est: sin minus, uenas in angulis oculorum oportet incidere, deinde cucurbitulam occipitio affigere: & aqua marina faci-

em, & oculos perfundere: si ea non adsit, muria, uel posca utemur: cæterum medicamenta adhibenda erunt ea, quæ ad phlyctenas etiam faciunt.

De phthisi, & atrophia oculorum. Cap. XLV.

PTHISIS est, cum pupilla angustior, obscurior, & rugosior efficitur: res uero quæ cernuntur, his maiores apparent. Inter phthisin, & atrophiam hoc interest, quod phthisis angustiores pupillam efficit, atrophia uero totum oculum et minorem, & humiliores reddit. Curandus hic morbus est exercitatione partium superiorum, & diligenti admodum capitis, faciei, & oculorum frictione, et acriore medicamento, quale est, quod sequitur, rarefacere oportet. Ammoniacy drach. I. crocomagmatis drach. quatuor, æruginis drach. I. tritis in aqua, et subactis utitor.

De nyctalope.

Cap. XLVI.

NYCTALOPEM uocant eum, qui per diem uidet, sole occidente obscurius, nocte uero omnino nihil cernit. Curari debet sanguine ex cubito, & angulis oculorum misso: deinde purgatione, aut euacuatione ex clysteri: tum apophlegmatismi imperabuntur, aut ut sternutamenta excitentur. Ante cibum hyssopum potui dabimus: si morbus ita non finiatur, medicamentum purgans quod ex scamonea, castoreoq; conficitur, iterum dabimus: oculi melle despu-

ORIBASII SYNOPSEOS

mato illinentur : claudenturq; humores comprimendo, & continendo. Aut aluminis ægyptij combusti partes duas, salis fossilis partem unam tere ex melle & sublinito.

De glaucomate, & suffusione ex Rufo.

Cap. XLVII.

GLAUCOMA et suffusionem ueteres unum, eundemq; morbum esse existimarunt : posteriores uero glaucomata humoris glacialis, qui ex proprio colore in glaucum conuertatur, & mutetur morbum esse putauerunt : suffusionem uero esse effusionem humorum inter uueam & crystalloidem tunicam concre-scentium : cæterum glaucomata omnia curationem non recipiunt : suffusiones uero recipiunt, sed non omnes. Discutere igitur suffusionem oportet sanguinis ex cubito detractiōe, itemq; purgatione, et acrioribus euacuationibus, ueluti centaurij decocto, aut amari cucumeris, & alui solutione frequentiore : cucurbitulas etiam occipitio cute incisa admouendo. Aqua toto curationis tempore bibenda est, cibiq; assumendi, qui attenuent. Proderit etiam progressu temporis apophlegmatismos per dies aliquot adhibere. Medicamentis utendum est, primum simplicibus, qualia sunt mel, oleum, fœniculi succus : deinde compositis, quale est hoc, quod accipit sagapeni drachmas duas, succi cyrenaici, ueratri albi singulorum drachmas sex, rutæ syluestris drachmam unam, spumæ nitri drachmas sex, alij quinque, mellis cochlea-

via octo, aut succi chamædryos, sanguinariæ singu-
lorum pares portiones, collyria conficito.

De obscuritate, & hebetudine. Cap. XLVIII.

OBSCVRITAS est plerunque totius aspectus
impedimentum absque manifesta oculi affectione, he-
betudo uero est obscurior aspectus ab aliqua ignota
causa proueniens. Communis omnium obscuritatum
curatio est uenæ sectio in cubito, & in angulis ocu-
lorum: deinde uero humores euacuationibus ad par-
tes inferiores reuellendi sunt: postea cucurbitula occi-
pitio affigenda, hirudinesq; temporibus admouendæ,
& partes inferiores confricandæ: aqua potui danda,
cibus utendum, qui facile digerantur, temporis spa-
tio sternutamenta quoque excitanda, uomitus ante
cibum ciendus, inunctiones adhibendæ: ac primum
quidem ex paribus mellis & olei portionibus: deinde
hoc composito, quod subiicio. Croci oboli duo, fellis
hyænæ drach. una, piperis communis gra. LXXXV.
succus fœniculi drach. XVI. guttæ ammoniaci dra-
chma una, æruginis tantundem, mellis coch. sex,
tritibus omnibus fœniculi succum affunde, deinde læ-
uigata exsiccato, tuncq; mel admisceto, in pixidem
æneam reponito, et utitor. Antequam inungas, ocu-
los spongia quæ marina calida imbuta sit, fovebis.

De strabismo.

Cap. XLIX.

QUI strabones oriuntur, curantur rebus faciei

ORIBA SII SYNOPSIS

adiectis, ut recte aspiciant: & lucerna in conspectu
ipsorum constituta, ne oblique intueantur: cumq; ad
nares oculis conuiuent, stipulas ex palma etiam an-
gulis oculorum, qui ad tempora sunt, agglutinare
conuenit, ut aspectu ad has firmiter directo oculos
emendent.

De expressione.

Cap. L.

OCULI uero interdum exprimuntur ita, ut
exerti permaneant: si ex strangulatu sic compressi
sint, uena in cubito secanda est: si alia causa subsit,
purgandum eleboro nigro, aut scamonea. Com-
pressiones uero, quæ ex doloribus oriuntur, purga-
tiones, quæ in puerperijs eueniunt, sæpenumero sol-
uunt: unde nos quoque una cum ijs debemus opitu-
lari: in uiris autem post sanguinis missionem, si
morbus non remiserit, cucurbitula occipitio affigetur:
lana melle imbuta imponetur, aut stuppam ex aqua,
et supra linteolum leniter deligabimus. Marina quo-
que frigida faciei inspersa eosdem iuuat, & sereos
& polygoni succus cum meconio illitus, itemq; alia,
quæ comprimendi, & contrahendi uim habent.

De confusione.

Cap. LI.

CONFUSIONES, quæ ex plaga consequun-
tur, uenæ cubiti sectione curamus, itemq; totum ocu-
lum sanguine recens matetati animalis, præsertim ue-
ro turturis, sin minus, columbæ implendo: deinde
lanam

lanam mollem, ouo cum uino, & rosaceo contuso in-
tinctam, & impositam deligando: die sequenti idem
faciendum: tertio uero, fomento utendum, lac instil-
landum, quæ accommodata sunt, applicanda: po-
stremo sublinendum iis medicamentis, quæ ad ueteres
affectiones ualent, quale est, quod chiacum dicitur.

De lusciosis.

Cap. LII.

LUSCIOSI dicuntur, qui ita nati sunt, ut
quæ prope sunt uideant, quæ procul sunt, non
item, quæ quidem affectio curationem nullam reci-
pit: senescentes uero contra, ac lusciosi, affecti sunt,
propinqua enim non uidentes, remota aspiciunt.

De oculis lacrymantibus.

Cap. LIII.

LACRYMANTES oculos sublinere me-
dicamentis agglutinantibus, refrigerantibus, & ad-
stringentibus, itemq; posca proluere conuenit.

De encanthis.

Cap. LIIII.

ENCANTHIS est incrementum carnis, quod
in angulo maiore prouenit loco ulcerato: si maligna
encanthis non sit, dolore uacat, mollis, sublaxaq; est:
si maligna, est durior, inæqualis, & pungentes do-
lores affert, malignæ dimittendæ sunt, non malignas
curare conuenit: ac paruas quidem medicamentis sic-
cis, quale est, quod ex chalcitide, & cadmia & pso-
rico conficitur: maiores uero, chirurgia.

AA

De pediculis palpebrarum. Cap. LV.

PEDICVLIS prius eiectis palpebras marina tepida colluere oportet : deinde ciliis ad mouere medicamentum hoc , quod subiiciam . Aluminis scissilis partes duæ , uuæ taminia pars uua , tritis utitor.

De naribus obstructis ex Archigene. Cap. LVI.

CUM nares obstructæ sunt , acrisq; nobis qualitas permittit , prius danda opera est : ut aluum cieamus : deinde supra nares hirudinem applicemus : tertia die splenium à media fronte ad nares extendamus : nasi uero partem emplastris quæ digerere pollicentur , per dies quindecim illinemus : postea confectiōe amara ex aloë , aut hiera ex colocynthide uentrem ducemus : quibus peractis apophlegmatismis utendum est : deinde molliens medicamentū naribus et fronti super dandum , tum prouocanda sternutamenta : mox sinapismo caput usque ad frontem obducendum , castoreum denique aceto dilutum odorandum offerretur : si post hos omnes motus aliquo præterea auxilio sit opus , uomitus ex raphanis , & oxymelite excitetur : die sequenti absinthij succi , quantum cochlearis dimidium compleat , aut etiam hyssopi , aut tragorigani bibendum detur . Malagmatum quoque usus conuenit , quæ impones usquedum uaros excitent . Hæc autem & bis , & sæpius ad affectiones pertinaciores admonere oportet.

De strangulatis ex Theophrasto. Cap. LVII.

SUFFOCATI reuocantur aceti infusione, & filicis, aut uricæ semine in aceto acerrimo trito, & diluto. difficiliter autem quidpiam sumunt: sed uicogendi sunt. Dissolutis uero colli impedimentis statim respiciunt, & anguntur: hi non secus reuocari uidentur, atque illi qui naufragium fecerunt, et ad summam, ut qui suffocatione fuerunt oppressi, siquidem eorum calor ita recreatur.

FINIS OCTAVI LIBRI.

AA ij

Nono libro traduntur omnia , quæ ad thoracem ,
uisceraq; usque ad pudenda , pertinent: deq; mulie=
bribus morbis , & podagra , atque articulorum do=
loribus agitur .

De sanguinis reiectione ex destillatione .	Cap. I.
De reiectione sanguinis .	Cap. II.
De purulentis ex Galeno .	Cap. III.
De tabe .	Cap. IIII.
De asthma .	Cap. V.
De cordis palpitationibus ex Galeno .	Cap. VI.
De lateris dolore .	Cap. VII.
De lateris dolore sine febre .	Cap. VIII.
De mamillis affectis .	Cap. IX.
De oris uentriculi affectionibus .	Cap. X.
De flatu uentriculi .	Cap. XI.
De uentris excretionibus , quæ præter naturam fiunt .	Cap. XII.
Tinesmi curatio .	Cap. XIII.
Dysentericæ curatio .	Cap. XIIIII.
Ad dysentericos & coeliacos .	Cap. XV.
De tenuioris intestini morbo .	Cap. XVI.
De sedis affectionibus .	Cap. XVII.
De hæmorrhoidibus .	Cap. XVIII.
De iecoris affectionibus .	Cap. XIX.
De iecoris imbecillitate .	Cap. XX.
De scirrho iecoris .	Cap. XXI.
De malo corporis habitu .	Cap. XXII.
De aqua inter cutem .	Cap. XXIII.
De lienis affectionibus .	Cap. XXIIII.

- De renum & uesicæ affectibus. Cap. XXV.
 De renum, uesicæq; inflammationibus. Cap. XXVI.
 De abscessu renum, & uesicæ, & meatuum urinæ
 exulceratione. Cap. XXVII.
 De renum duritie. Cap. XXVIII.
 De renum imbecillitate. Cap. XXIX.
 De scabiosa uesica. Cap. XXX.
 De uesicæ inflammatione ex Rufo. Cap. XXXI.
 De uase rupto in uesica. Cap. XXXII.
 De uesicæ tuberculis. Cap. XXXIII.
 De uesicæ ulceribus. Cap. XXXIII.
 De diabete ex Galeno. Cap. XXXV.
 Diabetæ curatio ex Rufo. Cap. XXXVI.
 De ulceribus quæ in sede & pudendis sunt.
 Cap. XXXVII.
 Ad testium & pudendi affectiones. Cap. XXXVIII.
 De gonorrhœa, & satyriasi. Cap. XXXIX.
 De pollutione, quæ in somnis fit. Cap. XL.
 De priapismo. Cap. XLI.
 De hæmorrhoidibus. Cap. XLII.
 De uteri affectionibus. Cap. XLIII.
 De nimia purgatione. Cap. XLIII.
 Mulierum non concipientium curatio. Cap. XLV.
 Non spirantium curatio. Cap. XLVI.
 De suffocatione ex utero Philumeni. Cap. XLVII.
 De fluore muliebri. Cap. XLVIII.
 Simplicia muliebrem fluorem curantia. Ca. XLIX.
 De uteri inflammatione. Cap. L.
 De uulvæ abscessibus. Cap. LI.
 De uulvæ ulceribus. Cap. LII

De cancro uulvæ .	Cap. LIII.
Ad uulvæ fissā.	Cap. LIIII.
De phymo uteri .	Cap. LV.
De uulvæ inflatione .	Cap. LVI.
De utero procidente.	Cap. LVII.
De articulorum doloribus, podagricis, ischiadicisque sanandis .	Cap. LVIII.
Curatio scirrhorum, qui in morbis articulorum sunt.	Cap. LIX.
Ad scirrhos, philagrii .	Cap. LX.
Quomodo se quispiā a podagra tueatur .	Cap. LXI.
Ad ischiadicos .	Cap. LXII.

AD EVSTATHIVM FILIVM,

LIBER NONVS.

De sanguinis reiectatione ex destillatione.

Caput Primum.

9 VIBVS cruentum sputum ex de-
stillatione oritur, ijs in ipso statim
initio secunda uena est, aut clyster
acer iniiciendus: tum crura, ma-
nusq; calfacienti medicamento pluri-
mum fricanda, & uincienda, mox
caput radendum, cui deinde medicamentum, quod
ex stercore palumborum constat, imponetur: inter-
positisq; tribus horis in balneum ducentur, ac nullo
pingui caput contingendo lauabuntur: dein caput
idoneo pileo contegentur: & sola sorbitione fructu-
um autumnalium austerorum alentur: dormituri
medicamentum ex uiperis nuper quatuor ante men-
ses confectum dabitur: secundo uero die totum cor-
pus, præter caput, rite fricabitur, & ipsi in quiete
habebuntur: rursus autem uesperis medicamentum
ipsum ex uiperis dabitur: cohibita ob id destillatione,
tertio die mane mellis cocti parum dato, in quiete con-
serua, totumq; corpus frica: ptissanæ cremorem cum
exiguo pane pro cibo exhibe: quarto porro die mane
dato medicamen ex uiperis, idq; cum melle copioso:

AA iiij

capiti uero eodem imposito medicamento, ipsisq; lotis, moderateq; nutritis, pulmonem quinto die ualentius expurgabis, ac deinde rursus per interualla cerato ex thapsia, quod consuetum est, ad caput utere, totam denique corporis curam ad reficiendum dirigit. Qui uero ob frigiditatem membrorum respirationis sanguinem expuunt, ijs statim uenam incides: bisq; eodem die sanguinem detrahes: deinde rursus post tri die bis, sed artuum frictione, & deligatione pridie usus, ad uesperam medicamentum, quod dia spermaton dicitur, exhibebis: secundo die post sanguinis de tractionem, toti pectori ceratum, quod ex thapsia conficitur, impones: mox uespera, ne supra modum calefaciat, auferes: tertio die rursus ad tres horas imposito, atque hominem lauato, & tribus deinceps diebus sorbitionibus nutries: tertioq; præter cremorem ptissanæ, aliquem etiam piscem, qui facile concoquatur, & simpliciter sit præparatus, adijcito: medicamentum quoque diaspermaton & secundo, & tertio die ad uesperam similiter dabis: nam & somnum conciliat, & dolorem lenit, & exsiccat. Cum igitur particulae ad bonam temperiem redactæ sint, sedataq; sit inflammatio, expurgare ualide poteris, adhibito simul usu medicamenti, quod ex uiperis constat: quo sumpto & lactis potu, & alijs etiam cibis conuenienter uteris. Atque hoc quidem modo eos, qui eodem die se tibi committent, curare poteris: qui uero post duos, aut tres dies, non omnes: sed aliquibus eorum insanabile ulcus est factum: ulcera namque quæ in pulmone sunt, difficilius sanantur, & sta-

tim uena in cubito interna secanda est; bisque, uel etiam ter detrahere sanguinem oportet, tum fricare, & artus omnes uinculis excipere. his confectis, primum posca diluta tepida potui detur, ut si quis grumus sanguinis in uiscere concreuit, dissolutus eiciatur. id quod bis atque ter efficere, nihil prohibet. Post hæc uero, medicamenta obstruentia, & adstringentia primo die ex posca diluta, aut ex decocto malorum, aut myrtorum, aut alterius cuiuspiam adstringentis exhibeantur. Vespero autem rursus medicamentum similiter dare conueniet: ægerque ab omni cibo erit abstinendus. Præstabit autem secundo itidem die parum sanguinis detrahere, nutrireque & medicamenta similiter ad quartum usque diem adhibere, pectore in orbem madefacto: atque æstate quidem melino, & rosaceo, hyeme uero nardino unguento. Utitor etiam emplasticis medicamentis per se: quale est, quod ex bitumine & aceto conficitur. Ex ijs uero ij soli insanabiles mihi uidentur, qui ex succi uitiosi erosionem sanguinem reiectant.

De reiectione sanguinis. Cap. II.

IN sanguinis reiectione primum periculum in nimia euacuatione est positum. ægrotis auxiliari statim his quæ subiiciam, poteris. medicorum enim officium est totam affectionem animo perpendere. Por tulaca uero ad hoc facere consuevit: sed eius succus potui datus est efficacior. itemque balaustij, rubique

ORIBASII SYNOPSIS

fructus & flos epotus: membranosa quercus pars,
& liber qui inter corticem & lignum intercedit. præ
sertim uero truncum ipsum, & item fagum inco=
quentes utuntur. efficacior est althææ radicis deco=
ctum & mentastrum. Ad recentes reiectationes.
Contaurij maioris drac. II. febricitantibus ex aqua,
non febricitantibus ex uino dabis. Rheum, lentisci
folia & cortex, samius aster, ad omnes reiectatio=
nes ualet. eodemque modo lemnia sphragis. ad san=
guinis uero grumos facit uel maxime leporis coagu=
lum in potione sumptum. eosdem quoque grumos dis=
sipat ficulnus cinis ex aqua potus. itemque thymum,
& satureia cum aceto.

De purulentis ex Galeno. Cap. III.

PURULENTOS uocant eos, qui in thora=
ce & pulmone pus coaceruatum habent. nam post
ruptionem pus in media thoracis & pulmonis regio=
ne continetur: ac nisi celeriter excreetur, tabidi mor=
riuntur. febricitant semper tenuiter febris hectica.
erumpit uero pus, partim supra, partim infra.
quodque infra delabitur, tum in uentre, & intesti=
no intercipitur, tum in uesica, in quam per uasa
quædam importatur. quando uero sursum abscessus
erumpet, periculosior res est. In primis igitur puris
est adiuuanda concoctio. id fiet fomentis per spongas,
& cataplasmatibus ex hardei farina additis caricis co=
ctis, modico resinæ, stercoris columbini, nitri, &
ibisci. hæc enim attenuant, atque digerunt. Sani

quoque lateris incubitus eruptionem adiuvat. Absorbeant per intervalla mulsam, & ptissanae cremorem ex melle. robustiores uero hyssopi & thymi decoctum bibant. opitulatur etiam ruptioni salsamentorum esus: & catapotia hierae ex colocynthide dormituris data. Cum pus excerni incipit, hyssopum in mulsam & oleo coctum dandum erit. Si uero exulceratio difficulter purgetur, mulsam continenter utemur, in qua duas aut tres particulas iridis incoquemus. dulcis quoque radice succus laeuigatus, & sisamo admixtus prodest.

Detabe.

Cap. IIII.

TABES est ulcus in pulmone, quod in purulentis, & ijs qui distillatione diuturna laborarunt, oriri consuevit. atque etiam ex sputo sanguinis consequitur, cum suppresso profluvio sanguinis, neque ulcus agglutinatur, neque ad cicatricem perducitur. Curare oportet ita humores qui ibi sunt parando, ut tussi educi facile queant. & diligentia quoque adhibita, ne alij praeterea colligantur. porrum ergo capitatum in ptissana tandiu coctum, ut lique scat, conueniet: quodque alijs quoque sorbitionibus, aut pultibus sit incoctum. quod etiam bis per se coctum dari poterit. Potus sit aqua pluuiæ, quæ satis etiam decocta sit. Vbi malum conquiuerit, per initia cataplasmata ex lini semine et polline, ex foeni graeci decocto, uel maluae, & olei & mellis, quibus althææ folia commixta sint, adhibeantur. temporis uero progressu ad ce-

ORIBASII SYNOPSIS

rata ex butyro, laurino oleo, & cyprino, & iride transeundum est. mox utendum malagmate est. ac primum eo quod diateffaron dicitur ex cera & terebinthina: & duæ aut tres iridis particule in mulsa cum dulci radice incoctæ. Si tussis uehementer molestas sit, thymum tritum & hyssopum melle non cocto excipe, & ad lapilli magnitudinem sub lingua tenendum dato. Mithridatum quoque per interualla datum, itemque medicamentum ex uiperis conueniet. Sed lactis potio est tabidis omnium utilissima.

De asthma. Cap. V.

QUI spirare sine sono & anhelatione non possunt, qui asthmatici nominantur, ijs medicamenta diffecantia & non uehementer calefacientia conueniunt. quam ob rem acetum scilliticum eos optime iuuat. quin et ipsa scilla, et oxymel quod ex hoc aceto conficitur, conuenit. ijs uero qui non nisi recta ceruice spiritum trahunt, qui orthopnoici uocantur, prodest pumex cum nitro, et uini fex combusta cum iunci rotundi flore, & auripigmentum cum alcyonio. Philippus autem scribit, se nouisse quendam, qui duas partes iridis, unamque spumæ nitri contereret, cribroque traiectas unguento alicui commisceret, pectusque & dorsum donec ignita, & sanguinolenta fierent, confricaret. ex qua re difficultatem spirandi, tussim, et purulentam affectionem propulsauit. Maiora autem remedia sunt frequentior ex ualidis medicamentis purgatio, uomitus ex raphano excitus, et omnia ma-

lagmata attrahentia : & ipsarum partium exulceratio . Aristolochia autem rotunda ex aqua pota asthmaticis prodest . itemque centaurij maioris radix , spondylii fructus & radix , calaminthæ fructus , & hyssopum , & iris & melanthium . item asellos , qui sub hydrijs morantur , potes in uas fictile conijcere , & ad carbones ignitos torrefacere : cum inalbuerint , terito , & melle cocto excipito & dato ante cibum cochlearia duo ad delingendum . Aliud . Scillæ crudæ succum exprime , melque ei pari mensura admisce , & ad prunas coque , eiusque ante , & post cibum cochlearia duo delingenda exhibeto .

De cordis palpitationibus ex Galeno. Cap. VI.

NOVI quendam quotannis uerno tempore huiusmodi palpitationis casu uexatum , qui cum per triennium a sanguinis detractione se adiutum intelligeret , anno quarto , antequam hoc malo corripere-
tur , sanguinem misit . id quod deinceps multis annis fecit .

De lateris dolore. Cap. VII.

EXQUISITVS Lateris dolor fit membrana succingente costas primo loco affecta . quocirca a præcordijs usque ad clauiculam dolor extenditur . ergo si dolor ad iugulum usque pertinet , uenæ sectione opus est : sin ad præcordia descendat , purgatione . si dolor moderatus & pungens sit , non magnum admo-

O R I B A S I I S Y N O P S E O S

dum auxilium postulat. ijs ergo ægrotantibus medicamenta, quorum attenuans facultas sit, dabimus. ac mediocri quidē inflammatione correptis adhibebimus. in remissionibus uero inflammationum, ualidioribus utemur. moderatus autem est ptissanæ cremor, et mulsa: ualidius uero urticæ semen: & id in quo aliqua ex acribus herbis iniicitur, ut origanum, ut hyssopum, ut calamintha, ut pulegium, ut iris.

De laterum dolore sine febre. Cap. VIII.

L A T E R V M dolores sine febre curat bdelium, costus, brassicæ caulium combustarum cineri uetus adeps admixtus. hoc nanque medicamento ad laterum dolores utimur, et item alijs huic similibus. magnam enim digerendi uim habet.

De mammillis affectis. Cap. IX.

M A M M I L L A R V M inflammatione laborantium efficax remedium est lutum impositum. quod si tibi siccius uideatur, cyprino aut rosaceo emolles. Valet autem ad restinguendum lac, quod in caeseum coit in mammis earum, quæ nuper pepererunt: ouum totum, quo rosaceo admixto utimur non solum ad mammillarum, sed etiam ad aliarum complurium partium inflammationes. Sordes etiam ex palaestra remedio sunt mammis inflammatis: siquidem igneum id, quod in ipsis est, extinguunt, & quod influit, sistunt, & quod ibi continetur, dige-

runt. Fabacea farina mammarum & testium cata-
 plasma idoneum est. nam hæ particulae, cum inflam-
 matione tentantur, modice refrigerari desiderant:
 & præsertim cum lac in caseum concrevit. Naxiæ
 uero cotis retrimentum uirginum et puerorum mam-
 mas inflari non sinit. Suum quoque testes abscindito,
 mammasque sanguine inungito, & non augentur.
 Mamas autem quæ ob lactis copiam intumescunt
 & extenduntur, lenticula marina aqua incocta, et
 imposita curat: mentastrum cum polenta illitum: ci-
 molia ex aceto inuncta: lac muliebri cū cicuta suc-
 co: cicuta folia illita: muria ex fomēto adhibita. Va-
 let etiam ad idem fabarum farina uel per se, uel cum
 polenta illita: itemque cydonia cocta cum melle. Præ-
 terea non sinit lac in grumos transire cera alba in pi-
 lulas redacta, quarum quotidie decem numero milij
 magnitudine sumentur.

De oris uentriculi affectionibus. cap. X.

QUI canino appetitu correpti sunt, hoc est, qui
 fame continuo torquentur, ijs ut magnum auxi-
 lium, uinum copiosum, & abunde calidum dan-
 dum est. tale autem uinum & fuluo & rubro colo-
 re citra adstrictionem est. & appetitus ex fame exci-
 tati ex stomachi frigidityte existunt: ut non sine cau-
 sa huiusmodi uinum eos sedet. His cum ad prandium
 accedunt, primum cibi dandi sunt pingues, & oleo-
 si, & alia omnia ex oleo copiosiore parata, & in qui-
 bus nihil austerum & adstringens insit. mox uero

ORIBASII SYNOPSIS

imperandum est, ut uinum eis, etiam si non sitiant, detur. Fames enim hac ratione statim lenietur, & ita longo temporis spatio peragendo sedabitur. Singultientibus danda est ruta cum uino, aut nitrum in mulsa: aut apium, aut cuminum, aut acetum scilliticum, aut calamintha, aut asarum, aut nardum celticum & singula per se, & simul etiam. Castoreum uero conuenit ijs, quibus multitudo singultum ex frigidis & glutinosis succis excitauit. dandum autem potui est cum posca. atque etiam cuti una cum sicyonio, aut uetere oleo impositum prodest. Cum uero ex repletione humorum singultus oritur, (plerumque enim ex hac causa ducit originem) uiolenta indiget euacuatione ea, quæ sternutamentis conficitur. Nausea uero fit, cum uentriculus ad uomitum propellitur, cum scilicet multitudo eum prægrauet, aut morsu infestetur, aut denique uitiosis succis obsideatur. nonnulli autem turbantur, sed nihil euomunt, in quibus is, qui infestat, succus neque multus est, neque uentriculi spatio, sed tunicis ipsis continetur: atque in aliquibus, ut aqua in spongia, aliquibus uero ita impactus, ut dissolui agre possit. Curatio tribus capitibus concoctione, attenuatione, & euacuatione perficitur. Qui igitur magis pituitosi, et crudi sunt, quiete, inedia, & somno concoquuntur. ex alijs uero, qui tenuiores sunt, & modice infarcti, uomitibus eiciuntur: qui interdum ex ptissanæ cremore, aut mulsa, interdum ex aqua sola cientur. at quicumque glutinosi, crassique sunt, & ita uentriculo impacti, ut auelli difficulter queant, ij medicamen-

ta succos attenuantia postulant. Cum uero humiditas uitiosa uentriculi tunicas obsidet, picra ex aloë hanc ipsam utiliter purgat: adstringentia uero noncent egregie: ueluti etiam ubi multa humiditas citra malitiam succorum est, ac ueluti mador quidam, et qui sola quantitate affligit, adstringentia sunt utilissima, medicamentum uero ex aloë confectum omnes qui usi sunt, ad marcorem perducit. in ijs uero, qui frigidam affectionem esse senserint, addere poterimus calefacientia adstringentibus. esse autem frigidiorē affectionem illud satis indicabit, si sitis absit. cum enim æger non sitiat, neque os uentriculi æstare sentiat, sane patet, non esse affectionem calidam. Inflammationes autem oris uentriculi, & iecoris adstringentium adhibitionem postulant. nam si quis relaxantibus solum utatur, uitæ periculum afferet. ergo siue oleum, siue cataplasma locis affectis superdetur, aliquid, cui facultas adstringendi insit, admiscere oportet, ut absinthium, aut nardinum unguentum, aut melinum, aut cydonium incoquendo. Ceratum quo utimur continenter. Cere albæ unc. i. aloes, mastiches singulorum denarius. Si maiore adstrictione opus sit, cum tanta imbecillitas uentriculi sit, ut ne continere quidem cibum queat, omphacij par portio addatur. atque in cerato primum omphacium, deinde alia misceantur. & quemadmodum omphacium, ita etiam absinthii succum, & quandoque etiam utrunque adiungimus, & tertio itidem loco hypocystidis, & œnanthes, & rhois succum: deinde cerato modus est adiungendus,

ORIBASII SYNOPSEOS

qui aliorum medicamentorum numero pro portione respondeat. Si inueterascit, iamq; indurescit inflammatio, tum magis uaria medicamenta, quæq; aromaticum, itemq; mollientium & digerentium quippiam habeant, applicare oportet, quale est id, quod ex meliloto conficitur. Viridis iaspis stomachi os attingens, stomachum iuuat: cuius rei satis magnum periculum uisum est. torques autem conficiendus est, eaq; moderatione collo aptandus, ut os uentriculi contingat. In calida uero stomachi interperie, ut ardeat cum dissolutione, uel quasi anima deficiat, uel quoddam cibi fastidium urgeat ex quacunque tandem occasione præterquam à febre, aquam frigidam cum omphacij succo, aut cydoniorum decoctum, aut clauiculorum uitis, uel seminis cucumeris, aut ipsa semina trita dabis: aut mentæ ramulos tritos potui dato. foris autem uesicam aqua frigida plenam stomacho impone, aut niuem adhibe, aut cucurbitæ ramenta. Catapotium sitim sedans ijs qui æstuant. cucumeris satiui seminis drach. octo. tragacanthæ drach. sex. soluitur tragacantha ouorum crudorum recentium albo. cumq; fuerit dissoluta, studioseq; contrita, cæteris addatur, omnibusq; commixtis catapotia fingantur, & in umbra exsiccentur, dentur autem, ut sub lingua teneantur. humor uero, qui inde emanat, deglutiatur. Hoc uero cum refrigerat, tum uero etiam firmat stomachum humescentem, cum humida, calidâq; affectione tenetur, Foliorum rosarum uiridium drach. sex. dulcis radicis drach. quatuor. nardi indici tantundem.

uino dulci excipe, catapotia confinge: dato sub lingua continenda. Vel dissolue ex aqua frigida ad ciceris magnitudinem. Cæterum refrigeratis, & in quibus crassior pituita calefieri, diffecariq; postulat, hoc quod sequitur, conuenit. Marathri radice corticis uncia una, aceti sextarius unus, aloes uncia una. radices aceto incoquuntur, cumq; coctæ fuerint, eis aloë commiscetur, dato huius cochlearia tria ex aqua. nonnulli etiam absque aloë id conficiunt. Quibus autem cibus acescit, hoc est accommodatum, piperis drach. I. seminis anethi drach. I. cumini drach. quatuor. terito, & dormituris cochlear unum ex uino diluto dabis. Iis uero, qui atram bilem gignunt, & stomachus flatu infestatur, spongas aceto acerrimo imbutas, & præsertim in accessionibus, applicato. deinde si dolor remanserit, alumen liquidum cum ære trito, melle exceptum imponito. ei uero, cuius stomachus distentus, ac flatu plenus sit, calaminthes decoctum aqua sub dio refrigeratum modico mellis, & piperis adiuncto offeres. Ad stomachi subuersiones facit hoc. mali granati acidi nucleorum succi partes tres, mentæ succi pars una. coniectas in uas fictile continuo mouendo coquito: cumq; in unum coiuerint, ab igni auferto. cum usus postularit mistrum unum ante cibum dabis.

De flatu uentriculi. Cap. XI.

FLATVS in uentriculo gignuntur ex succis, aut cibus ab imbecillo calore in uapores dissolutis. re-

BB ij

ORIBASII SYNOPSIS

frigeratio enim, quod attenuare, dissolvereque; suapte natura non queat, flatu nullos gignit. calor autem uehementior non solum attenuat, atque dissoluit, sed etiam digerit. ideo fit, ut flatu procreationem impediatur. at imbecillus calor fundit, & commutat ipse quidem alimentum, sed minus, quam par est. inde flatuum origines existunt. ex quo fit, ut calefacientibus medicamentis attenuare eos oporteat. id fiet, si oleo cuminum, aut apii, aut spondylii, aut dauci semen incoxerimus. Si huic affectioni coniuncta frigidas sit, rutam, baccas lauri, melanthium, marathrumque; oleo incoquemus, bitumenque; & oleum laurinum admiscebimus. Sed si inflammatio dolores comitetur, loco eorum quæ calefaciunt, relaxantibus utemur: anethum enim incoquemus, & gallinaceum, & anserinum adipem admiscebimus. Ad eos porro qui flatu torquentur, facit polii fasciculus coctus, & in potu sumptus, aut etiam calaminthæ decoctum mellis portiuncula & piperis drachma adiecta. Atque hæc quidem cum dolor uehemens urget, applicanda sunt: cum uero moderatus dolor est, satius erunt fomenta ex milio, aut pannis lineis. Præterea cucurbita iustæ magnitudinis, quæ umbilicum ex omni parte comprehendat, sæpenumero laborantes morbo liberat. Castoreum quoque epotum, atque etiam ex posca, & foris ex oleo sicyonio impositum iuuat; etiam si flatu huiusmodi sint, ut circa umbilicum intestina torqueantur. Suis etiam talus ustus & potus tormina & flatu tollit. quod facit etiam rotunda aristolochia. Ad dolores autem flatuosos ex

uentris obstructione, aut sanguinis crassitie, aut ex
perfrictione excitatos uinum meracius à cibo sum=
ptum ualet. cumq; somnus accesserit, eosdem pla=
ne sedat.

De uentris excretionibus, quæ præter naturam
sunt. Cap. XII.

IN uentris excretionibus cum uehemens desiden=
di cupiditas est, excernunturq; primum pinguia, et
mucosa, deinde uero etiam abrasis similia, tum pa=
rum sanguinis, qui excretioni supernatat, neque
excrementis mixtus est, in recto intestino radices egis=
se affectionem constat: eaq; tinesmus appellatur.
Cum uero nulla pinguis excretio præcedit, in biliosis
statim rasuris similia excernuntur, omnino quidem
cum morfu, & quandoque etiam cum torminibus,
cruentaq; excrementis mixta, tunc in gracilioribus
intestinis esse affectionem coniectamus: sed si pinguia
& cruenta non sint commixta excrementis, tum in
crassis intestinis esse morbum coniicimus. & utra=
que affectio dysenteria nominatur. Quãdoque etiam
usu uenit, ut solus sanguis copiose excernatur. quam
affectionem medici quidam cruentam dysenteriam
uocant. Est & alia quædam, præter has, quas di=
ximus, affectio, quæ uentris & intestinorum obsi=
det loca, per quam cum primum ingesti sunt cibi,
statim nulla acquisita mutatione, sed crudi, incon=
cocti, in succum non conuersi excernuntur. quod
mali genus omnes leuitatem intestinorum appella=
t.

BB ij

ORIBASII SYNOPSEOS

runt . quam sane affectionem uel ex totius intestini exulceratione : uel ex uentriculi imbecillitate , qui continere cibos non potest , oriri dicimus . Sæpe etiam propter iecoris imbecillitatem ex uentre excernuntur quædam lotioni carniū recens maētatarum persimilia . Quinetiam alia est peculiaris excretio dilutior , cum uenter quidem exquisitè concoquit , sed distributio ipsa non fit . Et quandoque etiam nigrior sanguis , quam esse naturaliter deberet , et splenscens excernitur . id quod accidit , cum iecur alimentum distributum non probe concoquit .

Tinesmi curatio .

Cap. XIII.

IN ipso statim initio irrigare oportet imum uentrem , inguina , et perinæum oleo myrtino , aut rosaceo cum uino . deinde caprini lactis recens mulcti non minus , quam heminam dare , uerum non confertim , sed partite . Sequenti uero die euaporatum lac detur . coquatur autem ad dimidias , aut ad duarum partium consumptionem , ablataq; crassiore spuma quæ superstat , exhibeatur . Loca autem inferiora irrigentur oleo , in quo cuminum tritum , aut apium sit incoctum . in rectum autem intestinum ptissanæ cremor in quo rosæ incoctæ sint , aut lac , aut alica , aut lenticula , aut malicorium iniiciatur . Si uiolentior sit inflammatio , oleum dulce leniter calidum infusum , et multis horis retentum doloris uehementiam soluit . fomenta quoque adhibenda sunt imo uentri ex sacculo in quo frictum milium

atque sal insit . in sedem uero per spongiarum acaciam
contusam , aut myrti , aut rubi , aut malicorii deco-
ctum infundes .

Dysenteriae curatio. Cap. XIII.

SI exulceratio solum sit , neque quicquam præ-
terea influat , ex una ualidi medicamenti iniectione
omnino abstergetur , atque curatur : sin secus altera
adhibita : neque tertia opus est . ergo si dysenteria à
flaua bili originem ducit , eam plerunque curamus .
at si ab atra bile oriatur , cum nihil à cancro exul-
cerato differat , curari non potest .

Ad dysentericos & coeliacos . Cap. XV.

LEMNIA sphragis etiam depascentem iam
dysenteriam & epota , & infusa curat . prius enim
exulceratio abluenda est mulsis meraciore , deinde
muria : tum lemnia ex plantaginis succo infunden-
da . potui uero danda est posca diluta : & lac caseo-
sum : quod conficitur lapillis ignitis iniectis donec con-
coquatur , et plurima feri pars absumatur . estq; præ-
stantissimum dysentericorum , & omnium quibus
defluxiones acres uentrem exercent , remedium . Ca-
ninum uero stercus tritum lacti sic parato misce ,
medicamentum summe ad dysentericos accommoda-
tum facies . Sed canis nihil , præter ossa , debet come-
dere . ita enim & foedo odore uacans , & candidum
stercus excernit . Alui quoque defluxiones exsiccant

ORIBASII SYNOPSEOS

ouum ex aceto coctum, & manducatum. Si uero
miscere aliquid uelis eorum, quæ ad dysentericos &
coeliacos ualent, in sartagine ex igni fumi experte
assatum dabis. magnopere enim homini proderis.
Sed utilissimum est omphacium, rhus rubrum, eiusq;
succus, cinis cochlearum uniuersarum coctarum,
malicorium, galla, acini, mespila, myrta, corna.
Cochlearum una cum testis combustarum cineris
partes quatuor, gallarum partes duæ, piperis pars
una, in puluerem redigantur, & obsoniis insper=
gantur: uel ex aqua, aut uino albo diluto potui
dato. iuuat hoc mirifice dysenterias, in quibus ul=
cus putridum nondum est. Portulacæ succus epotus
dysentericis conuenit: itemq; plantaginis succus, ru=
biq; fructus & folia. radicis althææ decoctum et ad
dysenteriam, et ad fluorem alui efficax est. ad idem
egregie facit cauda equina ex aqua, aut uino pota.
eiusq; succus ad fluorem similiter est accommodatus.
eundem sanat adiantum, paliuri folia, radix pini,
piceæ cortex, lenticula bis cocta, & priore aqua ab=
iecta. acini cuicunque affectioni uentris & intesti=
norum ex defluxione ualde prosunt. Spica nardi,
oxiacanthæ fructus manducatus, & epotus, spina
alba coeliacos, & stomachicos iuuat. mori fructus
intempestiuus exsiccatus medicamentum satis ad=
stringens efficitur. ita, ut ualeat ad dysentericos,
& coeliacos, & ad cæteras affectiones omnes, quæ
ex defluxione oriuntur. contunditur enim & obso=
niis inspergitur, quemadmodum etiam ixiæ fructus,
uel si quis uelit, ex aqua, aut uino bibitur: Sed ma=

gis per se ualet. rubi quoque fructus exsuccati, & repositi conueniunt.

De tenuioris intestini morbo, quem ἰλεον nominant. Cap. XVI.

TENVIORIS intestini morbus cum difficilis morbus est, tum uero si quis in eum incidit, raro euasit. sed maxime mortiferum esse sciendum est eum, qui foetidus nominatur, in quo uel stercus euomitur, uel foetida est expiratio. quandoque autem ructus huiusmodi fit, quandoque uero totius corporis odor teterrimus excitatur. Mirum in modum iuuantur qui hoc morbo tenentur, etiam si iam stercus uomant, si anethum in oleo & aqua decoquant, & bibant: deinde frusta panis ex aqua feruenti statim, dum incalescit, comedant, seruantur enim, & si iam suffocentur. Ad eos autem, qui frequenter uomunt, cibumq; non continent, rhus & cuminum in eodem tritum in senis oxymelitis cyathis bibendum dato. Aut uitis foliorum aut clauiculorum succum cum polenta potui dabis.

De sedis affectionibus. Cap. XVII.

GALLAM flauam coque, eamque in puluerem redigito, ac sedis inflammationes, anumque procidentem illine. Si ualentiore opus remedio fuerit. in uino, si mitiore, in aqua decoquito. succus quoque echini ad sedem, atque uterum procidentem facit.

ORIBASII SYNOPSIS

Aliud . Pini corticis drach . octo cupressi globulorum siccorum drach . octo plumbi drach . octo uino austero deterge , & tritis utitor . Ad arduentes uero sedis dolores oui assati uitellum tritum uino albo et rosaceo cerato exceptum illine : cataplasmaque impone , quod ex pane puro contrito & aqua & rosaceo excepto in quo uitellus oui assatus adiunctus sit , constet . Aliud . Rosarum siccarum drach . tres ouorum assatorum uitellos numero III . ex uino albo leuigentur & rosaceo ac myrteo cerato excipiantur , itaque utitor . Cerata quoque non secus ad id faciunt . Ad rimas uero quae in sede & pudendis sunt , rasuram linteolorum concremato eiusque cinerem & amyllum pari mensura terito , cum succo foliorum oliuae subigito , & utitor .

De haemorrhoidibus .

Cap. XVIII.

HAEMORRHOIDAS nimium apertas sistit aloe illita , aut dissoluta & imposita . & perfusio ex posca in qua ferri squama , plumbumque ustum sit . Aperit autem ora uenarum allium commanducatum , amaracinum , uel irinum unguentum illitum . Sanguinem uero haemorrhoidum confestim reprimat hoc quod sequitur , Acaciae drach . quatuor tragacanthae drach . octo atramenti sutorij drach . octo rubricae drach . I cerussae drachma , cerato rosaceo excipiantur . et acidi punici cortex tritus & ex aceto impositus ad idem ualet . sique haemorrhoides interius delitescant , ad formam glandis imposito . Hoc etiam mirabiliter facit . sandarachae , auri pigmenti , aluminis scissilis

singulorum drach. octo ægrum apte preparatum obline. hæmorrhoides enim arefactæ, & a sede sua demolitæ in semihora morientur & decident. medicamentum uero lixiuio diluitur. ceratum uero in orbem applicatur, et sub sole, uel ad ignem conficitur.

De iecoris affectionibus. Cap. XIX.

SI inflammatio iecur exerceat, tum dolor urget, tum uero dolorem omnino febris cum humorum plenitudine consequitur. ergo cum repletum corpus est, sanguis euacuatur, & quod in sanguine superfluit uenæ sectione in cubito dextri brachij reuellitur, ut cibus autem ptissana in principio danda est, ut medicamentum uero oxymel dilutius, & apij decoctum. Post uero quam concocta iam fuerit inflammatio, asaro & nardo celtico, & petroselino et iunci odorati flore uti poteris: & item ijs, quæ aluum subducunt, ut urtica, mercuriali, & epithymo: in declinationibus uero, etiam polypodio. Iam uero euacuatio quoque clysteribus peragenda est. ac in ipso principio, ex mulsa cum sale, atque nitro, cum uero adest declinatio, hyssopum, origanum, aut colocynthida potes adiungere. Ad hoc autem uiscus, quod facile indurefcit, opus est abstergentibus. Cum uero dolor absque febre urget, sciendum est abstruptione uehementi a crassis, glutinosisque succis excitata uiscus obsideri. Scirrhum porro incipientem possit quispiam longo temporis spatio sanare: inueteratum uero, nullo pacto. in aqua uero inter cutem si oboriatur scirrhus, longiore spatia

ORIBASII SYNOPSIS

interibunt. Qui uero curari possunt, calefacientibus, atque attenuantibus medicamentis quibus mollientia mixta sint, curantur. Imbecillitatis uero iecoris in causa sunt intemperies, quæ quidem & difficillimæ sunt, & satis uarias & difficillimas symptomatum formas inducunt: quæque eiusmodi sunt, ut non facile tractari ab artificibus possint. Viticis semen hepar scirrholaborans iuuat. obstructo uero iecori prosunt plantaginis siccæ radices, fructus, et folia, myacantha, & præcipue semen, & radices: lauri radices cortex trium obolorum pondere cum uino odorato epotus. concoquit enim, & particulae robur adiungit, lupinorum amarorum decoctum, cum ruta & pipere epotum. idem facit eorum farina illita, & capnium post hæc impositum. spica nardi pota, & extrinsecus imposita. iris, pistacii fructus, prasium, amygdala, dracuntii radix expurgat uiscera omnia, crassosque & glutinosos succos attenuat agaricum, anthemis aut chamæmelum præcordiis propitium est. Omnibus uero præstant cichorea, & seris in calida iecoris intemperie, & summe prosunt, & firmitatem eidem addunt, ipsumque abstergent. Dabis igitur cichorii, aut seridis succi cyathum unum cum aquæ cyathis tribus melli attici cum aqua cochleari addito. Horum uero non solum succus utilis est & recens, & exsiccatus, sed etiam folia sicca studiose contusa, deinde potioni inspersa. quæ si quis etiam cocta bibat, inualde proderunt. Cum uero intemperies calida non est, sed sola obstructio iecur obsidet, herbae ex uino albo & tenui potæ magnopere iuuant. Hepar lupi di

ligenter teritur, daturq; drachma ex cyatho uini dulcis. id quod magnum experimentum dedit. omnibus enim intemperiebus conuenit, ut quod ex substantiæ proprietate, & non qualitate ulla agat. Cum uero febris non obscura est, melius ex aqua præbetur: atque etiam longe melius, si cum aliquo ex succis antedictis, ut ex seridis succo detur. Philonis quoque medicamentum mirifice facit. ac quandoque semel exhibitum calidam iecoris intemperiem curauit. Compositum medicamentum, quod aperiendi uim habet. Amygdalarum amararum denarii tres, cumini denarii octo. seminis apii denarius. dato cochlearium ex uino. Pastillus, anisi, seminis apii, asari, amygdalarum amararum purgatarum, absinthii singulorum drachmas quatuor, aqua excipe, pastillos fingito drachmæ unius. non febricitantibus cum uino diluto, febricitantibus uero ex hydromelite dabis.

De iecoris imbecillitate.

Cap. XX.

INTEMPERIES sunt imbecillitatis causæ. in hepate enim diuersæ affectiones oriuntur. nam calidæ intemperies succos qui in eo prius sunt, assant; frigidæ uero contentos in ipso humores crassos, & ad fluxum atque motum contumaces reddunt. quod uero in ipsum fertur pituitosum, crudum, & semicoctum efficiunt. sicca uero intemperies sicciores, crassioresq; succos reddit. humida uero tenuiorum partiū & dilutiores efficit. Cum autem calida intemperies est, colliquationes fiunt. ac primum quidem succo-

ORIBASII SYNOPSIS

rum, deinde uero & ipsius iecoris carnis: quæque per aluum excernuntur, foetida admodum sunt. bilis crassa suo colore imbuta deiicitur. cum frigida intemperies est, neque frequens, neque copiosa deiectionis est: affectioque inueterascit, & quibusdam diebus uenter fluet, & cumulatius: eorumque quæ excernuntur species sanguini putri erit similis, ueluti sanguinis crassifex. At in sicciore intemperie sicciora excernuntur: et in humida, humidiora.

De scirrho iecoris.

Cap. XXI.

IECORIS scirrhum incipientem sæpe sanauimus: qui uero in multos dies esset prorogatus, neque nos curauimus, neque alium quenquam, qui curare eum posset, uidimus. omnes enim quicumque hoc tumore infestantur, in aquam inter cutem cadunt: ac longiore temporis spatio moriuntur. In curatione facultas mollientium intendenda est in medicamentis, quæ ad inflammationem ualent. ea enim quæ inflammationi conueniunt, ex coma absinthij & utroque nardo constant, itemque ex croco, ænanthe, & unguento ex spica nardi et mastiche. His igitur ammoniacum, bdellium, medullas & adipem admiscere oportet: & incipientem scirrhum adhibita conuenienti uictus ratione curare. In medicamentis uero quæ bibuntur, eo dirigendum consilium est, ut aperienti, & abstergendi uisceris uim habeant. quæ omnia lapides etiam in renibus confringunt. Sed eis aliquid etiam, quod ciendæ urinæ sit, admiscebimus.

MALVM corporis habitum principium hydro-
picarum affectionum uocare consueuimus. is curan-
dus est uenæ sectione partita ita, ut ad tertium quar-
tumq; usque diem sanguinem detrahamus. Sanguis
uero copia neque tres heminas excedat, nequa dua-
bus minor esto in ijs, quibus suppressæ hæmorrhoides
affectionem pepererunt. qui uero ob aliam causam
malum hunc habitum contraxerunt, ijs uena secan-
da omnino est, cum uires primam sectionem fieri de-
bere ualde adhortentur. cæterum qui hoc morbo te-
nentur, hiera ex colocynthide purgandi sunt. Dieta
uero sit attenuans & exsiccans: & aquas sponte na-
tas, potiusq; aluminosas & nitrosas, ac deinde sul-
phureas oportet sumere, alia uero genera lauationum
raro sunt adhibenda. eos autem mirandum in mo-
dum largior absinthij potus, cottabismi; & dropa-
ces iuuant.

De aqua inter cutem. Cap. XXIII.

AQUA inter cutem fit uel propter nimiam ie-
coris refrigerationem: uel ex frigoris multitudine quæ
in tota mole corporis redundet: uel ex quibusdam
alijs partibus uehementer refrigeratis, quæ iecur æque
ac ipsæ sunt, possunt afficere. nam nisi refrigeratum
iecur sit, effici hydrops non potest. Simul uero iecur
afficitur, cum lienis, & uentriculus, et intestina ac
præsertim ieiunum, itemq; cum pulmo, renes, &

ORIBASII SYNOPSEOS

septum transversum refrigerata fuerint. Oritur etiā ex immoderata hæmorrhoidum euacuatione, & fluxu muliebri, atque etiam menstruis purgationibus suppressis. Atque eius tres species sunt, quarum una ascites nominatur, in qua humor tenuis ea loca implet, quæ infra thoracem sunt: altera tympanias est; quæ eadem loca flatu implet: tertia dicitur hyposarca in qua totum corpus intumescit, & cadaueri fere simile redditur. Hydropicorum uero curatio non est cuiq; facilis, indigetq; artificis præsentia. & tamen quædam ad curationem accommodata indicabo, quæ tu quoque possis efficere. Stercus bouis gregarij siccum diligenter tere, in posca coque, ut farinam hordeaceam, sulphuris quartam partem insperge, & super totius uentris capacitatem impone. Aut caprinum stercus in pueri urina, aut capræ ad luti spissitudinem uentri applicata summe eos purgat. Dabis etiam potui decoctum radicis calaminthæ, aut apiij, aut corticis radicis ari ex uino. aut ficum agrestem uino austero triduum macerato & cyathum unum dato, et paulo post usque ad tres cyathos exhibeto, uel squamæ drach. i. medulla panis excipe. catapotia fac, & da. Epithema uehementer aquam educens. Foenigræci unc. quatuor farinæ hordeaceæ unc. tres. Stercoris columbini unc. quatuor resinæ frictæ lib. unam exungie ueteris lib. duas: quæ liquari possunt, eliquentur, alijsq; prius tritis in aceto, affundantur. utitor.

Delienis

De lienis affectionibus.

Cap. XXIIII.

C V M lien inflammatione laborat, scirrhum statim contrahit sanguine, qui in uenis est, propter crassitudinem obstructo. opus ergo est medicamentis attenuantibus, nec manifesto calfacientibus: ijsq; parum adstringentium admiscere oportet, ut firmata particula propriam actionem seruet. hanc uero suapte natura uim habere uidetur flos salis, qui in uesica appositus lienis scirrhos curat. post huius usum ualentioribus etiam remedijs utendum est. Compescit enim absque molestia lienem cortex radices capparis: sed nihilo minus induratum splenem iuuat extrinsecus impositus, & in potu sumptus: siquidem epotus crassos, glutinososq; humores, & quandoque etiam cruentos eosq; non modo per urinam, sed per aluum etiam uacuat. idem facit minoris centaurij succus foris adhibitus, & epotus, & ciclaminus uiridis & siccus illitus: uiolæ albæ radices cum aceto, acorum, ammoniacum, caprinum stercus illitum, & foris cum ficibus applicitum: lupinorum amarorum decoctum cum ruta & pipere potui datum, eorundem farina illita: aqua in qua ferrum candens sæpe extinctum sit; hanc febricitantibus per se dabis, non febricitantibus uero, cum uino. Illine etiam cinerem cochlearum cum aceto, aut capparim aceto maceratam, tritamq; et cyprino cerato exceptam. aut fecem ex acri aceto impone. cataplasma uero adhibe ex fœnigræci uncijs quatuor, farinae hordeaceæ unc. tribus, cardamo

C C.

ORIBASII SYNOPSEOS

mi unc. i. ficuum pinguium libra una, uerbenacæ uncia una. ficus aceto acerrimo perfunde, & ualide contundens in mortario cætera misce, & in unum redactis utitor.

De renum & uesicæ affectionibus. Cap. XXV.

RENIBVS natura comparatum est, ut serosum excrementum tenuissimo sanguini in uenis commixto in se trahant. ergo ubi meatus per quos huiusmodi excrementum attrahitur, plus, quam par est, fuerint dilatati, uerisimile est cum tenui sanguine crassiorem quoque materiam transmitti, deinde si renes calidiore acrioreque temperatura fuerint, necesse est crassiorem illam materiam excalfactam, et exsiccata in arenæ, lapillorumq; ignitorum formam concrelescere. ergo lapidem frangentibus, & incidentibus citra perspicuam caliditatem medicamenti uti oportet. maior enim caliditas cum magis exsiccet, calculorum aut arenæ concretionem adiuuat. Calculos frangentia. Huiusmodi sunt basilicorum asparagorum radices, rubi; & uitrum combustum, graminis radix, adiantum, bdellium, lauri radices cortex, althææ semen, cicer arietinum, & præsertim nigrum: cerasi, rhu arboris, & pruni gummi, cyperi radix, paliuri fructus, triboli fructus, lapis spongiarum, acetum scillite, maluæ agrestis radix, rutæ syluestris radix. apii radicem in uino coque, humoremq; exprime, eiusq; cyathos binos dato, & aquæ tantundem. ac lapides quidem qui in

renibus sunt, in declinante ætate: qui uero in uesicæ gignuntur, in puerili fieri consueuerunt. Medicamentum quod calculosis inspergitur. Balsami fructus, lapidis spongiarum, pulegiij sicci, maluæ agrestis seminis sicci pares portiones contunde, cribra, datoq; cochlear unum ex uini diluti cyathis duobus. lapides enim confringit.

De renum, et uesicæ inflammationibus.

Cap. XXVI.

RENVM uesicæq; inflammatio præcipuam curationem postulat. nam cum serosum excrementum per eas partes purgetur, ideo fit, ut si id acre, & biliosum in toto corpore sit, nullo eorum, quæ urinae cient, uti debeamus. nocebunt enim: utpote mordaces succos partibus inflammatis inducentes. Si uero nihil tale subsit, neque malitia humorum in toto corpore insit, mulsa dilutior potui dabitur. ea enim inflammationes soluit citra mordicationem humores impactos euacuans. nam & incidit, & attenuat, et rarefacit. Cæterum quod de mulsa exempli gratia dictum est, ad omnia, quæ attenuant, et incidunt citra mordicationem, transferri potest. Et quemadmodum particulis omnibus inflammatis quies conuenit, ita has quoque quiescere est melius. Sed cum quiescere non possint, cum ipsa urinae sint instrumenta, perexiguam admodum potionem dare oportet, ut quo longiore tempore fieri possit, conquiescant. Illud est præterea perpendendum, to-

CC ij

ORIBASII SYNOPSEOS

tum ne corpus acrium excrementorum sit plenum .
nam si ita sit, quo plures ad renes & uesicam hu-
mores ferantur, eo magis conualescent . potusq; co-
piosior est offerendus, acrimoniaq; minus obtunden-
da : & præsertim nobis quæ mordicationes obtun-
dunt, commiscentibus . In tempore uero inflamma-
tionum cataplasmata, & medicamenta, & irriga-
tiones ex oleo, & cætera omnia, quæ inflammationes
soluunt, adhibere oportet . Ad renum & uesicæ
affectionem inflammationis sensum referentē . Semi-
nis lini drach. I . amyli drach. I . dato cochlear ex
aqua modice bibendum .

De abscessu renum, & uesicæ, & meatuum uri-
næ exulceratione . Cap. XXVII .

DOLORES circa ilia, per intervalla horro-
res inæquales, febresq; inordinatæ accidunt ijs, quo-
rum renes abscessus infestat : pus autem concoctum
per urinas excretum, ulcus esse testatur, quod cele-
ri auxilio indiget . nam si non cito ad cicatricem per-
ducatur, difficilem curationem reddit . Vlcera uero
quæ in renibus quæq; in uesica sunt, ex situ, actio-
ne, & proprietate eorum substantiæ, & faculta-
tis discerni debent . Ex situ uero ad hunc modum .
Cum uesica patitur, in pube, imoq; uentre dolor
sentitur . at renibus affectis, lumbos dolor posterius
exercet . ex actione, difficultas urinæ, eiusdemq;
suppressio fit, cum uesica morbo causam affert . Sed
renibus laborantibus urina sine impedimento reddi-

tur . ex corporis proprietate , carnes fibrosæ ex renibus excernuntur , squamæ uero membranosæ ex uesica ulcerata . ex ipsa denique facultate , quia in exulcerationibus uesica uehementi dolore cruciatur , renes uero obscure dolent : & quasi ponderis sensum in lumbis habent . In meatibus quoque urinæ exulceratio quandoque oritur , pusq; & sanguis mingitur . Sunt enim hi inter renes & uesicam collocati . Si uero exulceratum pudendum sit , pus & sanguis citra urinam excernitur . Ad abscessus , qui renes et uesicam obsident . seminis lini , seminis cucumeris , seminis papaueris albi , tragacanthæ singulorum drach. * oëto . amyli drach. quatuor . pastillos confice Gal. Ad ulcera uesicæ cum inflammatione . Nuclei pinei ^{habet} numero uiginti , cucumeris satini seminis grana XL. ^{duas.} amyli , nardi , singulorum drachma , seminis apij drach. V. nardum & apium in aquæ sextario coquantur , deinde ex decoëto duo cyathi præscriptis admiscuntur . Ad sanguinis profluium ex uesica . Aluminis scissilis drachmam , tragacanthæ drach. oëto . gummi obolos V. cum passo dabis .

De renum duritie ex Rufo. Cap. XXVIII.

QUAECVNQVE durities in renibus oriuntur , dolorem nullum afferunt : ægris tamen ceu pondus quoddam ab ilijs uidetur pendere , coxendices stupent , crura imbecilla sunt , urina modica emittitur : totus denique habitus ijs simillimus est , qui aqua inter cutem laborant . Hos ergo mollire ce-

ORIBASII SYNOPSEOS

ratis, malagmatis, frictionibus, & fomentis oportet: eisq; offerenda sunt quæ urinam cient, et item subduci aliis debet.

De renum imbecillitate. Cap. XXIX.

EST autem hic etiam renum morbus, quo efficitur, ut continere urinam non queant, sed latioribus effectis aliquid etiam sanguinis è uena laxati emittitur, & alia itidem crassiora effluunt. His cibi adstringentes, & uinum nigrum conueniunt. ab urinam uero mouentibus abstinendum. exhibenda in potu sunt ea, quæ ad sanguinis reiectionem ualent, præcipue uero sanguinariæ succus, tragacantha in uiuo macerata, simphiti radice decoctum. Extrinsecus autem imponenda sunt quæ ad fluxum, & ad sputum sanguinis accommodata sunt. His confectis reficere ægrum oportet asinino lacte, sita nio pane, & carnibus. Si uero sanguis per circuitum quendam excernatur, priusquam sanguis ipse uacuetur, grauitas in lumbis & humeris sentitur. sanguine euacuato, leuitas sequitur. ergo uena in cubito paulo ante circuitum secanda est: uictusq; ratio instituenda, quæ humorum redundantiam non gignat.

De scabiosa uesica. Cap. XXX.

CUM una cum urina furfuracea subsidentia excernuntur, tum uenas aut uesicam scabie tentat

ri signum est. id uero & tenuitate, & crassitudine
 urinarum internoscetur. nam urinæ tenues, uenas:
 non tenues, uesicam affectam esse ostendent.

De uesicæ inflammatione ex Rufo. Cap. XXXI.

VESICAE inflammatio cum difficillime cu-
 ratur, tum uero maxime mortifera affectio est. nam
 & febrim acutam ægroti habent, & uigiliis tor-
 quentur, & delirant, & biliosa pura euomunt,
 & excernere urinam non possunt. In his, si nihil
 prohibet, uena sine mora secanda est. perfusioni-
 busq; continenter calefacere eos oportet. porro in oleo
 coquatur ruta, anethum, & althææ radix. aluus
 molli clysteri abluatur. Præstabit etiam oleo papauer
 indere: & anseris adipem eliquare, aut gallinæ adi-
 pem infundere. Atque ego quidem semiobolum suc-
 ci papaueris cum myrrhæ, & croci portiuncula dis-
 soluens in oleum quandoque conieci, pessusq; confe-
 ci, ut mulieribus adhiberi solent: & statim dolor se-
 datus est, & somnus homini irrepit. Fomentis etiam
 uti prodest: & in aqua calida insidere: esto autem
 ea aqua seminis lini, & fœni græci decoctum. Ce-
 rata quoque ex hyssopo, & castoreo confecta sunt
 imponenda.

De uase rupto in uesica. Cap. XXXII.

VAS in uesica ruptum acutum morbum parit.
 Sanguis partim foras emittitur, partim intus con-

CC iiij

ORIBASII SYNOPSEOS

densatur . ac ad sanguinis quidem defluuium talia adhibebis , qualia cæteris quoque sanguinis defluxionibus conueniunt . id quod & potui dando , & foris imponendo medicamenta idonea perficies . Sed cum sanguis in uesica concretus est , in primis danda nobis opera est , ut eum medicamentis dissoluamus . artemisia igitur in potu præbenda est , & elichrysium , & cyrenaicus liquor , & silphium , & conyza , & absinthii & radicula semen uino solutum . post hæc uero , nisi grumi dissoluantur , spatium quod inter anum & pudendum interiacet , quod perinæum dicitur , secare oportebit , quemadmodum in uesicæ calculo fieri consuevit . atque ita grumos educere . in cæteris rebus non secus , quam in sanguinis defluuiio , progrediendum est .

De uesicæ tuberculis .

Cap. XXXIII .

CUM in uesica tubercula oriuntur , optimum est curare ut maturescant , ut cum primum incipiunt , dissoluantur : ne in suppurationem conuertantur . Si uero maturari non queant , iis medicamentis , quæ ad renes conscripsimus , addendum erit nasturtium , erui farina cum melle , stercore columbino , & caricis . & fomentis utemur .

De uesicæ ulceribus .

Cap. XXXIII .

ULCERVM uesicæ curatio non differt ab ea , quam ad renum ulcera descripsimus . nam & hic

quoque copiosus lactis potus conuenit. reliqua uero
 dieta frugi & bona esse debet. leniens itidem me-
 dicamentum superne quod pectinem comprehendat,
 adhibebitur: itemq; ceratum, quod ex æsypo loto,
 butyro, styrace, & anserino adipe conficiatur. In
 meatum uero urinæ infundemus aquam & lac, &
 rosaceum calidum: in intestina uero ptissanæ cremo-
 rem, butyrum, cucumeris semen cum lacte tritum,
 singulis rosaceo perfusis, iniiciemus. Cum iniicere
 clysterem uelis, in genua pronus homo reclinetur:
 ita enim uesicæ secedunt, & intestinum laxant, ut
 infusum commodè recipiant. frequenter etiam in
 aqua calida æger desideat, cæteraq; faciat, quæ
 de renum ulceribus præscripta sunt nobis.

De diabete ex Galeno.

Cap. XXXV.

MIHI quidem ad renes etiam pertinere uidetur
 morbus, quem nonnulli hydropem matellæ, nonnul-
 li profluuium urinæ, nonnulli diabetem, nonnulli ue-
 ro ab immensa siti dipsacon nominant: qui rarissime
 contingit. Qui hoc morbo tenentur, siti enecantur, et
 idcirco large bibunt: idq; quod biberunt, tale reddunt,
 quale fuit ab eis epotum. Huius morbi causam renum
 imbecillitati quispiam posset attribuere.

Diabetæ curatio ex Rufo. Cap. XXXVI.

SVM MVM remedium huic morbo est, uomi-
 tum statim prouocare, potum uero frigidiorē exhi-

ORIBASII SYNOPSEOS

bere : & reliqua diæta uti frigidiorē ita, ut coctis ole-
ribus uescatur, potionem ex melle & uino mixtam
bibat, ptissanæq; cremorem sorbeat. urinam prouo-
cantia adhibenda non sunt. præterea per sudores re-
uellere oportet. optime quoque faciet, si in doliō ita
fiat euaporatio ad exudandum, ut caput foras exce-
dat, reliquum uero corpus totum calefiat, & aerem
ipse frigidum trahat. in cæteris, uelut febris ardens,
curandus morbus est. ergo farinæ florem aceto & ro-
saceo subactum cataplasmatismodo præcordijs impo-
ne : uitis etiam folia tenera contrita, & umbilici ue-
neris, & parietariæ, & portulacæ, & aliarum
omnium consimilium : herbæ uero sanguinalis suc-
cum & helenium assidue præbibendum in uino nigro
dabis : & palmularem cremorum, & item bacca-
rum myrti, & pirorum. In principijs uero uenam
etiam in cubito secamus, & quandoque medicamen-
tis torporem inducentibus utimur.

De ulceribus, quæ in sede & pudendis sunt.

Cap. XXXVII.

PVDENDORVM, aniq; ulcera, quæ abs-
que inflammatione oriuntur, ualde exsiccantia medi-
camenta postulant. quale est id, quod ex cartha com-
busta conficitur : anethum uisum aridum, & cucur-
bita cremata. Siccis uero recentibusq; ulceribus etiam
aloe arida in puluerem redacta & applicata prodest.
Sed omnium maxime dolorem lenit, & nihilo tamen
minus efficax est pompholyx. Si humida sint ulcera,

pinicortex per se, & lapis hæmatites conueniet. Si uero etiam alte descendant, prædictis manna miscebitur. Cæterum uteri uesicæq; exulcerationes iisdem remedijs curantur, indigent autem instrumentis, per quæ intromittantur. quocirca ex medicamentis, quæ inspersilia nominantur, aptiora sunt ea quæ sicciora sunt, ut crocus, & pompholyx & aloë rosaceo mista, tum plantaginis, aut alio etiam simili succo excepta.

Ad testium & pudendi affectiones.

cap. XXXVIII.

AD scroti pudendi dolores butyri, resinæ paribus portionibus utitor. uel lini semen cum aqua decoquito, additaq; myrrhæ & resinæ decima parte, illinito. Ad pudendum uero intumescens facit hoc, uitis folia XXX. thuris denarius, cerussæ denarij quinque, tere & illine. Vtere etiam marinæ frigidaë perfusionem, & quiete & colis deligatione. Si uero a sudoribus ulcera in scroto gignantur, gallam tritam, aut alumen insperge. Ad excrescentia uero, quæ thymia dicuntur, elaterium infunde: piri semen contritum impone, aut menularum quinque & uiginti capita contere, & illine, & hircinum fel oblinito. Iam ad rimas quoque pudendorum ualet resina frieta cum rosaceo trita donec ad strigmenti crassitudinem, mixto etiam oui assati uitello redigatur: Hederæ quoque foliorum siccorum combustorum cinis cum rosaceo in pila plumbea tritus imponitur. Ad inflammationes uero pudendorum uuam passam exectis acinis, & cu=

ORIBASII SYNOPSEOS

minum trita imposito. aut hordei farinam aqua mul-
sa incoquito. aut vitis folia tenera trita cum polenta
imposito: aut cuminum tritum cum butyri & resi-
næ pari portione eliquata adhibeto. Testiculos uero ul-
cere aphthis simili correptos terra cimolia ex aqua obli-
nito, finitoq; siccescere, & aqua calida abluito, myr-
to arida trita, & modico smyrnio trito conspergito.
Carnem uero in testibus incrementem cinis sarmento-
rum cum nitro et aqua subactus, atque illitus curat.

De gonorrhœa, et satyriasi. Cap. XXXIX.

GONORRHOEA est seminis excretio inuita,
quæ continuo fit citra colis extensionem: in satyriasi
uero pudendum palpitat, quemadmodum etiam alia
corporis pars palpitatione corripitur, ac nisi pudendi
palpitatio sedetur, uasa seminis in resolutionem, uel
conuulsionem cadunt. Pudendum uero in satyriasi
semper arrectum est, moriunturq; celerrime, qui sic
affecti sunt. cumq; uitam finiunt, aluus inflatur, et
frigidi sudores erumpunt, quales occupare etiam alios
solent, quibus conuulsiones uitam auferunt. Hic mor-
bus raro mulieribus accidit. Ergo ubi pudendum pal-
pitat, uena secanda est, & uictus ratio attenuans
instituenda est, uinumq; circumcidendum, cibum as-
sumere quotidie quidem, ualenter nunquam, sed pau-
latim conuenit. Optima autem sunt beta, et malua,
& modicum mercurialis eis admixta, & ius cochlea-
rum esculentum. non pessime feceris, si clysterem
quoque simplicem inieceris. quæ urinam mouent, ca-

uenda sunt. Lumbis uero refrigerantia, ut solani succus, aut portulacæ, aut alterci, aut cicutæ, adhibeantur. Est etiam necesse colem, & pubem aliquo refrigerante, quod dolorem leniat inungere: ut argenti spuma, cimolia, & cerussa, quæ aceto, aut aqua aut uino dulci, aut sapa diluantur. Supinum uero requiescere noxium est. Conuenit etiam bibere medicamentum ex nymphææ radice atque iride confectum. Rutæ uero succus & ei, qui profluuio seminis uexetur, & ei, cuius penis arrectus sit, proderit.

De pollutione, quæ in somnis fit. Cap. XL.

POLLUTIONES. quæ in somnis contingunt, cohibere oportet uictus diminutione, et qui minus calefaciat, & lassitudinibus cauendis. adiuuat etiam cubile frigidius, et corporis in dextram uel sinistram partem reclinatio, & medicamenta omnia frigida lumbis substrata, qualia sunt corianum, * apium, cicutæ, cerussa, & portulacæ. eaq; omnia ex aceto.

De priapismo.

Cap. XLI.

PRIAPISMVS est auctio pudendi stabilis in longitudinem, et orbem tumefacti, sine ueneriarum rerum appetitu. est autem flatus uentosus, qui membrum tumefacit, ex humoribus glutinosis & crassis a magna caliditate generatus. Perspicuum autem est, non oportere membra calefacere, sed leniter refrigerare.

ORIBASII SYNOPSEOS

re cerato rosaceo cum aqua conquassato, & ex chamæmelino pudendo & lumbis imposito. victus medicamentaq; adhibenda sunt, quæ attenuandi vi citra manifestam calefactionem sint prædita. Utendum etiam est ijs, quæ suapte natura efficacia sunt, & per experientiam inuenta: nymphæaq; in potu danda, & viticis semen. & ruta viridis obsonijs miscenda; sed hæc in principio danda non est: abunde enim calfacit: sed post aliorum extenuantium usum adhiberi debet. Qui euacuatione uti uelit, id uomitibus faciet. quæ enim per inferiores partes euacuationes fiunt, sæpenumero uicinas partes fluxione tentant.

De hæmorrhoidibus. Cap. XLII.

QVIBVS uenæ, quæ in ano sunt, nimio plus sanguinem profuderunt, ijs habitum in aquam inter cutem transire contingit: habitusq; fieri deteriores, et eiusmodi, ut non nutriantur. Qui enim ita sunt affecti, curari difficulter possunt. periculum enim est, ne cohibito quandoque sanguine, cum largum eius profluuium sit, propter defectionem, & imbecillitatem aliquid patiantur. quocirca cum multæ hæmorrhoides sint, una relinquenda est, per quam fiat ex purgatio. Sed nonnullæ sunt interius, quæ non apparent, eaq; difficilius curantur: nonnullæ uero cæcæ, quæ cruenti quidem nihil excernunt: sed tamen plus doloris, quam illæ, afferunt. harum uero ora ciclamini succus illitus aperit.

De uteri affectionibus. Cap. XLIII.

SUFFOCATIONIBVS quæ ex utero fiunt, conuenit agarici drachma ex uino. plantaginis fructus, & succus cum uino, ungula, qualis cochleæ est, epota, acetum scillite absorbtum. olfacta uero suffocatas excitant bitumen, castoreum, galbanum, pix liquida, cedria, accensum & extinctum ex lucerna linamentum naribus admotum, capilli combusti, ruta, silphium, cepæ. suffitus præterea fiunt ex gagate lapide, ungue purpurarum, bitumine, castoreo, galbano, silphio, cornu ceruino. ano uero ruta cum melle lana excepta imponitur.

De nimia purgatione. Cap. XLIIII.

IN primis extremæ partes uinciendæ sunt. posca potui danda. & ex posca perfusiones fiant. mica panis in posca sumatur, aut alica lota, aut oryza, aut ouum tenerum frigidum. loco autem imponendum est medicamentum ad sanguinis profluium accommodatum. potui uero dandum balaustium cum posca, aut hypocystidos, aut acaciæ succus, aut terræ samia aster. omnibus præstat sesamum in posca madefactum, donec tenerum reddatur, deinde edatur. rheum quoque cum posca ad id ualet. sed & per sinum muliebrem inditum sanguinis fluxionem compescit. quod facit etiam hypocystidis, itemq; acaciæ succus cum aceto es manna contritus. Mirifice quoque auxiliatur spon-

gia noua in liquida pice intincta, deinde combusta, tum trita, et admota. Suber quoque uetustissimo fitili comburitur, donec candescat, deinde teritur, et tum loco inspergitur, tum uero in pesso inijcitur. utilia quoque sunt ad sanguinem cohibendum ea, quæ extrinsecus admoventur: ac præsertim quod ex tauro colla conficitur. taurocolla enim pulchra, et dilucida in posca madescit quoad dissoluatur, deinde in lin teolum ualidum illinitur, tum pubi lumbisq; agglutinatur. Emplastra quoque agglutinantia ad hoc ualent.

Mulierum non concipientium curatio.

Cap. XLV.

MVLIERIBVS non concipientibus instituen da uictus ratio est, ut neque ociose, neque laboriose uitam degant. lauacra adhibenda sunt neque assidua, neque copiosa. cibi, potusq; sufficient, qui facilius concoquantur. Hoc uero quod præcipuum est minime despici debet, ut neque uiri, neque foeminæ corpus obesum reddatur. Vir enim pinguis ad liberorum procreationem aptus non est, quia pudendum pudendo apte conferre non potest. Et pingues parum seminis emittunt. Sed neque admodum attenuandæ sunt, quas concipere uelimus. est enim perspicuum si aqua, aut aliud quippiam excernatur, eas non esse liberis creandis idoneas. aquæ uitandæ sunt quæ per aquæ ductus importantur, et cæteræ quæ duræ, salsæ, et nitrosæ sunt: quæque aluum subducunt. nam quæ plus subducunt, propter imbecillitatem conceptionem impediunt.

impediunt . porro calefacientia omnia iuuant , quæq;
 leniter flatu pariunt . ergo uini potum aquæ potui
 præponimus . ex oleribus , orminum , erisimum , eru
 cam , & siquid aliud eiusmodi est , misceri adhorta=
 mur . ruta uero & menta maxime omnium uitandæ
 sunt . Cum autem purgatio propinqua est , ei , quæ
 usa sit cibus sanguinem gignentibus , & uberius sit
 educata , alimentum subtrahendum erit , & aliquid
 addendum quod minus sanguinis creet : et item quip=
 piam sumendum , quod purgationem iritet : qualia
 sunt odorata , acridq; olera . hæc enim uulnam exci=
 tant , præsertim uero scandix , crethmon , fœniculum ,
 apium , smyrniumq; . Si uero propter succorum mali
 tiam mulier non concipiat , ea erit euacuanda , aut
 bona uictus ratione corrigenda . Sin ob uteri frigidita
 tem conceptus non fiat , laboribus , omnibusq; fomen
 tis adhibitis calor erit reuocandus . nec ab re fuerit ca=
 storeum potui dare . itemq; semina odorata offerre , ut
 cuminum , anisum , pulegi comam , iuniperi fructû ,
 pipere singulis adiecto . Sed præstabit hoc uti medica=
 mento : epithymam , euphorbium piper , dauci semen ,
 petroselini semen , contere ad drachmas octo . potui
 hoc dato . uentrem probe subducit , uterumq; calefa=
 cit ita , ut multis iam menstruæ purgationes fluxe=
 rint , quæ ante non purgabantur . Si non satis sit per
 inferiora purgatio , uomitus ciendus erit . id enim
 quod pituitam quæ inferiores partes obsidet , euacuat ,
 omnino prodest . id faciunt uteri fomenta : hæc ua=
 poribus perficiuntur : uapores autem ex aqua calida
 adhibentur . ergo mulier in sella collocata uapores

ORIBASII SYNOPSEOS

recte assumet. abluenda autem aqua est, in qua
 eleliphacus, artemisia, ruta, cyperus, pulegium,
 & acorum, seminaq; odorata sint incocta. Hæc etiam
 singulatim pubi applicantur. Polyarchi quoque epi-
 thema proficit. quin & frictiones pubis & lumbo-
 rum nihilo minus conducunt. uulvæ quoque appo-
 nenda sunt calefacientia. Sunt autem quæ appo-
 nenda sunt, ex myrrha, ruta, galbano, & casto-
 reo confecta. uulva tamen prius aqua mulsa, aut
 marina fouenda est. quandoque etiam ex aceto dilu-
 to medicamenta imponenda sunt. tenui autem lin-
 teo, aut molli lana sunt illinenda, ut ne adhibita
 corpus erodant, aut exulcerent. Arguit autem fri-
 gidiorem uulvam mensium suppressio, uictus non
 probe institutus, & crassi succi, & stupor in pube,
 lumbis, & cruribus. quæ uero penitus refrigeratæ
 sunt, eæ ne uenerem quidem cupiunt. ergo in fri-
 gidis sic progredi oportet. Calidiores uero uulvas co-
 gnoscetis tum ex toto reliquo corpore calidiores, tum
 uero ex menstruis purgationibus perexiguas, et la-
 boriosas, & pudenda muliebria exulcerantibus. &
 ex multa caliditate siccitas consequitur. ergo humi-
 diora alimenta his adhibenda sunt, atque ex oleri-
 bus maxime conueniunt lactuca, malua, blitum,
 aut cucurbita, cucumis, pepon, atriplex, portula-
 ca, & omnia ea, quæ frigidiora sunt. Vesicæ uero,
 & lumbis & pubi refrigerantia imponenda sunt.
 & succi etiam sunt illinendi. Cum uero menstruas
 purgationes recte procedere appareat, tunc desinente
 purgatione opportunum corporis commiscendi tem-

pus est. Cum uero succi humidiores conceptum impediunt, uictus siccior conuenit, labores partium superiorum augere, frictionesq; adhibere, & uomitus copiosius ciere, exsiccareq; alimenti mediocritate oportet. & uictus omnis siccior instituendus est. Sed proderit etiam uuluam medicamentis adstringentibus confirmare: qualia sunt lentisci, myrti, rosarum, rhu, & punici, rubiq; florum tenerorum, & gal-larum decocta. Si uero à crassioribus succis concipere prohibeantur, humor erit considerandus. Si erodens sit, mulieres purgare medicamento cuique humori accommodato oportebit: deinde sero lactis aluum ducere, tum uictum meliorem instituere: pituitosos autem, aquososq; humores laboribus, sudoribus, & uomitionibus absumere. Sufficiet autem castoreum bibere, & fomentis foueri. Quoniam uero flatu quoque, ne mulier concipiat, impedimento sunt, primum cibi parcitas imperanda est: deinde cuminum & anisum, & apii semen, rutaq; & anethum, & permulta aromata offerenda sunt: quæ tum potui danda, tum uero præparanda, & imponenda. Quæ uero propter uteri os clausum non concipiunt, earum uterus odoratorum ablutionibus, fomentis, & applicitis medicamentis aperiendus est. prius tamen molliores ablutiones adhibendæ sunt, in quibus malua, & lini semen & fœnum græcum sit incoctum, & oleum probum sit infusum. quandoque etiam mel iniicitur. Post molliora uero ad ualidiora progrediendum est, ut ad artemisiam, ad conyzam, ad calamintham, ad pulegium, &

ORIBASII SYNOPSEOS

ad anthemida . Applicabuntur uero resina terebinthina , nitrum , ficus pingues , casia , & serum picis . Quibus uero uteri os nimium fatiscit , uictus sicior , fomenta , medicamentaq; sicciora conueniunt , ut horum ope uteri os connineat . talia sunt capitula punici mali , lentiscus , rubi radix , & myrtus . Postremo autem uteri auersiones fomentis dirigemus . id enim fomenta præcipue possunt . quod fiet etiam ijs , quæ molliunt , inditis . Cæterum præpostera uenus maxime facere ad conceptionem uidetur .

Non spirantium curatio . Cap. XLVI .

QUAECUNQUE propter repletionem , & suppressionem sanguinis spiritu priuantur , eis uenam statim incidere conuenit . siquidem ita celeriter respirant : suntq; parcior uictu alendæ . Si uero in hoc malum propter perfriktionem & imbecillitatem caloris , qui in corde est , cadant , euacuationes uitare oportet , ne euacuando magis etiam perfrigerentur . præstat igitur quacunque fieri ratione possit , calorem deinceps excitare , ut ipsæ refrigerij cupiditate externum aerem trahant . ad quod cum peruenerint , curatæ sunt , neque ulla præterea curatione indigent .

De suffocatione ex utero ex Philumeno . Ca. XLVII .

IN prima accessione , uel si iam uteri suffocatione correpta mulier sit , summa deligare , & post uincula fricare ualenter poplites , suras , cruraq; omnia conuenit : quæq; foedioris odoris sunt , naribus admoovere : & cucurbitulas inguinibus & imo uen-

tri agglutinare: clysteremq; iniicere. In longis uero accessionibus etiam quæ flatus educunt, in anum, & sinum muliebrem indenda sunt, quale est hoc, quod constat ex ruta trita cum melle, addito modico cumini & nitri: quo partes utrobique copiose inunguntur. Cæterum unguenta odorata in uulvam indita, ipsam ad se trahere consueuerunt. ad hæc uero quispiam uoce asperiuscula easdem inclamet: deinde admoueat quæ sternutamentum excitant. Cum mulier ab accessione euaserit, ei uena secanda est, si nihil uetet. & melius est, ut à poplite sanguis detrahatur. interposito uero septem dierum spatio, hiera ex colocynthide dabitur. mox castorei potione utemur. hoc enim sæpe mulierem agram morbo liberauit: diluendum autem est mulsa, & artemisiæ decocto. pessuli quoque mollientes, & infessus eidem affectioni apte adhibebuntur.

De fluore muliebri. Cap. XLVIII.

FLVOR, qui muliebris dicitur, est cum totum corpus per uterum expurgatur & euacuatur citra uulvæ ipsius affectum. Id uero quod euacuatur, eiusmodi est, cuiusmodi est id, quod superat in corpore. nam quod rubrum est, sanies sanguinis est, quodque album est, à pituita provenit: pallidum uero à bili proficiscitur: quandoque uero aquæ speciem præ se fert. Si uero sanguis purus fluat, ut in uenæ sectione fit, diligenter animaduertendum est, ne qua erosio in uulua sit facta. Ergo cum affectus sit humidus, oportet auxilia siccantia citra manife-

ORIBASII SYNOPSEOS

sum calorem adhibere : frictionibus totius corporis ,
 & unctione ex melle abunde cocto uti . dareq; me-
 dicamenta , quæ urinam moueant , qualis est aqua ,
 in qua asarum & apium sint incocta . præterea to-
 tum corpus per uentrem euacuare expedit .

Simplicia muliebrem fluorem curantia . Ca. XLIX.

PORTULACA in pastu , & eius succus in
 potu acceptus : balauſtij , rubiq; fructus , & flos :
 roboris pars quæ sub cortice habetur , trunci mem-
 branosa pars : quod glandis putamini subest : cau-
 da equina maxime rubrum fluorem ex uino aut a-
 qua pota curat . itemq; hypocystis , lentisci fructus ,
 frictus , & ex uino epotus . rubrum quoque fluo-
 rem samius aster , & lemnia sphragis compescit .

De uteri inflammatione .

Cap. L.

IN primis irrigatione ex uino & rosaceo , dein-
 de ex oleo puro utendum est . hapsus uero lanæ suc-
 cidæ pubi & lumbis absque deligatione adhibeatur .
 post triduum , uena secanda est : sanguisq; à cubito
 detrahi debet . cibus erit alica ex mulsa , & panis
 lotus . aut oua sorbilia . Facta inclinatione , cataplas-
 matis utendum est . componetur autem cataplasma
 dolorem leniens , & somnum concilians , si quis ca-
 pita papauerum in mulsa coquat , eaq; capita abij-
 ciat , & oleum immisceat : & quæ ad cataplasma
 adhibenda sunt , adiiciat . si uero inflammatio ca-
 lidis iritabitur , cum affectum erysipelatis naturam
 referentem habeat , ab ijs cataplasmatibus abstinere con-

uenit, uti autem eo, quod ex ouorum luteis una contritis & addito rosaceo, aut melino constat. Cum uero declinatio appareat, refrigerantia cataplasmata omittenda sunt, et ad cerata transeundum. denique per totū curationis tempus in seffibus uti expedit.

De uulvæ abscessibus. Cap. LI.

CUM inflammatio in suppurationem conuersa est, suppuratio cataplasmate ex fœno græco, & lini semine, & præcipue etiam ex hordeacea farina cui ficus adiiciatur, adiuuanda est. interdum uero stercus quoque columbinum adhibetur. In seffus frequentiores utiles sunt. Pessuli imponantur, in quibus calefaciendi, & iritandi uis insit. Sciendum uero est, abscessum rumpi quandoque per uulvæ ipsius os, quandoque per uesticam. ac sæpe etiam in rectum intestinum rumpetur.

De uteri ulceribus. Cap. LII.

APTE quis curabit uulvæ ulcera tum in seffibus, tum irrigationibus, tum uero etiam cataplasmatibus. Sed accommodatius hoc medicamentum est. Crocus optimus cum muliebri lacte læuigatur. deinde cera tyrrhenica soluta cum rosaceo, & adipe anserino excipitur. tum linteolo inungitur. Sed quod sequitur, & melius est, & ad dolorem sedandum multo aptius. Capita papaueris in passo diluto biduum, aut triduum madescunt: deinde coquuntur, donec abunde mollescant: mox capere oportet florum rosarum, aut foliorum contusorum & cribra-

DD iij

ORIBASII SYNOPSIS

torum drachmas quinque, & croci drach. tres. & simul omnia conterere: tum decoctum papauerum his admiscere, ceræ tyrrhenicæ drach. octo. eliquatas, rosaceique parem portionem affundere ijs, quæ in pila fuerint, ac simul mollire. postremo uero medicamentum in uase stanneo seruare, & in ipso usu rosaceo deliquare, & in pessa imponere.

De cancro uulvæ.

Cap. LIII.

HIC morbus curationem non recipit, lenire tamen, & dolores temperare conuenit in seffibus ex foenigræci, maluæq; decocto. Egregie autem leniunt, in ipsis accessionibus adhibita maluæ, aut althææ folia in malsa cocta, donec flaccescant, paucisq; micis, & rosaceo & caricis, melilotoq; & ruta adiectis. hæc enim quandoque indurata dissoluunt. his peractis cerata lenientia applicanda sunt. lac uero muliebri emulsum leuat; succusq; plantaginis calidus: itemq; pessi ex croco, * hyssopo, & lacte muliebri confecti ægrotas etiam leuant.

Aliter
æsypho.

Ad uulvæ fissã.

Cap. LIII.

AD uulvæ fissã iridem cum melle, et terebinthi nam simul emollias, & imponas. in seffus quoque ex ptissana in crassum succum dissoluta, aut ex ficuum decocto conueniunt. callis enim sublati, id quod è cadmia conficitur rosaceo deliquatum conueniet.

De phymo uteri.

Cap. LV.

ORITVR phymus in ore uulvæ uel propter

exulcerationem præcedentem, uel propter inflammacionem, quæ scirrhum contraxit. Curandus uero est in fessibus emollientibus ex hydrelæo, & fœnigræci decocto, & cataplasmatum, & pessuum emollientium impositione. Si inueterarit, utendum erit uaporibus, & suffitibus ex aromatibus. Phymum denique soluit pessus ex * hyssopo, resina, & terebinthina confectus.

De uulvæ inflatione.

Cap. LVI.

INFLATUR uulua tum spiritu in concauo eius spatio concepto, quo casu pubes etiam intumescit; tum uero etiam cum totus imus uenter non minor est, quam in hydrope tympanite conspicitur. Statim autem affectæ mulieri in initio auxiliari oportet. nam si inueterarit, curari nullo pacto potest. Ergo in principio, si nihil impediat, uenæ sectio facienda est, aut tentanda per hieram ex colocynthide purgatio. mox cataplasmata ex caricis, hyssopo, nitro, ruta, adhibenda: tum cucurbitulæ cum scarificatione affigendæ. & malagma Polyarchi imponendum, & utendum in fessibus ex rutæ, pulegij, artemisiæ, cassiæ, & caricarum decocto. pessus quoque ex terebinthina, galbano, myrrha, iride, & hyssopo confecti conuenient.

De utero procidente.

Cap. LVII.

UTERVM procidentem continere suo loco oportet prius iniecto clysteri ad feces deiiciendas. eodemq; modo, si in uesica excrementa sint, per cathe-

ORIBASII SYNOPSEOS

terem fistulam erunt educenda . deinde ægra in sella supina collocanda est , coxis accliuibus , poplitibusq; reflexis , & cruribus diuarcatis : deinde hapsus lænæ mollis capiendus est , qui figura & crassitudine sinui muliebri pro portione respondeat , tenuiq; linæ teolo circundandus est , & in succum hypocystidos , aut acaciæ uino dilutæ immergendus , & uulvæ imponendus , & citra laborem id totum , quod procidit , sursum agendum , quoad totus tumor in sinu factus subsederit . Pubes uero sponsia ex posca expressa extrinsecus operienda est . porro mulier ita iacebit , ut cruribus extensis sit , alterumq; alteri incumbat . his confectis , cucurbitulas cum flamma capiosiore supra ad umbilicum & utraque ilia affigere oportet . tertio die lana sinui iniecta insideat mulier in uino nigro austero modice tepido : aut in rubi , aut myrti , aut malicorij decocto . cum hæc peracta fuerint , lænæ iniecta tollitur , alteraq; eodem medicamento imbuta imponitur . Cataplasmata uero foris imponuntur super imum uentrem , quæ ex palmulis , & polenta , uel lenticula , uel malicorio conficiuntur , tribus deinde diebus interpositis eadem fiant . donec ex eo quod particulæ constrictæ manent , firmum argumentum uitij sublatis capiamus .

De articulorum doloribus , podagricis , ischiadicisq; sanandis . Cap. LVIII.

HORVM curandorum intentio communis est cum ea , quæ inflammatis particulis adhibetur . discutiendum enim est id , quod in loca confluxit . quod

si tenue sit, breuiore temporis spatio fiet. sin crassum
 & tenax, longiore, & multo etiam longiore si glu-
 tinosus, crassusq; sanguis sit. & licet longius profera-
 tur, tamen quadragesimū diem non excedet inflam-
 mationis curatio, si medicus omnia recte faciat, &
 æger dicto audiens sit. Quandoque autem humor,
 qui irruit, sanguineus est. quem plerunque in dolo-
 ribus articulorum esse dixeris. estq; hic crassus ad
 similitudinem quodammodo crassitudinis uitri fusi,
 ubi uero in ipsis articulis diutius immoratus sit, non
 solum crassior, sed glutinosior etiam redditur. atque
 ex his tofi oriuntur. & post quam effecti fuerint,
 articulum ad pristinum statum redire plane posse ne
 speraueris. Principium uero curationis sumendum est
 a uacuatione humoris affligentis. si corpus humori-
 bus ex æquo redundarit, facta primum omnium ue-
 næ sectione, purgatio deinde adhibeatur. cui succe-
 dat usus medicamentorum localium loco & tempore
 adhibendorum ita, ut manibus, & pedibus ea im-
 ponantur, quæ repellere defluxum possint: in coxen-
 dicum uero morbis, hæc uitemus. cum enim ea in
 profundo sita sit, sanguis a uicinis uasculis & mu-
 sculis ad ipsam attrahitur. ergo in coxendicum dolo-
 re mitigantibus medicamentis in principio opus est,
 quæ neque multum refrigerent, neque ualenter ca-
 lesfaciant: qualia postea adhiberi oportet. Cæterum
 eos, qui abdomini inseruiunt, quique mala uictus
 ratione utuntur, ne curandos quidem suscipere de-
 bemus. Qui uero nobis curantibus parent, maximo-
 pere iuuabis, si ineunte uere primum euacuabis, de-

ORIBASII SYNOPSIS

inde ad exercitationes, & salubrem dietam perduces. Cum autem coxendicum dolor a sanguinis multitudine non raro fiat, eum celerrime curabimus uenis poplitis, aut malleolorum incis. Si quis uero ante totius corporis uacuationem acris medicamenta super particulas affectas imponat, is affectum ita reddit, ut sanari nullo pacto possit, copia nimirum ibidem condensata, atque impacta. Iam uero uomitibus quoque coxendicum doloribus magis, quam infernae euacuationes auxiliantur. In quibus uero humorum densatio uehemens, & que dissolui ægre possit, ab acris medicamentis facta sit, ijs affixa cucurbita summum affert auxilium. itemque clyster ex purgantibus confectus, qualis est is, qui ex colocynthide paratur. Ad articulos podagra laborantes, et affectiones ex defluxionibus obortas, & item scirrhus. Aristolochia ex aqua epota, inuat. Farina fabarum cocta suillo adipe adiecto ad hæc ualde facit. ut uero Adamantinus censuit, brassicarum siccarum radicum & caulium combustorum cinis cum suillo adipe optime facit: si dolor adsit, nouo & insulso: si digerendum sit, uetusto & salso. Vulpes totæ incoctæ in oleo articulorum morbos sanant. has nonnulli uiuas in magnum uas nonnulli uero mortuas coniiciunt. Similiter quoque modo hyenas coquunt, & oleum digerens conficiunt; deinde peluim eo implēt, et totos in eo arthriticos immersos uoluerunt, atque ut ibidem diutius immorarentur, imperauerunt. ex hoc enim effectum est, ut non solum tumores, qui in articulis essent, sed ut totum etiam corpus euacuaretur.

cæterum de tophis licet septimo libro dictum sit, tamē nonnulla etiam dicentur.

Curatio tophorum, qui in morbo articu-
lorum sunt. Cap. LIX.

ALBARVM uiolarum radices cum aceto scir-
rhosas inflammationes in articulis curant. Caseo quo-
que acerrimo in tophis articularum usus sum. est au-
tem dissoluendus carnis suillæ sale conditæ decocto, et
diligenter in mortario terendus. atque ita tophis im-
positus magnopere prodest. nam cum sponte sua cu-
tis rumpatur, quotidie & sectionem ipsam, & to-
phos absque molestia humore qui excernitur, replet.
Platani folia uiridia trita inflammationes, quæ in
genibus sunt, iuuant. Præterea genu, quod ex frigo-
re dolorem contraxit, euphorbium tritum oleo eliqua-
to mixtum et cera adiecta sæpe adhibui. id quod etiam
in aliis particulis feci, et statim dolorem se dauit.

Ad scirrhus Philagrii medicamentum in quinto
podagricorum. Cap. LX.

PAVCEDANI radice, alij lapidis floris, si
huius copia non sit, salis ammoniaci, propolidis pin-
guis singulorum unc. duas, ammoniaci thymiamatis
unc. I. lanæ succidæ combustæ unc. I. aristolochiæ
rotundæ, pumicis, canini stercoris, æruginis rasæ,
squamæ æris, misyos singulorum denar. XVIII.
castorei scrup. duodecim, myrrhæ unc. tres, uisci
quercini unc. tres, ceræ unc. XI. et semissem, pithy-
næ unc. duodecim, et semissem, picis brutiæ unc. XVIII.

ORIBASII SYNOPSEOS

scrup. duodecim , olei ueteris , & aceti acerrimi ,
utriusque quantum satis sit .

Quomodo se quispiam à podagra tueatur. Ca. LXI.

SAL cum oleo tritus in frictione adhibitus om= nes , qui se a podagra uendicare uoluerunt , nisi ad= modum sicca intemperie præditi essent , mirum in mo dum iuuat . Hoc autem remedio per totum uitæ spa tium mane & uesperis , & ubi inflammationes de= clinauerint , utendum est . Aliud ad podagri= cos . Quæ tertio libro Cap . L . descripta sunt , cape , oleo uetustissimo coque ad emplastri crassitudi= nem , & nitrum tritisimum insperge , tum excipe , & linteum illinendo utere .

Ad ischiadicos . Cap. LXII.

FARINAM lupinorum amarorum cum ace= to , aut oxymelite , aut posca ischiadicis applicant . aut calamintham coquunt , & cataplasma confi= ciunt , ischiadicisq; ut efficax remedium admouent . Capparis radice cortex coxendicum dolores tum epo= tus , tum extrinsecus cataplasmatibus accommodatis mi xtus iuuat . Costo præterea et oleo resolutos et ischiadi cos utiliter perfricamus . garum et muria ex piscibus sale conditis ischiadicis infunditur , eosdem etiam thla spis semen sanguineum humorem uacuans per anum impositam , iuuat , cum centaurij uero minoris deco= cto nonnulli infundunt , ac biliosum humorem ua= cuat , sed si sanguineum educat , magis proficiet . Sunt etiam quedam in potione experta , ut omnino à

morbo liberare existimentur. Sed simplicissimum est id, quod diateffaron nominatur. Chamædrios lib. I. gentianæ unc. IX. aristolochiæ rotundæ unc. IX. seminis rutæ sicci sestarius. contundenda sunt, & per cribrū traijcienda. dandumq; ex eis quotidie cochlear unum magnum ieiunis, et peracta concoctione ex aquæ frigidæ cyathis duobus per annum tempus. Quod uero ex septem rebus conficitur, est huiusmodi, hyperici unc. I. centarii unc. III. chamæpityos unc. III. gentianæ unc. V. aristolochiæ rotundæ unc. I. agarici unc. III. petroselini unc. I. mellis attici lib. V. Datur autem drachma ex aquæ cyathis tribus. Atque ita deinceps eo est utendum.

Finis Noni & ultimi Libri.

INTERIM dum editionem Oribasij librorum, qui ex epitome collectorum ad Iulianum supersunt, paramus: hoc opusculum in lucem protulimus. quamuis enim uideremus multa menda subesse, quæ neque auxilio eorum codicum, quos habuimus, neque Galeno, quem Oribasius auctorem habet, neque Paulo et Aetio, qui studiosè Oribasium sunt sequuti, adiuantibus restitui potuerunt: tamen maluimus hoc, qualecunque est, in manus hominum peruenire, ut fructum, quem poterunt, ex eo ferant, quam ut retandiu desiderata ob hanc causam diutius priuarentur. Nos uero, si melior unquam codex in manus nostras incidet, curabimus diligenter, ut quod nobis concessum nunc non fuit, tunc plane conficiamus. Hæc te scire interpretes uolebat.

REGISTRVM,
ABCDEFGHIKLMNOPQRSTVXYZ
AA BB CC DD.

Omnes sunt quaterniones.

VENETIIS, APVD PAVLVM
MANVTIVM, ALDI FILIVM,
M. D. LIIII.

Elebintum huius many species est, in summo
autem ipso ulcere pustula nigra incedit
p. 102
... capis bubuli, aut capri p. 101 costae. p. 101.

